

RR LL ^m Permutare samal dudu Montij Regij prope Kassarim.

IN PRIMA SECUNDÆ PARTIS
THEOLOGIÆ
SPIRITUALIS,

SEU

SCIENTIÆ SALUTIS,

Benè Beatèque vivendi in Tempore,
ac Æternitate.

CONTINUATUR

TRACTATUS SECUNDUS.

DE

**MEDIIS AD FINEM SUPER-
NATURALEM:**

SIVE

**DE ACTIBVS SALVTARIBVS, ET EORVM
OPPOSITIS, IN SPECIE.**

HOC LIBRO

**DE VIRTUTIBVS FUNDAMENTALIBVS,
UNIVERSALIBVS, CARDINALIBVS:**

ET DE GRATIIS GRATIS DATIS,

SALUTARITER UTENDIS AGITUR.

AUTHORE

R. P. FELICE SIMPLICI ŁACKI,

S. Theologiæ Professore, & Priore Monasterii B. MARIE V. de Oliva,

S. O. Cisterciensis.

IN PRIMA SECUNDA PARTIS
THEOLOGICAE
SPIRITUALIS.

SCIENTIAE SALUTIS.

C. VII. 24(c)

MEDICAE ET THEOLOGICAE
NATURAE ET M.

ONTOLOGIAE ET THEOLOGICAE
ONTOLOGIAE ET THEOLOGICAE

ONTOLOGIAE ET THEOLOGICAE
ONTOLOGIAE ET THEOLOGICAE

ONTOLOGIAE ET THEOLOGICAE
ONTOLOGIAE ET THEOLOGICAE

ONTOLOGIAE ET THEOLOGICAE
ONTOLOGIAE ET THEOLOGICAE

ONTOLOGIAE ET THEOLOGICAE
ONTOLOGIAE ET THEOLOGICAE

T
E M
M,
TA
B
on
in
essu ac
run il
mita
aliqu
coru
statu
Prim
ulim
rate it
Summ
impos
M, qui
charit
ficiun
EUM
prem
ipse
arv
tre p
at &
onise
nacre

TRACTATUS SE-
CUNDUS.DE MEDIIS AD FINEM SUPERNATURA-
LEM, SIVE DE ACTIBUS SALUTARIBUS
STATUS VITÆ CHRISTIANÆ: ET EO-
RUM OPPOSITIS, IN SPECIE.

Absolutò Tractatu præcedenti de actibus salutaribus, & e-
orum oppositis in genere, nunc de iisdem restat agendum
in specie. Et sicut in priori tractatu cap. 1. sect. 4. sub
accessu ad praxim virtutis dedimus rationem connexionis Mate-
riarum ibidem propositarum, nè quadrata rotundis viderentur
permixta; pariterque easdem Materias ita coordinavimus, ut pro-
cujusque hominis statu applicatæ ad particularia virtutum exerci-
tia, eorum jucundam redderent harmoniam: ita & in præsentì
tractatu idem facere necessarium esse duximus. Agimus igitur
hic *Primo* de Theologicis virtutibus, quibus homo disponitur cir-
ca ultimum Finem suum (ut ex *Angelico Doctore* supra sub *Bona Vo-* *S. Thom. 22. q.*
luntate insinuavimus) Et quidem intellectus per *Fidem* circa DEUM *4. art. 7.*
ut Summum Verum disponitur, juxta quod Apostolus dicit: *Sine*
fide impossibile est placere DEO. Credere enim oportet accedentem ad DE- *Heb. 6. 2.*
UM, quia est: & inquirentibus se remunerator sit. Deinde per *Spem*,
& *charitatem*, voluntas circa DEUM ut Summum Bonum recte
efficitur, spe amando, ut Bonum ipsi homini, charitate amando
DEUM ut Bonum in se. Verùm antequam quis accedat per A-
morem ad Bonum, prius recedere debet à malo per *Timorem*. Qui
& ipse est actus *Spei*: Hinc dicitur: *Timor Domini fons vitæ, ut decli-* *Prov. 14.*
net à ruina mortis. Porrò Timore incitatus, quibus mediis rece-
dere possit à malo: vel Spe, aut Charitate animatus, quomodo fa-
ciat & assequatur Bonum, *Prudentia* ostendit.

Et quidem *Incipientibus* inter cætera præclarum Conversi-
onis exemplar & forma proponitur Conversio S. Pauli, qui in sua
incredulitate persequens Ecclesiam Christi, dum ab eo in via Da-

Actor 9. masculum pergens, ad veritatis notitiam illuminatur, Respondit:
 S. Bernard. Domine quid me vis facere? Supra quod Mellissus Doctor inquit: Hæc
 serm. 1. de con- planè Fratres, perfectæ conversionis est forma. Paratum, inquit,
 vers. S. Pauli. cor meum DEUS, paratum cor meum. Paratus sum & non sum turba-
 Psal. 56. Psal. tus, ut custodiam mandata tua. Domine quid me vis facere? O ver-
 118. bum breve, sed plenum, sed vivum, sed efficax, sed dignum,
 omni acceptione! Quàm pauci inveniuntur in hac perfectæ o-
 bedientiæ forma, qui suam ita abjecerint voluntatem, ut ne i-
 psium quidem cor proprium habeant, ut non quid ipsi, sed quid
 Dominus velit, omni horâ requirant dicentes sine intermissio-
 ne: Domine quid me vis facere? Et paulò infra: Et Dominus ad il-
 lum: Surge & ingredere civitatem, ibi dicetur tibi, quid te oporteat fa-
 cere. O Sapientia suaviter verè universa disponens! Eum, cui tu
 loqueris erudiendum de voluntate tua mittis ad hominem, ut
 socialis vitæ commendetur utilitas, & edoctus per hominem,
 discat & ipse secundum datam sibi gratiam hominibus subve-
 nire. Et paulò post: Sanè quòd triduo Paulus sine cibo manet per-
 sistens in oratione, ad eos maximè pertinet qui noviter seculo
 abrenunciantes, necdum in cælesti consolatione respirant. Su-
 stineant ergo & ipsi Dominum in omni patientia, orent sine
 intermissione, quærentes, petentes, pulsantes: quia exaudiet
 eos Pater cælestis in tempore opportuno. Non obliviscetur e-
 orum in finem, veniet & non tardabit. Si triduo sustinueris e-
 um non habens quod manduces, confide quia miserator & mi-
 sericors Dominus, jejunum te non dimittet.)) Præmiserat au-
 tem S. Doctor eodem sermone dicens: In hac memoria (conversi-
 onis) & peccator spera veniæ concipit, & provocatur ad poenitentiam, &
 S. Bernardus qui jam poenitet, perfectæ conversionis accipit formam. Porro sermone
 in conversione secundo in eodem festo idem S. Pater ait: Saulus conversus est
 S. Pauli ser. 2. in Paulum, siquidem factus est tanquam Evangelicus ille par-
 Math. 18. vulus (id est humilis) de quo Dominus ait. Nisi conversi fueritis
 & efficiamini sicut parvulus iste, non intrabitis in regnum cælorum.))
 Et paulo post ostendit S. Bernardus, qualiter S. Paulus in ipsa statim
 sua conversione fuerit tentatus super patientia sua, in verbo in-
 crepationis, in damno, in corporis læsione.)) Ex quibus omni-
 bus collige, quàm rectâ normâ & ordine pro Incipientibus con-
 verti

verti ad DEUM, collocaverimus tum in Schemate supra erecto, In Summa The-
tum infra, politas virtutes Resignationis sui in DEI voluntatem, Obe-ol. Spirit. sub
dientie ad superiores, Contemptus mundi, Humilitatis, Penitentiae, Morti-
ficationis, Patientiae. Sed de ejusmodi virtutum connexione paulò
fusiùs infra hoc Tracta: in accessu Capit: 5. & priori Tracta: cap.
1. sect: 4. subsect: 4. Multum namque interest scire benè cœpis-
se vivere: qui enim benè cœpit, medium facti habet.

Jam verò Proficientibus, & Perfectis, quomodo illi spe, isti
charitate permoti, uti possint tum supradictis fundamentalibus
virtutibus, tum aliis cardinalibus scilicet Justitiæ, Fortitudinis, Tem- V. 1. 2. tract. 1.
perantiæ, tum Gratiis gratis datis, quomodo inquam uti possint in- c. 1. sect. 2.
ratione Medii supernaturalis ad assequendum Finem supernatu-
ralem, alibi ex dictamine Prudentiæ ostenditur. Unde pater con-
veniens ordo, dispositio, connexio earundem virtutum, & exer-
citorum spiritualium, inter se, tum in Schemate supra, tum in hoc
Tractatu facta, & quidem commodè ad Praxim adaptata.

In Summa The-
ol. spirit. substa.
tu vitæ Christi.

CAPUT I. DE FIDE.

Agemus sequentibus Sectionibus de Fide Theologica, ejus-
que correspondentibus Donis Spiritûs S. Tum de horum
omnium Oppositis.

SECTIO I.

De Fide Theologica.

Dico. Fides est sperandarum substantia rerum, argumentum non ap- Hebr. II.
parentium. Ita Apostolus. Quam definitionem explicans
D. Thomas inquit: Fides est habitus mentis, quo inchoatur Vita 2. 2. q. 4. art. 1.
æterna in nobis, faciens intellectum assentiri non apparentibus. Vel: Est
habitus & donum DEI, quo intellectus, ex imperio voluntatis à DEO motus
per Gratiā & per motiva Credibilitatis, firmiter assentitur omni Divinæ reve-
lationi per Ecclesiam propositæ, propter summam DEI Veritatem indicendo, &
cognoscendo. Hæc explicantur per talem processum ad actum fi-
dei: qui antequam eliciatur v. g. de Incarnatione Christi imo
requi-

Collector.

Rom. 10.

requiritur, ut proponatur per congruos Ecclesiæ DEI Ministros, DEUM revelasse, quod Filius DEI sit homo factus juxta illud: *Quomodo prædicabunt nisi mittantur?* 2do requiritur: Siquidem in Prædicatore illa revelatio seu locutio DEI de Incarnatione est obscura & incerta, opus est ut per aliquid moraliter evidens, & certum comprobetur, quo discernatur rationabiliter & prudenter verum dicere Prædicatorem, quod DEUS revelaverit incarnatum esse Filium DEI, falsum autem dicere, si prædicaverit DEUM revelasse incarnatum esse Spiritum Sanctum. Atque ut ita moveatur Auditor ad practicum judicium formandum; esse id verum quod proponitur, nimirum esse revelatam à DEO Incarnationem Verbi, adeoque esse prudenter credibilem, honestiusque esse credere, & imprudenter ac inhonestum discredere, indeque obligari Auditorem sine formidine ad credendam Incarnationem Filii DEI. Hoc autem *Discerniculum* seu *Motivum* aliud est intrinsecum, aliud extrinsecum. *Intrinsecum* est Illustratio DEI & Inspiratio supernaturalis seu Apprehensio quædam singularis, potenter suasiva & fundans experientiam, quâ fidelis etiam rudis experitur in seipso potestatem & obligationem credendi sine formidine, obscure propositum articulum fidei, v. g. de Incarnatione Filii DEI: quam non experitur, dum proponitur falsum, ad credendum v. g. de Incarnatione Spiritus S. Atque ita DEUS ipse internâ illuminatione supplet id, in quo externa propositio deficit. *Extrinsecum* motivum est, nempe quæ vulgò appellantur *Motiva credibilitatis*, quæ collectivè simul sumpta reddunt *Testimonia DEI credibilia nimis* (ut Propheta loquitur) probantque evidenter solam Catholicam fidem esse veram, cæteras verò sectas esse stultas: adeoque in sola Ecclesia Catholica esse Locutionem, verè Divinam, seu Revelationem DEI in rebus fidei. Sed de his motivis mox fusiùs.

Psal. 924

3tio: Tam internis quàm externis motivis persuasa ratio de proposita Incarnatione Christi, quod sit Locutio verè Divina, seu vox nil mortale sonans; elicit judicium ultimum practicum evidens, ita dicens: *Hic & nunc, honestum est credere sine formidine Incarnationem Christi.* Tum voluntas imperat intellectui assensum fidei super omnia de Incarnatione. Ac tandem intellectus elicit eundem assensum, locutioni, cognitæ moraliter tanquam Divinæ, propo-

proponenti per Ecclesiæ Ministrum de Incarnatione: assentitur autem propter summam auctoritatem & infallibilitatem ejusdem Locutionis Divinæ in cognoscendo & dicendo ipsam veritatem: etsi etiam simul propter rationes humanas assensus fidei possit præberi, ut scilicet magis & firmius credat; neq; hoc diminuit meritum fidei; diminuit autem imò absolutè tollit meritum fidei, si propter solas rationes humanas præstetur assensus fidei ut *Hom: 26, in E-D. Grego: dicit. Nec fides habet meritum, cui humana ratio præbet vantage- experimentum.*

§ I.

De Motivis Credibilitatis.

Quoniam totius Vitæ Christianæ seu Spiritualis fundamentum, origo, & principium est fides vera: hæc verò ut in ejus descriptione patuit, sequentibusque patebit haberi prudenter nequit (quoad actuale loquor) nisi per motiva externa, vel interna (quæ potissima sunt) credibilitatis: Igitur de ipsis sequentibus necessario paulò fusiùs agendum.

Solent infideles ut ait Basil: in Psalm. 75. reprehendere *Suarez de fide* Christianos, eò quòd sine ratione vel ut ipsi putant, contra rationem credant: qua de causa dixit Paul. 1. ad Cor. 1. *Verbum crucis pereuntibus videri stultitiam: Et similiter ait Christum crucifixum Judæis esse scandalum: Gentibus autem stultitiam.* Porphyrius etiam, & Julianus. Apostata ut refert D. Hieronymus Matth. 9. irridebant stultitiam eorum, qui Christi doctrinam, & vocationem sequuntur. Unde alii hæretici ad vitandam hanc reprehensionem, in aliud extremum inciderunt, dicentes, nil esse credendum, nisi quod ratione ostenditur, ut videri potest apud Aug. lib. *videtur resurrexisset etiam nunc* de utilitate credendi, & Bernard. Epist. 109. Vera autem, & *scitari ab orco.* Catholica doctrina mediam viam tenet: nam & levitatem animi, & duritiem cordis reprehendit in credendo: docetque quamvis non semper possimus rationem reddere propriam earum rerum, quas credimus: posse nihilominus sufficientem rationem reddere cur credamus, sic enim dixit Petrus. 1. Cap. 3. *Paratos nos esse debere ad reddendam rationem ejus, quæ in nobis est spei, & fidei.* Hanc ergo rationem in præsentem inquirimus, nam ex hoc pendet, ut sci-

amus,

amus, quomodo possit talis esse propositio fidei, ut sit rationi consentaneum, illam recipere.

Ibidem n. 3.

Dico imo. Ad sufficientem obiecti fidei propositionem, non satis esse obiectum utcumque proponi tanquam dictum, seu revelatum à DEO, sed necessarium saltè esse cum talibus circumstantiis proponi, ut prudenter appareat credibile, eo modo, quo proponitur. Hæc assertio indubitata est apud omnes, & ratio est, quia Qui citò credit, levis est corde. Ecclesiast. 19. Dicitur autem citò & leviter credere, qui imprudenter credit: Ergo qui sic credit, non potest credere fidei Divinæ: ergo necessaria est talis propositio obiecti credendi per hanc fidem, ut prudenter credi possit.

Ibidem n. 4.

Dico 2do. Ut propositio obiecti fidei sit sufficiens, necessarium est, ut id quod proponitur, fiat evidenter credibile tanquam dictum à DEO, avsubinde ut certum & infallibile. Hanc assertionem insinuavit satis D. Thom. 2. 2. q. 1. a. 4. ad 2. cum de fidelibus dicit. Non crederent, nisi viderent esse credibile. Ubi notanda est distinctio, & variatio illorum verborum credere, & videre, nam prius dicit obscuritatem, unde posterius, ut condistinctum ab illo dicit claritatem & evidentiam, neque illa duo repugnant; quia versantur circa diversa, nam creditur aliquid sub ratione veri, videtur autem sub ratione credibilis. Et ita intellexerunt D. Thomam Caiet. & alii Theologi, qui cōmuniter seqvūtur hanc sententiā: ideoq; in id maxime incumbunt, ut ostendant naturæ fidei mysteria esse evidenter credibilia, quia nimirum non minorem credibilitatem ad illam sufficere iudicāunt. Est denique consentanea Patribus (quos Suarez ibidem 3. Sectione allegat) Probatur autem, ratione, quia ante fidem necessarium est velle credere, & ante hanc voluntatem necessarium est iudicium, quo voluntas inducatur ad volendum credere, quod non est aliud nisi iudicium de credibilitate obiecti: ergo vel illud iudicium est certum, vel incertum: si est certum est etiam evidens. si autem est incertum, non est sufficiens ad credendum Fidei Christianæ. Ergo necesse est, ut tale iudicium sit evidens.

Ibidem n. 6.

Dico 3tio. Ut Obiectum fidei sufficienter proponatur, non solum obiectum debere fieri evidenter credibile, sed etiam evidenter credibilis quocunq; alio obiecto, seu doctrinas sibi contrarias
vel

vel repugnantes incredibilitate superare. Hæc assertio sequitur ex præcedenti: nam fieri potest in humana fide, & cognitione, ut duæ propositiones contradictoriæ sint probabiles, etiam evidenter quoad probabilitatē. Nam hoc non involvit repugnantiam, quia multa falsa sunt probabiliora veris, & quia ex vi illius, probabilitatis solum datur iudicium formidolosum, & incertum, de veritate seu de re ipsa: at verò in præsentī repugnat aliquid esse evidenter credibile fide Christianā, & simul contrarium etiam esse credibile, non solum evidenter, verum nec etiam prudenter: quia iudicium, quod fieri debet ex tali credibilitate debet esse certum, & sine formidine; ergo impossibile est ut contraria doctrina sit evidenter, vel prudenter credibilis. Aliàs talis credibilitas necessariò pareret formidinem: imò etiam licitum esset homini, inter illa credibilia eligere quod mallet, si utrumque esse evidenter credibile, non solum absolute spectatum, sed etiam comparative: hoc autem repugnat, & certitudini, & obligationi fidei Christianæ: nam si sufficienter proponatur, tenemur illam credere cum certitudine, ac præferendo etiam illam omni doctrinæ contrariæ; ergo necesse est ad hanc sufficientem propositionem, ut tale obiectum fiat evidenter credibile, non solum absolute sed etiam comparative.

Dico 4to. Omnes quibus fides Catholica sufficienter proponitur habere evidentiam saltē practicam credibilitatis, etsi non omnes speculativam evidentiam habeant nisi doctiores. Porro Evidentia practica est; Distamen intellectus, quo crediturus cognoscit evidenter honestum esse credere, & inhonestum discredere. Speculativa verò Evidentia est, quā aliquis notitiam habet evidenter reducendi ejusmodi honestatem in aliqua prima, vel quasi prima principia. Ratio Conclusionis est, ab ipsa Experientia; quia omnes practica evidentiā credibilitatis informati, sentiunt se obligatos ad prudenter & sine vitio credendum illa, quæ debite & sufficienter proponuntur, & nonnisi stulte & cum vitio discredendum. Et hæc in genere sunt dicta de motivo externo & interno, quæ particulariter proponenda sunt

§ II.

De Motivis Externis Credibilitatis.

Suarez de fide l.
disp. 4. sect. 3.

Dico mysteria fidei Christianæ esse evidenter credibilia: Est assertio certa, de qua nullus Catholicus potest dubitare: tradit illam D. Thom. 2. 2. q. 1. a. 4. ad 2. ubi Caietanus & omnes: Idem D. Thom. 3. p. q. 42. 43. & 44. agens de doctrina & miraculis Christi & 1. contra gentiles C. 6. reliqui scholastici in Prolog. sententiar. ubi bene Scot. q. 2. & ex modernis latè illam ostendit Medin. lib. 2. de recta in DEUM fide, & latius Bosius in duobus tomis de signis Ecclesiæ. Valentia ro. 3. disp. 1. q. 1. pun. 4. Et ex antiquis in hac veritate demonstranda laboravit. Tertul. in Apol. Justin. Martyr in Apolog. pro Christianis, Euseb. Cæsar. ferè toto opere de præpar. Evang. & nomine Augustin. lib. de fide rerum invisib. præsertim c. 7 & certius idem August. lib. contra Epistolam fundamenti c. 4. ubi habet illa verba præclara. *Multa sunt quæ in Ecclesia me iustissimè tenent, consensio populorum, & gentium: authoritas miraculis inchoata, spe aucta, charitate firmata, & veritate nutrita: tenet ubi ipsa sede Petri Apostoli cui pascendas oves Dominus mandavit, usq. ad præsentem Episcopatum, successio sacerdotum: tenet deniq. ipsum Catholica nomen quod non sine causa inter tam multas hereses sola hæc Ecclesia obtinuit.* Consonat etiam huic veritati Scriptura dicens. Testimonia tua credibilia facta sunt nimis. Psal. 72. Et quod dixit Paulus ad Hæbre. 2. *Quomodo nos effugiemus: scilicet iram DEI? Si tantam neglexerimus salutem, quæ cum initium accepisset narrari per Dominum, in nos confirmata est, contestante DEO signis, & portentis &c.* Cui consonant illa verba Christi Domini Joan. 15. *Si opera non fecissem in eis &c.* Nunc autem excusationem non habent de peccato suo.

Consonat scriptura.

Motivum Primum credendi sumptum ex triplici prærogativa fidei. Prima prærogativa.

II. Ut autem veritatem hanc ratione ostendamus, oportet fundamenta, seu motiva hujus credibilitatis paulò fusiùs afferre, & explicare, & primum quidem motivum principale tumi potest ex conditionibus, vel qualitatibus ipsius doctrinæ, quæ possunt ad tres revocari. Prima est veritas sine admixtione alicujus falsitatis. Nam cum DEUS sit prima veritas, non potest, vel minimam falsitatem testificari. Unde eo ipso, quod aliqua doctrina miscetur ali-

at aliquid falsum, etiamsi multa vera doceat, est sufficiens signum, illam non esse à DEO, atque etiam è contrario, si doctrina sit omnino pura, & quæ non possit de aliqua falsitate convinci, magnū argumentum est, quod habeat DEUM authorem: tum quia homines faciliè decipiuntur, quia *omnis homo mendax*: tum etiam quia multò faciliùs decipiuntur, non enim potest homo sine DEI auxilio veritatem in omnibus assequi, quin interdum, vel sæpe erret, & maximè in rebus Divinis, & quæ ad immortalitatem spectant, (quod in materia de Grat. Suarez probat, est li. 1. c. 7. & li. 2. à principio) & ipsa experientia satis ostendit in omnibus philosophis, & gentibus: non possumus autem evidenter ostendere, omnia quæ fides docet esse vera, neque in hoc sensu accipienda est hæc conditio, quia non de veritate, sed de credibilitate agimus. Intelligendum est ergo duo esse genera veritatum in hac fidei doctrina. Quædam quæ naturali lumine cognosci possunt: aliæ verò omnino sunt supernaturales. In prioribus invenimus, & cum evidentia cognoscimus, saltem in multis fidem hanc docere ea, quæ sunt maximè vera, & rationi consentanea. Primum in his, quæ tradit de DEO ipso, ut est unus, & Creator omnium, & finis ultimus hominum: deinde in his, quæ spectant ad immortalitatem animæ, & ad veram beatitudinem, præsertim vitæ futuræ: in quibus etiam multos errores Philosophi docuerunt. Ex his ergo magnâ credibilitate colligimus, cætera etiam, quæ rationem superant, vera esse, seu maximè credibilia: tum quia tota doctrina ab eodem authore profecta est, tum etiam quia ipsa ratio naturalis docet DEUM esse incomprehensibilem humano ingenio, & esse altioris ordinis ab omni creatura, & ideo altius & excellentiùs esse de illo sentiendum, quàm naturale lumen assequi possit. Illa verò, quæ fides de DEO docet supra naturale lumen, omnia commendant excellentiam divinæ Majestatis, & omnem imperfectionem ab eo auferunt, & non ostenduntur nec ostendi possunt impossibilia, ut ratio etiam ipsa naturalis assequitur: ergo in tota hac doctrina est magna consonantia veritatis, quæ ex hoc capite sufficit ad evidentiam credibilitatis, & de hac conditione videri possunt Clemens Alex. l. 7. Stromat. & Euseb. lib. 8. de præparat. Evang.

Secunda præ-
rogativa.

III. Secunda conditio est, *Sanctitas & puritas doctrinæ*; ad quam spectat, ut omnia quæ doceat sint honesta, & nihil approbet, quod turpe sit, atque etiam ut omnia tradat, quæ ad rectitudinem vitæ, necessaria sint, & sufficiant: nam cum DEUS sit summè bonus, nec potest pravitatem docere, aut consulere juxta illud Psal. 18. *Lex Domini immaculata*: & Psal. 118. *Non enim qui operantur iniquitatem, in viis ejus ambulaverunt.* Et quia DEI etiam providentia perfecta est, nihil in sua doctrina omittit, quod ad vitæ honestatem sit necessarium. Quod autem in doctrina nostræ fidei hæc conditio perfectissimè reperiatur, facile ostendi potest discursu simili præcedenti. Nam inter hæc moralia quædam etiam naturalia sunt, quædam supernaturalia: priora pertinent ad legem naturæ, quam doctrina fidei illustrat, & non solum nil continet illi contrarium, verum etiam multa declarat, & consulit, quæ ad perfectiorem illius observationem conferunt, ut constat ex doctrina Christi Matth. 5. quæ est maximè consentanea rationi naturali: & nullus Philosophorum illam assequi potuit. Supernaturalia verò habent easdem conditiones supra insinuatæ: quia præferunt honestatem. & nil illi contrarium in eis ostendi potest, & alioqui sunt consentanea excellentiæ Divinæ, ut ea quæ pertinent ad perfectionem amoris ejus, & ad gravitatem offensionis illius: & consequenter, quæ pertinent ad supplicium peccatorum &c. Denique *Sanctitas vitæ* illorum hominum, qui hanc doctrinam sequuntur, ei que parent, manifestè ostendit ejusdem doctrinæ puritatem, & excellentiam, quæ illam reddit maximè credibilem. Nam licet inter professores hujus fidei multi sint pravi, nihil derogat puritati, & veritati ipsius doctrinæ: tum quia ipsa non tollit libertatem arbitrii, à qua illa mala proveniunt: tum etiam quia ipsa condemnat & reprehendit similia peccata, quod pertinet ad integritatem, & veritatem ejus. E contrario verò multitudo, & excellentia Sanctorum profitentium hanc fidem, evidenter ostendit sanctitatem etiam, & puritatem ipsius doctrinæ. Nam obediendo præceptis, & sequendo consilia illius, tanta sanctitas comparata est, & in mundum introducta, ut infideles nihil habeant, quod reprehendant in hujusmodi hominibus, nisi nimiam sanctitatem, ut dixit August. lib. de moribus Eccles. c. 31, & prosequitur

quitur usque ad finem libri, & attingit lib. 2. cont. Julian. & eundem locum tractat Chryso. ho. 6 in I. ad Cor. ut videri potest Boffius lib. 1. à c. 3. usque ad II.

IV. *Tertia proprietates hujus doctrinæ, est Efficacia eius, quæ Tertia præ-*
cernitur in modo, quo in mundum introducta est: nam ut dixit gativa.
 Aug. lib. 22. de civit. c. 7. quod mundus in Christum crediderit, *virtutis fuit Divinæ, non persuasionis humanæ:* quod ex sequentibus circumstantiis facile intelligi potest: nam pauci homines pauperes, inermes, & paulò antea idiotæ, imò per humanam sapientiam, non instructi, per hujus doctrinæ prædicationem, mundum superârunt: non ergo, *in humane Sapientiæ verbis, sed in virtute Spiritûs,* ut dixit Paulus I. ad Cor. 2. Nam *quæ infirma sunt DEI, fortiora sunt hominibus,* ut idem dixit in eadem Epistola. et in 2. c. 10. *Arma militiæ nostræ non carnalia sunt, sed Spiritualia potentia in DEO.* Et hoc maximè persuadet, quod hujusmodi homines, nec temporalia præmia, aut honores quærebant, neque illa sunt discipulis promittebant, nec etiam prædicabant doctrinam delicias aut voluptates foventem, sed potius illis maximè repugnantem: & nihilominus illam doctrinam mundo persuaserunt: Ergo signum est non fuisse verbum hominum, sed verbum DEI quod efficacissimum est ad *convertendas animas* Psalm. 18. & Hier. 23. dicitur *esse malleus conterens petras:* & ad Heb. 4. dicitur *sermo efficax, & penetrabilior omni gladio ancipiti* &c. de quo videri potest Chrysost. hom. 66. ad populum. Huc accedit quod per efficaciam hujus verbi. brevi tempore idola fuerunt destructa, & cultus veri DEI inter homines restitutus. de quo videri possunt Athan. lib. de Humanitate Verbi, & hist. Ecclesiasticæ.

V. *Secundum principale Motivum* sumitur ex multitudine, & *Secundum moti-*
 autoritate Testium hujus doctrinæ, in quo ordine possemus *trivum creden-*
 primo loco ponere testimonium ipsius Trinitatis, in Christi ba- *di est multita-*
 prismate, & præsertim testimonium æterni Patris, quod in con- *do probatissimè*
 firmatione suæ doctrinæ Christus adduxit Ioan. 8. Item posse- *rum testimonio.*
 mus afferre testimonia Angelorum in Christi nativitate, & aliis mysteriis, tamen quia hujusmodi personæ testificantes, non erant visibiles sensibus humanis ideo nunc his testimoniis non utimur. Primum ergo, & præcipuum testimonium suæ ipsius *Primus testis*
 met *ipse Christus.*

met Christi, qui Evangelicam doctrinam prædicavit, quem etiam, ut hominem esse fide dignissimum, externi quoque homines confitentur, & præcipuè Josephus lib. 18. Antiq. & constat ex sanctitate, & puritate vitæ ejus, unde præsumi non potest, quod per malitiam, talè doctrinam prædicaverit, neque etiam per ignorantiam, quia ipsamet doctrina præfert excellentem sapientiam, quam Christus etiam semper ostendit in responsis, & prædicationibus suis. Deinde etiam ante adventum Christi habuit hæc doctrina testimonium à lege, & Prophetis, & specialiter Moyse præmonuit. *Prophetam sicut me suscitabit tibi Dominus ipsum audies.* Præcessit etiam testimonium Joannis Baptistæ, quod maximè propter vitæ admirationem fuit sufficiens de se, ad per-suadendum & præparandum mundum, præsertim verò populum Judæorum, ad Christi adventum. Post ipsum verò Christum, Apostoli fuerunt gravissimi testes hujus doctrinæ, de illis enim etiam præsumi non potest, quod per malitiam prædicaverint, cum essent contemptores omnium rerum humanarum, nec etiam per ignorantiam, propter easdem ferè rationes, scilicet, quia ipsa doctrina præfert summam lucem, & sapientiam, & quia sapientes hujus sæculi nullum errorem in ea ostendere potuerunt,

Deinde Moyse
Deut. 18.

Item Joannes
Baptista.

Ipsi quoque do-
mones vel in-
vidi testes sunt.

quod bene profequitur Aug. lib. 83. quæst. 79. Possumus etiam addere ipsos dæmones coactos fuisse, interdum ad ferendum testimonium pro veritate hujus doctrinæ. Nam licet testimonium dæmonis per se nullius sit autoritatis, quia est *Pater mendacii*, etsi interdum aliquid verum dicit, est animo fallendi, ut in aliis decipere possit: hoc nimirum verum est quando ipse suâ voluntate & spontaneè loquitur, at verò quando Divinâ virtute cogitur, ut credat & contremiscat, & ita veritatem fateatur: tunc magnum argumentum inde sumitur veritatis, doctrinæ, quia non potest cogi dæmon ad testimonium ferendum contra se ipsum, nisi Divinâ virtute coactus; & etiam hoc argumento utuntur Sancti Patres, & videri etiam possunt Sacræ historiæ & præsertim Ruffini. lib. histo. c. 11. & l. 2. c. 4. & Niceph. lib. 11. hist. c. 27. & Tripartita lib. 2. cap. 21.

Martyres etiã
junctis Marty-
rum, qui inde etiã nomen acceperunt, quod suo sanguine, magnū
fidei

cumstantis & consule lib. 1. defensionis fidei cap. 19.

fidei testimonium præbuerunt; & ita frequenter Sancti etiam utuntur hoc argumento. Est tamen advertendum, perseverantiam unius vel plurium hominum in confitenda aliqua veritate, usque ad mortem, non esse argumentum sufficiens veritatis aut testimonii Divini: nam multi hæretici pro suis erroribus mortui sunt, affirmantes se mori propter Christum ejusque doctrinam. Unde Nicephor, l. 4. histor. c. 23. ex Apolinari refert hæc verba, *Plures hæreses de suis martyribus gloriantur: non tamen propterea in earum sententias imus.* Idem notat Eulob. lib. 5. histo. c. 15. in fine, & de Massalianis affirmat idem Epiphan. Hæres. 80. de Anabaptistis Bernar. Sermon. 66. in Cant. & de Donatistis Ang. Episto. 65. qui propterea in lib. 1. de serm. Domini in monte cap. 5. inquit, *multi hæretici nomine Christiano animas decipientes, multa alia patiuntur, sed ideo excluduntur ab ista mercede, quia non propter justitiam patiuntur, ubi enim vera fides non est, non potest esse justitia: quia verò hoc ipsum est, quod oportet discernere, quando scilicet, mortes Martyrum sint propter justitiam, & ita sint testimonia veræ fidei: ideo considerandæ sunt peculiare circumstantiæ Catholicorum Martyrum.* Una est, quia sunt in multo majori multitudine: pro aliis enim sectis rari sunt, qui mortem sustineant, pro fide autem Christiana innumerabiles fuere martyres, ut nostris etiam temporibus visum est, & pluraleguntur, in hist. Eccles. & præsertim videri potest Victor Uticensis lib. 1. de persecut. Vuant. & Eulob. lib. 5. Histor. per totum, & lib. 7. cap. 19 Niceph. lib. 7. & lib. 8. cap. 36. & lib. 10. cap. 9. Secundo ponderandus est modus patiendi, non solum æquo animo ut supra dixit Aug. sed etiam summa lætitiâ, & cum magnis signis innocentie, & sanctitatis, & sæpe etiam sapientissima responsa, & rationes plusquam humanas suæ fidei reddentes. Accedit tertio quod non solum viri, sed etiam fæminæ, & non solum provectæ ætatis, sed etiam puerilis eandem animi constantiam, alacritatem, & sapientiam in suis martyriis ostenderunt. Quarto accedunt infinita prodigia, quæ accidebant, dum Martyres patiebantur, & non solum in eorum mortibus, sed etiam postea in eorum tumulis & sepulchris, ut est notum in historiis, & videri potest Nicephor, lib. 3. cap. 29. & lib. 4. cap. 27. Denique considerantur

1. Circumstantia.

Secunda.

Tertia.

Quarta.

Quinta.

Patres

Patres per tot hominum mortes non fuisse Ecclesiam diminutam, sed potius mirum in modum auctam: quia *singula grana qua interram cadebant, multiplicata nascebantur*, ut dixit Leo. Mag. serm. 1. de Apostolis Petro & Paulo, & Justinus Martyr Dialog. cum Triphone multò ante finem citans illud Psal. 127. *Uxor tua sicut vitis abundans*, dicit, sicut vinea crescit, dum putatur, ita Ecclesiam crevisse per suos Martyres. De quo argumento plura videri possunt in Cyprian. (si tamen Cypriani est) lib. de duplici martyrio, & Tertul. in Apolog. circa finem. Augusti. 18. de Civitate capite 50.

*Testes quoque
Prophetae sunt.*

VII. Denique inter hos testes fidei maximè numerari possunt Prophetæ, quorum vaticinia per se sufficebant ad credibilitatem fidei confirmandam, ut significat D. Thom. 1. contr. gent. cap. 6. nam prædictio vera futurorum contingentium, per se loquendo, est propria DEI: quia solus ipse virtute suâ prævidet futura contingentia, quod maximè verum est de illis futuris quæ ex DEI voluntate & omnipotentia pendent; nam si ut ait Paulus *Mentem hominis nemo novit nisi spiritus hominis*, multò minus potest aliquis cognoscere voluntatem DEI nondum per effectum declaratum, nisi Spiritus DEI. Hinc ergo planè concluditur, tales prophetias, si veræ sunt à Spiritu DEI esse, & illius testimonium continere: quamvis autem prophetia, dum non est impleta, non possit evidenter cognosci, an vera sit, licet possit fide credi, attamen postquam videtur impleta, satis apertè constat fuisse veram. Cum ergo multa mysteria fidei prædicta sint à Prophetis, etiam cum particularibus circumstantiis prius, quàm fierent, & nunc cernantur impleta, optimum est argumentum veritatis fidei, quæ talia docet mysteria, credibilitatis autem indicium est evidentissimum.

*Et Doctores
quales habet
Ecclesia.*

His denique adjungi possunt Doctores Ecclesiæ, qui etiam sunt maximi testes veritatis fidei, & multum conferunt ad credibilitatem ejus, tum propter excellentia ingenia & summam Sapientiam, quæ in eis relucet; tum propter magnam Sanctitatem; tum propter eorum Multitudinem. Accedit quoque (quod

Accedit tandem August. dixit) Consensus & multitudo populorum, quod per se non sufficeret, nisi in his populis essent sapientes & probi pastores, nisi etià in iisdem populis magna sanctitas ex vi talis doctrinæ conspiceretur,

retur, universaliter quidem in professione, & magna etiam ex parte in vita, & executione.

VIII. Tertium principale Motivum sumitur ex variis modis, quibus DEUS peculiariter subscripsit, & auctoritatem præbuit testimoniis hominum prædicantium hanc fidem, in quo ordine primum locum tenent miracula: est enim miraculum pignus quoddam omnipotentiae DEI ut dixit Chrysostom. homil. 14. in Matth. quia est proprium opus ejus juxta illud Psalm. 135. *Qui facit mirabilia magna solus.* Ratio est: quia de ratione miraculi est ut sit opus extraordinarium, & rarum præter legem ordinariam, DEI, & supra omnem virtutem causarum naturalium, ut sumitur ex D. Thom. 1. p. q. 105. art. 7. & 8. & lib. 3. contr. gent. c. 101. & ex Aug. lib. 3. de Trinitate cap. 4. & 5. & lib. 26. Cont. Faustum cap. 3. & sequentibus, & lib. 6. de Genes. ad Lit. cap. 13. Hinc ergo concluditur illam doctrinam, quæ miraculis confirmata est, tanquam à DEO dicta, & revelata, planè esse credibilem tanquam veram & à DEO dictam: nam ut Aug. dixit Epist. 49. quæst. 6. DEUS mirabilibus operibus loquitur, & ideo quæ per mirabilia opera confirmantur, credibilia fiunt, tanquam à DEO dicta. Quod autem doctrina fidei nostræ hujusmodi miraculis confirmata sit, notissimum est. Primò ex miraculis Christi Domini quæ ad confirmandam doctrinam suam operatus est, ut Evangelistæ referunt, qui licet non faciant evidentiam, ut Scriptores canonici, quia solà fide credimus eos in scribendo errare non potuisse, ex Spiritus S. directione; nihilominus etiam humano modo loquendo, faciunt certam fidem, quòd vera narraverint, quia scripserunt eisdem ferè temporibus, & apud illos, quibus Christus Dominus prædicavit: & neque ipsi Judæi ausi sunt eos falsitatis arguere, quin potius Joseph. lib. 16. Antiquit. generaliter ea confirmat, dicens de Christo Domino. *Fuit vir sapiens & operum plane mirabilium effector, hominumq. qui libenter animis veritatem amplecti vellent, magister & doctor.* Deinde per Apostolos, non minora vel potius majora opera facta sunt ad eandem veritatem confirmandam, ut ipse Christus Dominus promiserat; & in iisdem libris canonicis ex parte narratur. Multa denique similia per Sanctos suos postea operatus est Dominus ad eundem finem, ut in-

historiis Ecclesiasticis, & historiis de Sanctorum vitis passim narratur, & attingit Aug. lib. 10. de civit. cap. 8. & lib. 22. cap. 3. 9. & sequentibus, & videri potest Euseb. lib. 4. histor. c. 5. & alii.

IX. Difficultas verò in hoc puncto est: quia licet negari non possit, illa signa facta esse quoad externam speciem, & apparentiam, tamen non est evidens fuisse miracula vera, sæpe enim virtute dæmonis fiunt similia prodigia, quæ vix possunt humano modo discerni à veris miraculis, ut constat ex his, quæ operabantur magi in Ægypto Exodi 7. Item ex his quæ, ut 3. p. to. 2. disp. 54. sect. 4. dixi, Antichristus operabitur, quæ talia erunt, *Ut (si fieri potest) per ea inducantur in errorem etiam electi*, ut dicitur Matth. 24. & colligitur, ex Apocalip. 13. Item hæretici interdum profitentur se facere miracula, & idem de gentibus refert Tertul. in Apolog. cap. 22. & 23. & August. lib. 10. de Civit. cap. 11. & Euseb. lib. 4. & 5. histor.

Diluitur ex Nihilominus tamen iidem Patres docent
indiciis veri distingvere falsà miracula, à veris: & in miraculis confirmantibus
miraculi. fidem nostram observant circumstantias, ex quibus potuit videntibus evidenter constare, evidentiam quādam naturali, vera esse, quæ agebantur: & de operibus Christi Domini magnum argumentum est, quod, licet Pharisei interdum ausi fuerint illum calumniari, quòd in virtute dæmonis ejiceret dæmonia, numquam tamen ausi sunt dicere, opera ejus miraculosa, non habuisse veros effectus, ut non resuscitasse verè Lazarum, illuminasse cœcū, san-

Primum indicium.

nasse paraliticū, & similia. In his ergo operibus primum consideranda est diuturnitas effectus, & perseverantia, quæ est magnum indicium veritatis: nam quæ fide tantum fiunt, subito evanescunt: & ita mors Lazari, per quatuor dies probata est, quòd fuerit vera, & postea vita illi restituta per longa tempora. Deinde

Secundum.

accedunt effectus, per quos talis veritas manifestatur: qualis maxime esse solent actiones vitæ, ut videre in cœco ex nativitate,

Tertium.

Tertiò consideratur multitudo & frequentia talium effectuum, cum omnibus signis, & indiciis veritatis, quæ esse solent in omnibus rebus, quas præ manibus gerimus: quā enim majori evidentia constare potest, aliquod vinum esse verè vinum, quā fuerit illud, in quod Dominus aquam convertit? Unde consideratur

Quartum.

etiam quartò multiplex modus mirabilis operandi talia signa per
impe-

imperium, per orationem ad DEUM, adjungendo simul aliud opus proprium DEI, ut manifestationem cogitationum cordis, quod saepe Christus faciebat. Præterea considerandus est finis talium operum, quia nihil temporale, & humanum, nihilve prævum per illa intendebatur, sed potius rectitudo, & honestas morum, & veri DEI cognitio, & ipsius dæmonis expugnatio: ergo nulla verò simili ratione potest fallitas in eis conjectari. Denique argumentatur rectè August. dicta Episto. 49. q. 6. Nam vel omnia quæ pro nostra fide narrantur falsa sunt: vel aliquod est verum. Primum per se est incredibile propter dicta, si autem secundum admittatur, eo ipso ponitur DEUS, ut author, vel confirmator hujus doctrinæ, & ex uno tali miraculo rectè colligitur, etiam alia quæ simili autoritate narrantur esse vera: quia non est major ratio de uno, quàm de aliis. Et hoc modo ex veritate miraculorum Christi, rectè colligere possumus: vera etiam fuisse, quæ Apostoli faciebant, quia ad eundem finem, & eadem virtute illa faciebant, ut ipsi profitebantur: & simile argumentum in posterioribus Sanctis fieri potest.

Augustini argumentum ad idem.

X. Adhuc tamen instari potest, quia non repugnat bonitati DEI, per pravos homines interdum vera miracula facere: ergo tuisse fieri miracula, etsi constet esse vera, non satis confirmant fidei creditabilitatem: antecedens patet, quia operatio miraculorum pertinet ad gratias gratis datas, quæ & malis & bonis communicantur: unde est illud Pauli. ad Corinth. 13. Si habuero omnem fidem, ita ut montes transferam, charitatem autem non habuero, nihil mihi prodest: consequentia autem probatur: quia si pravus homo potest facere verum miraculum, etiam potest esse deceptor, & falsum dicere: ergo ex veritate miraculi non rectè colligitur veritas doctrinæ. Respondetur duobus modis posse fieri miraculum. Primum sine ullo respectu ad veritatem aliquam, per illud confirmandam, sed solum propter illius utilitatem, ut ad conferendam sanitatem, vel quid simile. Secundò fit miraculum in testimonium alicujus doctrinæ, ut veram esse confirmet. Priori modo verum est: posse DEUM facere miracula, per pravos homines, & hoc modo procedit objectio facta, quamvis fortasse rarissimè hoc contingat, & quando evenit magis est ex fide recipientis quàm ex virtute

Diluitur.

operantis: posteriori autem modo fieri non potest, ut miraculum fiat in confirmationem falsitatis, quia aliàs DEUS cooperaretur mendacio, & esset testis ejus, ut sentit Aug. lib. de utilitate credendi cap. 6. & latius D. Thomas 3. parte q. 43. & 44. ubi in disput. 31. multa de hoc puncto dixi. Et videri etiam potest Canisius lib. 5. de Deipara cap. 15. & Bellarmin. lib. 4. de notis Ecclesiæ cap. 14.

4. *Motivum
perpetuitas. e-
jusdem fidei in
Ecclesia.*

XI Tandem inter miracula Divinæ potentia, quibus hæc fides facta est credibilis, numerari potest perseverantia, & duratio ejusdem fidei, & Ecclesiæ per illum fundatæ ab initio prædicationis Evangelicæ usque nunc. Nam cum hæc fides ex una parte sit valde difficilis ad credendum, quia multum superat naturalem intellectus capacitatem: & ex alia sit valde ardua ad observandum, quia præcipit multa valde Spiritualia, & concupiscentiæ repugnantia, & aliunde quam plures sectas, & errores destruxerit, & ideo infinitos habuerit hostes, ac potentissimos: nihilominus integra permansit, & in persecutionibus numero & merito aucta est, & in cognitione veritatis illuminata: quod profecto sine speciali DEI virtute, & auxilio, nulla virtus humana efficere potuisset. Atque ut experimento vivamus in pietatem Christi prophetiam. *Portæ inferi non prævalerunt adversus eam.* Et ejusdem promissionem. *Ecce ego vobiscum sum usque ad consummationem sæculi.* Atque hoc ipsum intendit Aug. in suo tertio motivo, quod sum. sit ex continua successione summorum Pontificum in sede Petri: nam quia illa est Petra, supra quam Christus fundavit Ecclesiam, eadem virtute immobilis perseverat, quæ ipsa Ecclesia, & ejus fides. quod si illud motivum visum est Augustino sufficiens post quadringentos annos à Christi adventu, & post 42. successiones Episcoporum Romanorum, profecto longè mirabilior est, magisque Divinam virtutem ostendit ejusdem sedis usque ad nostra tempora continua successio.

*Affertio posita
v. 1. congloba-
to ex dictis ar-
gumēto proba-
tur.*

XII. Ex his omnibus conglobatur demonstratio, quæ credibilitas nostræ fidei evidenter ostenditur in hunc modum. Doctrina quæ per se valde consentanea rationi, majestati ac excellentiæ Divinæ, bonique moribus, innumerabileque habet testes fide dignis.

gnisimos, qui non solum humanâ, sed etiam Divinâ virtute per signa mirabilia illam confirmârunt, & ita firmârunt, ut potentia mundi, & dæmonum contra illam prævalere non potuerit, credibilis est: Sed talis est doctrina fidei Christianæ: Ergo est credibilis. Consequentia est evidens, ut per se patet: præmissæ etiam sunt evidentes: ergo & conclusio evidens est. Et quidem de minori, quod sit evidens ex ipso facto, & experimento constat: neque obtinebit, quod multa ex his quæ dicimus ad nos pervenerint per historiam & traditionem humanam: nam illa est tam constans tamque universalis & nota, ut sufficiat ad evidentiam humanam, in testificante faciendam, qualis est de hac propositione; *Roma est*, & similibus. Illa ergo multò magis sufficit ad evidentiam credibilitatis. Prima etiam præmissa est evidens ex terminis, & ex definitione ipsius *Credibilis*. Addere verò possumus, ad maiorem illius confirmationem, naturaliter evidens esse, DEUM habere providentiam rerum humanarum, & ideo non deferere hominem, in his maxime quæ ad ipsiusmet notitiam, & cultum, & ad felicitatem æternam pertinent. Unde incredibile est DEUM ita suâ providentiâ destituissè homines hanc fidem amplectentes, ut permittat eos decipi cum tanta credibilitatis evidentiâ, maxime cum inter eos sint multi, qui roto corde DEUM ipsum, ejusque veritatem quærunt. Propter quod dixit Chrysostom. in quadam homilia de providentiâ: Sive magna injuria providentiæ Divinæ, non possit hanc fidem falsam reputari, & quod si per impossibile re facta esset, non posset hominibus imputari, quia prudentissimè illam credunt. Accedit denique, quod cum hæc doctrina sub Divina autoritate proponatur, ad ipsius etiam DEI autoritatē, & veritatem spectat, non permittit, ut sub ejus nomine & testimonio homines cum tanta credibilitate decipiantur, propter quod Richard. de S. Victor. lib. 1. de Trinitate cap. 2. cum DEO loquens ausus est dicere. *Si error est, quem credimus, à te decepti sumus: iis enim signis doctrinæ hæc confirmata est, quæ, nisi à te fieri non potuerunt.* Hactenus Suarez.

Confirm. 1.

Confirm. 2.

*Comparatio Credibilitatis Fidei Christianæ ad
alias Sectas.*

Suarez de fide **D**ico stante credibilitate Catholicæ doctrinæ, qualis à nobis demonstrata est, impossibile est doctrinam illi repugnantem, in comparatione ejus, esse credibilem.

I. Quia ostensum est hanc doctrinam ita esse credibilem, ut repugnet providentiæ Divinæ tantam credibilitatem cadere in rem falsam: ergo non possunt propositiones contrariæ simul esse credibiles, tantâ credibilitate: ergo sumptâ credibilitate hujus doctrinæ, necesse est ut credibilitas cujuscunque repugnantis doctrinæ, sit longè minor: quod etiam unicuique fiet evidens, applicando omnia motiva adducta, ad alias sectas: in

Probatur dein- nulla enim alia ita invenientur. Ut autem utilior & evidentior
de comparando sit hæc collatio, oportet sectas infidelium distinguere, & de sin-
fidem ad tres gulis aliquid dicere. Distinguntur autem à Theologis tres spe-
generales se- cies infidelitatis, Paganismus, Judaismus, & Hæresis: inter quas
ctas infidelita- hoc differt, quantum ad præsens spectat, quod Pagani neque
tis Discrimen aliquas scripturas Divinas admittunt; neq; in Christum ullo modo
inter illas se- credunt; Judæi verò admittunt scripturas veteris testamenti; &
ctas. profitentur se credere Mesiam, non tamen credunt iam venisse:
& ita errant in ejus Persona. Hæretici verò utrumque testamen-
tum admittunt, & in verum Christum se credere profitentur, in
ejus tandem doctrina multum errant. Igitur cum singulis speci-
ebus harum sectarum comparatio facienda est.

Comparatio Fidei Christianæ ad Paganismum.

Primo quoad **I.** Circa primum subdistinctio adhiberi potest: nam inter Pa-
unam ejus spe- ganos (sub illis Gentiles comprehendendo) quidam sunt,
ciem Idol. qui unum DEUM non agnoscunt, sed plures colunt: & hujus-
modi sunt idololatræ, cum quibus facilis est, & expedita disputatio,
nam ut dixit August. lib. 12. Gen. ad lit. cap. 14. Cum ad aliquid per-
venitur, quod est contra bonos mores, non magnum est tunc falsam sectam
à vera discernere: quia ut supra dicebamus, vera fides non potest esse
rationi contraria, etiamsi supra illam sit, & ideo non potest ali-
quid approbare quod sit contra bonos mores secundum rectam, &
evidentem

evidentem rationem naturalem. At verò omnes sectæ Gentilium idola colentium in multis peccant contra rationem naturalem, quæ illorum sectæ approbant: nam imprimis ipsam idololatriam, & plurimum Deorum opinio, est contra evidentem rationem naturalem; & deinde, ferè omnes admittant alia multa manifestè prava secundum rectam rationem; quod argumentum sufficit, ut huiusmodi sectæ sint incredibiles, & ita eo maximè utuntur SS. Patres, disputantes contra Gentiles, & contra Idola, ut videre licet in Iustino in Apolog. Cyprian, cont. Idol. Tertul. in Apolog. & aliis. Hæc etiam ratio valet contra omnes antiquos Philosophos, & eorum sectas: pauci enim illorum sunt qui unum verum DEUM agnoverint, & si aliqui illum cognoverunt, non illum glorificaverunt sicut EEUM, aut gratias egerunt, ut ait Paulus ad Rom. I. quia vel circa DEI providentiam, vel circa veram hominis felicitatem multum errarunt: unde etiam in alios errores & vitia prolapsi sunt, ut prosequitur Paul. citato loco: Cui rationi addendum est, in nulla huiusmodi secta inveniri ea testimonia credibilitatis quæ nos adduximus, neque multò etiam inferiora; ergo nulla potest fieri comparatio talium sectarum, cum nostræ fidei credibilitate. Unde August. lib. de vera Religione cap. 3. concludit, quòd si Plato, vel alius similis Philosophus testimonia nostræ fidei cognovissent, sine dubio credidissent.

III. Alia veluti species huius generis infidelitatis est, quæ *Secundo quoad* propriè Paganismus dicitur, sic enim appellantur qui sectam *alteram speciem* Mahometi sequuntur: nam illi unum DEUM confitentur, & illum *em sectam scilicet* se colere profitentur: eodem tamen argumento errare convincuntur in sua speciali secta: tum quia multa etiam admittunt rationi contraria & turpia, ut quòd felicitas sit in voluptatibus corporis, & alia quæ prudenter referri non possunt, & de illis videri potest Medina lib. 4. de recta in DEUM fide cap. 4. ubi etiam ostendit in Alcorano, quem ipsi, ut suam scripturam admittunt, multas esse contradictiones & inconstantias in doctrina: quæ ostendunt manifestè ejus incredibilitatem. Accedit etiam quòd author illius sectæ, nullam habuit auctoritatem fide dignam, etiam humanam. Nam ut commune est in historiis, fuit homo imperitus, & vitijs deditus. Credibilis autem doctrinæ multum pendet

ex qualitate primi doctoris ejus, seu primi proponentis Et hæc ratio, multum etiam valet contra sectas quorumcunque Philosophorum: nam authores earum regulariter vitiis subiecti fuerunt, quæ plurima, & enormia Paul. recenset in dicta Epist. ad Roma. ab illis verbis. *Propter quod tradidit illos DEUS in desideria* &c. usque ad finem capitis: & si quis videtur bonis moribus fuisse, saltem humanam gloriam & vanitatem affectabat. Propter quod dixit August. lib. 3. cont. Academ. cap. ult. nullius auctoritatem posse cum Christi auctoritate comparari. Denique motivum illud quod de miraculis adduximus, magnam efficaciam contra omnes has sectas sive Paganorum, sive Gëtiliū habet: quia talia nulla ab eis fieri potuerunt: quod si interdum aliqua similia fingere ausi sunt, falsitatis & deceptionis facile sunt convicti, ut Patres supra allegati ostendunt. Prophetiæ denique mysteriorum nostræ fidei, eos possunt sufficienter convincere: Tum, quia licet non admittant vetus testamentum tanquam Divinam scripturam; nihilominus negare non possunt fuisse scriptum ante Christi adventum. Et ideo notant Patres, Divinā providentiā factum esse, ut in Græcam linguam converteretur, ut posset etiam valere ad Gentiles convincendos, ut notat Euseb. lib. 5. d. demonstr. Aug. lib. 8. de Civit. cap. 42. & 46. & Iren. lib. 3. cap. 25. Tum etiam quia ex eadem DEI providentia est, ut inter gentiles quoque essent aliquæ prophetiæ de Mysteriis Christi, ut est vulgare de Sybillis apud Lactantium lib. 4. Divinarum institutionum cap. 5. & sequentibus. & Aug. lib. 18. de Civ. cap. 23. & concione de Catechum. cont. Paganos. & alia videri possunt in Ruffino lib. 2. Histor. cap. 29. & Tripartita lib. 9. cap. 29.

Comparatio Fidei Christianæ ad Judæismum.

IV. **S**ecundò, facienda est comparatio cum Judæismo, quæ est multò facilior, & evidentior ex concessis: quia isti testamentum vetus, & prophetias admittunt. Est autem advertendum, Judæismum totum ad duos errores principales reduci: unus, & præcipuus est; quia non admittunt, nec credunt Messiam venisse: & ideo si de hoc errore vincantur, tota illorum secta facile destruitur: vincuntur autem præcipuè ex prophetiis veteris testa-

Proprius Judæorum error ex scripturis convincitur.

ris testamenti ostendendo apertè illas esse impletas: & idèd ajebat Christus Dominus Joan. 5. *Scrutaminì scripturas: illæ enim testimonium perhibent de me:* quia non solum continent promissionem ipsius Mesia, sed etiam signa particularia, & sufficientia temporis adventus ejus, & idèd subjungit Christus Dominus. *Si crederetis Moysi, crederetis utique & mihi, ille enim de me scripsit:* quod intelligendum est, non solum quia Deuter. 18. habetur expressa promissio, *Prophetam suscitabo eis, &c.* Sed etiam quia tota Lex Moysis fuit quædam prophetia & figura Christi, ut dixit Aug. 16. cont. Faust. cap. 22. atque hoc modo persuadendi fidem de se ipso usus est Christus Dominus Lucæ ultimo: ubi incipiens à Moysi, & omnibus Prophetis interpretabatur illis in omnibus scripturis, quæ de ipso scriptæ erant: & infra dicit, *neceſſe erat impleri omnia quæ scripta sunt in lege, & Prophetis, & Psalmis de me.* Eodem argumento usi sunt omnes, qui testimonium Christo dederunt. Angelus enim annuncians mysterium Incarnationis statim antiquas prophetias indicavit dicens. *Dabit illi Dominus DEVS sedem David Patris ejus & Beata Virgo in suo Cantico: Sicut loquutus est ad Patres nostros: & Zacharias in suo: Sicut loquutus est per os sanctorum, qui à seculo sunt prophetarum ejus: & Simeon in suo: Quod parasti ante faciem omnium populorum.* Lucæ primo, & 2. & Joann. Matthæi tertio. *Hic est enim qui dictus est per Isaiam prophetam.* Idem servarunt Evangelistæ, ut de Incarnatione patet Matthæi primo vers. 22. De Nativitate Matth. 2. vers. 6. De Passione Matth. 26. versu. 31. & Joann. 19. versu 24. 36. 37. Ac denique idem servarunt Apostoli præcipuè quando ad Judæos prædicabant ut patet Act. 2. 3. & 13. ac 17. & optimè Paul. in Epist. ad Hebr. & ad Rom. 1. in principio, & Petrus 2. Epist. cap. 2.

V. Præterea Sancti Patres locum hunc locupletarunt, ut videre licet in Cyprian. lib. 1. & 2. ad Quirinum, & lib. de Montib. Xina & Sion. Tertul. & Gregor. Nissen. libr. contra Judæos & Chrysostom. Orationibus 5. contra eosdem, & August. alia oratione contra eosdem, & oratione ad Catechum. contra varios à cap. 11. & in Dialogo Ecclesiæ, & Synagogæ, & bene Euseb. lib. 2. demonstrat. Evangelica. De applicatione autem præcipuarum prophetiarum designantium tempus adventus Mesia ad Christi Domini adventum, videri possunt quæ in primo tomo de Incarnatione

natione in principio latè persecuti sumus. Ex his ergò non solum concluditur, nostram fidem esse credibilem: sed etiam convincitur, Judaicam perfidiam planè esse, solumque procedere ex nimia ignorantia, & mentis cæcitate, ut dixit Paul. ad Ephes. 4. vers. 18. & prædixit Christus Joan. 12. *Ambulate dum lucem habetis, ut non tenebræ vos comprehendant, &c.*

*Christi facta
specialiter di-
rigebantur ad
Conversionem
Judeorum.*

VI. Huic verò evidenti argumento accedit aliud sumptum ex Christi Domini operibus: nam specialiter facta sunt ad illuminandos, & convertendos Judæos, & in te continent tuam rationem sumptam ex testimonio Divino per miracula, quàm suprà latè declaravimus, tum etiam rationem sumptam ex complemento prophetiarum, quam modò exposuimus, quia illamet opera erant signa à Prophetis prædicta, & prænuntiata pro adventu Messia, & ideo in his operibus semper fecit vim magnam implet Christus, *Si mihi non vultis credere, operibus credite: Et si opera non fecissem in eis, &c.* Ac denique Johan. 5. Ego inquit habeo testimonium majus Joanne, & illud explicans addit, *Opera quæ ego facio, illa testimonium perhibent de me: dixit esse testimonium Patris, non hominis.* Denique ipsamet experienciâ possent Judæi suum errorem cognoscere, nam in eis impleta sunt, quæ ipsemet Christus prædixit, *Auferetur à vobis regnum DEI Matth. 21. Et Non relinquetur hic lapis supra lapidem. Matth. 24.* Et hæc nunc sufficiunt de primo, & proprio errore Judæorum. Fuit verò etiam alius qui proprius dicitur judaizantium potius, quàm Judæorum. nam erant isti credentes in Christum, volebant autem Judaïsmum conjungere cum Evangelio, asserentes debere Judæos etiam si Christum, ut Messiam amplectantur, servare legem Moysis: sed hic error non spectat ad illam speciem infidelitatis, quæ est Judaïsmus: sed ad speciem hæresis: & ideo quæ statim generatim dicemus de hæresi, contra illam valent, & specialiter impugnari solet tractando de cessatione legalium in materia de legibus l. 2. q. 103. vide lib. 9. de legib. & prologom. §. de gratia.

*Alter error
minus proprie
Judeorum.*

Comparatiō ad Sectas Hæreticorum.

VII. Tertiò comparanda est fides nostra cum sectis hæreticorum generatim. In quo puncto imprimis est advertendum, hæreti-

hæreticos omnes confiteri, doctrinam à Christo & Apostolis traditam esse veram: in quo cum Catholicis conveniunt. Item conveniunt in hoc, quòd fatentur fidem Christi tantum esse unam, juxta illud Paul. ad Ephes. 4. *Unus Deus, una fides.* Item fatentur, hanc fidem debere esse purā ab omni falsitate: nam doctrina, quæ revera procedit à Christo, necessario debet esse in omnibus vera, & infallibilis, aliās tota esset incerta, & non posset haberi, ut doctrina DEI, unde fit inter omnes doctrinas quæ nomine Christi in mūdo existūt, unā tantum illarū esse reverā à Christo, ac subinde illā solum esse credibilem, ut à DEO dictam, quia cū illæ doctrinæ contraria doceant, non possunt omnes esse veræ; ergo una tantum illarum est vera doctrina Christi. Difficultas autem est, quia unusquisq; hæreticorum contendit suam doctrinam esse, quam Christus & Apostoli tradiderunt, & miraculis confirmāunt; & in quibus denique eò veniunt omnia quæ supra diximus. Ut ergò contra omnes hæreticos ostendamus, incredibilia docere comparatione fidei, quam Ecclesia Catholica & Romana docet, nonnulla motiva vel signa hæresis proponenda sunt. Possumus autem illa signa reducere ad tria capita posita in præcedentibus. *Fit etiam terminatio Comparatio ex primo seu confirmatio per propria opera ejus: hæc namque confestim præterendo seu contraponendo, intelligitur facile, quanta sit differentia inter credibilitatem fidei Romanæ, & cujuscunque hæreticæ posito supra, doctrinæ. quibus accedunt alia.*

VIII. In Motivo capite addenda est hic conditio, quæ est *Prima est magnum indicium, veræ vel falsæ doctrinæ fidei, vel quæ tantum de fide prædicatur, quæ conditio est Antiquitas, vel Novitas. Antiquitas.* Nam vera fides debet esse antiqua: novitas autem in materia fidei signum est hæresis: talis autem debet esse antiquitas, ut ejus origo possit reduci ad Christum, & Apostolos, vel formaliter, vel virtute: id est ad aliqua principia ab Apostolis tradita: omnis autem novitas quæ ab hac antiquitate discedit signum est falsæ doctrinæ, seu alienæ à vera fide. Hæc autem diversitas evidenter reperitur inter doctrinam Ecclesiæ & hæreticorum: nam doctrina Ecclesiæ habet prædictam antiquitatem, ut patet ex perpetua successione Pontificum Romanorum à Petro us-

que ad hunc qui modò sedet, Paulum Quintum, tum Ecclesiæ, quæ illos ut Pastores semper agnovit, & fidem Petri retinuit: nullum enim aliud initium hujus fidei inveniri aut fingi potest: item quia hæc fides in antiquis Patribus Ecclesiæ invenitur, qui à temporibus ferè Apostolorum, usque ad nostra tempora sibi successerunt: at verò è contrariò in quacunq; hæresi initium ejus notatur, & tempus, & locus ubi incepit, & author à quo ordinariè nomen accepit, & hanc differentiam, inter veram doctrinam, & hæresim notarunt Patres. Cyprianus de veritate Ecclesiæ, *Non enim nos ab illis, sed illi à nobis discesserunt.* Idem ferè Epiphan. in Anchorato circa finem & Hæresi 76. Cùm Arius Catholicos vocaret antiquarios, ex ipso met verbo illum convincit: *Nam vera fides inquit semper antiqua, nunquam veterascit: & Justinus Martyr Dialog. cum Triphone: Quoniam inquit omnis hæresis ab aliquo ducit originem, qui à Christo desciverit, à nomine authoris nos sequaces nominat, alia videri possunt in Irenæo lib. 8. contra hæres. cap. 3. Athanas. serm. 2.*

Hujus præ- contra Arianos: Hieronymo cont. Lucifer. circa finem. Ratio
rogativæ ratio autem hujus conditionis & differentiæ, est manifesta: nam vera fides, quam profitemur est fides Christi, ergo ab illo debet ducere originem, & consequenter ab Apostolis, quia per illos prædicata est; & per mundum seminata: ergo doctrina quæ non reducit ad hanc originem, non est credibilis ut fides Christi: & deinde non potest esse credibilis, ut Divina; tum quia fides contraria fidei Christi non potest esse Divina, tum etiam quia nullus hæreticus ostendit, nec credibilem facit novam revelationem doctrinæ sibi factam: ergo convicitur esse humanum inventum incredibile respectu fidei Romanæ.

Heretici quoque antiquitatem suorum dogmatum ostendunt, de quo vide lib. 1. c. 25. defensionis fidei.

Refelluntur à Tertull. & à Hieron.

IX. At verò hæretici nostri temporis pressi hac difficultate fingunt suam doctrinam esse antiquam, & in primitiva Ecclesia fuisse, postea verò per multa tempora latuisse usque ad Lutherum v. g. vel aliud simile. Contrario verò fidem Romanam antiquam per aliqua tempora durasse, postea verò sensim defecisse, & ita illam nunc profitemur, non esse antiquam, sed novam. Simile autem effugium hæreticorum rectè coarguit Tertul. de præscriptionibus Hæreticorum, & Hieronym. Episto. 65. ad Pammachium & Occanum, unde inter alia dicit: *Quis quis assertor*

es novorum dogmatum, quæso te ut parcas Romanis auribus, parcas fidei, quæ Apostoli voce laudatur. Et infra: Usq; ad hunc diem sine ista doctrina mundus Christianus fuit, eam senex teneto fidem, quam à parentibus accepi, cur post quadringentos annos docere nos niteris, quod antea nescivimus? Præterea illud prius, quod hæretici dicunt de antiquitate suæ doctrinæ, sæpe est contra suosmet Authores, qui novitatem profitentur, inò de illa maximè gloriantur. Deinde est voluntariè assertum, ac subinde fide indignum: nam si eorum opinio antea erat, & latebat, ostendant aliquod vestigium ejus, vel quomodo eis innotuerit quod lateret, & qua viâ ad illorū notitiā pervenit: cum enim nihil horū suadere aut probare possint manifestè convincitur, gratis hæc confingere ad suam novitatē occultandam. Deniq; non minus fallum & varium est quod ajunt, Romanam fidem sensim defecisse: quia ut dixi, tora invenitur in veteribus Patribus: & quia assignare non possunt tempus, in quo cœpit deficere: nec dogma novum, quod cœperit docere antiquis contrarium: nec authorem illius temporis, qui tale dogma confutavit: cum tamen experimento constet, nunquam in Ecclesia fuisse exortum novum errorem, quin statim à Catholicis fuerit notatus, & expugnatus.

X. Atque hinc colliguntur duæ aliæ conditiones veræ doctrinæ fidei, quas etiam hæretici negare non audent, & frustra conantur sibi illas accommodare: una est, ut sit fides *Apostolica*: nam sicut est de ratione veræ Ecclesiæ, ut sit *Apostolica*, ut habetur in Symbolo: ita est de ratione veræ fidei, ut *Apostolica* sit: tum quia vera Ecclesia per veram fidem constituitur: tum etiam, quia eandem habent originem. Ex dictis autem constat fidem, quam profitemur, esse *Apostolicam*, non enim ita nominatur nisi ex origine, & successione, & quia Apostolico testimonio fundata est. E contrario verò hæretici ostendere non possunt hanc successionem ut probavimus. Altera conditio est ut vera fides sit *Catholica*: quæ simili modo ex Symbolo probari potest, ubi etiam Ecclesia *Catholica* esse dicitur. Aug. cont. Epistol. Fundamenti c. 4. ex solo nomine *Catholica*, probat suæ fidei veritatem: dicitur autem *Catholica* fides, quia universalis, hoc enim vox illa græca, latine significat: debet autem fides Christi esse universalis, tempore, loco, & personis: quia Ecclesia Christi, ex quo fundata est, universalem

Refelluntur 2.

Tertiò:

Quartò.

Secunda prærogativa doctrinæ fidei, quod sit Apostolica, de qua lib. 1. c. 17. defensionis fidei.

Tertia quod sit Catholica de qua ibidē s. 12.

temporis durationem postulat: juxta illud: *Portæ inferi non prævalent adversus eam*: & pro toto mundo fundata est, & pro omnibus gentibus, juxta illud *Euntes in mundum universum, docete omnes gentes* &c. Et alibi: *Prædicabitur Evangelium hoc in universo mundo, & universæ creaturæ*: ergo fides hujus Ecclesiæ iisdem modis, universalis esse debet. Quod ergo spectat ad universalitatem temporis, rectè colligitur ex dictis, non inveniri in hæretica doctrina: quia non habet illam antiquitatem, quæ ad hanc universalitatem necessaria est: id est ut post Christum nullo tempore defecerit: & hoc satis est, ut non sit *Catholica*: quod verò spectat ad universalitatem loci, & personarum, constat ordinariè hæresim in quodam peculiari loco, ut gente versari, & non habere eam universalitatem quam Ecclesia Catholica postulat, ut ex dicendis magis patebit.

*Tertia prærog.
quod sit doctrina
sana & irreprehensibilis.*

XI. Præter has conditiones doctrinæ, considerari possunt alix superius tactæ, quas comprehendit Paul. ad Tit. 2. dicens, verbum fidei debere esse *sanum & irreprehensibile*, quale ostendimus esse in Ecclesia Romana, doctrina autem hæreticorum ordinariè, non est irreprehensibilis: quia semper aliqua miscet; quæ etiam rationi naturali non sunt consentanea, quod notavit in antiquis hæreticis, Irenæus lib. primo & 2. & Epiphanius hæres. 26. & 27. Augustinus Epist. 50. maxime verò invenitur hic defectus in hæreticis nostri temporis: tollunt enim liberum arbitrium, quod est fundamentum moralis bonitatis, & honestatis, & DEUM faciunt authorem peccati, & negant necessitatem bonorum operum, affirmantque DEUM non imputare peccata credentibus, & similia, quæ manifestè sunt contra omnem rationem & honestatem, non est ergo verbum illorum *irreprehensibile*, & consequenter non potest esse *sanum*, quia nec ad sanitatem animæ confert, neque est sibi constans, nec proportionem, aut soliditatem habet: cujus ratio propria est, quia nullam habent hæretici credendi regulam, præter humanam conjecturam, quæ ordinariè est juxta uniuscujusque affectum, & inde fit ut ex iisdem rebus habentibus eandem DEI auctoritatem æquè propositam, seu æqualiter credibilem quædam credant, alia non credant, solum quia ipsis ita videtur, vel quia unum est consentaneum eorum affectui, & non aliud,

ud, ut notavit Epiphan. hæres. 47. ubi admiratur, quàm inconstanter omnia dicantur, & fiant apud hæreticos, de quo videri potest Epist. Athanasii ad Liberium, & Epist. Jovinian. Augustini lib. 7. Tripartitæ cap. 3.

XII. Atque hinc fit, ut doctrinæ hæreticorum, summa sit *Hereticæ doctrinæ vitia*, & mutabilitas & inconstantia, quæ maximè repugnat veræ fidei. Tribus autem modis hæc inconstantia contingit: primus est, quia *contra recens* author hæresis sæpè in uno loco contrarium illius affirmat, quod *sentur*. prius dixerat per incogitantiam, vel inadvertentiam, quod in no-*I. vitium Con-*vis hæreticis maximè notatum est. Secundò aliquando mutant *traditio*, opinionem quam prius tenuerant, quod est apertum signum opinionis humanæ, non veræ fidei, juxta doctrinam Pauli ad Gal. 1. ferè per totum. Terriò frequentius contingit, ut post exortam *3. Divisio in* hæresim, statim dividatur in plures, per varietatem discipulorum, *plures*, quod repugnat etiam unitati fidei: de qua varietate, & divisione doctrinæ inter hæreticos multa leguntur in Patribus, & in Historiis, & præsertim videri potest Aug. lib. 1. de Bapt. cap. 6. de Agone Christiano cap. 29. & de peccatorum meritis cap. 34. ubi ad Pelagianos, inquit: *Prius apud se ipsi consentiant, & ita fiet, ut à nobis nulla ex parte dissentiant.* Sic etiam dixit Tertulian lib. de præscriptionibus hæreticorum: *dum sibi adversantur, fidem nostram confirmant.* Plura habet Irenæus libro primo, capite quinto, & vigesimo primo: & Cyprianus lib. 4. Epist. 2. Ambrosius 5. de fide, cap. 4. & videri potest Epistola Agathonis Papæ in 6. Synodo Action. 4. & Tarai. 1 in 7. Synodo, Action. 1. refert etiam Sozomenus lib. 9. Histor. cap. 5. multos hæreticos propter hanc varietatem, & inconstantiam doctrinæ, ad fidem Catholicam rediisse. Ratio autem hujus inconstantia est, quia hæresis non fundatur in Spiritu DEI, sed in proprio judicio, & ideo, sicut inter Philosophos invenitur hæc divisio sectarum, & opinionum, ita etiam inter hæreticos: de quo videri potest Augus. sermone 11. de verbis Apostoli, & 18. de Civit. cap. 41. & Niceph. lib. 4. Histor. cap. 29.

XIII. Hinc etiam notant Patres aliud signum hereticæ doctrinæ, quod est mutilare Scripturam, & eam proprio arbitrio interpretari, vel potius corrumpere, quoties enim ita urgetur aliquo testimonio Scripturæ, ut illi respondere non possint, magnâ *4. Depravatio script.* facili-

facilitate negant librum illum esse canonicum, sicut modo hæretici negant libros Machabæorum 1. & 2. esse canonicos, quia ex illis manifestè probatur Purgatorium, & alii negant Epist. Jacobi, quia ex illa convincitur necessitas operum: atque ita fit ut proprio arbitrio, conjecturâ, vel affectu admittant, vel negent libros canonicos, per quod destruitur tota certitudo, & constantia fidei, de quo videri potest Irenæ. lib. 1. c. 29. & lib. 3. c. 20. & 22. Aliquando verò, & sæpius evertunt Scripturas, per falsas interpretationes, ut figuratè intelligendo, quæ in proprio sensu ab Ecclesia & Patribus intellectæ sunt, sicut fecit Calvinus in verbis consecrationis. Unde rectè dixit Iren. 5. *Coguntur multa male interpretari, quia unum nolunt benè intelligere*: de quo etiam August. libr. de utilitate credendi cap. 3. & 28. cont. Faust. cap. 22. & Epiphani. Hæres. 44. Tandem adnotari doctrinam Christi fieri maximè credibilem, ex efficacia ejus ad convertendas animas: contrarium ergò notant SS. Patres, & Catholici Doctores in doctrinis hæreticorum: nam ordinariè non convertunt animas ad Christum: neque hoc intendunt, sed pervertunt credentes in Christum: & hoc maximè procurant. Ratio autem est, quia non habent verbum DEI potens, & efficax ad convertendas animas: sed habent verbum merè humanum: quod est aptum ad pervertendum, quia ordinariè docent ea, quæ placent sensui, & affectui humano, de quo videri potest, Gregor. 8. mor. cap. 2.

Inefficacia ad convertendas animas.

Progredditur 3. cōparatio

XIV. Secundum caput credibilitatis erat *Authoritas testificantium, & prædicantium doctrinam*; hæc autem maximè deficit in doctrinis hæreticorum, quod maximè notârunt Patres: quia author hæresis ordinariè esse solet vitiiis deditus, & ideo fide indignus: maximè autem duci solent spiritu superbiæ: unde August. libr. de Pastoribus cap. 8. *Una inquit superbia omnes illos genuit*: sæpe etiam ducuntur avaritiâ, ut de Simone Mago legimus Act. 8. & Cyprian. notat. lib. 1. Epist. 4. & videri potest. libr. 4. Epist. 9. & Epiphani. hæres. 25. aliquando verò concupiscentiâ, & voluptate ducuntur, ut notat. Hieronym. Epist. ad Cresiphontem, & Vincent. Lirinensis contra prophanas vocum novitates: quæ omnia, & alia plura complectitur Paul. 2. ad Timoth. 3. dicens de hæreticis. *Erunt homines seipsos amantes, cupidi, elati, superbi, & intra corrupti*

mente, & reprobi in fide. Similia habet Epist. 1. c. 4. quæ loca ponderat Cyprianus dicta Epistola 4. libr. & Epist. etiam 6. & videri etiam potest, Gregor. lib. 3. moral. cap. 17. His accedit quod regulariter initium hæresis sumitur ex aliqua humana occasione, ut ex indignatione aliqua propter dignitatem non obtentam, vel aliquid simile, quod in antiquis hæreticis, notat. Euseb. lib. 7. Histor. cap. 33. & Nicephor. lib. 4. cap. 4. 7. & 20. & lib. 6. cap. 3. De novis autem hæreticis, & præsertim de Luthero nota est historia, de qua videri potest Cocleus in actis Lutheri anno 1517. & Hofius lib. 1. contra Brenium: est etiam nota & notabilis historia Henrici VIII. Regis Angliæ, & similes. Accedit denique quod doctrina hæretica non habet majorem auctoritatem à sequacibus, quam ab authore: tum quia discipuli doctoris hæretici, nec meliores, nec doctiores esse solent Magistro; & ad minimum nullum habent indicium insignis sanctitatis, quæ in Doctõribus Ecclesiæ Catholicæ inventa est, quod maximè in hæreticis nostri temporis verum habet, quia non solum Evangelicam perfectionem non sequuntur, verum etiam illam condemnant, & reprobant, consilia perfectionis abnegantes: tum etiam quia doctrina hæretica dici non potest in suum testimonium habere consensum populorum; quia licet interdum plures per illam pervertantur, nihilominus ut dixi ipsi inter se non consentiunt, & præterea major pars ex his Christiani illi resistit: tum denique quia nullum habet signum supernaturalis doctrinæ, aut Divini auxilii; quia nec Prophetiam habent, nec miracula, ut jam dicam.

XV. Tertium caput credibilitatis fidei sumebatur ex Divinis, & miraculosis operibus, quibus DEUS ipse quasi subscribit tali doctrinæ, quæ maximè necessaria sunt, quando doctrina, quæ, ut supernaturalis proponitur, incipit introduci, ut indicavit Augustinus libr. 10. de Civitate capit. 8. Doctrina autem hæretica nova est, ut dixi, & ab ipsis hæreticis, ut supernaturalis venditur, & tamen in illius confirmationem, nullum miraculum exhibent; Signum ergo est non esse Divinam; quia ordinarius modus providentiæ Divinæ est, doctrinam suam confirmare miraculis, præsertim quando prædicari incipit: quod, supra monstratum est de doctrina Ecclesiæ Catholicæ. Imò ait Au-

E

gust.

Alterius
progredditur 3.
comparatio ex
3. motivo

gust. lib. 22 de Civit. cap. 8. non solum in principio Ecclesiæ, sed etiam in progressu ejus, hanc doctrinam veris miraculis confirmari, quod usque ad nostra tempora factum esse conspiciamus. Et in tot historiis legimus, ut non nisi impudenter negari possit. Atque hinc factum est, ut hæretici sæpius miracula edere, vel potius ostentare voluerint: facile autem intellectum est illa esse falsa, & conficta, de quo aliquid videri potest in 6. Synod. Actione 15. & Epiphan. hæresi 66. & Tertull. de præscript. hæreti. Et de novis hæreticis alia referunt Alan. in Dialog. 6. cap. 29, 30, & 31. & Bellarmin. lib. 4. de notis Ecclesiæ cap. 14. ubi specialiter de Calvino refert, voluisse fingere resurrectionem mortui & vivum occidisse. Igitur conferendo omnia indicia veritatis, & signa credibilitatis, in utraque doctrina: non solum est evidens Romanam fidem esse credibiliorem, sed etiam solam illam esse credibilem. *Hactenus doctissimus Suarez.*

Comparatio Credibilitatis Fidei Christianæ ad Sectam Antichristi.

Matth. 24.

*Suarez in 3.
p. D. Thom. T. 2.
q. 1. sect. 4.*

Sullo tempore, tum sub adventum Antichristi indigebunt fideles Christi Motivis, quibus convicti cernant se obligatos esse, ad fortiter perseverandum in doctrina Christi, & impium dogma Antichristi execrandum. Etenim sicut Christus prædicit. Erit tunc tribulatio magna, qualis non fuit ab initio mundi, usque modo, neq. fiet; & nisi breviati essent dies illi, non fieret salva omnis caro: sed propter electos breviabuntur dies illi. Et paulò infra: Surgent Pseudo-Christi, & Pseudo-Prophetae: & dabunt signa magna & prodigia, ita ut in errorem inducantur (si fieri potest) etiam Electi. Unde Spiritus S. circumstantias & eventus futuros illius temporis Antichristiani in sacris scripturis insinnavit, quatenus ut *Suarez* ait; *Falsus Christus à vero, & similiter falsa signa à veris miraculis discerni possint: ut notavit Athanasius q. 29. ad Antioch; & Cyrill. Jerololym. Matth. 24. Et hinc oritur.*

Primum Motivum generale includens alia. Quia fideles Christi videntes aliqua in scripturis prædicta de Antichristo incipere compleri, prudenter supponere debent & reliqua de ipso verificali-

rificanda: non est enim ratio cur alia de ipso verificentur, alia non sint verificabilia. Cum utraque à summa veritate & scientia DEI sint prævita & prædicta; & nihil adhuc supponitur esse probatū in contrarium. Vel, dum conabitur probare contrarium, scilicet negando hæc de se esse vaticinata, sed se esse verum Mesiam, aut DEUM; hoc ipso affirmabit de se esse vaticinata: quia nunc vaticinium est, illum ad credendum se esse Christum, & DEUM, talibus & talibus mediis usurum, v. g. gravissimā persecutione. Ergo visis aliquibus de ipso comperi, certum erit & cætera prædicta de ipso, fore complenda.

Secundum Motivum est. Quia non modò his qualitatibus carebit doctrina ejus, quas habet doctrina fidei Christianæ, nempe *Veritatem, Sanctitatem, Efficaciam*, ut supra vidimus de motivis externis credibilitatis: verum etiam omnia contraria scilicet *Falsitatem, Impuritatem, Inefficaciam* habebit. Quoad *Falsitatem* quidem: Antichristus enim est docturus (ut ex Suarez colligitur) imo Dominum nostrum JESUM Christum non fuisse verum Mesiam, sed se esse talem in lege & Prophetis promissum, juxta quod Christus ad Judæos dixit: *Patres intelligunt illis verbis: Si (id est cum vel quando juxta intelligentiam Patrum) alius venerit in nomine suo, illum accipietis.* Sed hæc falsitas quàm manifesta sit; colligere licet ex dictis supra de comparatione Fidei Christianæ ad Judæismum. Nunc vero addo illustriores Prophetias quibus apertè probatur Dominus noster JESUS esse verè Christus.

Prima Prophetia seu Testimonium est. Jacob benedicens filios suos, ad Judam inquit: *Non auferetur sceptrum de Juda, nec dux de femore ejus, donec veniat, qui mittendus est: & ipse erit expectatio gentium.* Supra quod Suarez varias referens S.S. Patrum, & Rabinorum opinioniones, ex illis tale lumen expositionis affert dicens: *Illud imprimis simpliciter verius existimo, nomine Judæ intelligendum esse specialem Tribum, & intentionem Jacob fuisse prædicere ex illa non defuturos principes, aut duces populi Judaici.* Et paulò infra: *Ut omittam tempus illud, quo post hanc prædictionem Jacob, populus Judæorum in Ægypto perimansit, de quo neque in scriptura sacra, neque in prophana historia aliquid scriptum reperio,*

“statim ac populus discescit ab Ægypto, coepit illa tribus cæteris an-
 “teferri. Numerorum enim 2. & 7. prima acies ad orientem tri-
 “bui Judæ cum copiis suis tribuitur; & cap. 9. prima omnium
 “castra movebat, & quasi agmen ducebat. Deinde numeror. 7.
 “convenientibus principibus tribuum ad offerenda munera,
 “prius offert Naason princeps Judæ. Judicum etiam. 1.
 “jussu D E I suprema potestas ad hanc tribum delata est post
 “Josue mortem. Et quodocunque genealogiæ tribuum re-
 “feruntur, semper prima refertur Judæ posteritas. 1. Paralipome: 2.
 “& sæpe aliis. Unde etiam facile credibile fit, in illo Concilio 70.
 “virorum primarios judices fuisse de tribu Juda, quod præsertim
 “ac necessariò dicendum est de eo tempore, quo regnum Judæo-
 “rum ferè ad tribum Juda redactum est. Unde fit, hanc saltem di-
 “gnitatem usque ad Christi adventum in ea perseverasse. Et Cor-

Cornel. à La-
 pide Comm. in
 Gen. cap. 49.

nelius à Lapide sic commentatur inquires: Dico tribui Juda hic
 consignari regnum & principatum, eamq; defacto illū obtinuisse
 usque ad Mesiam, puta Christum, duplici ratione actitulo. Pri-
 mò, quia sola tribus Juda obtinuit regnum à Daniele usque ad
 Sedechiam per annos 70, idque in magna gloria, opibus, & for-
 titudine, usque ad captivitatem Babylonicam. Rursum, quia so-
 la tribus Juda rediit ex hac captivitate, cum paucis aliis oriundis
 ex tribu Benjamin, Levi, & aliis tribubus. Hinc tota deinceps
 gens Judæorum, nomen à Juda accepit, omnesque licet ex aliis
 tribubus descendentes, censcebantur esse tribus Juda; quia cum
 Juda erant commisti, atque in tribum & Rempubl. Juda erant
 insiti & cooptrati. Hoc ergò modo, & hac ratione Machabæi,
 licet essent Levitæ, censentur tamen tribus Juda; quia in tribum
 Juda cooptrati, & à tribu Juda electi, in eadem regnârunt, atque
 hoc sensu verum est, tribum Juda hic includere quoslibet de aliis
 tribubus, tribui Juda insitos & commistos, solosque excludere
 alienigenas, puta gentiles. Et infra, idem citatus auctor ait in hunc
 sensum: Secundò, sensus hujus loci est, q d. Regnum Judæorum,
 ex quo semel ex tribu Juda Reges habere coeperit, nunquam de-
 ciderit in potestatem Regum, qui non sunt Judæi; sed tribus Juda
 semper retinebit suum jus & coronam Regni, ad creandum sibi
 Reges vel duces, etiam si ex alia tribu, uti elegit sibi in duces Ma-
 chabæos

chabæos ex tribu Levi, ob illorum zelum & fortitudinem, (sicut v. g. Regnum Poloniæ tamdiu manet, quàm diu corona & jus eligendi Regem ac gubernandi apud Polonos manet, etiam si externus liberè electus regnet; deficeret verò corona & sceptrum Poloniæ, si eam Turca, quod DEUS avertat, per vim subigeret, seque per Tyrannidem Regem Poloniæ constitueret) quousque promissus Messias adveniat. Id ita re ipsâ evenisse constat: defecit enim Sceptrum de Juda tempore Augusti Cæsaris, tunc enim Senatus Romanus, ipseque Cæsar regnum Judæorum ademit Hyrcano, & Antigono Aristobuli filio, qui ejus legitimi erant heredes, utpotè prognati ex Machabæis, live Asamonæis, illudque contra populi voluntatem per vim transtulit in alienigenam, puta in Herodem Ascalonitam, quem creavit Regem Judæorum: atque natus est Christus, puta anno Herodis 35. qui fuit ab hac prophetia 2695. nam Jacob hæc dixit anno ætatis 147. quo & mortuus est, qui fuit annus mundi 1255. Christus autem natus est anno mundi 3950. Ergò à morte Jacobi usque ad ortum Christi fluxerunt Anni 2695. *Hætenus ex Cornelio.*

Suarez verò inquit: Principatus Judæorum in Christi adventu omnino cessavit: non solum quia Rex alienigena Herodes tunc regnare cœpit in populo Judaico; & quia Concilium Sanhedrin, suâ potestate privatum est, & ab altero Herode, cujus tempore mortuus est Christus, penitus extinctum; Sed etiam, quia paulò post in everfione & captivitate Jerusalem à Romanis facta, totus ille populus ferè deletus est, & distinctio tribuum ita confusa, ut nulla dignitas aut prærogativa tribus Judæ jam cerni aut fingi posset. Omnino ergo vanum & ineptum est adhuc ex illa tribu Mesiam expectare. *Hæc Suarez.*

2dum Testimonium, sicut clarissimum, ita & vulgatissimum ad convincendos Judæos est, quod ex Daniel. 9. sumitur, ubi ortus Messie post septuaginta hebdomadas futurus prædicitur his verbis. *Animadvertè sermonem, & intellige visionem, 70. hebdomades abbreviatæ sunt super populum tuum, & super urbem sanctam tuam: ut consummetur prævaricatio, & finem accipiat peccatum, & deleatur iniquitas, & adducatur justitia sempiterna, & impleatur visio & prophetia: & ungatur Sanctus Sanctorum. Scito ergo, & animadvertè; Ab exitu sermonis,*

Daniel. 9.

ut iterum ædificetur Jerusalem usq; ad Christum ducem hebdomades 7. & hebdomades 62. erunt. Et rursum ædificabitur platea & muri in angustia temporum. Et post hebdomades 62. occidetur Christus, & non erit ejus populus, qui eum negaturus est; Et civitatem & sanctuarium dissipabit populus, cum duce venturo; & finis ejus vastitas, & post finem belli statuta desolatio. Confirmabit autem pactum multis hebdomada una, & in dimidio hebdomadis deficiet Hostia, & sacrificium, & erit in templo abominatio desolationis, & usque ad consummationem & finem perseverabit desolatio. Cujus textus explicandi gratiâ varias opiniones & intricatas diffi-

*Suarez in 3.
p. D. Thomæ
Disp. 1. Sect. 2.*

cultates referens, & aliquas resolvens Suarez, ad hanc sententiam inclinat in explicanda curatione hebdomadarum dicens Alii inchoando hebdomadas ab Artaxerxe, illarum finem differunt, usq; ad Titum, & Vespasianum; & ut melius quadret annorum numerus, dicunt non esse necessarium sumere initium ab ipso vigesimo anno Artaxerxis, quando primo exiit sermo de ædificanda civitate Jerusalem; sed ab eo tempore, quo perfecta fuit ædificatio, tunc enim dicitur etiam propriè sermo aliquis habere exitum, quando opere completus est: ille autem annus fuit 30. vel 32 ejusdem Artaxerxis, ut sumitur ex Neemiæ. 13. Quam sententiam videtur multum insinuare Chrysost. Oratione 2. contra Judæos quæ ita potest breviter ex dictis explicare juxta Olympiades Eulebii, adjuncto citato loco ex 1. libr. Machabæ: cap. ultimo. Nam juxta Eulebium à 32 anno Artaxerxis Longimani usque ad Alexandrum fluxerunt centum tres anni: Alexander verò regnavit 6. aut 9. annis, qui Monarchiæ Græcorum initium dedit, à quo, ita intelligendo citatum locum ex 1. Machabæo usque ad finem ducentessimæ secundæ Olympiadis, in qua passus est Christus, fuerunt centum sexaginta anni, qui omnes efficiunt quadringentos quadraginta annos, ex quibus sexaginta tres hebdomadæ conficiuntur. Et ita juxta hanc computationem mors Christi accidit in hebdomada 63. Ita enim explicari potest verbum illud: *Et post 62. hebdomades occidetur Christus.* Deinde verò transactis aliis 6. hebdomadibus, id est post 42. annos dissipatum est sanctuarium, & civitas desolata ab exercitu, & duce Romano; & ita in initio septuagesimæ hebdomadæ completa est tota prophetia, ut hæc etiam

etiam ratione possint dici abbreviatæ septuaginta hebdomadæ. Quæ expositio non est improbabilis, quanquam suis difficultatibus non caret; non enim facile accomodatur textui, & vix evitare potest quin una redundet hebdomada. Utcunque tamen sit, in re tam difficili satis fuerit dubitasse: nam quod ad nostram fidem attinet satis exploratum est, tempus hebdomadarum effluxisse, atque adeo Danielis prophetiam impletam esse, quanquam propter humanæ historiæ incertitudinem, initium, & finem earum exactè explicare non possimus. *Hactenus Suarez,*

3tium Testimonium multiplex. Hinc Suarez ait: Quoniam in-*Suarez in 3. p.* finitum esset singula Prophetarum testimonia perscrutari, unum *D. Thom. Tom.* ac breve argumentum ex cæteris colligam, quod indicat Christus *1. Diss. 1. Sect. 4.* Matth. 11. quando nunciis à Joann. Baptist. misis, ut ipsum interrogarent. *Tu es, qui venturus es, an alium expectamus?* Respondit: *Cæci vident, claudi ambulant:* ac si aperte diceret; Ut me esse Messiam promissum cognoscatis, in me & per me impleta esse, quæ de Messia prædicta sunt, considerate. Prædictum enim erat, *Ortum Messiae futurum esse ex Virgine Isai. 7.* Et tali loco scilicet, Bethlehem, Mich. 5. Eteo tempore quo pax esset in universo orbe, Isai. 2. Mich. 4. Zach. 9. Rursus prænunciatus est Johan. Baptist. præcurfor illius, Isai. 40. Scriptum etiam erat Messiam prædicaturum, *pauperibus, captivis, & contritis corde:* suamque doctrinam magnis miraculis confirmaturum aperiendo oculos cæcorum, &c. Isai. 35. & 61. Prædictum præterea fuit futurum ipsum pauperem, & tanquam Regem ingressurum Jerusalem super asinam, Zachar. 9. Passio deinde & mors ejus, & tenebræ, seu solis defectio, & alia quæ in ipsa contigerunt, ita à Prophetis scripra sunt, ut retulisse potius præterita, quam futura prænunciassè planè videantur. ut constat ex Psal. 21. 40. 68. Isai. 53. Jer. 11. Amos. 9. Zach. 12. & 13. & sæpe aliàs, & Isai. 11. *sepulchrum ejus futurum dicitur gloriosum.* Narratur deinde descensus ejus ad inferos, & libertas captivorum justorum, qui ibi morabantur Eccle. 24. Zach. 9. Resurrectionem prædixit David. Psal. 3. & 15. Ascensionem verò 67. *Ascendisti in altum* &c. Et Mich. 2. *Ascendit pandens iter ante eos.* Inde verò Missurum Spiritum S. Joel. 2. significatum est. Denique vocatio gentium & reprobatio Judæorum sæpius à Prophetis dictæ sunt. De
priori

priori enim dicitur Isai. 49. *Parum est, ut sis mihi servus ad suscitandas tribus Jacob, & facies Israel convertendas: ecce dedi te in lucem gentium, ut sis salus mea usq; ad extremum terræ.* Et c. 66. *Mittam ex eis, qui salvati fuerint ad gentes in mare in Africam, & Lydiam tenentes sagittam, in Italiam & Græciam, ad insulas longè; ad eos qui non audierunt de me, & non viderunt gloriam meam &c.* De posteriori verò dicitur Jerem. 19. *Sic conteram populum istum &c.* Et similia sunt frequentia in scripturis: ex quibus ita concluditur argumentum. DEUS prædixit per Prophetas hæc omnia de Messia, ut per ea cognosceretur, cum venisset: Sed hæc omnia videmus esse completa in Christo: Ille ergo est verus Messias, qui jam venit. *Hæc Suarez, Subsumo.* Ergo falsissima erit doctrina Antichristi, D. N. JESUM Christum, verum Mesiam non fuisse.

Secunda pars doctrinæ Antichristi, quæ se esse verum Mesiam insinuat, falsitatis arguitur. *imo*, quia adducta loca Scripturæ ac Prophetarum, & alia innumera pro assertione veri Messiae D. N. JESU Christi, nunquam quadrabunt Antichristo: quod si aliqua sibi applicuerit, id faciet simulatè & hypocriticè. Cur enim quædam apparebunt in illo expleri, quædam non? cur in uno fideles Prophetæ inventi, in alio non? nisi blasphemaverit Spiritum Sanctum aliqua de ipso falsa prædixisse. *2do*, quia loca Scripturæ, quæ explicantur aliqua de Humanitate, aliqua de Divinitate Christi, alia de Spirituali Regno Ecclesiæ, de Felicitate sita in contemplatione ac amore DEI, quam prægustant in hac vita Sanctæ & puræ animæ, de Gloria Christi & justorum in ejus secundo adventu ad judicium, & in æterna beatitudine; Antichristus applicabit ad suam & suorum temporalem felicitatem, sitam in honore, potentia, divitiis, carnis deliciis; prout nunc Judæi defacto ita Scripturas intelligunt, & ideo Christum Dominum pro vero Messia, ore & opere docentem per ejusmodi felicitatis contemptum ad Regna cælestia debere festinare, recipere nolunt: Sed expectant Mesiam prosperitate temporali summum. Misera profectò talis felicitas, quæ communis est pessimis quoque hominibus, imò & bestiis quoad brutales voluptates carnis. Quid? Monarchæ illi orbis v. gr. Assyriorum, Romanorum, &c. quantus gloriosi triumphis, quantis opibus, quan-

quantâ potentiâ floruerunt? planè miraculum! Quæ bona voris Chrilicohs prælibantibus delicias Divinitatis, prorsus horror, foetor, & sterquilinum sunt. Falsum ergo asseret Antichristus, & nunc Judæi asserunt, promittere DEUM per SS. Prophetas, Mesiam & suos Servos bonis terrenis, quæ in se sunt vana, fallacia, corruptibilia, amaritudine mista, &c. abundantes futuros.

Tertiò dicendum est, Antichristum docturum, ac persvasurum hominibus; ut credant nullum esse verum DEUM præter seipsum: verisimile autem est, non esse hoc docturum, donec rerum omnium potiatur. Prior pars probatur ex Paulo 2. ad Thessal. 2. Extollitur supra omne quod dicitur DEUS, aut quod colitur, ita ut in templo DEI sedeat, ostendens se, tanquam sit DEUS. Et apud Daniel. dicitur cap. 11. Elevebitur, & magnificabitur adversus omnem DEUM, & adversus DEUM Deorum loquetur magnifica, & DEUM Patrum suorum non reputabit, nec quenquam Deorum curabit, quia adversum universa consurget. Verùm hæc Luciperianæ ambitionis imitatio, doctrina, & svadela, quàm sit futura impudentissima in Antichristo fallacia, facile quisque pernoscet, qui aliquam veri & summi DEI cognitionem habuerit, & inter DEUM ac Antichristum aliqualem comparisonem fecerit. Vide infra fusè dicta de DEO, p. 3. tract. ultimi & ejus infinitis perfectionibus. Nec novum id, ut corruptibilis homo præsumat tantam audaciam comparandi se DEO, vel credendi se esse DEUM, vel sentiendi paria DEO. Id fecere illi potentiâ, opibus, & gloriâ inflati; Nabuchodonosor Monarcha Assyriorum, Alexander Magnus, Antiochus, Herodes, Reges, & aliqui Romani Imperatores: quorum memoria periit cum sonitu, cadavera vermibus consumpta, & in foetorem horrorem, ac cinerem redacta, animæ verò æternis gehennæ ignibus cremantur. Dominus autem DEUS noster, ipse solus verus DEUS manet in æternum.

Altera conditio veræ ac Divinæ doctrinæ est Sanctitas & Puritas (ut supra visum §. 2. de motivo interno creditur.) quâ conditione quantum emineat doctrina S. Evangelii, & Sanctorum Apostolorum, tum illa explicata à SS. Patribus & Doctoribus Ecclesiæ, impossibile est effari: cum illa sit quæ sui sequaces homines planè Divinos & Angelos terrestres efficiat: sufficiatq;

vel sola inexplicabilis Sanctitas doctrinæ hujus pro motivo potentissimo ad amplectendam fidem Christi, pro eaque mille mortes obeundum. Jam verò doctrina Antichristi præcipua erit in observantia rituum legis Moyſaicæ. Unde S. Gregorius eos, qui docent legis ceremonias esse observandas, Antichristi prædicatores vocat. Nam ille, inquit, judaizare populum compellet, ut exteriorum ritum legis revocet, & sibi judæorum perfidiam subdat. Similia sentiunt alii SS. Patres citati à Suarez in 3. D. Thom. tom. 3. q. 59. sect. 4. Porro hæc observantia ceremonialis rituum legis, cum sit externa, corporalisque Sanctitas, tantum differt ab interna & vera Sanctitate Evangelii, quantum stellula à sole meridiano, dum lucet in virtute sua. Vel, si forsitan quæpiam Antichristus docebit moralia, hæc omnia, sicut & alia legis Moyſaicæ, & antiquorum Philosophorum scita & placita in genere moris, in altissimis gradibus perfectionis copiosissime in doctrina Christianæ fidei continentur, imò plura alia, quæ sunt supra capacitatem rationis naturalis. Simulatè autem cuncta faciet Antichristus, ut miscendo vera falsis, impia moribus probis, sicut nunc hæretici faciunt, incautos seducat, populumque in subjectione detineat more Pseudo-Politicorum, qui dicunt intantum expedire populum observantiâ probitatis imbuiere, inquantum hæc fuerit necessaria ad quietum regimen politicum, quod alias pravitate morum dissipatur. Caterum Antichristus loquetur placentia, & quæ superbiam, avaritiam, libertatem carnis sapient: in his enim juxta Apostolum Christi, nempe in concupiscentia carnis, concupiscentia oculorum, & superbia vitæ, seu in deliciis, divitiis, honoribus tota mundi felicitas sita: quam Judæi sperant à suo Messia, illamque offeret Antichristus; tum quoque ut ita sibi amplius devinciat plures populos, sicut nunc facit impia & carnalis Mahometi secta, prout & moderni temporis hæreses, Lutherana, Mennonistica, &c. ad quos, omnes feces Catholicorum refugunt, qui in Ecclesia Christi rigorem Sanctitatis, & puritatis, non perferunt. Deinde comparando Sanctitatem vitæ Christi cum hypocrisi & impietate Antichristi. Ille enim prius exemplo quam verbo docuit: potens opere & sermone coram DEO, ac omni populo, planè Sanctus, Sanctorum, cujus vitæ perfectio altissima, subinde spectan-

1. Joan. 2.

spectanda proponitur per exempla hoc in Opere, sub virtutibus adumbrata. Illius quoque imitatores Apostoli, Martyres, Confessores, Virgines, quàm eximiâ insignes claruerunt Sanctitate! Legere est vitas eorum omni fide dignissimas. At Antichristus, *Cyrrill. Jerosol.* quamvis juxta Cyrillum, primum quidem tanquam prudens aliquis, & *lym. Ca. 15.* intelligens, temperantiam atq; humanitatem simulabit, ut sic facilius decipiat, erit tamen revera omnium hominum perverissimus. Quod apud Daniele de illo prædicitur: Cum creverint iniquitates, *Daniel. 8.* consurget rex impudens facie, &c. & supra quam credi potest universa vastabit, & prosperabitur, & faciet, & interficiet robustos, & populum Sanctorum secundum voluntatem suam, & dirigetur dolus in manus ejus, &c. contra Principem Principum consurget. Item: Et erit in concupiscentiis foeminarum, &c. adversum universa consurget. Item: Sermones contra Excelsum loquetur, & putabit, quod possit mutare tempora, & leges. Et ab Apostolo Antichristus vocatur Homo peccati, filius perditionis, qui adversatur & extollitur supra omne quod dicitur DEUS aut quod colitur, ita ut in templo DEI sedeat ostendens se tanquam sit DEUS, &c. Ille iniquus, &c. cujus adventus secundum operationem sathanae in omni virtute, & signis, & prodigiis mendacibus, & in omni seductione iniquitatis iis, qui pereunt. Quàm immensa hic distantia à Christi humilitate, mansuetudine, puritate, veritate, omniq; alia virtute! Porro Antichristi Pseudo-Prophetae venientes in vestimentis ovium facile deprehenduntur esse lupi rapaces ex fructibus eorum; postquam oblata prosperitate boni temporalis, eam amplexi fuerint, in eaq; se extulerint; in adversitate verò dum fuerint inimices, impatientes, immisericordes, &c.

Quod concernit tertiam conditionem scilicet *Efficaciam doctrinae Christi*; hæc prorsus quoad modum est stupenda, ut supra in motivis externis credibil. visum est. Quia scilicet Christi Discipuli, homines simplices, inermes, pauperes, inundo tunc in sapientia sua vefsutissimo, supra captum rationis humanæ Mysteria fidei, tum contraria quæque sensui & carni, in virtute Divina brevi persvaserunt, adeo potenter, ut multa centena millia pro hac fide crudelissimas mortes ultrò appetierint. Horum omnia contraria in prædicatione Antichristi eveniunt: Siquidem surgent multi Pseudo-Prophetae, astutiâ & diabolicis artibus pleni, in persuasi-

bilibus

bilibus humanæ sapientiæ verbis potentes, munera largitione, & promissis realiter præstandis blandientes: minis & poenis terrentes, fallent, allicient, cogent ad suscipiendam Sectam Antichristi, habentem nil admirandum, nil supra rationem, sed omnia corporalia, sensibilia, carni delectabilia; ad quæ illo corruptissimo seculo ultrò propendunt homines. Etiam quoad eloquentiam & persuasionem, in hac Antichristus à dæmone excellenter instruetur: imò S. Anselmus ait: *Quòd erit sapientià & eloquentià incredibili, & omnes artes & scripturam memoriter sciet.* Divitias quibus corrumpentur sectarii Antichristi, certum est illas fore immensas: siquidem dicitur apud Daniel: *Dominabitur thesaurorum auri & argenti, & in omnibus pretiosis Egypti.* Unde Anselmus ait: *Quòd industria demonum, omnis pecunia occulta, erit ei manifesta: sive sit in mari, sive in reconditis terræ finibus.* Imò fortasse etiam mineralia auri & argenti virtute dæmonum elaborata, omnia illi offerentur, & usui erunt ad imperia obtinendum. Magnitudo verò persecutionis sub Antichristo prædicitur Matth. *Erit tunc tribulatio magna, qualis non fuit ab initio mundi, usq; modo, neq; fiet.* Et de hac tribulatione dicitur apud Dani: *Et ecce cornu illud faciebat bellum adversus Sanctos, & prævalebat eis.* Et infra: *Sanctos Altissimi conteret: & putabit, quòd possit mutare tempora & leges, & tradentur in manu ejus usq; ad tempus, & tempora, & dimidium temporis.* Idem colligitur ex cap. 8. & 11. & 12. quorum verba omitto ad prolixitatem vitandam, licet gravissima sint. Porro hæc persecutio erit acerbissima. Tum, quia erit magis spiritualis in perditionem animæ, quàm temporalis in jactura bonorum. Tum, quia cogentur abnegare Christum, & DEUM, ac omnem ejus cultum deferere, ac iniquissimum hominem pro DEO colere. Tum, quia protunc solvetur diabolus, id est, amplior ipsi potestas permittetur affligendi & cruciandi Electos per Tyrannos & allectas Antichristi: unde Cyrillus & Hyppoli: dicunt *Eo tempore futuros esse Martyres illustriores.*

Et hæc de secundo Motivo comparationis veritatis, sanctitatis, & efficacie doctrine Christi; ad falsitatem, impietatem, inefficaciam doctrine Antichristi dicta sufficiant.

Tertium Motivum ex multitudine & autoritate Testium; qui

Daniel. 11.
Anselm. in Elucidor.

Matth. 24.
Daniel. 7.

V. Suarez, in 3.
p. D. Thom. 2.
q 59. sect. 6.

qui non tam comprobabant sectam Antichristi (sicut approbaverunt & approbant D.N. JESUM Christum, & ejus doctrinam, ut supra visum est. §. 2. Motiv. Credibil. & hic in 2. Motivo) quam ut reprobarent jam, & nunc reprobant; ac tunc reprobabunt: sicut ex comparatione Christi ad Antichristum per supra citata, & citanda, ac alia plurima loca in sacris Scripturis, SS. Patribus & Doctoribus Ecclesiae manifestè patet. Et maxime, quis martyrio, quis incredibili vitae asperitate testificabitur veritatem doctrinae Antichristi? quemadmodum testati sunt fidem Christi tot milliones Martyrum, Confessorum, Virginum (de quibus infra sub martyrio & sub singulis penè virtutibus posita Sanctorum exempla) imò multi gloriosissimi Martyres per crudelissima tormenta ac mortes testificabuntur falsitatem & impietatem sectae Antichristi, illos in suas partes & blanditiis & terroribus cogentis.

Quartum Motivum. Falsitas miraculorum, quæ faciet Antichristus & ejus Pseudo-Propheeta. De quibus hæc accipe ex *Suario: Paulus ad Thessalon. ait: Cujus est adventus secundum operationem sathanae, in omni virtute, & signis, & prodigiis mendacibus, & in omni seditione iniquitatis.* Nam sicut Christus miracula edidit in confirmationem veritatis: ita ipse faciet signa mendacia in confirmationem falsitatis, ut ibi notant Chrysost. & Ambros. Tamen sicut Christus illa faciebat virtute DEI, qui est prima Veritas: ita ipse faciet virtute sathanae, qui est pater mendacii: & ideo non faciet vera miracula, sicut CHRISTUS, sed falsa. Quia, vel res, quæ apparebunt, non erunt veræ, sed phantasticæ, ut si videatur fulcitare mortuum: aut verè non erat priùs mortuus; aut postea non verè vivet, ut notavit Athanasius q. 3. in Antiochum; aut si interdum fuerint res veræ, quæ apparebunt, non erunt tales, quæ modo miraculose fiant: sed per applicationem occultarum naturalium causarum.

Quod si inquiras, quæ sint futura hujusmodi signa & miracula? Respond. verisimile esse futura similia iis, quæ Christus Dominus operatus est, vel quæ Judæi ab ipso petierunt, ut notant Hippolytus dicto libro de consummatione mundi, & Lactantius lib. 7. cap. 17. qui multa signa in particulari enumerant, quæ

solum hanc conjecturâ ducti recensere potuerunt. Nam sicut Magi Egyptii pugnabant contra Moysen similia signa facientes, ita verisimile est, pugnaturum Antichristum contra Christum. Cujus rei vestigium habemus Apoc. 12. ubi de Antichristo dicitur. *Et vidi unum de capitibus suis quasi occisum in mortem, & plaga mortis ejus curata est.* Cujus communis expositio est, quod finget se mori & resurgere, ut ibi ferè Antiqui omnes exponunt, & sentit Gregorius lib. II. Epist. cap. 3. Alius verò sensus, & fortasse magis consentaneus literæ est, quod aliquis ex præcipuis Sæcutoribus Antichristi, seu Regibus illi subditis lethali vulnere percutietur, & virtute dæmonis ab Antichristo sanabitur. In utroque autem sensu opus apparebit miraculosum, & stupendum. Unde subditur: *Et admirata est universa terra post bestiam, & adoraverunt bestiam dicentes. Quis similis bestię?* Postea verò subjungitur aliud signum, *Fecit signa magna, ut etiam ignem faceret descendere è caelo in terram in conspectu hominum.* Sed est advertendum, hoc posterius signum non attribui in eo cap. eidem bestię, sed alteri, & quanquam Rupertus velit per utramque bestiam significare eundem Antichristum: verisimilius tamen est (quod Ansel. Rich. ibi, & Iren. lib. 5. c. 28. dicunt) duas illas bestias significare diversas personas, & posteriorem esse ministrum aliquem Antichristi, & prædicatorem ejus ac Pseudo-Prophetam illum, de quo fit mentio in eodem lib. Apocal. cap. 19. de quo etiam ibidem dicitur; *Fecit terram & habitantes in ea adorare bestiam primam, id est Antichristum;* & postea subditur, hanc posteriorem bestiam erexisse imaginem, seu effigiem Antichristi, & coegisse homines, ut eam adorarent, & ad hoc aliud etiam signum effecisse, scilicet ut imago bestię loqueretur. Unde conjicimus Antichristum non solum per seipsum, sed etiam per alios effecturum signa ad suam doctrinam suadendam. Et propterea fortasse in plurali dixit Christus Matth. 24. *Dabunt signa & prodigia magna, ita ut in errorem inducantur, si fieri potest, etiam electi.* Et ideo erit illa tentatio omnium gravissima propter multitudinē & magnitudinem signorum, ut notavit Greg. 32. Moral. cap. 12. & lib. 33. c. 20. & 21 & Isid. lib. 1. de Summo Bono c. 28. *Nam olim (inquit) faciebant miracula Martyres, tunc autem videbuntur facere ipsi persecutores.* Hactenus Suarez.

Porro,

Porro indicia discernendi vera miracula à falsis habes *supra* sub § 2. de externi Motivi; Credibilit: ubi simul pro confirmatione fidei nostræ agnoscas veritatem, magnitudinem, multitudinē miraculorum, quæ (DEO sint laudes) ab ipso Christo per tot secula usque in hodiernum diem, pro gloria DEI, Christi, Deiparæ, & Sanctorum, in robur sanctæ fidei, & pro consolatione fidelium, in Ecclesia Christi patrantur.

Quintum Motivum. Quia ea quæ pro Antichristo oculis carnalibus videbuntur militare, oculis spiritualibus puris & sanctis contra Antichristum servire apparebunt. Homo animalis qualem DEUM sibi formaret, nonne instar idoli, vel cuiuspiam personæ magnæ, pulchræ, potentis, &c? Hujusmodi Deos æstimavit & coluit superstitiosa antiquitas. Beatitudinem veram qualem imaginaretur, nisi potissimum quæ esset de Baccho & Venere? Epicurei fuere tales, & nunc sunt Mahometani, & Pseudo-Christiani: Ergo & nunc Antichristus, quia apparebit oculis hominum in summa gloria, potentia, opulentia, felicitate, terrena; apparebit reprobis tanquam aliquid supra humanum seu quid Divinum, cælique beatitudinem cum ipso esse delapsam in terram. Sed oculi Electorum perspicaciores in notitia veri DEI, ejus gloriæ, ac veræ beatitudinis, facile conjicient Antichristum non esse DEUM, ejusque gloriam esse vanam; cum spiritus hominis, tanquam omni creaturâ visibili & sensibili nobilior, eam despiciens, teratur in sibi proportionatum objectum, illudque immensum, qualis est DEUS, Ens spirituale, Summum, Verum, & Bonum. Hinc DEUS Homo conqueritur, quod ipse Lux vera venerit in mundum; & tamen homines magis diluxerint tenebras quam lucem. Rationem dat; quia mala erant eorum opera. Quod maxime complebitur in adventu Antichristi, quem Tenebrionem citius suscipient, quam unquam veram Lucem Christum, propter summam cœcitatē, ob peccata ipsorum. Deinde in Sanctis Scripturis, etsi summa potestas & gloria prædicetur Antichristi, tamen ipse vili admodum titulo prostituitur, titulo nimirum bestię, vel cornu bestię. Ita Danielis cap. 7. & 8. & 11. & Apocal: dicitur. *Et est datum illi bestię bellum facere cum sanctis, & vincere eos. Et data est illi potestas in omnem tribum, & populum, & linguam, & gentem,*

Joan. 3.

Dan. 8.

& adoraverunt eam omnes, qui inhabitant terram, quorum nomen sunt scripta nomina in libro vite. Ecce oculis reproborum Antichristus ob amplitudinem imperii magnus majestate, & ob eandem dignitatem Sanctis apparet grandis bestia, cujus cornu (seu potestas) factum est grande contra meridiem, & contra orientem, & contra fortitudinem.

His igitur & similibus Motivis, ac signis, facile erit discernere verum Solem justitiæ Christum, Filium DEI, ab Antichristo, filio sathanæ, transformato in Angelum lucis, verè dæmonio meridiano. Contra quem fortia acturi pro Domino DEO Exercituum Electi, & Dilecti DEO Animi, utinam! gloriosi triumphi vestri, palmæ, & coronæ, sumus participes, in æternitate beatorum. *Fiat. Fiat.*

§ III.

De Motivo Interno Credibilitatis.

Dico. Id Motivum apud Theologos vocatur *Discerniculum* internum, quo discernitur credenda veritas à falsitate proposita. Seu, est *Apparentia*, quæ nihil aliud est, quàm *Apprehensio* supernaturalis & singularis potenter *sua* sua, fundans experientiam, quâ fidelis etiam rudis & simplex in seipso experitur potestatem & obligationem credendi sine formidine rem obscuram, quam non sentit qui falsum aliquid credit. Estque hæc apprehensio, illustratio specialis fidei inspirativa, & omnis formidinis expulsiua, ut rusticus, seu quivis rudis alius minimè formidet ad articulum verum obscure propositum, nisi ipse velit.

*Hic quest. 2.
a. 2. ad 3.*

*Lib. II. Confessio
cap. 2.*

Probat. D. Thomas ait: *Inducitur credens auctoritate doctrine Divine miraculis confirmatæ* (en motivum seu discerniculum exterius, quod habent doctiores) & quod plus est interiori instinctu Dei *morentis* (ecce discerniculum interius apud omnes, ipsos quoque rudiores) & ideo non leviter credit. Et D. Augustinus representans Moysen coram se prædicantem ita quærit. Unde scirem, quid verum diceret? Intus utique mihi, intus in domicilio cogitationis nec Hebræa, nec Græca, nec Latina, nec Barbara veritas, sine oris & linguæ organis, sine strepitu syllabarum diceret: Verum dicit. Et ego statim certus confidenter illi homini tuo dicerem: Verum dicis.

Suarez

Suarez quoque ita inquit: Addo denique, si contingat ex-
 teriorem prædicationem Fidei, & propositionem, non esse suffi- *De Fide Disp.*
 cientem, ad formandum iudicium, ita firmum, & evidens de cre- *tit. 4. sect. 5.*
 dibilitate Fidei, vel absoluta, vel comparata cum alia doctrina: tunc *n. 9.*
 per Divinam inspirationem, & vocationem internam, posse com-
 pleti huiusmodi credibilitatem. Ita sumo ex D. Thom. quod lib. 2.
 art. 6. ubi dicit quamvis ordinariè Fides fiat credibilis per miracu-
 la, & alia externa signa, nihilominus sine illis posse DEUM per vo-
 cationem internam complere, juxta illud Joan. 6. *Omnis qui audi-*
vit à Patre, & didicit, venit ad me. Imò potest inquit talis esse interna vo-
catio, ut teneatur homo non resistere, sed fidem adhibere: Juxta illud Isaïæ
 50. *Dominus DEUS aperuit mihi aurem, ego autem non contradico:* Et
 ad hunc modum reprehensus est Zachar. Luc. 1. eò quòd Angelo
 annuntianti filii conceptionem, non statim firmam fidem adhi-
 buerit, sed dubitavit: nam credendum est, cum illa externa locu-
 tione internam adiuvisse inspirationem, quæ faceret rem suffi-
 cienter credibilem, nam de sola externa posset interdum dubitari:
 cum Angelus sathane transfigurer se in Angelum lucis. Et eandem sen-
 tentiam videtur mihi docere Gabr. loco citato, dum ait: In huius-
 modi eventu, quando exterior doctrina veritatis non fit eviden-
 ter credibilior, quam opposita, si homo faciat quod in se est, non
 defuturam inspirationem, per quam homo possit certus reddi
 de credibilitate veræ doctrinæ: quia Deus non deficit in necessa-
 riis, & tunc illa illuminatio interior necessaria est, & potest esse
 non solum sufficiens, sed etiam ethica, ut per se notum est. *Huc*
usque Suarez.

Dico secundo. Ex Negatione illustrationis & inspirationis Di-
 vine discernere homo potest propositum Articulum esse falsum, qui falsus
 est. Probat: quia ex carentia talis inspirationis & si conetur ru-
 sticus credere sine formidine, experietur tamen non posse se cre-
 dere sine formidine, cum minimè in corde suo sonet vox nil mor-
 tale sonans, Unctio docens omnia. DEUS quippè nequit ad falsi-
 tatem per se movere incus credentem, alioquin esset author erroris.

Hinc Infero: Non esse credendum illis hæreticis, qui conversi ad
 fidem, fatentur se ejusmodi apparentiam habuisse de falsa doctrina hæresis,
 prout jam habent de veris articulis in statu fidei. Ratio est, quia vel

formales hæretici, vel materiales: si formales: Ergò angebantur aliquo scrupulo sive de ipsa hæresi, sive ut diligentiam adhiberent in examinanda veritate illius suæ fidei; alioquin absque peccato poterant mansisse in sua hæresi, imò contra conscientiam amplecterentur fidem Catholicam. Si verò fuerant Materiales hæretici (id est, qui carebant sufficienti advertentiâ ad obligationem de inquirenda veritate) adhuc tamen non erant absque formidine aliqua saltèr habituali vel radicali. Quia cùm doctrina hæretica sit quædam humana historia, falsò credita; ejusmodi verò historia habet in se principium formidinis: Sequitur illi credentes esse ita animo dispositos, quòd audientes talem doctrinam constantissimè ab aliis negari, incipient dubitare. Ejusmodi autem animi dispositio mutandi assensum in aliud, quod certius appareat, est formido radicalis: quâ carent veri fideles Christi.

§. IV.

De Regula Fidei.

*Svarex de fide
Disput. 5.*

Quamvis certitudo fidei ex sola infallibili DEI autoritate essentialiter pendeat, quia tamen doctrina ejusdem fidei non immediatè à DEO ad singulos credentes descendit; idèò inter DEUM & nos, necessaria censetur aliqua via, per quam doctrina illa Ecclesiæ infallibiliter innotescat: & hæc vocatur Regula infallibilis fidei. Quæ ex parte objecti, per modum proponentis seu applicantis se tenet. De hac ergò Regula in sequentibus agemus.

*Regulam fidei non esse solam S. Scripturam: Est contra
omnes Dissidentes à Sancta, Catholica,
Romana Ecclesia.*

PRæclarum hac in materia edidit Opus R. Pat. Joannes Franciscus Hacki, S. J. sub titulo, *Scrutinium Veritatis fidei*, impressum Olivæ in Prussia. Uno premit argumento resolutorio ad prima principia, cui omnes Hæretici, admittentes solam Sac. Scripturam esse fidei

fidei regulam, vel cedere, & victas manus dare; vel contra lumen rationis perfrictum obiltere coguntur. Sed en partem quam-
piam & compendium ejusdem Operis accipe.

Nulla est in orbe ars, nulla scientia, quæ non habeat aliquam regulam, seu normam, quâ in operibus suis ars, in actibus scientia reguletur, juxta quam opus vel actionem aliquam ponat extra causas. Sic Architectonicæ regula & norma est, linea, triangulus, amussis, juxta quas verbi gratia domum ædificat, iisque regulatur in opere suo rectè peragendo. In scientiis regulæ sunt prima principia, universalesque majores, quibus unaquæque scientia regulatur in ordine ad inferendas certas & evidentes conclusiones, seu theoricæ, si scientia sit speculativa, seu practica, si sit practica; vel utraq; si scientia sit partim speculativa, partim practica.

Scrutin. veri-
tat. fidei, p. 1.
differt. 4

Nec fidei sua debet deesse regula & norma, quâ scilicet credens seu fidelis quisque, imò tota Ecclesia (quæ cætus evocatorum ex Græco definitur) in fidei articulis credendis regulatur, & quæ quodammodo applicatur ad regulata, scilicet dogmata & articulos fidei. De hac igitur in primo hoc discursu instituo scrutinyum.

In primis itaque ex Lutheranis, ac per consequens ex Calvinistis, Socinianis, aliisque singillatim Quæro. Vel habent fidei suæ certam, indubitatam, irrefragabilem ac infallibilem regulam seu normam, vel non habent? Si non habent. Ergo nec veram, certam, indubitatam, irrefragabilem, atque infallibilem fidem habent: Siquidem regula seu norma fidei, est ejusdem fundamentum, primum velut principium, sine quo quæcunque fides, est nulla fides, aut falsa fides. Si autem habent dictam regulam; producant illam in medium.

Respondent. Verbum DEI scriptum seu Sac. Scripturam esse illi certam, indubitatam, irrefragabilem, atque infallibilem regulam & normam fidei, ita, ut id solum & unum sit credendum, quod in S. Scriptura legitur, illud non credendum, quod non legitur. Sed ut cætera argumenta præteream, quæ contra adferri possent.

Quæro secundo ex Lutheranis. Hæc quam sibi adscribunt regula fidei, nimirum Verbum DEI scriptum, vel est illis solis serviens, illis solis appropriata cum exclusione aliarum heterodoxarum,

seu ab illis diversarum, & quas illi rejiciunt & erroris damnant, religionum; vel non est illis solis serviens & appropriata, sed etiam aliis diversis religionibus? Si ita: Ergo illorum fides non est sola & unica vera fides, nec sola & unica vera Christi Ecclesia, sed etiam aliæ fides præter Lutherana erunt veræ fides & Ecclesia Christi: Siquidem eidem fundamento & principio nempe S. Scripturæ, tanquam fidei regulæ innituntur, estq; hæc regula illis appropriata æquè ac Lutheranis. Ergo ulterius hæc à Lutheranis diversæ fides erunt simul veræ, & falsæ: falsæ, quia eas tanquam falsas rejiciunt, errorisq; ac falsitatis damnant, anathematizant, nec ullam cum iisdem fidei communionem habent, nec habere volunt. Erunt verò simul veræ æquè atque illa; quia eandem regulam pro fidei fundamento & primo principio habent, adeoque exinde consequitur quædam nullitas illarum Religionum ex contradictionis implicantia.

Quod si verò dicant, Verbum DEI Scriptum non esse aliis Religionibus à Lutheranæ diversis normam & regulam fidei, sed solis illis, scilicet Lutheranis servientem & appropriatam; incumbit Lutheranis onus id probandi certo, infallibili, seu apodictico argumento: Siquidem Calvinistæ, Sociniani, Anabaptistæ, seu Mennonistæ, Quackeri, &c. quin & antiquæ Hæreses, Verbum DEI scriptum, pro unica fidei norma & Regula habent: ut SS. PP. testantur. Augustinus lib. 2. contra Maxim. in princip. Item lib. de Nat. & gr. c. 39. Item lib. de hæresibus cap. 41. Item lib. contra Adimantum Manichæi discipulum &c. Basil. libr. de Spiritu Sancto, cap. 25. & 29. Concil. Chalcedon. Act. 1. Athan. Orat. 2. contra Arianos. Hilar. lib. 5. & 11. de Trinit. Theod. &c.

Respondent Lutherani. Illis solis hanc fidei regulam convenire, & nulli alteri sectæ; siquidem illi soli ex eadem veros, & eidem regulæ conformes articulos fidei de DEO, de Christo D. de Sacramentis, de fide, de operibus, de quæ cæteris rebus deducunt, quod alij haud faciunt.

Verum contra est. Hoc ipsum Lutheranis probandum manet: Siquidem eodem modo & jure dicunt Calviniani pro se, Sociniani quoque, ac Anabaptistæ, & Quackeri, imò & veteres hæretici, quod illi veros, atque eidem regulæ conformes articulos fidei.

fidei de DEO, de CHRISTO D. de Sacramentis, de fide, cæterisque rebus deducant, qui tamen articuli plerique toto cælo distident ab articulis Lutheranorum ex eadem Sac. Scriptura deductis. Igitur

Quæro tertio ex Lutheranis. An habeant certum & infallibile ac irrefragabile argumentum, quo demonstrent ad oculum omnibus prædictis à se dissidentibus lectis, quòd illi soli ex S. Scriptura tanquam illorum unicâ fidei regula suos fidei articulos rectè, & infallibiliter conformiterque ad eandem fidei regulam deducant; id verò non faciant ab illis merè dissidentes sectæ? Si non habent, ergò frustra & sine ratione id asserunt; si autem habent, quod nam illud est?

Respondent. Quod illi soli verum S. Scripturæ sensum & interpretationem habeant, idque exinde probabunt. Quia ad Sac. Scripturam exponendam adhibent regulas rectæ interpretationis, præcipuè collationem & parallelam unius Scripturæ loci cum alio: idque tali exemplo demonstrabunt; Verbi gratiâ docent, quòd *Coena Domini sit Sacramentum novæ legis, in quo caro Christi in pane, cum pane, sub pane sumitur*: quod ipsum probant ex Christi Domini verbis, qui de pane, quem frangebatur in ultima Coena, & discipulis manducandum porrigebatur, dixit. *Hoc est Corpus meum*: id est; hoc quod teneo & porrigo, quod est panis, est corpus meum: pro nomine hoc indigitante non solum verum & reale corpus Christi, sed etiam verum simul & reale panem. Idem dicunt proportionatè de vino & Sanguine Domini. Quòd verò hic sensus & expositio, seu applicatio S. Scripturæ ad prædictum articulum impanationis corporis Christi in Coena Domini sit vera genuina & conformis Scripturæ, probant per collationem alterius loci Scripturæ 1. Cor. 10. 16. *Panis quem frangimus, nonne communicatio est corporis Christi?* &c. En hic inquirunt, S. Paulus, panem qui frangitur etiam corporis Christi communicationem esse asserit, ideoque in Coena Domini caro in pane, cum pane, & sub pane firmul, &c.

Sed contra est. Quia idem pro se dicunt Calviniani, Sociniani, Anabaptistæ, & cæteri.

Quæro igitur ad extremum ex Lutheranis. Quo certo & infallibili argumento probabunt id, quod illi soli optimo, alii autem nullo, vel pessimo jure usurpent sibi rectam interpretationem Scripturæ Sacræ per collationem unius loci cum alio?

Videamus enim quàm diversimode illum Sac. Scripturæ locum unaquæque religio exponat, quamvè diverſos ex illa inferat articulos. Calviniani aliqui sic explicant. *Hoc est Corpus meum:* id est, *hic panis significat Corpus meum, seu est signum Corporis mei, seu est Corpus meum in signo,* Calvinus libr. 4. Instit. cap. 17. Alii, *hic panis est figura Corporis mei.* Alii, *hic panis est Sacramentum Corporis mei, quod ad dexteram Patris sedens, per fidem Spiritualiter sumo & apprehendo.* Plessens lib. 4. de Euchar. cap. 1. Vide Bellarm. Tom. 2. de Euchar. libr. 1. c. 1. Atque ita ex hoc loco Scripturæ, ejusque tali explicatione negant realem præsentiam Corporis Christi sub pane in Coena Domini. Hanc verò explicationem esse veram asserunt ex simili collatione ejusdem ad Corinth. ex S. Paulo adducti loci. *Panis quem frangimus est communicatio Corporis Christi,* id est, *in signo figuraliter vel Spiritualiter,* idque insuper firman't illo 1. Cor. 10. 3. *Omnes eandem escam Spiritualem manducaverunt.* Quo igitur Argumento Lutherani Calvinistas convincent, quod illorum tam interpretatio Scripturæ, quàm collatio unius loci cum alio sit mala, falsa, nec Scripturæ conformis, sua autem sit bona, vera, conformis.

Ibidem infra.

Deinde citatus Author similem in modum enumeratis Husitarum, Zwinglianorum, Servetianorum, & Socinianorum, Anabaptistarum, Quackervorum, citati Loci Scripturæ in sum partem interpretationibus, & applicationibus, ulterius prosequitur, dicens.

Omitto brevitatis causâ alias plurium prædictorum Domini nostri verborum expositiones, collationemque tum ex S. Pauli Epistola, tum ex aliis Scripturæ locis, quæ expositiones Sacramentarium vel à sui exordio tam variè dissectæ fuerunt, ut in 6. aut 7. Sectas fuerint dissipatæ, teste Luthero Serv. super Sacram. Haganoæ habito Anno 1527. Imò infinitam penè hac in parte esse apud eos opinionum varietatem ajunt Brementes Concionatores apud Westphalum Confessione de Eucharistia.

Quæro itaque ex Lutheranis. Quo argumento demonstrabunt huic omnibus & singulis, quod illi malam habeant Sacræ Scripturæ.

Scripturæ interpretationem & applicationem ad articulum de Cœna Domini, malamque aliorum Scripturæ Locorum collationem, jam autem ipsi soli habeant rectam & infallibilem?

Recurrent fortè ad Originarios textus fontesvè, ad radices sacrarum linguarum? at etiam ad hos Calviniani, Sociniani, cæterique refugiunt.

Provocabunt ad legitimas consequencias & illationes. Vel ad Spiritum seu in ipsis Scripturis latitantem & hærentem, seu privatum per interna uniuscujusque criteria? Et illi æquè ad hunc, atque ad illas appellabunt; quocunque sese vertant, vestigia prementes, aut etiam præcurrentes habebunt Adversarios. Quamobrem tali ad extremum nodo & modo omnes & singulos Dissidentes constringo. Vel necesse est, ut certo & evidenti seu apodictico argumento probent, quòd S. Scriptura sit illorum v.g. Lutheranorum solùm, nec aliorum certa & infallibilis fidei regula: & hoc quidem nunquam præstabunt: quidquid enim pro se attulerint, illud etiam aliæ dissidentes ab iis sectæ in suum derivabunt utum, sui que juris facient, nec certò & evidenter convinci poterunt, quòd malâ aut nullâ fide dictum jus sibi usurpent: Vel si id non possunt probare, necessario consequitur, illas sectas quas damnant & rejiciunt, æquè esse veras, atque suam; siquidem æquali jure sua dogmata ex communi regula fidei probant, adeoque exinde sequetur quædam nullitas in fide ob manifestam implicantiam contradictionis in adjecto ut vocant: Sic etenim erunt omnes veræ Evangelicæ Christi fides, quia omnes eadem infallibili regulâ utuntur, ex eaque sua dogmata & articulos deducunt: & nulla erit quia dum una se veros articulos fidei legitimè deducere ex illa fidei regula sibi adscribit, id altera negat, nullaque demonstrare potest infallibili, argumento, quo altera non possit legitimè uti, Scripturam S. de jure suæ potius fidei regulam esse, sibi que solicam competere, nec ulli alteri. Qua in re quanta sit implicantia contradictionis, nemo non videt. Quod si verò hoc tantum oppositis abutitur dum velis admittere, proinde tertium ac ultimum necessarium consequens admittas, necesse est. Nimirum quòd præter Scripturam detur alia regula, activa, ut ita dicam, regulans, seu quæ applicet illam, ut ita dicam, passivam.

regu-

regulam S. Scripturam, ad hoc vel illud regulatum, id est fidei articulum & dogma. Ratio est. Cum enim hæc sint correlativa, Regula, Regulans, & Regulatum, Norma, Normans, & Normatum, unumque sine altero (quæ natura correlativorum est) esse, nec concipi possit; cumque simul & semel regula & regulans, seu quæ applicetur & applicet illam, ut ita dicam, passivam regulam S. Scripturam, non possit esse S. Scriptura ipsa, & sola, ut jam demonstratum est, & insuper si quisque prudens rem penitus sincerè sine ullo furo, aut dolo consideret, agnoscet, quòd dum omnes & singuli solam Sac. Scripturam, fidei suæ regulam & regulantem asserunt, revera ipsinet ejusdem sunt quodammodo regulæ regulantes, seu applicantes, & dirigentes illam; Scripturam scilicet explicando & applicando ad hos vel illos fidei articulos, aliter & aliter, quisque pro suo genio & ingenio. Hinc est, quòd in Christianitate tot sint ortæ sectæ, nec erit finis illarum, sicut nec est finis ingeniorum in Sac. Scriptura rimantium & scrutantium, illamque prohibitu suo interpretantium. Cum igitur non possit sola Sac. Scriptura simul & semel esse regula & regulans, idèò omnino necesse est, ut præter S. Scripturam tanquam regulam passivam, admittratur activa seu alius regulans, qui nimirum dictam regulam, id est, Sac. Scripturam, applicet ad hoc vel illud regulatum, scil. articulum fidei; adeòque qui sit simul interpres sententiæ Scripturæ, Judexque Controversiarum fidei certus & infallibilis, atque easdem dirimens & componens infallibili decreto riam sententiâ, aliàs necessariò sequitur dicta nullitas omnium dissidentium religionum Neo-Evangelicarum. Et hic primus de Regula seu Norma fidei Discursus, sit pro Norma aliis sequentibus.

Scrutinii verit. fidei Disc.
2.3.4.5.6.7.
et c.

Nempe de Verbo DEI Scripto, de autentico sensu & interpretatione S. Scripturæ, de Catholica & Apostolica Christi Ecclesia, de infallibilitate fidei & Ecclesiæ, de Notis fidei & Ecclesiæ, de Ministris Ecclesiæ, de Reformatione Ecclesiæ, de Symbolo seu Confessione fidei, &c. Quorum veritatem ab imis scrutans fundamentis, & circa eadem falsitatem heterodoxorum è latebris in lucem produciens, illam citatus Author Scrutinii simili ut supra urget argumèto, ut necesse sit Adversarios impingere in alterutrâ contradictionis partem, vel utramque concedendo, suâ Sectam esse Chimericam, admittere, contra omne lumen Philosophorum, & Theologorum.

Etenim

Etenim ut citatus Author prosequitur: cum omnes & singulae S. Scripturam pro suae fidei unica regula & Iudice admittant, *Scrutinii Veritat. fidei, p. 20* consequens est, omnes & singulas esse Evangelicas & Orthodoxas: Etenim unaquaeque non aliam rationem suae fidei adfert quod sit verè Evangelica, quàm Scripturam: nulla alio principio probat, quod purum Verbum DEI praedicet; quod legitimè Sacramenta administret: quod legitimè vocatos Ministros habeat: quod Symbolum seu Confessio suae fidei sit orthodoxa: quod item Catechismus orthodoxus: quod jus habeat Ecclesiam reformandi, & sexcenta alia quae in fidei quaestionibus adferri possent, quàm hoc unico principio S. nimirum Scripturâ, quia scilicet est conformis regulæ & iudici credendorum Scripturæ, quia est ex verbo DEI scripto sumpta, quia concordat cum S. Scriptura, &c. Hoc enim dicunt Lutherani, hoc Calvinistæ, hoc Sociniani, hoc Mennonistæ, hoc Quackeri, hoc Confessio Evangelica purior, hoc dicebant & veteres rejeçti ab Ecclesia Hæretici, ut supra innui. *Hæc ille.*

Unde sequitur quod uni eidemque soli principio ultimò resolutorio S. Scripturæ innitentes præfatæ sectæ sunt simul veræ & falsæ in ratione fidei. Sunt veræ, ut quælibet earum de se supponere vult; sunt falsæ, quia ex eodem principio Scripturæ toto cælo sibi opposita & contraria credunt. Adeoque per consequens vel nullam esse Fidem in orbe terrarum, vel Ecclesiam esse Chimeram, (qualis mons in Africa variis coopertus belluis & monstribus denominatur) Monstrum quoddam horribile, tot diversissimis Religionibus in essentia credendorum, coadunatis tamen in unum, permittiq; posselcentiosissimum Libertinismum, quo liberum cuique sit tenere fidem quam vellet, siquidem omnes ex uno Principio essent veræ

Horres dubio procul (ut citatus Author inquit) quisquis ex Neo-Evangelicorum tam horrendum monstrum refugis utrumque contradictionis extremum? non vis incidere in Scyllam volens evitare Charybdim? desideras ad extremum tantâ implicantiâ implicato expediri labyrintho? En Ariadnæ filium, hoc te tuto tramite ad aureum aureæ felicitatis capessendum deducet vellus. Nimirum agnosce quod aliqua fides sit, quæ de facto est

Ibidem.

& esse debet, verè Evangelica, verè Orthodoxa illa inquam, fides, quæ sese equidem in eodem DEI Verbo fundat, at quod utramque æquè complectitur paginam, Scriptam nimirum & Traditam: Verbo, quod & calamo scribæ velociter scribentis, & vivæ atque animatæ vocis oraculo loquitur. Verbo, quod se non solâ finit mortuâ circumscribi literâ, sed & vitali voce de aure in aurem audiri, & velut de manu in manum tradi exambit.

Fidei veræ, Christianæ, & Orthodoxæ, præter Verbum DEI scriptum, tanquam Regulam fidei, ut ita loquar, Passivam, dari etiam distinctam Regulam Activam, vivam, animatam, & qua sit magistrâ auctoritate regulans, interpres, explicans, applicansvè illam ad fidei articulos in particulari, adeoque Iudex credendorum: & hanc esse Ecclesiam Catholicam demonstratur.

Scrutini Veri-
cat, fidei p. 2.
Il: 10 f. 1. d. 2.

Hanc assertionem inter solidissimas rationes, S. Scripturâ & S. S. Patribus firmatas, hanc quoque citatus Author probari dicens: Certum est apud omnes, unanquamque rem in eadem principia, causas, rationesque formales resolvi, ex quibus componitur seu constituitur. *igitur* & fides, & quivis articulus fidei, resolvi debet in ea principia, causas, & rationes, ex quibus constituitur, adeoque datur aliquod ultimum resolutorium fidei. *Et præd. p. stampit*: Porro hoc resolutorium fidei, nullo modo est aliud illud principium, à Dissidentibus assumptum, nimirum Sac. Scriptura & Spiritus S. (ad quem ultimatè plerumque recurrunt) ut supra ostensum est. *Et paulò infra.*

Hinc itaque fides necessariò in hæc duo Principia resolvi debet, quod signum est ex eisdem etiam constitui: nimirum, Primum principium est formale, intrinsecum, omnibusque notû: *Divino, Locutio, seu Revelatio DEI, Veritatis primæ, & essentialis.* Et hoc aliter dicitur *Regula fidei*. Secundum formale quidem, sed extrinsecum motivum, magisq; notum, quia illius intrinseci explicativum, applicativum, & declarativum (quod nos aliàs *Regulam activam, vivam, animatam, seu Regulantem* dicimus) est videlicet *Ecclesia Catholica*. Hoc ipsum ita ostendo: Omnis Articulus fidei potest resolvi

in hac argumentationem, quam in se includit saltem virtualiter. Statuamus v.g. hunc fidei sic articulum; Deum esse Unum in Essentia, Trium in Personis, est credendum. Hunc artic. fidei resolves. Omne quod Deus Veritas prima & essentialis revelavit (adde si placet ad tollendam æquivocationem, etiam in verbo scripto) est de fide verum, adeoque credendum, tenendum. Atqui Deum Unum in Essentia, Trium in Personis, Deus Veritas prima & essentialis revelavit in Verbo scripto. Ergo DEUM Unum in Essentia, Trium in Personis esse, est de fide verum, adeoque credendum, &c.

Major propositio est tam Orthodoxis, quam heterodoxis certissima, adeoque nec ulterius probanda, quia ex ipsis terminis nota. Minorem probabis v.g. illo 1. Joan. 4. 7. textu. Tres sunt qui testimonium dant in cælo, Pater, Verbum & Spiritus Sanctus, & hi tres unum sunt. Item Matth. ult. Baptizantes in nomine Patris, & Filii, & Spiritus Sancti, &c. Sed quia in hisce locis nec Trinitatis, nec Personæ nomen expressè & clarè ponitur, nec insuper dilertè exprimitur, quâ illi tres Unitate unum sunt, nec quâ Trinitate unum illud tres sint. Præsertim quia varia unitas rerum & trinitas datur: hinc occasione supplere aliqui, ut Ariani, Photiniani, Sociniani, &c. negandi absolute Trinitatem Personarum distincturum hic intelligi: Sabelliani per tres, tres Operationes non Personas in una Essentia: Mennonistæ tria nonnisi Nomina: Trideitæ non solum tria Nomina & tres Personas, sed etiam tres Naturas in una voluntatis consensione accipiunt & exponunt. Luthero hæc vocula Trinitas humanitùs inventa, & frigide sonat. Si ita: Ergo in dictis verbis non est revelata. Calvinus optabatur hoc nomen Trinitas sepulchrum. Denique Orthodoxi per tres Trinitatem realium distinctarum Personarum: per unum, veritatem Essentiæ & Naturæ Divinæ intelligunt. Hinc Orthodoxis manet demonstrandum, quod illi soli dicta verba benè & legitime intelligant, ceteri secus. Et ad hoc quidem demonstrandum non sufficit ad solam S. Scripturam, ejusque interpretationem, aut Spiritum S. ejusque criteria recurrere: Nam heterodoxi ad eadem omnia recurrunt, suosque illorum quis privatos eruit sensus, adeoque nondum tollitur dubium, necdum cessabit controversia, adhuc sub iudice lis erit. Potius igitur dicta propositio Minor resolvenda erit in aliud

Principium formale motivum, extrinsecum magisque notum, atque illius prioris principii formalis intrinseci applicativum, explicativum, declarativum : nempe in *Ecclesiam Catholicam*, tanquam *Magistram*, *Interpretem*, & *Regulantem*. Quod tali modo facies.

Omne quod *Ecclesia Catholica* DEUM revelasse in *S. Scriptura* intelligit, confitetur, & docet; DEUS Veritas prima revelavit in *Scriptura*; adeoque est credendum.

Atqui DEUM Unum in *Essentia*, Trinum in *Personis*, in dicto *Joannis* textu, aliisq; *Ecclesia Catholica* intelligit, confitetur, ac docet.

Ergo DEUM Unum in *Essentia*, Trinum in *Personis*, DEUS Veritas prima revelavit in *Scriptura*.

Si revelavit : Ergo est credendum : quia omne quod DEUS Veritas prima revelavit est credendum, siquidem illud revelatum esse in dicto *Scripturae* loco *Ecclesia* docet & proponit. Ergo hic terminus esto immotus cunctis. Vides hic illud primum fidei Principium resolvi in aliud tanquam magis notum scilicet *Ecclesiam*, tanquam illius declarativum, explicativum, & applicativum ad dictum de *S. Trinitate* articulum fidei tanquam regulatum? Unde si ab utrinque tam a nobis quam a dissidentibus Major propositio admittatur tanquam certa & infallibilis, facile omnis fidei controversia cessabit, nec jam lis sub *Judice* erit. Etenim concessa Majore, suaapte naturam consequitur & Minor, & Conclusio tanquam certa. Nam DEUM Unum in *Essentia*, Trinum in *Personis* ex allatis aliisque pluribus *Scripturae* locis deducere *Ecclesiam Catholicam*, constat ex *Conciliis*, *SS. Patribus*, & *Doctoribus Ecclesiae*, ac denique unanimi perpetuaeque ac Universali consensione *Orthodoxorum*, si paucos excipias heterodoxos, qui suo proprio sensui & arbitrio innitentes, segrege ab *Ecclesia* facti, ac proinde pro haereticis habiti. Porro *Ecclesiam Catholicam* in *Conciliis*, *SS. PP.* unanimique ac perpetua & Universali consensione ex *Scriptura Trinitatem Personarum* deducere, possem hic fusiùs probare, sed brevitatis desiderata non permittit, nec video necessarium esse ad hoc, quod praemanibus habemus institutum, praesertim cum id sufficienter praestiterint *Bellarminus*, *Cœcius*, & alii: omnium autem luculentissimè *Nic. Cichovius S. J.* in sua
Har-

Harmonia Catholicae fidei de DEO, Christo, Deipara, veritates Catholicas per tria prima secula fusè deducendo, adnexa Epistolæ Paræneticæ ad Jonam Schlichringium. Possunt hoc modo & cæteri omnes articuli fidei in hæc duo Principia resolvi. Uti videre est in Schemate 2. infra posito.

Neque dicas exinde sequi Ecclesiam Catholicam esse supra Scripturam. Etenim sicut Judex vel interpret legis aut diplomatæ Imperatoris non est censendus esse supra legem, quando sententiam profert, aut aliquid definit ac promulgat secundum legem; aut supra Imperatorem, ejus mentem in diplomate positam explanando: Ita Ecclesia non ideo supra S. Scripturam, aut supra DEUM attollitur, quia scilicet est ejusdem Interpretes, explicans atque declarans hoc vel illud in particulari à DEO Veritate prima revelatum esse, in hac vel illo Scripturæ loco, hocque vel illo determinatè sensu intelligenda ejus verba.

Sola Romana Eccl: est illa Ecclesia Catholica, quam Regulam, ut ita dicam, Activam, vivam, animatam, seu Regulantem, Magistram infallibilem auctoritatem habentem in exponenda S. Scriptura, (utpotè Regula fidei, ut ita dicam Passiva) adeoque Interpretem, & Judicem fidei esse, hætenus demonstratum est.

HEC Veritas adeò multis, firmis, atque invictis argumentis à Catholicis Theologis, Cardinale Bellarmino, Fran; Suarez, Greg; de Valentia, Tannero, Becano, Sanderò, aliisque est stabilita, ut eandem comprobare planè sit cramben ad nauseam requere, & ad molestiam eandem tundere incudem; mirumque sit, Adversarios eidem tam perfictâ fronte obniti, atque oblitescere, inòd vix non Acheronta movere ad eandem evertendam, sed cassò molimine; siquidem Ecclesia Romana manet eadem, quæ tot retroactis seculis fuit verè Catholica, utpote super inconcussam Petri Petram à supremo Architecto Ecclesiæ ædificata, contra quam portæ, inferorum non prævalebunt. *Hæc citatus Author. seq. de Motivis*
Satis autem nobis fuerit aliqua supra innuisse in probationem *externis credibil.*
ejusdem veritatis Argumenta *Ex Suarío de Motivis credibilitatis*
in comparatione ad Sectas Hæreticorum.

Porro hæc Ecclesia Catholica, Romana, ut est Activa, & vera Regula fidei, intelligitur esse in Capite suo, id est in Romano Pontifice. Quod ipsum breviter probatur ex Primatu, & Vicaria Christi Magistra Autoritate, S. Petri Successoribus, Romanis Pontificibus, colla-

Scrutin. verit. tis. Qui Primatus, & suprema authoritas Romani Pontificis breviter fidei p. disc. 1. deducitur.

Matth. 16.

Primo ex ipsis Christi Domini verbis. Nam dum ait absolute: Super hanc petram ædificabo Ecclesiam meam: hinc Ecclesiam procul dubio intelligit eam, quæ juxta certissimas, & per os Prophetæ Isaïæ cap. 59. & suomet propriæ vocis oraculo Matth. vult, & alias promissiores factas, usque ad finem mundi est duratura: hæc enim solum nec ulla alia est Ecclesia DEI viventis. Atqui hanc Ecclesiam supra ipsum, solumque Petrum, ejusque confessionem ædificare non potuit: sic enim mortuo ac deficiente Petro, defecisset & Ecclesia: necesse igitur est credamus ibi intellexisse non Petrum solum, sed in Persona Petri & Successores ejus: quod ipsum D. Thomas lib. advers. Gentes cap. 26. urget tertiâ argumentatione, præsertim quia in futuro dicta sunt *Ædificabo*, quod denotare videtur à Christo Domino semper successivè etiam in Successoribus Petri ædificandam & itabiliendam Ecclesiâ. Ex eo item, quod Christus dicit: *Pasce oves meas*, eadem veritas colligitur: tum ex verbo *Pascendi*, quod simul regere ex Græco significat: quo verbo pascendi seu regendi, officium ordinarium & auctoritatem suam Vicariam instituit. Atqui hoc officium necesse est tamdiu durare, quâmdiu duraturum est usque: & ipsum ovile. Cum autem hoc duraturum est usque ad finem mundi: igitur & officium atque auctoritatem pascendi, regendivè, non in solo Petro, sed etiam in Successoribus continuâ serie durare necesse est. Denique dicit Dominus; *Oves meas*, sine exceptione, adeoque omnes, consequenter non solum eas, quæ vivente Petro victuræ erant, sed etiam omnes eas, quæ usque ad consummationem sæculi perpetuâ serie unum effecturæ ovile, consequenter & hæc à Successoribus Petri Pastoribus pascendæ erant.

Matth. 16.

Idem patet ex illis Christi Verbis: *Tibi dabo claves Regni cælorum*: quam potestatem & auctoritatem clavium Petro collatam, utique in Ecclesia semper duratura, semper etiam necesse durare:

quia

quia semper est quod in Ecclesia solvatur, & quod ligetur. Igitur non soli Petro, sed etiam ejus Successoribus est collata. Idem nobis declarant illa Domini Verba; *Confirma fratres tuos.* Semper in Ecclesia S. Matre filii, adeoque fratres usque ad finem mundi futuri, qui semper sunt confirmandi: igitur necesse est, ut sit etiam semper is, qui illos confirmet: quis autem is erit potiori jure, quàm continuâ serie Successor Petri?

Luc. 22.

Secundò deducitur præasserta veritas ex ipsis Titulis, qui à SS. PP. & ab omnibus Orthodoxis Papæ Romano dabantur: quos titulos fusiùs ex SS. PP. confirmando adducit Becanus l. 1. cap. 4. Suffecerit nobis illos hic attigisse. Primus Titulus est: *Caput Universalis Ecclesie.* 2. *Papa Universalis Ecclesie.* Item: *Pastor & Custos ovilis Christi; Custos vineæ Salvatoris.* 3. *Summus Pontifex: Summus Papa: Summus Sacerdos: Princeps Sacerdotum: Summus omnium Præfatus Pontifex: Episcopus Universalis Ecclesie.* Hactenus ex Scrutinio R.P. Hacki citati, qui dum partem tertiam ejusdem Scrutinii in lucem edere molitur, probabile est, quòd Materiam in sequentibus propositam, utpote cum antecedentibus necessariò connexam, attinget vel elucidabit.

Verùm Conclusio supra posita ulterius adhuc ex Suarezio declaratur, qui ait: *Veritas Catholica est, Pontificem desinientem ex* Confessione *Reverendi fidei, que errare non potest, quando aliquid authenticè proponit Universalis Ecclesie, tanquam de fide Divina credendum.* Ita docent hoc tempore omnes Catholici Doctores, & censeo esse rem de fide certam, quæ in primis probari potest ex testimonio proxime (in Scrutinio) citatis. Nam Christus dedit Petro & Successoribus ejus auctoritatem pascendi Ecclesiam maxime in doctrina: & singulari modò, id est, non tantum per auctoritatem prædicandi, quam omnibus Apostolis indifferenter tribuit, cum dicit: *Euntes, docete gentes, & prædicite Evangelium omni creature;* Sed etiam per potestatem jurisdictionis interpretandi seu proponendi veritates credendas, & sub obligatione illas credendi: Ergo hæc potestas habet necessariò adjunctam infallibilitatem, & assistentiam Spiritus Sancti, ut non erret. Consequentia probatur; quia hoc necessarium est propter infallibilitatem Ecclesie in credendo. Nam si Pontifex docens illo modo,

Suarez de fide
Disput. 7. sect.
8. num. 4.

cam

eam posset decipere, etiam ipsa posset decipi: imò cogeretur ad errorem, quia credere teneretur. Antecedens autem patet ex verbis Christi supra (in Scrutinio) ponderatis, & ex traditione Pontificum, & Patrum: hâc enim ratione, docent Ecclesiam Romanam esse Matrem & Magistram omnium Ecclesiarum. Unde Damasus Papa Epistolâ ad Stephanum, vocat Pontificem Doctorem Orthodoxæ, & immaculatæ fidei. Quod etiam agnoscit Hieron: in Epist: ad eundem Damasum de nomine *Hypostasis*. Atque ita idem probat alter locus, de *Fundatione, & ædificatione Ecclesie super Petrum*: Nam si Petrus, vel Successor ejus, posset Ecclesiam decipere, non esset firmum & stabile ædificium. Unde etiam concluditur ita esse intelligendam aliam Christi promissionem Luc. 22. *Ego rogari pro te Petre, ut non deficiat fides tua*: intelligitur enim de Petro non pro illo tantum, sed ut erat futurus Petra, & perpetuum Ecclesiæ fundamentum, & ita durat in Successoribus saltem quatenus Pontifices sunt, ut exposuit Leo Papa Sermon. imò & 2do assumptione suâ, & Innocent. III. in Cap. *Majores de Baptismo* & multi alii Pontifices in suis Epistolis decretalibus.

Suarez ibidem

Sect. 7. num. 6.

Dico 2do. *Certissimum est, Concilium generale, in quo present adest Pontifex, esse infallibilem Regulam fidei, & non posse errare in his, quæ in doctrina fidei definit, vel quæ approbat in materia morum.* Hæc veritas ex Scriptura præcipuè probatur exemplo Apostolorum, Actor. 15. ubi in forma definiendi, *Visum est Spiritui Sancto, & Nobis*, apertè docuerunt Concilium simile regi à Spiritu Sancto, cum definit: Ergo non potest errare. Deinde probatur optimè ex promissione Christi, Joan. 16. *Cum venerit ille Spiritus veritatis, docebit vos omnem veritatem*: Nam illa promissio non est facta solum personis Apostolorum, pertinet enim ad perpetuitatem & conservationem Ecclesiæ: Ergo facta est etiam pro Successoribus; vel si facta est toti Ecclesiæ, necesse est in tali Concilio impleri, ut pro tota Ecclesia servari possit. Solet etiam hæc veritas colligi ex verbis Christi, Matth. 18. *Ubi sunt duo, vel tres, congregati in Nomine meo, ibi sum in medio earum*: quæ verba ad hoc propositum asserunt multa Concilia, quæ refert Bellarm.

Ibidem. num. 9.

Dico tertio. *Concilium generale in quo Papa non adest per se, sed per Legatos, postquam ab ipso Papa confirmatum est, esse infallibilem Regulam fidei.*

fidei. Est assertio de fide, in qua omnes Catholici conveniunt: & habetur iisdem testimoniis, & principiis, & ex communi praxi Ecclesiæ: Nam plura ex Conciliis generalibus à Nicæno usque ad Tridentinum, hoc modo peracta sunt & confirmata, & statim sunt habita ut Regulæ fidei infallibiles. Ratio autem est; quia ibi adest tota autoritas Ecclesiæ, quæ invenitur in Concilio generali cum præsentia Papæ, qui prius adfuit, quasi repræsentativè per Legatos, & id, quod deesse videbatur de personali consensu ejus, per confirmationem suppletum est: Ergò nihil deest ad plenam autoritatem & infallibilitatem talis Concilii; nam corporalis illa præsentia non est de substantia; & sufficit quasi spiritualis conjunctio per influxum potestatis, sicut aliàs significavit Paul. 1. ad Cor 5. quando excommunicavit absentem: *Congregatis vobis, & meo Spiritu cum virtute Domini Nostri JESU.* Et confirmatur tandem; quia sæpe moraliter impossibile est Papam personaliter adesse Concilio generali, sæpèque esset cum magno dispendio Ecclesiæ: Ergò non est verisimile hanc præsentiam esse necessariam; quia neque esset conveniens Providentiæ modus, neque est fundamentum ad id asserendum.

Dico 4to. *Quando Concilium generale habet instructionem à Papa per Legatos, de rebus in particulari definiendis, & ipsum Concilium definit sequendo instructionem, errare non potest; & statim, nulla spectata confirmatione incipit esse illa definitio Regula fidei, & res definita de fide.* Ita etiam sentiunt communiter Catholici, & est res certa; quia illa definitio jam habet consensum totius Concilii, & Papæ, non solum per Legatos, sed etiam per scriptum: Ergò habet tantam autoritatem & certitudinem, sicut definitio Concilii generalis, ubi adest præsens Papa. Patet consequentia; quia, ut dixi, præsentia vel absentia personalis, seu corporalis parum refert, si aliàs constat de judicio, & de consensu Pontificis. Deinde probatur quia illud Concilium, quoad talem definitionem, habet confirmationem Pontificis, quasi anticipatam: Ergò non habet minorem autoritatem, quam Concilium generale confirmatum. *Hec Suarez,*

Patet ergò ex dictis, quòd, & quando, sola Romana Ecclesia, quæ est Sancta, Catholica, & Apostolica Ecclesia, sit Regulans, seu viva & activa Regula fidei, explicativa & applicativa passivæ

Regulæ seu Sacræ Scripturæ, ad credenda Regulara, seu Articulos fidei,

Porrò ad clariorem Noticiam dictorum de Regula fidei, commendo, sequentem Tabulam inspicere,

De Gradibus Fidei.

GRadus fidei ex parte objecti sunt : 1. *mus Necessitatis* ; seu, quia tenemur scire & credere quæ sunt Necessaria ad salutem æternam. 2. *mus Supererogationis* ; quâ fide noscuntur & creduntur in specie ea, ad quæ aliquis nullâ stringitur obligatione : uti cognoscendo in particulari sunt Consilia nonnulla Evangelica : Item sublimiora mysteria Sacræ Scripturæ.

Gradus fidei ex parte subjecti, & modi tendendi ; 1. *mus est Fidei Communis*, sitæ in confuso ac rudi DEI ac Divinorum conceptu, dum scilicet secundum solam terminorum, vocum, ac verborum significationem, generaliter, simpliciter ac ruditer percipit ac credit Articulos fidei. 2. *mus Gradus fidei est Specialis*, propriè contemplativorum, estque hæc alia vestita, alia nuda ; *Vestita* fides est, quæ repræsentat DEUM, & Divina, in speculo & anigmate, scilicet sub formis, speciebus, & similitudinibus creaturarum. Hic enim modus concipiendi Deum, & Divina, in hac vita connaturalis est humanæ menti. *Nuda* fides aliàs *Pura* est, quæ sine phantasmatis ac speciebus humanâ activitate effectis, ipsam puram veritatem DEI præsentit, ac noticiam Divinorum complectitur. Unde Thaulerus inquit. *Nuda puræque fides hujus est exilii ; scire verò & intelligere futuro seculo debentur.* Porrò S. Thomas ait : *Perfectio fidei major vel minor attenditur, tum ex parte voluntatis propter majorem promptitudinem, seu devotionem, vel confidentiam, tum ex parte intellectûs propter majorem certitudinem, & firmitatem.*

Instit. Cap. 8.

*22. quæst. 5.
a. 4.*

De Motivis amplectendi, & exercendi veram Fidem.

EX dictis constat aliud esse Motivum Credibilitatis, quo movetur animus ad volendum credere ; aliud Motivum intellectûs, nempe summa Veritas DEI, quâ movetur ad assensum præbendum propositionibus fidei. Nunc de tertii generis Motivis agendum, quanquâ & istud genus ad Motiva voluntatis refertur.

Dico : *Motiva* ad amplectendam veram fidem, ejusque exercitium hujusmodi afferuntur. 1. *mus.* Fides est magnum

Dei

DEI beneficium: Unde *s. Augustinus* ait: Fides & inchoata, & *D. Augst. l. de perfecta donum DEI est; & hoc donum quibusdam dari, prædest. SS. c. 3.* quibusdam non dari omnino non dubitet, qui non vult manifestissimis Sacris Literis repugnare. Cur autem non omnibus detur? fidelem movere non debet, qui credit ex uno omnes esse in condemnationem sine dubitatione iustissimam: ita ut nulla DEI esset justa reprehensio, etiamsi nullus inde liberaretur. Unde constat magnam esse gratiam, quod plurimi liberantur, & quid sibi deberetur in eis, qui non liberantur, agnoscunt; ut qui gloriantur, non in suis meritis, quæ paria vident esse damnatis, sed in Domino gloriantur. Et *D. Thomas* docet Auxilium gratiæ DEI nempe ad fidem & charitatem quibus- *D. Thom. 22.* cunque Divinitus datur, misericorditer datur: quibus autem non datur, *q. 2. a. 5.* ex iustitia non datur in poenam præcedentis peccati, & saltē originalis peccati. Ut dicit *Augustin.* in libr. de corr. & gratia.

2dum. Fides supernaturalis necessaria est ad salutem æternam. Nam *Apostolo teste:* Sine fide, impossibile est placere DEO. Ratio est. Quia juxta *D. Thomam* cum homo dependeat à superiori natura, summo ac universali Ente, & bono, utpote ejus cognoscitivus; neque valet ad perfectam cognitionem, seu visionem ejusdem universalis Entis & summi Boni propriis viribus naturæ pertingere: sequitur debere illum disponi fide supernaturali, ut sensim per modum addiscentis credat DEO Doctore proponenti de excedentibus naturalem rationem, quæ visionem perfectam, ac ad eam spectantia concernunt.

3tium. Fides supernaturalis est meritoria. Dicitur enim ad *Hebr. II.* quod Sancti per fidem adepti sunt repromissiones. Deinde sicut omnis actus humanus qui subjicitur libero arbitrio moto à DEO per gratiam, si sit relatus ad DEUM, potest esse meritorius, ita & credere seu assentiri intellectui veritati Divinæ, ex imperio voluntatis à DEO motæ per gratiam, potest esse meritorium. Et si difficultas actus requiritur ad meritum, hæc profecto in actu fidei reperitur, dum intellectus captivatur in obsequium fidei. Captivare enim sonat quandam vim, laborem, difficultatem captivantis, & captivi. Cæterum *Rationes humane* Ita *D. Thom.* si ad Divina offerantur, ut eis per fidem assentiamur, meritum omne prorsus *ibidem a. 10.* tollunt:

V. D. Thom.
ibidem.

In Biblioth. SS.
tom. 1.

tollunt: Si verò afferantur non ut credamus, sed ut magis & firmitus, quæ fidei sunt, suscipiamus, meritum non diminuunt. Meritum fidei auge-
tur, dum quis difficultatis vel ob externam persecutionem ad Mar-
tyrium, vel ob rationes infidelium, dumque promptius & firmitus, adhæret rebus fidei. Et S. Fulbertus inquit. *Inter omnia bona opera summum est meritum fidei Christianæ.*

Ita D Thom. 22 4^{um}. Fides est causa actuum aliarum virtutum. Ita Apo-
stolus dicens: *Fides per dilectionem operatur* Gal. 5. id est. *Fides inte-*
rior mediante dilectione causat omnes exteriores actus virtutum, medianti-
bus aliis virtutibus, imperando, non eliciendo.

S. Augustin. de
verb. Apost.
Serm. 1. & 18.
de temp.

4^{um}. A præclaris encomiis & effectibus fidei. S. Augusti-
nus ait: Nullæ majores divitiæ, nulli thesauri, nulli honores, nulla
mundi hujus major est substantia, quàm est fides Catholica, quæ
peccatores homines salvat, cæcos illuminat, infirmos curat, cate-
chumenos baptizat, impios justificat, poenitentes reparat, ju-
stos augmentat, martyres coronat. S. quoque Bernardus: Quid
est, inquit, quod non inveniat fides? Fides enim falli nesciat, at-
tingit inaccessa, deprehendit ignota, comprehendit imensa,

S. Bernardus
in Cant. Ser-
mon. 28. & 76.

apprehendit novissima, transcendit fines rationis humanæ, termi-
nos experientiæ, ac usum naturæ, ipsam denique aternitatem suo
vastissimo sinu quodammodo circumcludit. S. Bonaventura. Fi-
des multa bona facit: hominem salvat. Unde dictum est Mag-
dalenæ: *Fides tua te salvam fecit.* Mentem purgat: Fide pun-
ficans corda eorum. Contra mundum pugnat: Sancti per fidem
vicerunt regna. Postulata impetrat, unde in Matthæo: *O*
mulier magna est fides tua, fiat tibi sicut petisti. Perseveranti-
am dat: Apostolus: Tu autem in fide stas. Temporalia contemnit:
Fide Moytes grandis effectus negavit se filium esse filix Pha-
raonis. Justificat: Credidit Abraham DEO, & reputatum est
ei ad justitiam. Beatificat: Quia vidisti me Thoma credidisti: Bea-
ti qui non viderunt & crediderunt. &c.

S. Bonavent.
Comp. Theol.

Luc. 7.

Act. 15.

Hebr. 11.

Matth. 17.

Rom. 11.

Hebr. 11.

Rom. 4.

1. Joan. 20.

Suarez. in 3.

p. tom. 2. q. 37.

disp. 19. sect. 1.

4^{um} ab exemplis 1. Deipara Idea fidei. Hinc Suarez do-
cet fidem in Virgine fuisse perfectissimam tum ex parte subjecti,
in quo fuit valde intensa, & prorsus certa omnem motum etiam
primo primum dubitationis excludens: tum ex parte objecti,
quia per illam distinctissime credidit mysteria Trinitatis, & In-
carna-

carna-

carnationis, & reliqua omnia, quæ ad Divinitatem, & Humanitatem pertinent. Ita docent Patres, Ambrosius, Epiphanius, Augustinus, Bernardus, Rupertus. Unde Abulensis dicit: propter hanc fidei perfectionem vocari Virginem ab Augustino, & Bernardo, *Matrem credentium*. Et infra. Unde canit Ecclesia: Gau-
de MARIA Virgo cunctas hæreses interemisti in universo mundo. Potest autem hoc specialiter attribui Beatæ Virgini vel quia generando eum, qui est lux vera, quæ illuminat omnem hominem, omnes errorum tenebras fugaverit: vel quia singulari modo cunctis fidei defensoribus ac Doctoribus opitulatur: vel (quod ad rem præsentem pertinet) quia singulari modo fuerit fidei magistra; & quia ipsos etiam Apostolos docuerit, quorum doctrinâ omnes hæreses interinuntur. Denique confirmatur ratione: quia tota hæc perfectio fidei, & cognitionis Divinæ erat proportionata sanctitati & dignitati Beatæ Virginis: tum etiam quia in ea fuerunt causæ potiores, & efficaciores ad hanc Divinam Sapientiam consequendam. II. *s. Joseph*. Sponsus Deiparæ, exemplar fidei: Nam Angelo prius Incarnationis mysterium revelanti, & postea fugam in Egyptum præcipienti, quamquam mysterium esset altissimum, & externâ specie res ipsæ inter se non multum coherere viderentur, promptissime ac sine ulla hæsitacione credidit & obedivit: propter quod Rupertus lib. 1. de gloria & honore Filii hominis in Matth. illius fidem cum fide David & Abrahamæ comparat, & addit, fuisse Joseph usque ad illud tempus justum virum, ex tunc verò justissimum. Et *s. Chrysostomus* de S. Joseph. Vidisti inquit obedientiam, vidisti animum facile sacris sermonibus fidem accommo-

S. Chrysost.

homil. 5. in

Matth.

S. Paulus Act.

9.

V. Marul. tit.

Fides.

Christus DEI filius? Denique qui prius in gratiam Judæorum vinciebat Christianos, idem deinde pro Christianis confundebat Judæos, qui Damasci erant. Qui cum quod responderent non habuissent, in necem illius conjuraverunt. Sed qui jam apertis mentis oculis

Ibidem.

Christum aspicebat, nullis minis ne illum prædicaret coerceri poterat, atque in ipsum qui vita est credendo, mortem non pertimeſcebat. IV. *S. Basilus* ille magnus, cum eſſet Gentilis, & bonarum artium apprimè eruditus, inter conflictantes Philoſophorum ſententias, nihil certi aſſerentium nutabat, donec ab Athenis tranſiens in Ægyptum, explorato Philoſophiæ noſtræ ſenſu, Chriſto credere coepit. Inde reverſus, Eubolum præceptorem ſuum de ratione veræ ſapientiæ diſputando ſuperavit, & ad Domini DEI noſtri cultum convertit. Reperit ergo *Basilus* in Eccleſia, quod in Academia non poterat reperire, & diſcipulos docuit, quod non didicerat à Magiſtro. Dum autem uterque Jeruſolymis à Maximino Epifcopo baptizaretur, circumfulos lumine viderunt qui aderant, eaque res indicio fuit, eos antè hæc veri ignoratione in tenebris fuiſſe. V. *S. Auguſtinus* in initio hæreſi pollutus, cum *Ambroſium* prædicantem audiſſet, perſpexit errorem in quo erat atque abiecit: & tandem omnis expertus ambiguitatis, Chriſti ſuſcepit fidem, juxta traditionem Catholici Religioſitatis; non ſigna requiſivit, non experimenta tentavit, audiendo tantum agnovit veritatem, & de tenebris venit ad lucem. Denique eandem ſectam illam, quam reliquit, nemo poſtea fortiùs impugnavit, nemo acriùs eſt perſecutus. Perverſiſſima impietas cujus aſſertione tutam ſe putabat, ejus confutationum telis conſoſſa periiit. VI. *S. Benediſtus* Religioſus: ob hujus Sancti viri reverentiam ignis ei damnum inferre non potuit, ut *S. Gregorius* in Dialogis ſuis meminit: cum enim Gothi ejus cellulæ ignem circumponerent, illo omnia circumdevaſtante, ſola ejus domuncula intacta ſtetit. Tum majus ipſi malum pararunt: ex eo enim prodigio nihilo facti meliores, ſanctum virum in ardentem furnum conjecere, à cujuſtamen flamma fuit æquè, ut antè illæſus: poſtridie enim ſanum, ac vividum repererunt. Quibus miraculis DEUS remunerari ejus fidè voluit: quæ enim credere Divinitus jubemur, tam indubitato animo credebat, atque ſi omnia oculis uſurpâſſet.

*Paul. Barry. in
ſoed. Sanct.*

Praxis circa Fidem.

ANtequam ad praxim circa fidem accedamus, præmittenda eſt ſeries & diviſio materiarum, circa quas verſantur Actus fidei,

fidei, ac modus tendendi eorundem actum. Itaq; fides alia est explicita, alia implicita. *Explicita* alia est practica, alia anagogica. Fides *practica* opponitur fidei otiosæ, quæ bonis operibus caret: nam hæc operatur bona per charitatem: de qua illud est *Galat. 5.* In Christo JESU neque circumcisio aliquid valet, neque præputium: Sed fides, quæ per charitatem operatur. *Et Jacob. 2.* Ostende mihi fidem tuam sine operibus: & ego ostendam tibi ex operibus fidem meam. *Et infra:* Ex operibus fides consummata est. *Anagogica* fides, vel alias sursum ductiva, aut sursum activa illa est, de qua *Joan. 9.* Credis in Filium DEI? At ille ait: Credo Domine. Et procidens adoravit eum. *Item C. 14.* Creditis in Deum, & in me credite. *Fides practica* alia est necessitatis, alia supererogationis. Fides *necessitatis*, alia est necessaria necessitate mediæ ad salutem, nempe juxta Apostolum. *Credere oportet accedentem ad DEUM, quia est, & inquirentibus se remunerator sit*, idque quod non tantum sit author & remunerator naturalis, sed & supernaturalis gratiæ & gloriæ. *Item* credere explicitè oportet sanctissimam Trinitatem, & Incarnationem Christi, circa quæ mysteria controvertunt Doctores, aliqui asserentes esse fidem eorum explicitam de necessitate mediæ, alii de necessitate præcepti. *Fides explicita necessitate gravi præcepti est*, credere Articulos fidei in Symbolo Apostolorum contentos; etsi non requiratur sub mortali peccato exacta notitia omnium quæ inibi continentur; nec etiam omnimoda cognitio circumstantiarum Articulorum; v. gr. hujus, quod Christus passus sit, *sub Pontio Pilato*, quod *tertiâ die resurrexit*. *Item* sub eadem necessitate præcepti debet credere explicitè Sacramenta, quæ suscipit, maximè Baptismi, Pœnitentiæ, Eucharistiæ. Tum Decalogi, & Ecclesiæ præcepta, Orationem dominicam teneretur nosse. Et hæc quoad rudiores qui saltem crasso quodam modo hæc omnia addiscere & credere obligantur. Quoad verò illos qui in Ecclesia DEI ad docendum populum præponuntur, iis horum omnium, imò & multorum plurium clarior notitia & fides est habenda, alioquin minimè tuo officio convenienter fungi poterunt. *Fides implicita est*, credere omnia quæcunque continentur in Sacra Scriptura, & quæcunq;

Hebr. 11.

credit

Medul. Theol. credit & docet Sancta Catholica Romana Ecclesia. *Secundò præ-*
Moral. libr. 2. mittendum ex P. Busenbaum quando scilicet obligat præceptum
tract. 1. c. 2. fidei exercendæ. Præceptum fidei internum obligat. 1. Pueros
inter fideles educatos, quando rationis usum perfectè consecuti
myſteria fidei audiunt, apprehenduntque quòd illa credere, sit
res necessaria ad salutem; peccantque mortaliter omittendo. *San-*
Bon. Disp. 3. p. 3. addens plurimos eorum excusari inadvertentiâ,
aut invincibili ignorantia. 2. Adultos infideles, quando ratio in-
cipit dictare, res fidei sufficienter propositas esse, & contrariam
sectam esse falsam. *Sanct. lib. 2. mor. c. 1. con. d. d. 14. de fide. Fill. num. 25.*
3. Quando urget tentatio contra fidem, quæ aliter vinci nequit.
Quod tamen non convenire scrupulosis rectè monet *Sanct.* quia
hi avertendo mentem ad alia objecta, faciliùs superant. Et in
his duobus casibus præceptum obligat per se, insequentibus per
accidens. 4. Quando tentatio urgens contra alias virtutes, ali-
ter superari nequit. 5. Quando facienda est professio fidei ex-
terior, vel ex præcepto eliciendus est actus alterius virtutis v. gr.
spei, charitatis, pænitentia, quæ fidem supponat. *Bon. q. 2. p. 2.* His
addit *Hurt.* contra *Sanchez* 6. in hora mortis. & 7. semel quot
annis. Præceptum exterius fidem consistendi, jure naturali obli-
gat duplici casu; scilicet si vel honor Deo debitus, vel utilitas pro-
ximo impendenda, privativè vel contrariè subtraheretur. Dixi
privativè: ut si ideò cessaret magnus honor in DEUM, vel utili-
tas in proximum redundans. Dixi 2. contrariè: ut si alioquò Deus
afficeretur injuriâ, vel proximus gravi malo. v. gr. si inde pen-
deret aliorum conversio, contemptus religionis, scandalum, &c.
Ratio responsionis est, quia actus virtutis tunc videtur præceptus,
quando est necessarius ad finem præcepti, quod hic contingit:
quia finis præcepti est charitas. *S. Thom. 2. 2. q. 1. art. 2. Suar. Reg.*
Till. l. 22. c. 3. q. 1.

In Summa
Theol. spirit.
cap. 3.

His de fide quæ dicta sunt intellectis & seriò trutinatis, jam quod
concernit *Praxim* perducendi infideles, & veniendi ad veritatem
fidei, actum est *supra*. Quantum verò ad *Praxim* exercendi se in
actibus & affectibus circa fidem, ejusmodi formatur, quâ etiam
major aestimatio fidei, ejusque intensior amor excitatur: tum
subnectemus ipsos actus internos & externos fidei.

Actus

Actus & Affectus, circa Fidem.

Actus aestimationis seu appretiationis fidei. O Pater luminum! quid est quod immensam multitudinem mortalium, sedentium in tenebris & in umbra mortis, ignorantiae, vel infidelitatis relinquens, me cum paucis caelesti luce fidei irradiasti, monstrans ignoratum, vel non ita pene-
tratum, tam periculum aeternae damnationis, quam iter perennae felicitatis? nunquid te mea merita movere quae nulla fuisse? imò grandia mea demerita cur te non deterruere? Et tamen aliis plurimis me multò melioribus in horrenda caligine desertis, mihi tuis splendoribus affulxisti. Agnosco O DEUS! tuam in me summam bonitatem: contremisco ad pavendum & inscrutabile circa alios justum judicium tuum. Ecce in lege naturae tot gentes ex tenebris ignorantiae ad aeternas tenebras transvère! cur tuum baud natus quoque perii? In lege scriptae quot in idololatria perièrunt! cur tuum & non ego? In lege gratiae quàm innumeri Gentiles, Haeretici, Athei, suâ coecitate & infidelitate ruunt in Orcum! quæ millia infantium ex Catholicis quoque genitorum sine baptismo & habitu fidei descendunt in limbum, carcerem, tetrâ caligine coopertum! Cur non & ego? O DEUS aeternas tibi gratias ago pro inestimabili dono fidei! Verè magnum donum, origo & fundamentum omnium donorum.

Affectus amoris, desiderii, gaudii. Anima mea itane alges ab ardore fidei? cur non succenderis ad ejus clariores & clariores fulgores conspiciendos? si modò tantum oblectaris ad modicum lumen fidei: quantum gauderes ad copiam pretiosissimæ ejus lucis?

Actus propositi. Eja anima mea depone otia, exerce vires, progredere in fidei Divina exercitia. Ecce jam facio: Propono hoc mense penitus me tradere praxi actuum fidei: quotidie tot & tot Nactus fidei internos, tot N. externos eliciam.

Actus orationis. Adjuva me DEUS meus hoc in sancto proposito. Succurre Mater credentium MARIA. Succurrite S. S. Patroni mei N. N. &c.

Actus interni Fidei.

Ejusmodi actus continentur in Symbolo Apostolorum, tum in formula Concilii Tridentini. Dico ergo his præmissis: DEUS meus propter summam veritatem tuam, suadente discerniculo fidei, & motivis credibilitatis, credo omnia esse à Te revelata, ideoque vera, quæ

Sancta, Catholica, Apostolica, Romana Ecclesia credit, & docet esse credenda.

S. Petrus. Specialiter Credo in unum DEUM, Patrem Omnipotentem, Creatorem cali & terræ.

S. Jacobus major. Et in JESUM Christum Filium ejus Unigenitum, Dominum nostrum.

S. Joan. Evang. Qui conceptus est de Spiritu Sancto: natus ex MARIA Virgine.

S. Andreas. Passus sub Pontio Pilato, crucifixus, mortuus, & sepultus.

S. Philippus. Descendit ad inferos: tertiâ die resurrexit à mortuis.

S. Thomas. Ascendit ad celos, sedet ad dexteram DEI Patris Omnipotentis.

S. Bartholomæus. Inde venturus est judicare vivos & mortuos.

Credo in Spiritum Sanctum.

S. Matthæus. Sanctam Ecclesiam Catholicam: Sanctorum communionem.

S. Jacobus minor. Remissionem peccatorum.

Carnis resurrectionem.

S. Simon. Vitam æternam. Amen.

S. Judas Thadæus. Præter hæc admitto, recipio, & firmissimè amplector traditiones & constitutiones omnes tum Apostolicas, tum Ecclesiasticas, omnemque

S. Matthias. sacra scriptura partem juxta Ecclesiæ catholice sensum. Confiteor septem Formula Con- verè ac propriè esse Sacramenta, ritusque in eorum administratione ab ec- clesiâ Triden- dem Ecclesiâ approbatas recipio atque admitto: ac in Missa quidem profiteor ritè offerri Christum, propitiationem pro vivis ac defunctis, eundemque in venerabili Sacramento realiter ac integrè contineri. Constantè etiam teneo Purgatorium esse, animasque ibi detentas suffragiis fidelium adjuvari. Item Sanctos honorandos atque invocandos: eorumque tum imagines, tum reliquias religiosè colendas esse: præterea facultatem esse in Ecclesiâ concedendi Indulgentias, earumque utum esse salutarem. Denique pari fide credo alia omnia, quæ Sancta, Apostolica, & Catholica Ecclesia Romana nobis credenda proponit: contrarias verò hæreses omnes, atque errores rejicio & anathematizor. Porro in hac fide me ad extremum velle vivere, atque etiam mori, liberè, planèque profiteor & protestor.

Actus interni fidei ex Cardin. Bona.

Via compend: 1. Auctor fidei JESU Christe, firmissimè credo vera esse omnia quæ te revelante credit & docet Sancta Mater Ecclesia, & pro hac assertionè & veritate millies mori paratus sum.

2. Auge in me fidem à te semel infusam, vitamque fidei consonam concede, ut quod mente credo, moribus exprimam.

3. Testi-

3. Testimonia tua Domine, credibilia facta sunt nimis, utinam secundum ea semper vixissem.

4. Verissima sunt omnia, quæ in sacris Libris, & Apostolicis traditionibus, ac decretis Ecclesie continentur: pro qua veritate tuenda vitam meam libentissimè offero.

5. Omnino verum est, te DEUM meum unum esse in substantia, & Trinitatem in personis: quod ego per medios gladios, & ignes profitebor.

6. Utinam fides tua integra semper & sincera conservetur, qualem tu Domine, tradidisti, qualem Apostoli prædica verunt.

7. Credo tibi o summa veritas, & quia fides sine operibus mortua est, da mihi, ut fidem meam patientiâ & charitate, aliisque virtutibus vivam esse demonstrum.

8. Gratias ago tibi Domine quòd mihi fidem dederis, quâ te cognoscere, quòd me Christianum feceris, & Catholice Ecclesie membrum. In hac fide vixi, in eadem mori volo, atque utinam pro eadem.

9. Credo te DEUM ingenitum, Filium unigenitum, Spiritum Sanctum ab utroque procedentem. O credam & finiam semper, quia tu DEUS meus es, principium meum, & finis ultimus & mea æterna beatitudo.

10. Credo te DEI Filium pro mea salute carnem humanam induisse. Credo te passum pro me, & mortuum in cruce. Credo te DEUM, & Hominem in Sacramento mirabiliter existere. Credo hæc omnia, & alia, quæ de te docet Ecclesia, & credens adoro, & amo te.

11. Revela Domine oculos meos, & considerabo mirabilia de lege tua. Quàm dulcia faucibus meis eloquia tua, super mel ori meo.

12. O si fidem possem annuñciare in universo mundo & omnes infideles ad DEUM convertere! quàm libenter id facerem; etsi propterea omnia tormenta sustinere deberem.

13. Utinam possem DEUS meus, omnium infidelium intellectibus in te credere, omnium affectu te amare, omnium viribus tibi servire.

14. Discedite à me omnes pessimi heretici, filii diaboli & pestes animarum: vos detestor, & abominor, & cum Ecclesia DEI anathematizo.

15. Quacunque docet fides, adeò firmiter credo ac si oculis ea viderem. Adauge Domine, & confirma fidem meam: hac enim duce securus ibo ad tribunal tuum, quacunque horâ me vocaveris, quia credo, & spero videre bona tua in terra viventium.

Actus externi fidei *Ex thesaur. indefic.**Blasi Palma.*

Specialem pietatis sensum habe, & exhibe erga Christum in Eucharistia, expressio fidei actu circa venerationem huius Sacramenti: ut ita saltē ex parte, honos refarciatur, quem hæretici partim negant, partim convellūt. Quare subinde locum ubi Eucharistia asservatur, adibis religiosæ venerationis causâ: sacris benedictionibus, & supplicationibus publicis intereris, cum solemnī ritu sacra Hostia deferetur, vel adoranda proponetur, ob eandem causam Missam reverenter audies, cum licuerit; & frequenter ritē paratus mensæ Eucharisticæ accumbes. Ex eadem viva fide, & ob eundem finem nimirum ut hæreticis repugnes, speciali devotione Sanctos colito, festos ipsis dies ritē celebrato; eorum imagines etiam privatim in Oratorio religiosè honorato, reliquias & agnum DEI è collo gestato.

Ex simili fidei motivo indulgentiis lucrandis studiosè operam pones: & tum hoc, tum aliis modis defunctorum animas in purgatorio detentas adjuvabis.

Similiter aquam lustralem asservabis domi, quā manē, vespē, subindē ad ingressum egressumque te piē adspergas.

Sapē orabis, aliaque bona opera repetes ad impetrandam a DEO conversionem tūm Hæreticorum, tūm Ethnicorum, sive per te, si quid in hoc genere possis, sive per eos, qui fidei propagandæ studio operam etiam in extero orbe navant.

Deniquē fronte exporrecā, vultuque constanti fidem ac religionem Christianam, pietatemque profiteberis; quoties res, & tempus exigent. Quod si fidem spiritualis ædificii basim succutiat dæmon (quod in morte præsertim efficere molitur) tu è contra: Non disputo tecum, inquires, sophista diabole: quas argumentorum umbras obtendis fugio, detestor: securè credo, quod unā uniformique fide à Christo hucusque tot sapientissimi, sanctissimi que viri crediderunt, tot ubique miracula confirmarunt: Credo inquam, DEO meo, cuius revelatiōem proponit mihi Ecclesia Apostolica, Catholica, Romana; Columna & firmamentum veritatis, cum qua disputes, si velis: ego in ejus fide vivam, ac moriar: quod coram celesti Curia, & omnibus hinc adstantibus protestor. Quare si per delirium verbum aliud, aut aliter sonans exciderit, inditum volo.

volo. Adauge Domine mi, hanc fidem, & tu ipse responde pro me, quia vim patior. Hæc Palma.

Reliqua supple ex supra dictis in 1. 2. p. de praxi Actuum virtutis in universalis, proportionata huc applicando.

SECTIO II.

De Oppositis Fidei.

Primò opponitur fidei per Defectum nempe *Modica fides*, quæ in periculis facile fluctuat, hæsitat, & dubitat; uti Matth. 14. Petro dicitur: *Modicæ fidei quare dubitasti?* Item *Infirma*, quæ in tentatione vel probatione posita, deficit diffidentia, de quo in contra Roma. 4. dicitur: *Et non infirmatus est fide*: subinferturque: *in promissione DEI non hæsitavit diffidentia.* Item *Opponitur Mortua seu informis fides*, nempe quæ est non formata vitâ charitatis, nec operans per charitatem: de tali fide dicitur: *Fides sine operibus mortua est.* Sine operibus inquam non per dilectionem tanquam suam formam perfectis. Quia unumquodq; per suam formam operatur, Ergo hac deficiente, deficit operatio. Unde Apostolus ait: *Fides quæ per charitatem operatur.*

Contra dubiam seu modicam fidem. Eva quia, ut Rupertus asserit, dubia seu modica fuit in fide dicens ad serpentem: *Nè fortè moriamur*: hæc sua incredulitas occasio fuit audacioris transgressionis præcepti, ac consequenter infinitorum malorum in tempore & æternitate. Item Moyses ob venialem incredulitatem circa educationem aquæ de petra graviter à DEO punitus, quòd nempe longissimi id est annorum 40. & molestissimi Ducatus V. Corni a lap. sui fructu & sine privatus fuerit, nimirum non introduxit populum Israel in terram fluentem lacte & melle. Ecce decretum DEI contra Moysen & Aaron: *Quia non credidistis mihi ut sanctificare- tis me coram filiis Israel, non introducetis hos populos in Terram quam dixi vobis.* Petrus ob modicam fidem coeperat mergi, nisi recurrens ad Christi auxilium salvatus fuisset. Modicæ fidei arguuntur à Christo discipuli, qui timuerunt periculum submersionis in præsentia Christi. Timor quippe nimius parit fidem Modicam, hæc in DEUM fiduciam modicam.

Jac. 2.

Galat. c. 5.

In Num. c. 20.

Matth. 14.

Matth. 8.

Jac. 2.

In ca. 5. ad
Galat.

D. Ber. Can.

serm. 24.

S. Chrysost. in

Epi. ad Roma.

ca. 2.

In vita ejus.

* Contra mortuum, & infirmam fidem. Quia teste D. Jacobo dicente: Quid prodest fratres si fidem quis dicat se habere, opera autem non habeat? nunquid poterit fides salvare eum? Item. Fides mortua est fides dæmonum, quia & ipsi credunt & contremiscunt, nil tamen exinde boni operantur. Unde S. Anselmus: Fidem operibus destitutam, vocat dæmonum, non Christianorum. S. Bernardus. Fides mortua est quasi cadaver exanime. Item S. Chrysostomus. Fides Christi si eam otiosè in corde tenes, non crescit, imò ad pereundum disponitur. S. Magdalena de Pazis in quadam extasi ita deflebat fidem frigidam Catholicorum, & perfidiam hæreticorum, hunc in modum exordiens: Et quid juvat fides, si quis in illa non facit profectum? Dissèmines eam, dissèmines eam, Verbum, vivam, ardentem in cordibus tuorum fidelium, calefactam & accensam in fornace cordis tui, ac infiniti amoris. Et ut fides tuorum fidelium ita conformetur illorum operibus; sicut & opera conformentur fidei, Ah mihi! Ah mihi! O quam multa latrocinia fidei! O Christianitas quàm multum es diminuta propter schisinata in tam multis locis contra fidem! Sed quare? idèò quia extincta est prima charitas. Tua fides Domine facit viam quam facit & sol: hìc oritur, & ibi occidit. Hìc confurgit, & ibi deficit. Et quod est signum quod hìc sol occidat? umbra peccatorum quæ videtur ubique.

Praxis modicam fidem augendi, infirmam roborandi. Est exercitium actuum fidei & fiduciæ in DEUM, illius actus habes supra immediatè positos, istius infra sub spe. Porro fides mortua per exercitium actuum fidei, poenitentia, charitatis, aliaque bona opera resuscitatur.

2do. Opponitur fidei Tentatio circa eam, ac Dubia fides. Circa tentationem in fide agendum accipe præclarum exemplum B. Catharina Bononienlis. Gravisimè tentabatur illa contra fidem, objicientibus dæmonibus dubia, tum de aliis Christi mysteriis, tum præsertim de Sanctissimo Sacramento. Fuitque ei tam molesta hæc tentatio, tantasquè ipsam in angustias conjecit, ut mente propemodum excideret; ac licet non consentiret, tanta tamen erat tentationis vis, ut sibi in consensum tracta videretur. Resistebat DEI famula, quàm poterat maximè, orationibus, poeni-

pœnitentiis, Sacramentorum usu, & cæteris sanctis exercitiis. Tandem cum Divino auxilio hanc tentationem ex toto vicit, eaque victoriâ in anima sua quàm plurimum profecit, planè renovata, quia novâ quadam luce mysteria Divina cognoscebat, contem-
plabaturque, & magna cum pace spiritualique lætitia eandem mi-
rifice gustabat: & ex sanctissimi præsertim Sacramenti conside-
ratione, uluque, tantum Spiritus, gaudiorumque hausit, quan-
tum verbis nequit explicari. Ad hunc modum tentationes con-
tra fidem servis DEI sunt occasiones crescendi in eadem fide, &
in omni virtute gratiaque, ac vitæ bonæ merita augendi; ad quem
finem eas DEUS permittit & ordinat, ideoque servis suis ad eas
vincendas tantos favores impertitur.

3tio. Fidei opponitur *Apostasia*, & *Schisma*: de quibus hæc *Se- S. Bonav. Cen-*
raphicus Doctor: Schisma est illicita dissensio eorum inter quos *tiloqui parte*
unitas esse debet; vel illicitus ab unitate dissensus. Omnis hære- *sect. 26.*
sis est schisma, sed non convertitur. Hæresis est recessus à fidei
veritate. Item differunt schisma & hæresis, nam hæresis addit
pravum dogma: schisma contingit in fine aliquam hæresim.
Post recessum enim ab unitate Ecclesiæ, sequitur inobedientia in
Mandatis Ecclesiæ, in fine verò sequitur assertio, quod non est
obediendum Ecclesiæ. Triplex est Apostasia: scilicet *Perfidie*,
cum quis recedit à fide, ut *Julianus Apostata*: *Inobedientia*; cum
quis recedit à præceptis Ecclesiæ, & sic initium superbiæ hominis
est apostatare à DEO: *Irregularitatis*; cum quis recedit à Religi-
one Claustrali, vel Clericali. Apostasia sic potest describi: Apo-
stasia est temerarius à fidei statu, vel obedientiæ, vel religionis
recessus.

Contra apostasiam, quæ est supra modum peccans peccatum,
illud Apostoli accipe: *Impossibile est enim eos qui semel sunt illumina-*
ti, (gustaverunt etiam donum celeste, & participes facti sunt Spiritus San- *Epist. ad Hebr.*
cti, gustaverunt nihilominus bonum DEI verbum, virtutesq. seculi venturi; c. 6.
& prolapsi sunt) renovari ad poenitentiam, rursus crucifigentes sibi metipsis
Filium DEI, & ostentui habentes. Ubi insinuatur poenitentia impos- *V. Ansel. Lyr.*
sibilis, id est valdè difficilis gravissimis & ingratissimis peccatori- *Hagon. & ali-*
bus puta Apostatis: qui post tot insignia lumina & dona coelestia os. Corn. à lap.
à DEO accepta, post tot gratias & consolationes Spiritus Sancti, *hic Comment.*
post-

postquam gustaverunt delicias DEI & futuræ vitæ, à DEO, à Fide, & agnita veritate, ad infidelitatem discesserunt.) Eiusmodi inquam Apostatis moraliiter impossibilis est poenitentia, quia rarissime & difficillimè tales convertuntur: quod experientiâ patet in Ecclesiasticis, & Religiosis, à fide & ordine deficientibus. Deus quippe exigente summa ingratitudine & malitiâ talium, permittit eos magis ac magis obcecari & obdurari, subtrahendo illis speciales & efficaces gratias, licèt sufficientes minimè deneger. Sciendum autem hæc dicta posse quoque intelligi de Apostasia ab ordine Ecclesiastico, vel Religioso, qua aliquis revertitur ad seculum, etsi non deserat fidem, quia apostasia ut Cornelius à Lapide ait, habet peccatum ad mortem, de quo peccato Joannes idem

Ibidem.

Joan. c. 5.

*Lib. contra
Jovin:*

In summa

Theol. spirit. c.

4.

V.D.Thom.2.2

q.10. ad 1.

semel sunt illuminati, &c. Peccatum enim ad mortem, ut docet S.

Hieronymus, est quodlibet gravissimum peccatum, maximè quod ex malitia & obfirmato animo fit. Et talis est Apostasia à

statu sacri Ordinis. Quibus autem gradibus fit prolapsus penè irreparabilis in Apostasiam ac gehennam ignis, supra visum est.

4to. Fidei opponitur *Infidelitas*, seu erronea fides: quæ juxta

D. Thomam spectatur dupliciter. Imò negativè, dum scilicet aliquis nunquam audierit de vera fide, & talis infidelitas est magis poena originalis, imò & actualium peccatorum, quàm culpa; neque propter eam sed propter alia peccata quis damnatur, juxta illud: si non venissem nec locutus eis fuisset, peccatum non haberent. Alia infidelitas contrariè sumpta, quæ quis fidei sufficienter propositæ, ei (abductus persuasione humanâ, vel sensu carnis suæ) repugnat, vel eam contemnit, & talis infidelitas peccatum est.

V.D.Thom.2.2

q.10. ad 5.

Item accipitur infidelitas secundum tres species. Prima est Renitentia fidei nondum susceptæ, & sic est Paganismus. Secunda est Renitentia fidei Christianæ susceptæ in figura, & hæc infidelitas est Judaismus. Tertia est Renitentia fidei Christianæ susceptæ in manifestatione veritatis, & ista est Hæresis. Spectatâ verò infidelitate secundum errores in diversis, ita non sunt determinatæ infidelitatis species: quia errores possunt multiplicari in infinitum.

Eccles. 72.

Contra Infidelitatem est I. Ecclesiæ: dicitur: Væ dissolutis corde

corde, qui non credunt DEO: & ideo non protegentur ab eo. *Vid. D. Thom.*

Angelicus Doctor inquit: Peccatum infidelitatis est maximum peccatorum, quia eò peccatum est gravius, quò magis avertit & separat à DEO: Jam verò infidelitas maximè separat & elongat à DEO, quia nec veram DEI cognitionem habet. *Ita D. Thomas.*

Il. Ab infidelitatis effectibus quos in antiquis Philosophis & aliis incredulis enumerat *Apostolus*, nimirum omne impietatis & iniquitatis genus, ita dicens: Quia cum cognovissent DEUM, non sicut DEUM glorificaverunt, aut gratias egerunt: sed evanuerunt in cogitationibus suis, & obscuratum est insipiens cor eorum, dicentes enim se esse sapientes, stulti facti sunt. Et mutaverunt gloriam incorruptibilis DEI in similitudinem imaginis corruptibilis hominis, & volucrum, & quadrupedum, & serpentium (propter quod tradidit illos DEUS in desideria cordis eorum, in immunditiam: ut contumeliis afficiant corpora sua in semetipsis) qui commutaverunt veritatem DEI in mendacium: & coluerunt & servierunt creaturæ potius quam Creatori, qui est benedictus in secula Amen. Propterea tradidit illos DEUS in passionem ignominie. Nam foemine illorum immutaverunt naturalem usum in eum usum qui est contra naturam. Similiter autem & masculi relicto naturali usu foemine, exarserunt in desideriis suis invicem, masculi in masculos, turpitudinem operantes, & mercedem (quam oportuit) erroris sui in semetipsis recipientes. Et sicut non probaverunt DEUM habere in notitia: tradidit illos DEUS in reprobum sensum, ut faciant ea, quæ non conveniunt: repletos omni iniquitate, malitiâ, fornicatione, avaritiâ, nequitia, plenos invidia, homicidio, contentione, dolo, malignitate, susurriones, detractores, DEO odibiles, contumeliosos, superbos, elatos, inventores malorum, parentibus non obedientes, insipientes, incompósitos, sine affectione, absque fœdere, sine misericordia. Qui cum justitiam Dei cognovissent, non intellexerunt, quoniam qui talia agunt, digni sunt morte: non solum qui ea faciunt, sed etiam qui consentiunt facientibus. *Hec Apostolus.*

Quantum ad Gentiles, Judæos, Hæreticos moderni temporis; an non his & similibus vitis ut jumenta in stercorebus suis corumpuntur?

L

Nota

*Cornel. à Lap.
comm. in Epist.
Rom. c. 1.*

Phil. cap. 4.

*Gregor. 26.
moral.*

Nota Machometanorum Orbi tyrannis seu jugum Turcicum, œdificium, libido, &c. Nota Judæorum fraus, dolus, immunditia, &c. Nota Hæreticorum præcipuè avaritia, lascivia. Rationem dat Cornelius à Lapide: quia ubi non est fides, ibi non est gratia DEI, ubi non est gratia DEI ibi non est castitas, sed omnis concupiscentia. Et passim apud novantes personat hoc axioma: Castitatem esse impossibilem (sed mentiuntur: quia cum gratia DEI est possibilis juxta Apostolum dicentem: Omnia possum in eo qui me confortat.) Quia verè Lutheri & Hæreticis impossibilis est (utpote gratia DEI destitutis.) *Secundò*: Quia hæresis & infidelitas oritur ex superbia: superbiæ autem pœna est libido, sicut humilitatis præmiu est castitas. Unde efficacissimum remedium ad castitatem est humilitas. Hæc enim justa est DEI ordinatio, ut si mens DEO, & iis quibus debet, se subdat, etiam sibi subditum habet Corpus suum: sin DEO, DEIq; vicariis subdit nolit, etiam corpus sibi suum sentiat rebellem, ut pulchrè docet *Gregorius*: Sic, sic, inquit: elati iustâ fuerant retributione ferendi, ut quia superbiendo se hominibus præferunt, luxuriando usque ad jumentorum similitudinem devolvantur; homo enim cum in honore esset non intellexit, comparatus est jumentis insipientibus, &c. Justus ergò videt DEUS quòd mentem elevat, & idcirco permittit foras invalefcere, quod deponat; ergò per humilitatis custodiam, servanda est munditia castitatis. Si enim Spiritus piè sub DEO premitur, caro illicitè super Spiritum non levatur, & contra: Unde & primus ille inobediens Adam, mox ut superbiendo peccavit, pudenda contexit.))

Sed placet ad propositum in specie aliqua referenda hæresum nostri temporis Antesignanis in quod profundum malorum, eos demersit sua infidelitas.

De Lutheri.

Lutheri perfidiæ exitiales fructus decerpe ex literis Serenissimi Principis D.D. Georgii Ducis Saxonie, Landgraphii Thuringie, Marchionis Misnie, &c. ad Lutherum, datis Anno 1525. 28. Decembris; quarum tenor germanicè interfectus est Tom. 9. Wittenberg. in vita pag. 231. Latine invenitur apud Ulenbergum

in vita pag. 290. scribit itaque inter cætera hæc. Accedit quoq̃, Wittenbergæ velut asyllum quoddam instituiſti, quo Monachi & Moniales, furtis infames confugiunt, & à te ſuſcipiuntur, poſtquam Eccleſias & Monasteria noſtræ ditionis expilârunt, ut Wittenberga ceu caſtrum quoddam ſit, aut commune perſugium Apoſtatarum ditionis noſtræ. Nec ullas unquam Romanus Pontifex, Sanctiſſimus Dominus noſter, indulgentias conceſſit, quas tanti æſtimes, quin majores deberi putes Wittenbergenſibus tuis, ob raptum ſacrarum Virginum, quas è monaſteriis noſtris ad te perduxerunt, qua de re nihil dubitamus. Interim in quas illæ miſerias & calamitates per te ſint conſectæ, quàm certo damnationis periculo expoſitæ, latis eſt manifeſtum. *Et infra.* Affirmare præterea poſſumus non admodum nobis curæ eſſe tuum Evangelium, cùm illud à ſummis Orbis Chriſtiani capitibus reprobatum non ignoremus. Hoc unum pro virili curavimus, ut ne à noſtris ſuſciperetur. Ut autem hoc caveremus, cauſam nobis dederunt mali fructus, quos ex eo proveniſſe conſtat: Non enim tu, vel quiſpiam alius negare poteſt, quin blaſphemix in DEUM, in venerabilem Euchariftiam, in ſanctiſſimam DEI Genitricem, omnesque Sanctos, ex tua Doctrina ceu fonte quodam promanârint. Per te enim tuosque diſcipulos renovantur veteres hæreſes, quas Eccleſia quondam anathemate notavit, honeſtus DEI cultus omnis, ad eum modum vaſtatur, ut à Sergii temporibus nihil ſimile factum conſtet. Jam verò quando plura ſunt admiſſa ſacrilegia, & inceſtus perpetrati, cum ſacris virginibus, quàm ab eo tempore, quo tuum iſtud Evangelium innotuit? Quando plures in Magiſtratu auditæ ſunt ſeditiones, quàm ex Evangelio tuo prodierunt? Quando ad hunc modum ſpoliatæ ſunt ædes ſacræ? Quando furta, rapinæ plures contigerunt? Quando Wittenbergæ tot fuerunt excucullati Monachi, & profugæ Moniales, quàm nunc ſunt? Quando maritis ademptæ ſunt uxores, aliisque traditæ, ut nunc ſub Evangelio tuo fieri videmus? Quando plura commiſſa ſunt adulteria, quàm ab eo tempore quo tu ordinâſti, ut ſi mulier ſuo viro ſæcundari nequeat, divertat ad alium, ab eoque ſuſceptam prolem marito educandam obrudat? utquè viro viciffim ad eundem modum agere liceat?

Hos nimirum fructus peperit tuum Evangelium, quod cum sub scamno delitelceret, in lucem protulisti. Et bene quidem illi nomen hoc indidisti, quod sub scamno latuerit, atque inde sit à te productum. Bonum foret profectò, si etiam nunc sub scamno jaceret. Nam si quod alterum huic simile producas, nullum certè rusticum sub obedientia retinebimus. Si tale voluisset Evangelium CHRISTUS, non tam frequenter inculcasset illud: Pax vobis. Petrus etiam & Paulus non dixissent, obediendum esse magistratui. Igitur hi ipsi fructus in causa sunt, ut ab Evangelio doctrinaque tua vehementer abhorreamus. Interim Evangelio CHRISTI volente DEO, adhærebimus eique propugnando, corpus, animam, facultates, existimationem, omnia nostra lubentes impendimus; adjuvante nos DEI gratiâ in qua fiduciam habemus collocatam. Et paulò post. Licet nos indigni simus, ad quos hujusmodi viri id est qualis fuit Moyses ad Pharaonem missus, Samuel ad Saul Regem, Nathan ad Davidem, Joannes Baptista ad Herodem, Ananias ad Paulum, Philippus ad Eunuchum) mittantur; Visitamur tamen ordinariè, DEO sit laus, per viros bonos, qui nobis DEI verbum annunciant unâque cohortantur, ut in Ecclesia Christi permaneamus. Hos sequimur, quantum per gratiam suam largitur DEUS. Quod si tuos Apostolos audiamus, qui plerique sunt Apostata, hanc certè doctrinam apud eos non inveniemus. Docemur enim quod Apostata pervertunt Scripturam faciam, & ore perverso gradiantur, & Salomon eos describit, quod in te prò dolor! verum esse deprehendimus. Et paulò infra: Quia verò cor habes mulieribus addictum, ad nobilem illam te peccatricem adjungo, ex qua septem dæmonia Christus ejecit. Cum hac prosternete ad Christi pedes, & ut idem faciat, Evam tuam hortare. Ita fiet per Dei gratiam, ut monachus à moniali rursus separetur, nec impedimento tibi sit illud: Quod DEUS conjunxit, homo non separet. Tuum enim matrimonium non à DEO, sed ab inimico tuo sancitum est: Qui non est mecum, inquit Dominus, contra me est. Igitur quia uterque vestrum interposito juramento castitatem vovit, videte quam vobis ipsi libertatem ademeritis. Quod roboris habet oratio tua contra dæmonem non inquirimus.

mus. Certè quòd hætenus conservavit te DEUS, nec terra te cum Dathan & Abiron vivum absorbit, vel ex eo deprehendas infinitam esse DEI milericordiam. Si verò perges ut coepisti, nec quicquam de machinationibus tuis remittes, metuendum est, ne tarditas supplicii, poenæ gravitate compensetur. *Hæc Orthodoxus Princeps.*

De Calvino.

Calvini, quæ origo, vita, doctrina, mors, paucis affero. Calvinus (teste Vestphalo in Apologia) è cujusdam Sacrificuli matre concubina natus, è fori tabula repente Theologus, Regis Galliarum jussu ad mortem damnatus, regii magistratûs manus subdolè effugit. *Genebrardus* Prateolus hæresiarcha, Picardo natione, patriâ Novidunensi dictus fuit. Hunc à Patria sua ob vitæ improbitatem exulasse scribit Antonius Demochares de Missæ Sacrificio cap. 2. Eundem noverunt (inquit Joannes Racquærius libro de tentationibus) inter dissoluros suæ urbis viros dissolutissimum, inter inconstantes & foedifragos inconstantissimum. Emerfit autem circa annum Domini 1534.

Et infra Prateolus ait: Certè Calvino homicidii crimen objecit Servetus, quòd cum symmylæ Geneventes seu probrum suo Apostolo indignum elulissent, ille in responso ad articulos à Genevensibus sibi objectos constanter affirmat: Homicidam (inquit) dixi Calvinum verè, & Simonis Magi sectatorem. Nega te esse homicidam, & actis publicis probabo. Ad hanc criminationem Calvinus sua in refutatione ne gry quidem. Porro Calvinus à fide apostata antea Canonicus Noviodunensis teste Genebrardo, qui contra sacros Canones Idelettam Buræ loco Parochiæ Pontis Episcopi assumpsit teste Beza in vita Calvini. Nota impudentia & scurrilitas in Luthero, Beza, Batavo, & similibus. patet in colloquiis mensalibus Lutheri, versculis Beza, & Oveni, & in floribus Calvinisticis. Ubi nil occurret ferè, nisi lupanar, lenones, stupra &c. aded ut reclamer Erasmus in Epistola ad fratres inferioris Germaniæ. *Quæ malum ista Salacitas, unde tanta carnis rebellio inus, qui se jactant agi Spiritu Christi?*

Quoad doctrinam Calvini quantis hæc blasphemiis pias aures

P. Kwiatkiew.

in Fascino

decep. 8.

Prateolus Mar-

cosinus de vi-

tis, &c. He-

retic. Tit. Cal-

vinista.

P. Kwiatkiew.

wicz in Fasci-

no decep. 8.

Ibidem.

feriat horror est referre, vel paucas è multis. Itaque blasphemat Calvinus dum lib. 1. Instit. cap. 24. §. 14. ait: *Quod aliqui verbum DEI audire contemnant, ipsorum est pravitas, sed in hanc pravitatem à DEO adducti sunt.* Blasphemat idem, dum CHRISTUM Dominum insinuat vitiosæ perturbationis, stupiditatis, oblivionis salutis nostræ: Harm. in Matth. 26. 38. cum tamen etiam Machometes in Alcoran. Azoara 29. dicat Christum fuisse omnis peccati expertem. Blasphemat, dum ait Scripturam non esse ex se certam, nec falsitatis expertem: lib. 1. Instit. cap. 8. §. 13. Cum tamen juxta Paulum 2. Tim. 3. 16. *Scriptura omnis sit à DEO inspirata*, cui falsitas utpote veracissimo repugnat. Quid cum idem Calvinus Harmon. in Luc. tot peccata Beatæ MARIÆ Virgini imponit? Et in Luc. 11. 27. Edit: Gallica ait Christum pro nihilo ducere, quod Virgo sit sua Mater? Quid cum idem Sanctos tot scommatibus proscindit? Et tamen Calvinus tam blasphemus in DEUM, ac Sanctos audet de se dicere, quod non ipse loquatur, sed per illum DEUS è cælo suam virtutem exercens: lib. 1. arbitr. contra Albertum Pighium. Guillelmus Reginaldus in Calvino-Turcisino ait: *Qui verè Calvinista est, vix abesse, quin Turca vel Athenis sit.* Cui ad stipulatur Godefridus à Valle qui libellum scripsit de arte nihil credendi; in quo illud dixit. *Oportere prius Calvinistam fieri, qui Athenis esse velit.* Quod & illi ipsi contigit. Atque proinde non est mirum, quod Valentinus Gentilis (qui fuit discipulus Calvinus) sua dogmata probet ex Alcorano Turcarum teste Benedicto Aretio Bernensi Ministro lib. 1. & 3. Historiæ Valentini Gentilis.

Ibidem.

Mors Calvinus fuit, nempe (teste Hieronymo Bolseco in ejus vita) dæmonibus invocatis, blasphemans & execrans, insuper phrenas consumptus, ut impius ille Herodes & Antiochus, infelicem efflavit animam, cum antea totos quatuor annos, novem morbis diversis teste Bezâ miserè excrucietur. Scilicet ille fuit prædestinatus, & hæ illi blasphemix cælum apperuerunt.

De Anabaptistis.

Tercia licet primis duobus Draconibus Luthero, & Calvino pestilentior sit Hydra Anabaptistarum Secta, fortius tamè est vipe-

rei dogmatis Lutheri de Baptismo parvulorum, ut ex Prateolo tit. Anabaptistæ, & aliunde colligitur. Author Anabaptistarum Baltazar Prateolus de Bacmontanus, vel aliquis alter, quisquis ille fuerit, profectò à primis principibus dæmoniorum informatum fuisse, infernalis eorū retis. doctrina probat. Docent enim inter cætera absurda. 1. Negandum esse parvulis baptismum. 2. Publicum verbi ministerium prohibent. 3. Dominationem spernunt, nec legitimæ potestati subiectos esse homines volunt. 4. Dicunt quamlibet mulierem obligatam esse ad coeundum cum quolibet viro eam petente: & contra eodem vinculo adstringunt omnem virum ad tantundem reddendum cuilibet mulieri hoc ab illo petenti. Porro variæ sunt sectæ Anabaptistarum, quarum hæ præcipuè numerantur: Adamitæ, Stehleri, Sabbatharii, Clancularii, Manifestarii, Dæmoniacci, Communia habentes, Condormientes, Ejulantes, Georgiani, Davidici, Monnonitæ, & Polygamistæ, &c.

Praxis educendi, ac emergendi è barathro infidelitatis, ad verum lumen fidei supra ponitur. In summa Theolog. spirit. c. 3.

De Paganismo, Judaismo, Hæresi, Atheismo.

DE speciebus infidelitatis scilicet Paganismo Judaismo, tum Hæresi, ac ejus differentiis, quibus nunc scatet orbis; obviunt plures Authores & Doctores Sanctæ Ecclesiæ. Tum iusticiat tibi ex supra allatis motivis credibilitatis, solam esse veram fidem in Sancta, Catholica, Apostolica, Romana Ecclesia: alias vero sectas & synagogas esse falsas ac diabolicas, ducereque ad æternum interitum. Expediit autem breviter hic annotare, quid de iisdem speciebus infidelitatis Angelicus Doctor dicat: D. Thom. 2. 2. quæst. 10. 4. 6. Quam gentiles in pluribus errent quàm Judæi, & Judæi in pluribus à vera fide recedant quàm hæretici: simpliciter tamen Judæorum (qui Evangelii figuram susceptam malè interpretando corruerunt) infidelitas gravior est quàm gentilium: hæreticorum autem (qui suscipientes & profitentes ipsum Evangelium, illud corrumpunt) infidelitas est omnium gravissima.

Porro de Atheismo hæc accipe: Atheismus est, quo aliquis negat esse verum DEUM vel ejus providentiam, justitiam. Est autem Atheistarum quadruplex genus. Tres eorum differentias enu-

Promontorio merat Pater Paulus Zehentner dicens : A Patribus communi quasi
malæ spei lib. appellatione vocantur Athei tam qui nullum DEUM admittunt,
 7. §. II. quam qui plures; aut etiam illi à quibus tamerſi non negetur DE-
 US, negantur tamen in ipſo aliqua ejus attributa, potentia, ſapi-
 entia, providentia, & ſimilia alia. Quo ſpectat illud Davidis:

Pſal. 13. v. 1. Dixit inſpiens in corde ſuo, non eſt DEUS. Sive inſpiens iſte nega-
 verit omnimodam alicujus Numinis exiſtentiam, ſive tantum
 ejuſdem regimen ac providentiam.))

Addo quartum genus eorum, qui fatentur quidem ſe noſ-
 ſe DEUM, eumque credunt, & contremiſcunt, factis autem ſeu
 pravitate operum vitæ ſuæ illum negant. Ad inſtar dæmonum,
 qui eſſi credunt & contremiſcunt, iniquè tamen agere non de-
 ſinunt.

Contra Atheiſtas eſt. 1. quia Atheiſmus eſt profundum
 malorum. Delineat hoc barathrum S. David Rex poſt illa verba :
Pſal. 13. v. 1. & Dixit inſpiens in corde ſuo, non eſt DEUS ; Dum ait: Corrupti ſunt &
ſequent. abominabiles facti ſunt in ſtudiis ſuis, non eſt qui faciat bonum non eſt uſque
 ad unum. Et paulo intra: Sepulchrum patens eſt guttur eorum, lingvis
 ſuis doſe agebant, venenum aſpidum ſub labiis eorum. Quorum os male-
 dictione & amaritudine plenum eſt, veloces pedes eorum ad effundendum
 ſanguinem. Contritio & infelicitas in viis eorum, & viam pacis non co-
 gnoverunt: Non eſt timor DEI ante oculos eorum. Idem alibi? Non eſt
Pſal. 9. DEUS in conſpectu ejus (id eſt impii) inquinatæ ſunt viæ illius in omni
 tempore. Ibidem: Propter quid irritavit impius DEUM? Dixit enim
 in corde ſuo, non requiret. Id eſt ad judicium & pœnas, ſcelera im-
 proborum. Tertullianus ait: De genere converſationis qualitas

Tertull. lib. de „ fidei æſtimari poteſt. Doctrinæ index diſciplina eſt, negant
Preſcript. c. „ DEUM timendum. Itaque libera ſunt illis omnia & ſoluta.
 43. „ Ubi autem DEUS non eſt, nec veritas ulla eſt; ubi veritas
 „ nulla eſt, meritò & talis diſciplina eſt. At ubi DEUS, ibi metus
 „ in DEUM, qui eſt initium ſapientię. Ubi metus in DEUM,
 „ ibi gravitas honeſta, & diligentia attonita, & cura ſolicita, &
 „ dilectio explorata, & communicatio deliberata, & promotio
 „ emerita, & ſubjectio religioſa, & apparitio devota, & proces-
 „ ſio modeſta, & Eccleſia unita, & DEI omnia.) 2. Poenæ Atheo-
 rum, Lucianum ſophiſtam ipſi, canes ulſi ſunt; quia hic homo
 Chriſti-

Christianorum infensissimus hostis, quotidie Numini impiè illu-
 lusit, illudque ut vanum, novis continuo Sarcasmis maledicentis-
 simè irrisit; à canibus discerptus est: ut disceret ideo sibi inter
 bestiarum dentes pereundum fuisse, quòd suos ipse contra DE-
 UM intrinxisset; audacià nunquam excusabili, semper defendenda
 temeritate. Aliud. Recentius istud est, quod aliquando me legere
 memini. Doctis piisque viris in diversorio quodam cœnantibus

Paul. Zechent-
 evenit, ut profanus Numinis contemptor, non tantùm risu exci-
 ner perer, quos de cœlesti vita sermones faciebant, sed subinde etiam
 ludibrium hoc evomeret: *Cælum celi Domino, terra autem filiis ho-*
minum. Illic verò repentè diris correptus torminibus cœpit altis-

simè vociferari ò DEUS! atque ut erat patulo gutture, boatu suo
 replebat totum cœnaculum. Nactus opportunitatem qui aderat
 homo probus: tunc ait DEUM invocas? an philosophiæ tuæ
 oblitus es? cur non in suo cælo finis DEUM quiescere? aut si
 quoque Numen sentis, fatere ubique esse & nusquam impune il-
 ludi DEO posse.)) Aliud. Princeps quidam duxit malam vitam, Collector Spec:
 quem cùm hortaretur uxor ejus ad confessionem, dicebat. P. Joan. Ma-
 Non possum confiteri, quia timeo quòd gravis pœnitentia dabi-
 tur mihi, cui uxor: Et quomodo sustinere poteris pœnas inferni

quæ graviores sunt, quàm aliquæ pœnæ hujus mundi? cui ipse:
 putas quòd infernus sit? aut pœna aliqua, aut diabolus, aut vita
 alia post vitam hanc? Sacerdotes enim ista invenerunt ut time-
 antur: quæ videns quòd nihil proficeret circa eum dimisit in pace.
 Quadam nocte cùm jaceret in stratu suo, dæmones venientes &
 accipientes ipsum de loco suo, ad infernum portaverunt. Uxor
 autem sua videns hoc, (quia sancta mulier erat) oravit DEUM, ut
 sibi revelaret statum viri sui. Et ecce manè surgens, corpus viri
 invenit quasi titionem denigratum; in manu literam, in qua scri-
 ptum erat. Jam certificatus sum, quia infernus est: & timor
 quem habui ad agendam pœnitentiam me illuc deportavit. Aliud Vide infra sub
 Exemplum Leontii Atheistæ puniti morte crudeli & æterno exi-
 tio, habes infra sub Pseudosapientia.

Præxi Convertendi Atheum; datur supra sub medio trans-
 eundi ad statum supernaturalem. In summa The-
 olog. spirit. c. 3.

Porrò ne quis in Atheismum peccatorum abyssum demer-

M

gatur

Ribaden. lib. gatur, cavenda est 1^{mo} Hæresis, quæ in Atheisum seu in nullitatem fidei adducit, ut sup. probatum est sub regula fidei. 2^{do}.
 1. de Princip. Cavendus Machiavellisus, cujus affectu videntur tollere Divinam
 Christ. c. 10. providentiam: & fortunâ, casu, calliditate, malitiâque humanâ mundum
 regi opinantur. 3^{io}. Cavenda peccata, quibus sensim in tantam perniciem descenditur, & maxime voluptas, quæ facit quatenus voluptuari credant ut sues, vivant ut sues, moriantur ut sues.

4^{to}. Fidei opponitur Fides secundum Excessum: dum quodpiam leviter, sine ratione, superstitiosè, ac præcipitanter creditur; siue etiam quando absolutè creduntur aliâ sub conditione credenda.

SECTIO III.

§ I.

De Blasphemia in DEUM, & Sanctos.

D. Thom. 2. 2.

q. 13. a. 1.

Busenbaum

Medul. Theol.

Moral. c. 3. t.

2. c. 1.

Blasphemie vitium ad infidelitatem eatenus spectat, quatenus per illam homo corde, vel ore, secundum intellectum, vel affectum, DEO tribuit, quæ ei non conveniunt. Blasphemat item: qui in Sanctos, vel sacra contumeliosus est, intellige ut Sancti sunt, siue cum habitudine saltè virtuali ad DEUM, ita ut moraliter hujus etiam honor censeatur tangi.

Motiva ad cavendam Blasphemiam hæc sunt. 1^{um}; ex

1. Reg. 2. Glos. Scriptura, & SS. Patribus. Reg. Si peccaverit vir in virum, placari potest ei Dominus; Si autem in Dominum peccaverit, quis orabit

S. August. 1. 10. pro eo. Glos. Omne peccatum blasphemie comparatum minus est. S. Aug. Flagellatus est Christus flagellis Judæorum, sed non

2. Glos. Psal. minus flagellatur blasphemis falsorum Christianorum. Glos. 58. Gravius peccat contemptor sedentis in cælo Majestatis, quam

S. Chrysost. crucifixor ambulantis in terra paupertatis. S. Chrysost. Blasphemia

bon. 1. S. Hier. miâ pejus nihil. S. Hierony: Blasphemia veniam non meretur.

1. 7. c. 18.

2^{dum}, A poenis blasphemorum. Multum displicuerunt

4. Reg. 19.

DEO blasphemie, quas dixerunt servi Sennacherib Regis Assyriorum, Unde percussit Dominus 184. Millia de exercitu ipsius. Arrius in Filium DEI blasphemus, effusus per secretiora ventris visceribus in Orcum transingravit. Nestorius privans Deiparam Maternitate DEI, lingua ejus blasphema à vermibus corrosa fuit.

S. Gre-

S Gregorius Pont. narrat puerum quinque annorum consuetum Lib. 4. Dial. blasphemare DEUM, à dæmone è sinu Patris abreptum. Qui- c. 18. dam in Martinum, & Martialem, Confessores Domini ore inju- Gregor. Tu- rius, statim percussus à virtute Confessorum furds & mutus ef- ron. lib. 4. Hist. fectus, amens est mortuus. Fran. 16.

Praxis ad propulsandum blasphemix spiritum est. imo.

Comparare sibi ex meditatione de Divinis perfectionibus, San-
ctorum prerogativis, & virtutibus, &c. sublimem DEI ac Di-
vinorum, Sanctorumque æstimationem; eaque bona in DEO,
& Sanctis ejus tenero amore prosequi. 2do. Sequi exemplum.
S. Magdalena de Paz, quæ adeo gravi vexabatur blasphemix spiri- In vita S. Mag-
tu, ut etiam vivaciter in auribus ejus sonarent horrendæ contra- dal, de Paz.
DEUM blasphemix. Quod frequentius contingebat, dum de-
bitas persolveret preces; in tantum ejus auditum detestandis im-
plendo susurris, ut non solum ejus diligens distrahi posset devo-
tio (confestim enim contrarios his tentationibus faciebat actus,
& exorationes illarum) verum etiam summo opere timebat, ne loco
verborum orationis, aliquod blasphemix verbum eloqueretur;
facultatem enim dicendi in ipsa impediabant. Unde non semel
amaris, lachrymis petiit à sororibus opem dicēs: Ah! dilectissimæ
Sorores; rogate pro me JESUM, ne loco glorificationis blasphe-
mem ejus Majestatem. Igitur potenter & cum effectu gloriosæ
victoriæ, assidue resistebat Magdalena huic tentationi; corde
contrarios blasphemix eliciendo in copia lachrymarum actus; ore
iterando devotarum orationum verba; Laudabat incessanter, ma-
gnificabat sine fine, & sine molestia sui ipsius deprædicabat æter-
no honore dignissimum DEUM. 3tio Contemnere sathanam,
ad blasphemias tentantem dicendo: *Vade sathana*: (quæ Christi Matth. 4.
voce ut experienciâ probatum est, graves & terribiles tentationes
fuisse devictas.) Audi beatum Joannem Climacum dicentem: Qui Clim. grad. 25.
blasphemix spiritu se perturbari sentit, atque eo liberari cupit, „
pro certo habeat non suam animam hujusmodi cogitationum, „
esse causam, sed impurum illum spiritum, qui aliquando Do- „
mino dixit: Hæc omnia tibi dabo, si procidens adoraveris me. „
Idcirco nos quoque contemnentes ipsum, & quæ ab illo dicun- „
tur, nihil æstimantes, securi & intrepidi dicamus: Vade post „

“ me sathana; sermo autem dolusque tuus in caput tuum conver-
 “ tetur, & in verticem tuum blasphemia tua descendet in præsen-
 “ ti, & in futuro seculo. Qui præter hunc modum adversus
 “ blasphemiam spiritum pugnare vult, is ei similis est, qui manibus
 “ suis coruscationem continere nititur.)) 4to. Considera infra
 stupenda patientiæ exempla, quibus non modò amovearis ab im-
 patientia & blasphemia in tribulationibus, verum potiùs ad gau-

1. 2. tra. I. c. I. diuini in iis, & gratiarum actionem pro iis. 5to. Vide supradicta
 sec. 4. subs. 2. & huc proportionatè applica.

§ 2. 5. 3.

§. II.

De Blasphemia in Spiritum Sanctum.

V. Corn. à lap. **B**lasphemia hæc, est peccatum, quo opera manifestè Divina & miracu-
 Com. in cap. 12. losa, pia & sancta, in confirmationem veritatis facta, aliquis calumni-
 Matth. Citant: atur, eaque scienter ex malitia adscribit diabolo. Ratio est, quia tali
 plures SS. Pa peccato directè itur contra Patris & Filii bonitatem, amorem,
 tres. & sanctitatem, quæ prædicata sunt propria Spiritus Sancti. Cur
 V. ibidem. autem hoc crimen blasphemiam in Spiritum Sanctum dicit Chri-
 stus esse irremissibile id est difficillimè remissibile in hoc & in fu-
 turo seculo? Quia Spiritum Sanctum blasphemare nomine Beel-
 zebub est injuria in DEUM atrocissima, inexcusabilis, & planè ve-
 niâ indigna, quæ quârum est ex se, abigit ab homine Spiritum San-
 ctum, à quo omnis justificatio & salus nostra. A deum modum, quo
 morbus incurabilis dicitur, qui medicinam cibumque respuit.

Hujus criminis, ut illi Pharisei ex malitia, invidiaq; contra Chri-
 stum, ita alii quoque sunt rei, qui sunt maligni, invidi, suspi-
 ciosi, de quorum numero antu sis, vide & cave. Appositè S. Bas-
 Bafil. leg: brev. 1. 73. cius: Ex ea blasphemia quam Pharisei usurpârunt, (Matth. 12.)
 “ perspicuum est, eum nunc etiam blasphemare Spiritum Sanctum,
 “ hoc est detrahere Spiritui Sancto, quicumque effectus & Spiritus
 “ sancti fructus, adversario ipsius attribuit, quod peccatum in-
 “ currimus plerique nostrum, qui in periculis strenuum sape nu-
 “ mero temerè appellamus ambitiosum, & ei qui justâ indigna-
 “ tione per zelum movetur, & eam re indicans, iracundiæ calu-
 “ mniam impingimus; & ad eundem modum alia iniquis adducti
 “ suspicionibus, eminentis nominibus, de aliquo dicimus.

Circa

Circa Praxim cavendi hujusmodi Blasphemiam, vide supra *1. 2. tr. 1. c. 1.*
data. *sec. 4. subf. 2.*
§ 2. & 3.

SECTIO IV.

De Dono Intellectus.

Donum intellectus est Spiritus Sancti munus, quo ea quæ sub fidem ca-
 dunt, V.G. *Mysterium Trinitatis, Incarnationis, imperfecte; quæ*
verò ad fidem ordinantur, ut est tota Scriptura, etiam perfecte, in-
tima Spiritualium rerum subtiliter penetrando, ab homine in presenti vi-
ta cognosci possunt. *Ita D. Thom.*
2. 2. q. 8. 4.
2. 2. q. 15.
4. 2.

Gradus operationum doni intellectus videtur D. Bonaven-
tura comparare ad Matutinum, Meridianum, Vespertinum tem-
pus diei sic loquens: 1mo: Igitur manè hujus luminosæ diei in *D. Bonavent.*
mente humana oritur, quando per donum intellectus ad no- *De 7. Don. c. 6.*
stra interiora revocati per lumen compunctionis, omnes tene-
bras peccatorum de lectulo conscientie abstergimus, ut dicamus
cum Psalmista: Lavabo per singulas noctes lectum meum, scilicet con- *Psal. 6.*
scientie, ut post hoc ad claritatem per contemplationem manè sur-
gamus. 2do: Post manè hujus diei luminosæ, horæ meridianæ
claritas fervida oritur in mente ex dono intellectus, quod pariter
illuminat, & inflamat in sacra Scriptura, ad modum horæ meri-
dianæ, dum eloquium Domini vehementer ignitum, quod est
penetrabilius omni gladio ancipiti, pertingens usque ad divi-
sionem spiritus & animæ, secundum Apostol. manifestat. Declari- *Rich. lib. 5. de*
tate hujus meridiei, & radiis *Rich. dicit sic: Jucunda sanè admo-* *Contemp. c. 7.*
dum plaga est meridiana, à nimietate lucis & fervore diei, eò
quòd dulce sit valde & delectabile aspectui, contemplari beato-
rum spirituum ordines, hilarescentes in claritate & charitate. Et
sequitur infra: In meridie illa scilicet lucis & fervoris Scripturæ,
contemplamur præmia meritorum beatorum, gaudia civium
supernorum, & arcana divinorum secretorum, & cætera hujus-
modi. 3tio: Post horam claræ & fervidæ meridiei, hora vesp-
ertina succedit, in qua labor quotidianus terminatur, somnus con-
templationis inchoatur, delicia nocturnales celebrantur. Somnus *Cant. 5.*
contemplationis inchoatur. Unde dicit anima contemplativa *Greg. in Ezech.*
Ego dormio, & cor meum vigilat. Gregorius dicit; Vigilanti etenim *hom. 14. post*
M 3 *corde meo*

corde dormit, per quod interiùs contemplando proficit, & ab inquieto opere foris quiescit. Deliciæ Spirituales post labores diurnos à DEO ministrantur per donum intellectûs; quia post sudationes boni operis, pervenitur ad lucem contemplationis, ut di-

Hugo lib. 4. de cit Hugo. Unde in Job dicitur: *Quasi meridianus fulgor, consurget claustro animæ tibi ad vesperam.* Quod exponens Gregor, in Moral. ait: Con- c. 43. Job. 11. surget, quia quanta sibi claritas meridiana maneat cum jam oc- Gregor. lib. 10. cumbere cœperit, post agnoscet, quia scriptum est: *Timenti Deum* Moral. c. 11. *benè erit in extremis.* Hæc ille. Fulgor namque meridianus illum- med. inat, & inflammat. Illuminatio pertinet ad cognitionem, in- flammatio ad refectionem. Nam in charitate refectio est, quæ duo maximè faciunt ad delicias spirituales & vespertinas. Hæte-

Eccli. 1. c.

nus D. Bonaventura.

D. Tho. 2. 2. q. 8. a. 7.

Motiva ad æstimandum, & sese disponendum pro operatione Spiritûs Sancti per donum intellectûs hæc sequuntur. *Primum:* Effectus doni intellectûs est juvare in contemplatione Divinitatis, nempe mentem depurando à phantasmatibus & erroribus, ut scilicet ea quæ de DEO proponuntur, non accipiantur per modum corporalium phantasmatum, nec secundum hæreticas perversitates. Unde dicitur: *Beati mundo corde quoniam ipsi DEUM*

S. Bonaven- videbunt. D. Bonaventura inquit: Donum intellectûs facit nos tura de 7. donis ad interiora nostra ingredi, dum menti inspirat, ut se ipsam pri- Spiritus S. c. 3. mò cognoscere discat, & in hoc diligenter se exerceat, donec se videre quid sit incipiat. Item per donum intellectûs potest ho- 4. s. mo cognoscere, quòd est factus ad similitudinem DEI. Simi-

liter per donum intellectûs homo in se regnum DEI innuit, cum Dominus dicat: Regnum DEI intra vos est. Post hoc Spiritus Sanctus per donum intellectûs facit nos penetrare velamina Sacramentorum Scripturarum, introducens nos ad claram contemplationem puræ veritatis. Deinde non solum facit nos penetrare omnia velamina Veritatis incarnatæ, sed & velamina Veritatis increatæ. Item facit nos penetrare velamina veritatis Divinorum Sacramentorum.

2dum: Quia dono intellectûs correspondet fructus Spiritûs Sancti, qui est Fides seu fidei certitudo, tanquam ultimum potentie intellectivæ: ut verò fructus Spiritûs correspondet dono intellectûs tanquam ultimum quid & delectabile voluntarius, est

est Caudium. Fructus enim Spiritûs dicuntur ultima, & delectabilia, quæ in nobis proveniunt ex virtute Spiritûs Sancti.

3tium: Mirantes Judæi doctrinam Christi dicebant: *Quomodo hic literas scit, cum non didicerit?* Sciebat igitur Christus omnia, quæ est Sapientia Patris: quæ verò Homo, dono intellectûs penetrabat arcana DEI: Unde Isaias super eum *requiescere* insinuavit *Spiritum sapientiæ & intellectûs*. Apostoli quoque rudes & illiterati, uti Pharisei videntes Petri constantiam & Joannis, *comperito quod homines essent sine literis & idiotæ*, admirabantur. *Ast repleti Spiritu Sancto loquebantur magnalia DEI*, dono intellectûs rimantes Scripturas, & nobis ejus mysteria enunciantes. Et Apostolus ad Timotheum. *Intellige quæ dico, dabit enim tibi Dominus in omnibus intellectum.*

Joan. c. 7.

Isa. II.
Astor. 4.

Ibid. 2.

Circa *Praxim* seu *Dispositionem* ad operationes Spiritûs Sancti per donum intellectûs, vide supra dicta de donis in genere. In speciali autem juxta *D. Thomam* Abstinencia & Castitas maxime hominem disponunt ad perfectiones intellectualis operationis. Unde dicitur Dan. 1. quod pueris his scilicet abstinentibus & continentibus, dedit DEUS scientiam, & disciplinam in omni libro, & sapientia. Sicut è contra ex gula hebetudo sensûs oritur, quæ reddit hominem debilem circa intelligentiam spiritualium; & ex luxuria cæcitas mentis provenit, quæ quasi totaliter spiritualium bonorum cognitionem excludit. Quia cum juxta Philosophum unusquisque ea in quibus delectatur, optimè operetur, contraria verò nequaquam vel debiliter; jam verò cum per vitia carnalia Gula & Luxuriæ, quæ sunt vehementissimæ inter corporales delectationes, intentio hominis maximè applicetur ad corporalia, sequitur quod debilitetur operatio hominis circa intelligibilia. Magis autem per luxuriam, quàm per gulam, quantum delectationes venereorum sunt vehementiores, quàm ciborum.)) Deinde assequitur homo augmentum & perfectam operationem doni intellectûs, dum id opere implet, quod intelligit, juxta illud: *Intellectus bonus omnibus facientibus eum: laudatio ejus manet in seculum seculi.*

I. 2. tra: 1. sect.
4. subf. 1. §. 10.
V. D. Thom. 2.
2. q. 15. a. 3.lib. 10. Ethic.
c. 5. & 4.

Psal. 110.

SECTIO V.

De Cæcitate Mentis.

V. D. Thom. 2.
2. q. 15. a. 1.

Lessius de per-
fect. Divin. lib.
13. c. 14.

COECITAS mentis opponitur dono intellectus: est autem omnimoda privatio cognitionis spiritualium bonorum, causata ex aversione mentis ab intelligibilibus principiis, per quæ cognoscuntur eadem spiritualia. Et Lessius ait: Sita est excoecatio non solum in subtractione Divinae illustrationis, sed etiam in positiva judicii perversione. Unde hæc duo ad illam requiruntur. Ratione prioris fit, ut salutaria (cæci) non intelligant, vel non apprehendant, saltém eo modo quo apta sunt affectum movere. Itaque nequè ex concionibus, nequè ex colloquiis piorum, nequè ex lectione sacra fructum referunt. Ratione posterioris fit, ut perversè de rebus ad salutem spectantibus judicent, approbantes falsa pro veris, pestifera pro salutaribus, tenebras pro luce, mala pro bonis: & è contrario vera ac salutaria detestantes ut falsa & nocentissima, & lucem lerenam ut tenebras ciminarias. De talibus dicitur Isaïæ 5. *Ve qui dicitis malum bonum, & bonum malum: ponentes tenebras lucem, & lucem tenebras: ponentes amarum in dulce, & dulce in amarum.*

Motiva ad dissipandam caliginem cæcitatís spiritualis, hæc proponuntur. *unum:* Ex Scriptura. *Job.* Quia nullus intelligit, in æternū peribunt. *Deut.* Gens absq; consilio est, & sine prudentia; *Psal.* 48. Utinam saperent & intelligerent, ac novissima providerent, *Psal.* V. D. Thom. Homo cū in honore esset non intellexit, comparatus est jumentis 2. 2. q. 15. a. 1. insipientibus, & similis factus est illis. Deinde juxta D. Thomam: Ejusmodi cæcitas, sive aversio, sive non intentio mentis ad dicta principia intelligibilia spiritualium, si est voluntaria juxta illud, *Psal.* 35. Noluit intelligere, ut benè ageret: Vel si per occupationem mentis circa alia, quæ magis diligit, ab inspectione eorundem principiorum avertitur juxta illud *Psal.* 37. Supercecidit ignis scilicet concupiscentiæ, & non viderunt solem; utroquè modo peccatum est.

2dum: Cæcitas animi punitur per reprobum sensum, ita S. Bernardus Bernardus. Heu sic adhærendo veritati per cognitionem, sed ab illa

S. Bernardus
Epistola 18.

illa defluendo per amorem, amando pro illa scilicet vanitatem, homo vanitati similis factus est. Et quid vanius quam diligere vanitatem? & quid iniquius, quam contemnere veritatem? quid verò iustius, quam contemptoribus subtrahi & ipsam cognitionem? Quid inquam iustius, quàm ut jam de ejus cognitione gloriari non possit, qui cognitam non glorificavit? Itaque appetitus vanitatis est contemptus veritatis, causa nostræ cæcitas. Et quia non probaverunt (inquit) DEUM habere in notitia: tradidit illos in reprobum sensum. Ex hac ergo cæcitate descendit, quòd plerumquè pro eo quod est, amamus vel approbamus quod non est, quoniam dum sumus in hoc corpore, peregrinamur ab eo qui summè est.

3^{ium}. Cæcitas mentis plurimum & gravium est causa peccatorum juxta illud Prov: Via peccatorum tenebrosa, nesciunt ubi corruant. Vel juxta Vers. Chald. Via seu vita impiorum caligo, nesciunt in quod impingant. Quod explicans Cornel. à Lapide inquit. Imo. Hæc caligo sita in errore practico, quo peccatores dum peccant, judicant hic & nunc peccatum præferendum esse virtuti. Gulosus enim sibi dicit in mensa delicata: Hic melius est mihi explere meam gulam, & ventrem cibis suburrare, quàm iis temperare, geniumque fraudare. Iratus dicit: Satiùs est mihi, & jucundiùs vindicare meam injuriam, eumque, qui me læsit, ferire, quàm parcere & noxam condonare. II. In imprudentia, quia qui passionis æstu agitur, non considerat locum, tempus, personas, aliasque circumstantias, quæ eum metu ac pudore afficere, ac à peccato revocare possent. III. In improvidentia, quia non prospicit finem, ac pericula, & damna ipsi ex peccato obventura, v.g. periculum sanitatis, vitæ, & gehennæ, quod sibi accersit. Aviditas enim & passio gulæ, veneris, honoris, eum excæcat & obtenebrat, ut ista non consideret, non videat: quo fit, ut perinde ac homo in nocte & tenebris ambulans, in lapides & scopulos tum culpæ, tum poenarum impingat & corruat, & quandoquè præceps in fossam & necem ruat: subinde anceps hæreat & nesciat quo pergere debeat, sed palpsans & manu tentans viam perquirat. Porro hæc tenebræ per continuos peccatorum actus crescunt, donec hominem totum excæcent; ut ultro ruat in suam perniciem & gehennam. Unde S. Augustinus in Psalm. 138. Cum peccant inquit, tenebræ sunt: & cum insuper non

Comment. in
Proverb. c. 4.
vers. 19.

confitentur peccata, sed ea defendunt, tenebrant tenebras suas. Has tenebras representavit plaga tenebrarum Egypti, quæ tantæ fuere, ut essent palpabiles, de quibus dixi Exodi 10. 22.

De perfect. Divin.
lib. 13. c. 14.

4^{um}. Excæcatio & ex ea sequens obduratio juxta Lessium est extrema & maxima pœnarum hujus vitæ, & maximè formidabilis, ut quæ ordinariè post se trahat æternum exitium, & illud gravissimum. Et infra. Excæcationem sequitur obduratio: quod enim excæcatio est in intellectu & judicio, hoc obduratio est in voluntate & affectu. Nam quemadmodum ex illuminatione Divina sequitur in voluntate promptitudo quædam ad obsequium DEO, & amplectendum quod ille inspiraverit: ita ex mentis cæcitate sequitur durities quædam & obstinatio in malo, per quam salutaribus monitis & Divinis inspirationibus resistitur: quamvis & in ipsa excæcatione obduratio quædam intrinsecè contineatur, quatenus quis affectum adversus veritatem obdurat, nullis rationibus aut declarationibus locum relinquens. Consistit obduratio in firma & obstinata affectûs ad aliquod malum, propter speciem quandam boni, adhæsiōe, quâ fit ut nequè externis monitis, nequè internis inspirationibus, nequè flagellis, nequè promissis dimoveri possit, sed velut saxum se ad omnia obduret, & impenetrabilem præstet, nisi majore quadam vi Divinitus impellatur. De his dicitur Ecclesiastæ 7. juxta multorum interpretationem: *Considera opera DEI, quod nemo possit corrigere quem ille despexerit.* & Job 12. *Si destruxerit, nemo est qui ædificet: Si incluserit hominem, nullus est qui aperiat.* Quibus verbis summa difficultas indicatur, quâ tales convertuntur; & raram quandam singularitatemquè DEI opitulationem esse ad hoc necessariam.

5^{um}. Ab exemplis Judæorum & Hæreticorum. Unde,

Lessius de perfectione Divina.
lib. 13. c. 14.

Lessius inquit: Hanc cæcitatem mentis videmus manifestè in Judæis, & in nostris Hæreticis. Cùm enim tota Scriptura clarissimè ostendat Christum eâ specie & formâ, qua Evangelistæ eum descripserunt, & ejus regnum, ut modò floret: Judæi tamen non agnoscunt, sed illum apprehendunt ut impostorem, ejus miracula ut opera sathanæ, ejus doctrinam ut blasphemiam, ejus religionem ut superstitionem. Simili modo hæretici, etsi certissimis notis vera Christi Ecclesia, tanquam civitas supra montem posita

pōita omnibus considerare volentibus sit conspicua; ipsi tamen eam pro tali non agnoscunt, sed sarhanæ tynagogam reputant; & Christi Vicarium conspiciunt ut Antichristum, Sacrificium Misæ & cultum Sanctorum ut execrabilem Idololatriam, Sacramenta ut vacuas ceremonias vel inventiones humanas, purgatorium & indulgentias, ut figmenta Sacerdotum ad quæstum comparata, vota Monastica ut superstitiones, bonorum operum merita ut justitiæ Pharisaicam, & alia hujusmodi plena delirii & insanæ mentis. Sicut enim ob perversam organorum dispositionem fit, ut quis amicum concipiat, ut inimicum, & candidum, ut rubrum vel fuscum, & dulcia tanquam amara, & pulchra tanquam distorta; sic ex prava dispositione animi & phantasiæ accedit, ut quis pessimè de rebus ad salutem pertinentibus judicet.

Praxis ad abigendas cæcæ mentis tenebras, est tollere causas hujusmodi cæcitatæ: ablata enim causâ, cujus influxu continuè indiget effectus, cessabit & ipse effectus. Porro causam cæcitatæ & obdurationis spiritualis triplicem etsi non eodem ordine assignat *Lessius*: ima causa est *Malitia Hominis* juxta illud: *Lessius de per-*
Excæcavit illos malitia eorum. Quia nimirum se ipsum homo *section. Divin.*
voluntariè excæcat, non solum meritorie per peccata prævia, *Lib. 13. c. 14.*
(propter quæ privatur illustratione Divinâ, & permittitur illusioni *Sap. cap. 2.*
diabolicæ) sed effectivè & proximè: quod fit dupliciter. 1. quatenus consentit in noxias passiones odiorum, & cupiditatum, quibus excæcatur, easque in se fovet. 2. quatenus ob levem aliquam ratiunculum vult pertinaciter inhærere anticipatæ apprehensioni; & ea quæ illi adversantur, recusat considerare & excutere: nimirum sic se spontè avertens à lumine veritatis, & eligens tenebras. Etsi enim diabolus magnam in phantasiâ eorum, qui excæcantur, potestatem habeat; non tamen eam ita perturbat (DEO id permittente) ut usus rationis penitus impediatur, sive ut non possit advertere se parùm solide procedere, alioquin nec in ipsa excæcatione, neque in iis quæ per mentis cæcitatem faciunt, peccarent; quod scripturis manifestè repugnat: sed eatenus duntaxat, ut non sine magna difficultate rectè & prudenter in eo negotio, in quo excæcati dicuntur, rationis lumine uti possint. Itaque consensus in errorem, & pertinax adhæsiō, est adhuc libera: similiter aversio animi à consideratione & examine veritatis

Luc. 18.

D. Thom. 2. 2.

q. 15. 4. 3.

Johan. 3.

Lessius ibidem
supra citatus.

omnino libera permanet. Hæc enus Lessius. Hæc itaque Malitia ex cæcans tollitur per seriam sui ipsius recollectionem, & sui miseri status cognitionem, tum poenitentiam de peccatis, ac mortificationem passionum maxime pertinacis superbix, tortemque inclamationem Divini auxilii sicut ille cæcus Evangelicus prohibentibus se ut taceret: *Multò magis clamabat. Fili David, miserere mei.* Et: *Domine, ut videam.*

Deinde cæcitatibus causam S. Thomas ex D. Gregorio assignat Luxuriam. Cujus rationem supra dedimus sub Dono intellectus.

2da causa juxta eundem Lessium est Subtractio Divini luminis, quod DEUS ab indignis & ingratis justo judicio subducit: cum enim *Lux venit in mundum, dilexerunt magis homines tenebras quàm lucem.*) Hæc causa tollitur per affulsionem frequentiore & intensiorem Divinorum radorum in mentem humanam: quæ affusio accipitur sublato obice peccatorum.

3tia causa est diabolus, qui sex modis judicia hominum, pervertit. 1. est: interius concitando humores & spiritus, unde fit, ut imaginatio longè aliter res apprehendat quàm revera sunt, ut patet in phreneticis, & melancholix morbo affectis: maxime enim imaginatricis apprehensio ab humorum & spirituum qualitate & commotione pender. Sic efficit in hæreticis ut cultum Eucharistiæ, & Sanctorum, firmiter apprehendant & judicent esse abominandam idololatriam. 2. est: avertendo mentem à consideratione eorum, per quæ posset instrui, & veritatem assequi. Sic diabolus semen verbi Divini in terram humani cordis feminatum aufert, juxta parabolam Evangelicam Lucæ 8. mentem ad alia divertendo. Simili modo facit ut libros Catholicorum non legant, vel si legant, non expendant. 3. est: excitando in homine varias passiones, præsertim cupiditatis & odii, quæ maxime rationis judicium perturbant, ut experientia docet. Sic odio Christi, scribæ & Pharisei ipsius doctrinam repudiârunt, nec innumeris miraculis, quæ & ante Christi mortem, & in morte, & post mortem viderunt, neque Scripturis evidentissimis converti potuerunt. His tribus modis utitur diabolus passim cum hæreticis, & facit ut levisimæ conjecturæ, & aperta sophismata, quæ sunt contra Doctrinam Catholicam, videantur illis clarissimæ demonstrationes: & è contrario, perspicuæ demonstrationes, quas

quas Catholici contra eorum errores adferunt, appareant nullius momenti, & Iosophinata mera. Rursus & Sanctorum Patrum in Sacram Scripturam interpretationes, reputent inventiones humanas, suas verò imaginationes apertum Scripturæ sensum, & ipsam veritatis medullam. Denique tanta in plerisque in Religionis negotio est iudicii perturbatio, ut dum aliquid ex fidei principiis apertè concluditur, vim & consecutionem formæ syllogisticæ, quæ tamen lumine naturali est perspicua, non capiunt, ut sæpe non sine admiratione & animi dolore adverti. 4. est; per varia visa aut verba interiis phantasie objecta, sive in somnis, sive in aliqua mentis à sensu alienatione, quæ videantur esse revelationes. 5. est; per exteriores apparitiones, vel signa sensibilia à dæmone ad aliquid homini persuadendum objecta. His duobus modis non utitur passim cum omnibus, sed potissimum cum primariis quibusdam suis amicis, & electis organis, quales sunt Hæresiarchæ, & hæreseon Ministri, Pseudoprophetæ, & Pseudoapostoli novi Evangelii; Anabaptistæ quoque Swenckfeldiani huic deceptioni modò valde obnoxii. 6. est; per præstigiis & falsa miracula, quibus homines potissimum extremis temporibus seducuntur.)) *In Locum igitur Tenebrionis expetendus est à DEI Angelus lucis, qui cohibeat astutias sathane, & Sanctis illustrationibus motibusque piis assidue incitet ad omne bonum.*

SECTIO VI.

De Hebetudine Sensûs.

Hebetudo sensûs opponitur Dono intellectûs, sita in debili perceptione & consideratione bonorum spiritualium: seu *D. Thom. 2. 2. q. 15. a. 2.* dum aliquis ad cognoscendam veritatem rerum spiritualium pertingere non potest, nisi per multa ei expolita, & tunc etiam non potest pertingere ad perfectè considerandum omnia quæ pertinent ad rationem rerum spiritualium.))

Stimulos, cavendi hebetudinem sensûs ejusmodi accipimus. Habet hebetudo mentis, rationem peccati, inquantum est voluntaria, ut patet in eo qui affectus circa carnalia de spiritualibus *D. Thom. 2. 2. q. 15. a. eodem*

libus subtiliter discurrere fastidit vel negligit. 2^{us}. Hebetes sunt duri & asperi: Hinc dicitur: *Intellectus bonus dabit gratiam, & via mentientium dura*: vertit sicque explicat *Cajetanus*. Qui bono intellectu docilique ingenio pollet, hic gratosus est, id est, benevolus & beneficus in alios: qui verò duro & hebeti est ingenio, (quales hic mentientes vocantur) ipsius via, id est, vita & mores sunt duri & asperi.

3^{ius}. Hebetum indigna & asinina est natura. *Prov. 21. Si contuderis stultum in pila quasi pruinam feriente desuper pilo, non auferetur ab eo stultitia ejus.* Supra quod *Cornel. à Lap.* inquit: *Stultum* *Proverb. 32.* & stultitiam accipe Tum physicè, puta indocilem & hebetem, velommon. cap. 27. cordem; Tum ethicè, puta imprudentem, improbum, scelertum, obduratum: nec enim hebes doceri potest, esto eum fustibus contundas; nec obduratus molliri potest, esto plagis eum conteras. Huc faciunt sententiæ Sapientum: Quid prodest asino hinnitum doceri, num propterea rudere non se sinet? *Petrarcha Dial. 41.* Sic habe, inquit, omnes, qui sunt, & qui erunt, aut fuerunt virtutibus clari, non posse ullum ingenium accendere, nisi aliqua intus in animo scintillæ sint, quæ præceptoris spiritui excitatæ & adjunctæ, generosum disciplinæ fomitem arripiant; alioquin algidum in cinerem flabis. Huc spectant *Paremiæ*: *Æthyopem dealbas, suam doces, caput cerebro vacuum erudis, mens non est centauris, &c.*

Reg. 3. cap. 3.

Isai. c. 28.

Jerem. c. 2.

Praxis ex hebeti fieri docilem. 1^{mo}. Humiliter DEUM precari cum *Salomone*: *Domine DEUS dabis servo tuo cor docile, ut possit discernere inter bonum & malum.* 2^{do}. Tribulationes ferre patienter ad emendationem vitæ juxta illud: *Tantummodò sola vexatio intellectum dabit auditui.* Non verò imitandi illi de quibus questus est Dominus: *Frustra percussi filios vestros, disciplinam non receperunt.* 3^{tio}. Conatus & frequentatio poliendi ingenium in discendis sacris doctrinis. Quippe ut vulgò dicitur:

Gutta cavat lapidem non vi, sed sepe cadendo

Ita homo fit doctus, non vi, sed sepe studendo

Expertus id in se ipso *S. Isidorus* Archiepiscopus Hispalensis, qui ob suum hebes & durum ingenium cogitabat de relinquendis studiis, & ecce ex consideratione sulcorum in lapide excavato

cavatorum, non tam vi aliquâ quàm ex frequènti decursu aquæ, denuò resumpsit animos ad poliendum suum ingenium frequèntiâ studendi. Unde nemo illo ævo doctior Isidoro in Hispaniâ fuit: quin & ei debeat Gymnasia, Academias, virosque doctos, utpote qui ejus fuere discipuli, vel affectæ, & æmuli. Advertant hæc Cathedristæ rusticorum, rudiumquè hominum, quibus juxta Arist. *Natura dimidium mentis duntaxat dedisse videtur.* Tum superiores considerent illud: *Novit justus jumentorum suorum animas.* Ubi Bedæ ait: *Justus compatitur & misereatur hebetudini & fragilitati sibi commissorum.* 4to. Tollatur causa hebetudinis, quam dicit S. Thomas esse Gulam: de quo supra vidimus sub Do- 2. 2. q. 15. a. 3. no intellectu: Hinc proverbium: *Pingvis venter, non parit subtilem sensum.* Prov. c. 12.

SECTIO VII.

De Dono Scientiæ.

Donum scientiæ Spiritûs Sancti est, quo homo per causas secundas D. Tho. 2. 2. q. certum & rectum judicium habet de rebus Divinis, ac de rebus creatis, discernendo credenda à non credendis, & agenda à non agendis: 9. per totum. Sicut intellectûs donum DEI est, quo eadem proposita sibi sanè capit. Et hæc est Scientia Sanctorum, de qua dicitur Sap. 10. Justum deduxit Dominus per vias rectas: & dedit illi scientiam Sanctorum. Et S. Bernardus inquit: Scientia Sanctorum est hic temporaliter S. Bern. ferm. cruciari, & delectari in æternum. Et in contrarium scientia maiorum relabatur. 36. in Cant. Alia est scientia mundi quæ docet vanitatem, & alia est scientia carnis quæ docet voluptatem.

Gradus Scientiæ S. Bonaventura refert ad similitudinem, S. Bonaven. de temporis Matutini, Meridiani, Vespertini. 1. Itaque manè hujus diei 7. donis spiri- (spiritualis in anima) causat donum scientiæ, dum se extēdit ad lumē tñs S. scientiarū aquistarum per studium ac doctrinā, quæ scientiæ licet sint quædam lumina, tamen sunt obscura. Quia sicut dicit Hugo in prologo super Librum Angelicæ Hierarchiæ, Philosophis, vel Sapientibus mundi datum est, veritates aliquas invenire propter nos, quibus consummatio servabatur. Unde invenerunt veritatem illam, quam oportuit suscipere filios vitæ, ad obsequium summæ

summæ Veritatis. Illis labor appositus est, nobis autem fructus servabantur. Ipsi arcana sapientiæ non noverant: quia conditori-um thesaurorum scilicet incarnatum JESUM, non noverant, sed naturali documento solo utentes, lippienti acie lumen nubilum, & ambiguum adduxerunt, propterea erraverunt, & evanuerunt, cum mente transire vellent ea, quæ eis concessa sola fuerant nosse.

II. Donum scientiæ extendens se ad lumen Sacræ Scripturæ, & ad credibilia, causat in anima horam meridianam diei Spiritualis. Nam lumen horæ meridianæ clariùs illuminat, & vehementiùs inflammat. Unde *Gregorius* dicit sic: Quamvis omnem scientiam atque doctrinam, Scriptura Sacra sine aliqua comparatione, transcendat, ut taceam, quod vera prædicat, quod ad caelestem Patriam vocat, quod à terrenis desideriis ad superna amplectenda cor legentis inuitat, quod dictis obscurioribus exercet fortes, & parvulis humili sermone blanditur, quod nec sic clausa est, ut pavesci debeat, nec sic patet, ut vilescat, quod usque fastidium tollit, & tantò ampliùs diligitur, quantò ampliùs meditatur, quod legentis animum humilibus verbis adjuvat, sublimibus verò sententiis levat, quod aliquo modo cum legentibus crescit, quod ab avidis lectoribus quasi recognoscitur, & cum doctis semper nova reperitur. Ut ergò de rerum pondere taceam, scientias tamen omnes atque doctrinas, ipso etiam locutionis suæ more transcendit. Hæc ille. Sic ergò donum scientiæ per lumen Sacræ Scripturæ, animam illuminat & inflammat ad modum lucis meridianæ, ut dicatur de ea illud *Isaiæ*: Sicut Lux meridiana clara est.

III. Donum scientiæ se extendens ad lumen scientiæ moralis, & ad agibilia, facit horam vespertinam in die spirituali animæ, quæ est hora quietis, & terminus laboris: Exibit enim homo manè ad operationem suam, usque ad Vesperam, ait *Psal-mista*, sic donum scientiæ notificans homini rectum iudicium, circa credenda, ipsum quietat, dum eum in veritate stabilizat. Sed & laborem minuit, & quasi terminat, dum eum gaudenter operari facit, quia finis laboris quietem æternam ei piè ostendit.

Hæc S. Bonaventura.

Motiva donum scientiæ appretiandi, ad illudque sese dis-
spo-

*Gregor. lib.
20. Moral. c. 1.*

Isa. 18. c.

Psal. 103. c.

spondendi hæc proponuntur. *I m m.* Donum scientiæ disponit ad consolationem Spiritûs S. in hunc modum à *Di vo Aquinate* relatum: *D. Tho. 2. 2. q. 1.* Nimirum dono scientiæ respondet tertia beatitudo nempe: Beati *9. 4. 4.* qui lugent. Quia per donum scientiæ habendo rectum iudicium de creaturis, innotescit homini damnum, quod occasione creaturarum incurrit, dum scilicet avertit se à Summo Bono, & convertit ad infimum bonum: quod damnum cognitum movet ad lugendum, luctus autem meretur consolationem.

It d m. Juxta *D. Hieronymum*: Discamus in terris, quorum *Epistol. 103. ad* scientia remanebit in celis. Valde enim indignum esset, quod *Paulin.* tantum laborarem circa scientiam & virtutes, si desinerent esse in morte.

III tium. Donum scientiæ juxta *S. Bonaventuram* convivantes (spiritualiter) multipliciter reficit, per ferculorum diversorum de *7. donis Sp.* deliciosam exhibitionem, quæ in scientia Sacræ Theologiæ occulta ostendit, & convivantes illuminando, gustare facit. Unde *Sancti. c. 3.* *Gregorius* in *Moralibus* exponens illud *Job.* Tunc super Omnipotentem deliciis affluens, dicit: Super Omnipotentem deliciis affluere, est in amore illius Sacræ Scripturæ epulis tatiari. In *Gregor. lib. 16. Moral. c. 9. in principio.* quibus nimirum tot delicias invenimus, quot ad profectum nostrum intelligentiæ diversitates accipimus: ut modò nos nuda pascat historia: modò sub textu literæ velata nos reficiat medullitus, allegoria: modò ad altiora suspendat contemplatio anagogiæ, in præsentis vitæ tenebris, jam de lumine æternitatis intermicans.

IV tum. *DEUS* scientiarum Dominus est. Et Christus *JESUS,* *1. Reg. 3.* in quo sunt omnes thesauri sapientiæ & scientiæ absconditi. *Coloss. c. 2.*

Praxis. Circa Donum scientiæ videantur supra data sub *1. 2. tra. 1. sect. 4.* donis in genere. Jam verò in specie pro conservando & benè *sub. 1. §. 10.* utendo scientiæ dono servit humilitas & charitas, assertore *D. Gre- S. Gregor. in* gorio, qui ait: In omne quod scit se mens deprimat, ne quod virtus scientiæ congregat, ventus elationis spargat. Sancti viri ut *Idem hom. 7. in* humilitatis in se virtutem custodiant, cum quædam mirabiliter *Evangeli.* sciunt, illud ante mentis oculos student revocare quod nesciunt: ut dum ex parte alia infirmitatem suam considerant, ex ea parte quæ perfecti sunt, eorum se animus non extollat. Scientia enim

5. Bern. Serm.
36. in Cant.

virtus est, humilitas etiam custos virtutis. Et S. Bernardus inquit: Cibus indigestus & qui bonam non habet concoctionem, malos generat humores, & corrumpit corpus, non nutrit: ita & multis scientia ingesta stomacho animæ, qui est memoria, si concocta igne charitatis non fuerit.

SECTIO VIII.

De Opposis Dono Scientiæ.

1. Cor. cap. 8.
2. Tim. cap. 3.
Bern: Serm.
36. in Cant.

Opposita dono scientiæ sunt. Imo Pseudoscientia, quâ aliquis non modò naturalibus verum & Sacris Theologicis scientiis utitur ad fastum superbiæ, & lucra avaritiæ, &c. Vel etiam dum in mera speculatione hæret, nec ad piam praxim, prorsus ordinat. De quo Apostolus: *Scientia inflat, charitas verò ædificat.* Et: *semper discentes & nunquam ad scientiam veritatis pervenientes.* Divus autem Bernardus ait: Sunt qui scire volunt tantum, ut sciunt, & curiositas est. Sunt qui scire volunt, ut sciatur ipsi, & vanitas est. Sunt qui scire volunt, ut scientiam vendant, & turpis quæstus est. Sunt qui scire volunt, ut ædificent, & charitas est. Sunt qui scire volunt, ut ædificentur, & prudentia est. Idem in quodam loco super Cant. Scientia quædam est secularis, quædam inebriat non charitate, sed curiositate, impiet non nutrit, inflat non ædificat, ingurgitat & non confortat.

V. in Preliminaribus, & de
Curiositate.

II. *Oppositum scientiæ per excessum*: Eorum verò est, qui avidiores scientiarum, indiscretè caput & sanitatem gravius labefactant; Preces, Missæ sacrificia, aliaque Spiritus exercitia vel negligenter persolvunt, vel prorsus negligunt. Unde Divinitus quibusdam Religiosis dictum: *Plus spiritus, quàm literæ.* Contra hunc excessum in scientiis vide alibi fusiùs dicta.

Curiositate.

III. *Scientiæ per defectum* opponitur Ignorantia DEI, & rerum salutarium. De qua Ignorantia in infidelibus, actum est ubi de infidelitate, & expressius illustrabitur ex dicendis. Porro ignorantia aliquando est peccatum, aliquando non, aliquando cau-

In Summario
Theolog. Ascet. Etè & lucidè Dobrosielskius dicens. Peccatum ex ignorantia tribus modis accidit, aut videlicet ex ignorantia omnino involun-

taria

taria, aut ex ignorantia omnino voluntaria, aut ex ignorantia partim voluntaria partim involuntaria. Hæc autem ignorantia vel est *juris*, vel *facti*, vel *poenæ*. Unde ignorantia *juris* peccatur, quando contravenitur alicui præcepto legis æternæ, quod non putatur ejusmodi esse, aut nescitur tam strictè obligare. Ignorantia *facti* peccatur, quando adest scientia ac notitia legis; sed ignoratur factum quod dicta lege prohibetur, ut dum quis occidit hominem, putans esse feram. Ignorantia *poenæ* contingit, quando nescitur latam esse tantam ac talem poenam contra delinquentes.

1. Itaque peccatum ex ignorantia omnino involuntaria, aliàs invincibili, non est forinale, nisi materiale, unde etiam excusat à toto: quia nullum est peccatum, nisi sit voluntarium, non potest autem esse voluntarium cum ignorantia invincibili *juris*, vel *facti*: quia voluntarium supponit notitiam. Talis ignorantia eorum est, qui scire Divina nequeunt; ejusmodi sunt infantes, à natura dementes & insensati; ac denum nonnulli simplices, qui nec per seipso, nec per alios instrui possunt. 2. Ex ignorantia omnino voluntaria, vel aliàs ex ignorantia *affectedata* ille peccat, qui scire potest ea, quæ ad salutem scire tenetur, & non vult. De quo *Propheta* ait: Noluit intelligere ut bene ageret. Et *S. Bernardus*: Frustra sibi de ignorantia blandiuntur; qui ut liberiùs peccent, libenter ignorant. Hujusmodi ignorantia, ratione perversæ voluntatis ignorandi ea, quæ ad salutem necessaria sunt, verè est culpa & peccatum, quod æquiparatur peccato ex malitia. 3. Denique peccatum ex ignorantia partim voluntaria, partim involuntaria, aliàs ex ignorantia vincibili, in eis est, qui possunt scire & volunt, sed tamen negligunt. Unde illi, qui scire possunt ea, quæ tenentur, & non nisi cum magna difficultate & labore, faciunt tamen facienda, ut addiscant addiscenda, sed aliquatenus negligenter & insufficenter, excusantur à tanto peccato, quamvis non à toto, ita, ut per talem ignorantiam aliquando non nisi venialiter peccent. Verum qui possunt modò velint (puta absque magna difficultate, modico nimirum labore adhibito, seu morali adhibita diligentia) ignorantiam *juris* & *facti* superare, & non curant ob suam pigritiam & negligentiam gravem, non excusatur à peccato mortali: est

Psalms. 35.

enim hæc illorum ignorantia *crassa*, ac *supina*, quæ licet non sit à voluntate efficiente seu approbante, sicut est affectata, est tamen à voluntate omittente, quæ nihilominus voluntas est efficiens, quamvis non verè ac propriè, tamen interpretativè. Unde S. Chrysostom. super Matth. inquit. Non potest eis esse excusatio condemnationis ignorantia veritatis: Quibus fuit inveniendi facultas, si fuisset quærendi voluntas.

Proverb. 19.

Proverb. 17.

Sap. 13.

1. Cor 14.

S. Greg. li. b. 25.

Moral. c. 7.

S. Ambros. in

Psalm. 118.

S. Bernardus

in Epistolis.

Idem super

Cant.

S. Isidorus in

Syn. cap. 14.

Stimuli ad excutiendam ignorantiam. *Imus*. Prov. Ubi non est scientia animæ, non est bonum. *Proverb.* Qui evitat scire, incidit in mala. *Sap.* Vani autem sunt omnes homines, in quibus non subest scientia DEI. *Cor.* Si quis ignorat, ignorabitur. *2. dus.* S. Gregorius: Seclusum ab internis gaudiis genus humanum, exigente culpâ mentis oculos perdidit, & quod meritum passibus gradiatur, nescit. Sæpe enim est donum gratiæ, quod iram DEI putat; & sæpè Divinæ distractionis ira est, quod gratiam putat. S. Ambrosius: Ordinis ignorantia conturbat negotiorum naturam, formamque meritum. S. Bernardus: Multa scienda nesciuntur, aut sciendi incuriâ, aut discendi desidiâ, aut inquirendi verecundiâ: & quidem huiusmodi ignorantia non habebit excusationem. *Idem*: De ignorantia tui venit superbia, ac de DEI ignorantia venit desperatio. Ignorantia sui, initium omnis peccati; ignorantia DEI consummatio omnis peccati. S. Isidorus: Ignorantia mater est errorum, ignorantia vitiorum nutritrix.

Praxis propulsandi Ignorantiâ fit diligenti studio, per Auditionem, Lectionem, Conferentiam, Meditationem eorum, quæ ad DEI æternæque salutis notitiam, proportionatè, ad cuiusque statum & officium, conducunt. Vide plura sub PRAXI circa donum scientiæ.

CAPUT II DE SPE.

DE Spe Theologica, ac de Timore DEI, eorumque Oppositis, sequentibus agendum est.

SECTIO

SECTIO I.

De Spe Theologica.

Spes Theologica quatenus supra amorem concupiscentiæ, cuius objectum est DEUS, ut summè bonus homini, præterea importat quandam erectionem & conatum animi ad DEUM obtinendum; est habitus infusus, quo ex motivo Omnipotentiae, Bonitatis, Fidelitatisq. DEI, potentis, volentis, promittentis dare, cum conditione operum bonorum, expectamus in futura vita DEUM ut summè bonum nobis per visionem beatificam possidendum, ad ipsius gloriam; omniaque alia media ad hanc possessionem necessaria. Ubi breviter nota formale motivum spei esse perfectiones DEI, nempe Omnipotentiam, Bonitatem, & Fidelitatem; ita tamen ut exigit simul conditionem necessariam (sine qua non) bonorum operum. Vult enim ex sua bonitate cælum homini dare, illudque promisit dare, aut si fecerit voluntatem DEI, executusque fuerit ejus mandata. De quo obvia habes plura loca in S. Scriptura. Sufficiat nunc illud Christi effatum: *Nisi abundaverit Matth. cap. f.* *justitia vestra, plusquam Scribarum & Phariseorum* (scilicet supra observationem antiquæ quoad moralia, etiam novæ legis, nisi adfuerit custodia) *non intrabitis in Regnum cælorum.* Porro objectum materiale circa quod spes versatur patet in Oratione Dominica, ubi cum fiducia obtinendi, DEUM precamur. Imo Ultimùm Finem scilicet Gloriæ DEI, (dicendo; *Sanctificetur Nomen tuum*) tum beatitudinis nostræ, precando: *Adveniat Regnum tuum.* II^{do} Media ad eundem Finem necessaria, scilicet Executionem voluntatis DEI, orando: *Fiat voluntas tua &c.* Et ad executionem hujus voluntatis subsidia opportuna 1. Spiritualia positivè conducentia id est Panem verbi Divini, Panem Sacramenti Eucharistiæ, Panem cælestis gratiæ. 2. Corporalia, id est Victum, & Amictum, dicendo: *Panem nostrum &c.* 3. Spiritualia subsidia negativè ad executionem voluntatis DEI & cælum possidendum convenientia, nempe Remissionem peccatorum, Victoriâ tentationum, Liberationem ab omni malo poenæ temporalis, quatenus obest salutis, tum poenæ æternæ in inferno. Et dimitte nobis debita nostra &c. usque ad finem. Apposuit hic S. Bonaventura dum ait: *Spes data hominib;*

De Perfe.
Religiosor. lib.
1. cap. 20.

quâ confidit de bonitate DEI, ut speret à DEO gratiam consequi in presenti, & gloriam in futuro; peccatorum veniam si poeniteat, temporarium sustentationem sicut sibi expedit, & liberationem à malo, & conservationem in bono. Hæc Seraphicus Doctor.

Fiducia dicitur quasi duplicata, seu firmior ac robustior spes.

Spes Iustorum, alia est practica, alia anagogica. *Spes practica* illa dicitur, quæ insitit bonis operibus: de qua illud est Tob. 2. Ubi est spes tua, pro qua Eleemosynas & Sepulturas faciebas? *Spes anagogica*, vel aliàs sursum activa illa est, quæ actualiter sursum tendit in DEUM, de qua *Psalm. 7.* Domine DEUS meus in te speravi, salvum me fac ex omnibus persequentibus me, & libera me. Et *Psalm 25.* In Domino sperans non infirmabor.

Spes practica duplex est, necessitatis nimirum, & supererogationis. *Spes necessitatis* illa dicitur, quæ omnibus salvandis necessaria est de lege præcepti, juxta illud *Psalm 31.* Sperantes autem in Domino, misericordia circumdabit. Et *Proverb. 28.* Qui sperat in DEO, salvabitur. *Spes supererogationis* est in lege consilii, habens rationem majoris meriti, de hac spe illud est, *Psalm. 4.* Quoniam tu Domine singulariter in spe constituisti me.

Item spes alia est primæ authoritatis, alia suffragii. *Primæ authoritatis* duplex est, absoluta nimirum, & respectiva. *Absoluta* alia est, quam simpliciter, immediate, ac ultimate ponimus in solo DEO, tanquam in prima causa, movente ad beatitudinem. *Respectiva* illa dicitur, quam ponimus in Cruce Christi (dicentes cum tota Ecclesia: O Crux ave spes unica) non quidem determinativè, sed relativè ad Christum Filium DEI unigenitum; seu referibiliter ad ipsum Crucifixum, Dominum, Salvatorem nostrum. *Spes suffragii* illa dicitur, quam ponimus principaliter in B. V. MARIA, Matre DEI, ut in agente primario instrumentali, cum dicimus; Salve Regina, Mater Misericordiæ, vita, dulcedo, & Spes Nostra salve. Postea in aliis Sanctis, qui apud DEUM valent & nostri memores sunt, juxta illud 2. *Petr. 1.* Dabo autem operam & frequenter habere vos post obitum meum, ut horum memoriam faciatis. Ac tandem in quibusvis iustis Ecclesiæ adhuc militantis, quorum intercessionibus, non sunt etiam vanæ in-

conspice-

conspetu DEI, juxta illud *Jacob*. s. Multum valet deprecatio justis assidua.

Gradus Spei ex Formula aurea Seraphici Doctoris. Spei altus gradus est, expectare caelestem hereditatem, quam daturum se DEUS nobis per pignus obligavit, scilicet Spiritum Sanctum in baptismo, qui est pignus hereditatis nostrae, ut dicit Apostolus. Altior est expectare beatitudinis eandem hereditatem, quam nobis se daturum juramento firmavit. Unde, jus jurandum, &c. Altissimus est, expectare eandem beatitudinem, quam nobis se datum in lege & Prophetis promisit. Unde Apostolus: Quod oculus non vidit, &c.

S. Bonavent. de
Gradibus vir-
tutum c. 27.

I.
Gradum Chri-
stiana spei or-
do.

Ephes. 1. 6.

Luc. 1.

I. Cor. 2. 6.

II.

Item in alto gradu est, qui expectat aeternam beatitudinem ex operibus misericordiae, & justitiae, in quibus se diu exercuit. In altiori est, qui expectat eam ex Passione Christi, qui nobis eam promeruit. Unde S. Bernardus: Peccanti mihi peccatum, &c. In altissimo, qui expectant eam ex mera bonitate, & misericordia DEI, qui nos ad ipsam creavit.

Item in alto gradu est, quem certificat de aeterna beatitudine bene discussa conscientia. In altiori est, quem certificat veteris, & novae legis scriptura. In altissimo est, quem certificat inspiratio Divina.

III.

Item altum gradum tenet, qui expectat aeternam beatitudinem ex multiplici intercessione in via, & in Patria. Altiozem, qui eandem expectat ex diligenti custodia Angelorum. Altissimum, qui eandem diligentissimam custodiam Divinam expectat. Unde Augustinus: Perfectioribus adest ipse DEUS ad custodiam, imperfectioribus vero ipsi Angeli.

IV.

Stimuli ad exercitium Spei & Fiduciae in DEUM ejusmodi praestò sunt. *Imus* Ab effectu Spei qui est multiplex. *Atribulatione liberat.* In te speraverunt Patres nostri, speraverunt & liberasti eos. Exemplum de Susanna, & Daniele. *Confortat.* Pereuntes septem filios sub unius dici tempore conspiciens mulier, bono animo ferebat, propter Spem, quam in DEUM habebat. *Mentem elevat.* Qui sperant in Domino mutabunt fortitudinem, & assumment pennas &c. *Salvat.* Qui salvos facit sperantes in se. *Temporalia ministrat.* Oculi omnium in te sperant Domine. Hucusque

S. Bonavent.
Comp. Theol.
c. 22.

Psal. 21.

Dan: 13.

2. Mach: 7.

Isa: 40.

Psal. 16.

S. Bona-

Jerem: c. 17. *S. Bonaventura.* Denique audi *Prophetam* dicentem: Benedictus vir qui confidit in Domino, & erit Dominus fiducia ejus. Et erit quasi lignum quod plantatur super aquas, quod ad humorem inmittit radices suas, & non timebit cum venerit aestus, & erit folium ejus viride, & in tempore siccitatis non erit sollicitum, nec aliquando desinet facere fructum.)) Et DEUS ipse per Coronatum **Psal. 90.** *Psaltem:* Quoniam in me speravit liberabo eum: protegam eum quoniam cognovit nomen meum. Clamabit ad me & ego exaudiam eum; cum ipso sum in tribulatione: eripiam eum & glorificabo eum. Longitudine dierum replebo eum: & ostendam illi salutare meum.

S. Bern. Serm.

5. in vigil. Nat. Domini.

L. Pet: 5.

2dus. Audi *S. Bernardum.* Crede te DEO, committe te ei, jacta in eum cogitatum tuum, & ipse te enutriet; ut fiducialiter & fideliter dicas: Domine sollicitus es mei. Neque enim hoc sapiunt homines amantes se ipsos, homines scioli, & solliciti pro se ipsis, curam carnis perficientes in desideriis suis, surdi ad vocem dicentis: *Omniem sollicitudinem vestram projicientes in eum, ipsi enim cura est de nobis.* Nam sibi quidem ipsi fidere, non fidei, sed perfidia est: non confidentia sed diffidentia magis in se ipso habere fiduciam. Is verò fidelis est, qui nec sibi credit, nec in se sperat, factus sibi tanquam vas perditum, & sic perdens animam suam, ut in vitam aeternam custodiat eam. Porro id quidem sola facit humilitas cordis, ut non sibi fidelis anima inveniat, sed deferens se ipsam ascendat jam de deserto, innixa super dilectum, atque adeo deliciis affluens. *Idem Sanctus* explicans **S. Bern. serm.** illum textum Scripturae: *Quemcunque locum calcaverit pes vester, vester erit;* inquit: Pes vester utique spes vestra est: & quantum **Qui habitat.** cunque illa processerit obtinebit, si tamen in DEUM tora figuratur, ut firma sit & non titubet. *Sanctus Augustinus* ait: Constante DEO crede, eique te totum committe quantum potes: ita enim ipse te ad se sublevare non desinet, nihilque tibi evenire permittet, nisi quod tibi profit, etiamsi nescias.

S. Aug. in soliloq. c. 15.

3tius. Ab *Exemplis:* I. Deiparae; cujus spes in eo eluxit, quòd voto obstricta Virginitatis, eamque tenerrimo prosequens affectu, licet ex dispositione Divina desponsaretur *S. Josepho,* solaque cum solo habitaret, certà tamen fiducià innitebatur Deo, habi-

habituram se Iosephum non violatorem, sed custodem & vindicem suæ castitatis. Deinde in Cana Gallilææ ad nuptias deficiente vino, id ipsum insinuavit Filio suo, à quo audiens nondum venisse ipsius horam faciendi miracula, tamen spe fretâ in gratiam sui mutandum consilium DEI (quod aliàs non fuit absolutum, sed conditionatum ut patet) de providendo vino etiam per miraculum, hoc ipsum ulterius promovit, & inclinavit dulcem JESUM ad satisfaciendum desiderio suo. II. s. Job. in suis horrendis tribulationibus protestatus est dicens: *Etiam si occiderit me, in ipso sperabo.* III. Refert Rufinus de Cœnobitis, & Anachoretis sub Beato Apollonio constitutis, ita dicens: Supra modum autem lætitia & gaudium inerat eis, & tanta exultatio, quanta haberi ab ullo hominum non possit in terris. Nullus in eis tristis omnino inveniebatur, sed etsi aliquis visus est aliquantulum mœstior, statim Pater Apollonius causam mœstitiæ, perquirebat. Frequenter autem, etiam si aliquis occultare voluisset, ipse enunciabat, quid lateret in corde, ita ut is, qui patiebatur, agnosceret. Monabat ergo eos dicens; non oportere prorsus inesse tristitiâ his, quibus salus in Deo est, & spes in regno cœlorum. Tristentur aiebat Gentiles, & lugeant Judæi, plangent sanè sine cessatione peccatores, justi verò lætentur. Nam si hi qui terrena diligunt, super fragilibus & caducis rebus lætentur; nos qui tantæ gloriæ spem, & æternitatis habemus expectationem; cur non omni exultatione læremur? aut non & Apostolus nos ita monet dicens? *Semper gaudete, sine intermissione orate, in omnibus gratias agite.* IV. Sanctus Hugo Episcopus in omnibus rebus, quæ illi in hac vita, quantumvis graves & asperæ accidebant, aut accidere poterant, securissimus erat cum ingenti, quam in DEUM habebat spe, id sibi in omnibus eventuum, quod magis è re animæ suæ foret, dum ipse in DEI obsequio perseverasset. Et quod ad res temporales attinet, pariter confidebat, DEUM sibi prospecturum, quidquid ad ejus cultum sibi opus esset. Idque sic esse re ipsâ comperit, ut quantò ipse diligentius res Divinas, & quæ ad DEI cultum spectabant, procurabat, tantò ipsi facilius, idem DEUS de omnibus rebus necessariis provideret. Et cum hac magna in DEUM fiducia, quando se teneri, aut magis è re, Divini honoris esse censebat, non dubitabat Regem, ac Magnates, peccatorum,

Job. 13.

Ex vitis Patrum de Apollonio.

I. Thess. 5. Arias in Thesauro de spe ex Sur. in Nov.

quæ committebant, arguere, quamvis ipsi minitarentur, adeoque strictos gladios capiti ejus intentarent, quia de Divina bonitate certus erat, se, quoad suæ spirituali saluti expediret, ab omni periculo liberatum iri. Quantumvis etiam gravia, periculosa, perplexa quæ negotia sese illi offerrent, cum hac ingenti in DEUM fiducia nihil turbabatur, nec de sua pace & quiete quicquam perdebat, nec de necessario ad vitam conservandam somno remittebat; faciens enim quantum in se erat, sibi quæ ipsi multum diffidens, certus erat DEUM in omni re manum suam admoturum, bonum quæ in omnibus exitum daturum, & quod magis in bonum

Ludo v. Rlofius.

Monil. Spirit.

s. II.

animæ suæ, Divinam quæ gloriam cederet, eventurum. V. Legimus de B. V. Gertrude, quod neque pericula, neque tribulationes, neque damna rerum, neque impedimenta alia, sed nec delicta quidem vel defectus proprii, constantem securamque confidentiam, quam ad benignissimam DEI misericordiam retinebat, unquam in illa obscurare potuerint. Certissimè enim confidebat, tam adversa quàm prospera omnia sibi in bonum Divinæ providentiæ converti. Et huic Virgini Dominus aliquando dixit: Secura illa confidentia, quam quis erga me habet, credens me reverà posse scire, & velle sibi in omnibus adesse, transvulnerat cor meum, tantamque vim facit pietati meæ, ut nullatenus possum hujusmodi homini non adesse.

Praxis in spe & fiducia erga Deum proficiendi est: 1^{mo}. Per sedulam meditationem concipere magnam æstimationem Summæ DEI Potentiæ, cui nil impossibile; Bonitatis, quæ infinito amore propendit in salutem nostram, simul quæ desiderantissimè vult adjuvare infirmitatem nostram; facienti quæ quod in se est homini non denegat gratiā: Tum eandem Bonitatem considerare in incarnatione, vitæ, & passione Christi in remedium salutis humanæ: Fidelitatis, quæ ad punctum servat promissâ suâ. De quibus *Motivis erectivis* Spei nostræ in DEUM ex parte Omnipotentis, Bonitatis, Fidelitatis, DEI, &c. Hæc Mellissus Doctor dicens: Securè credamus in eum, securè credamus ei nosmetipsos fratres mei, cui nec potestas deest salvandi nos, cum sit verus DEUS & DEI Filius: nec bona voluntas, cum sit tanquam unus ex nobis, verus homo & hominis Filius. Quomodo namque no-

S. Bern. Serm.

3. Ep. Dom.

bis

bis erit inexorabilis, propter quos factus est similis nobis passibilis? *Idem*: Quantumcunque gravis se ingerat memoriae meae *Idem Epist. 38.* recordatio scelerum meorum, quantumcunque me deterreat praeterita vitae meae consideratio, faciant alii quod censuerint expedire. Ego semper sentiam in bonitate de dulcedine Domini mei JESU Christi: semper oculi mei ad misericordiam ejus, sciens nimirum & quandocunque in me experiens longè efficaciorē ejus dulcedinem ad consolandum, multòque promptiorem ejus benignitatem ad indulgendum, quàm meam iniquitatem ad delinquendum. Scio utique quia non est iniquitas, sicut iniquitas mea. Sed è regione non est dolor sicut dolor ejus. Si supra modum peccavi, non despero, quia supra modum doluit, in quo respiro: si exasperatur DEUS immanitate sceleris mei, mitigatur procul dubio in satisfactione Filii sui. *Idem*: Respirandum est nobis & nullatenus desperandum, donec in terra adhuc interim constituti, & suspicere cælum possumus, & suscipere data optima, *Idem Serm. de S. Martino.* & dona perfecta de sursum à Patre luminum, à Patre spirituum, à Patre misericordiarum. Nam & propterea rectum fecit hominem etiam corpore ipso, & os homini sublime dedit, cum prona utique spectent animantia cætera terram, ut attollens ad sidera vultus, illico suspiret, ubi tam beatam & perennem conspicit mansionem. *Idem. Quoniam tu es Domine Spes mea.* Quidquid igitur *Idem Serm. 9. super Psalm.* agendum sit, quidquid declinandum, quidquid tolerandum, quidquid optandum, tu es Domine spes mea. Hæc una mihi *Qui habitat.* omnium promissionum causa, hæc tota ratio meae expectationis. Prætendat alter meritum, sustinere se jactet pondus diei, & æstus, jejunare bis in Sabbatho dicatur, postremò non esse sicut ceteros hominum gloriatur: mihi autem adherere DEO bonum est, ponere in Domino DEO Spem meam. Sperent in aliis alii, fortè hic in scientia literarum, hic in astutia seculi, ille in nobilitate, ille in dignitate, ille in alia qualibet vanitate confidat: Propter te omnia detrimenta feci, & ut stercora arbitror; quoniam tu es Domine spes mea. Speret, qui vult in incerto divitiarum; ego verò, ne ipsa quidem, nisi abs te victui necessaria sperem, nimirum *Matth. 6.* verbo tuo confidens, in quo abjeci omnia. *Querite primum Psalm. 9.* regnum DEI, & justitiam ejus, & omnia adjicientur vobis. Nempe,

Tibi derelictus est pauper, orphano tu eris adiutor. Si mihi præmia promittuntur, per te obtinenda sperabo, si insurgant adversum me prælia, si sæviat mundus, si fremat malignus, si ipsa caro adversus spiritum concupiscat; in te ego sperabo. Fratres hoc sapere, ex fide vivere est: nec alius ex sententia dicere potest, quoniam tu es Domine spes mea, nisi cui intus sit persuasum à

Psal. 54.

1 Petr. 7.

Spiritu, ut (quemadmodum monet Propheta) jactet cogitatum suum in Domino, sciens quod enutriendus sit ab eo, juxta illud quoque Petri Apostoli: *Omni sollicitudinem vestram projicientes in eum, quoniam ipsi cura est de vobis.* Ut quid enim si hæc sapimus, ut quid cunctamur abjicere spes miseras, vanas, inutiles, seductorias? & huic uni tam solidæ, tam perfectæ, tam beatæ spei, totâ devotione animi, toto fervore Spiritûs inhærere? Si quid illi impossibile, si quid vel difficile est, quære aliud in quo speres. Sed verbo omnia potest, quid facilius dictum? attamen hujusmodi dictum intelligas volo. Si decreverit salvare nos, continuo liberabimur: Si vivificare placuerit, vita in voluntate ejus est: Si præmia æterna largiri, licet ei, quod vult facere. An verò de facilitate jam non dubitas, sed ipsa tibi est suspecta voluntas? planè & voluntatis testimonia credibilia facta sunt nimis. *Majorem hæc dilectionem nemo habet, quam ut animam ponat quis pro amicis suis.* Denique quando in se speranti desit illa Majestas, quæ tam studiosè monet in se sperare, planè non derelinquit sperantes in se: *Adjuvabit eos, ait, & eruet eos à peccatoribus, & salvabit eos;* Quare quibus meritis, audi, quod sequitur: *Quia speraverunt in eo.* Dulcis causa attamen efficax, attamen irrefragabilis. Nimirum hæc est justitia, sed quæ ex fide est, non ex lege. De quacunque tribulatione, inquit, clamaverint ad me, exaudiam eos. Ecce numerosa tribulationes; secundum multitudinem earum consolationes ejus lætificabunt animam tuam; dummodò ad alium non convertaris, dummodò clames ad eum, dummodo speres in eum: nec humile aliquid terrenum, sed altissimum ponas refugium tuum. Quis speravit in eo, & confusus est? facilius est cælum & terram transferre, quam verbum ejus evacuari. Idem: In spe vivimus fratres, nec deficimus in tribulatione, quod in expectatione simus ineffabilem gaudiorum. Neque enim vana nobis hæc expectatio, aut dubia spes

Joan. 15.

Psal. 3, 6.

*S. Bern. in Ps.
Qui habitat.
Serm. 7.*

Adjuvabit eos, ait, & eruet eos à peccatoribus, & salvabit eos; Quare quibus meritis, audi, quod sequitur: *Quia speraverunt in eo.* Dulcis causa attamen efficax, attamen irrefragabilis. Nimirum hæc est justitia, sed quæ ex fide est, non ex lege. De quacunque tribulatione, inquit, clamaverint ad me, exaudiam eos. Ecce numerosa tribulationes; secundum multitudinem earum consolationes ejus lætificabunt animam tuam; dummodò ad alium non convertaris, dummodò clames ad eum, dummodo speres in eum: nec humile aliquid terrenum, sed altissimum ponas refugium tuum. Quis speravit in eo, & confusus est? facilius est cælum & terram transferre, quam verbum ejus evacuari. Idem: In spe vivimus fratres, nec deficimus in tribulatione, quod in expectatione simus ineffabilem gaudiorum. Neque enim vana nobis hæc expectatio, aut dubia spes

spes videtur, innixa æternæ promissionibus Veritatis. Deinde etiam ex perceptione præsentium munerum firma est expectatio futurorum; & præsentis gratiæ virtus nimis credibiliter attestatur felicitatem promissæ gloriæ sine dubio secuturam. Nempe Dominus virtutum ipse est Rex gloriæ, gratiam & gloriam dabit Dominus. *Idem. Misericordia Domini ab æterno, & usque in æternum super timentes eum.* Ab æterno propter prædestinationem, *Idem Epist. 107 Psal. 102.* in æternum propter beatificationem. Altera carens principio, altera nesciens finem. Siquidem quos ab æterno prædestinavit, in æternum beatificat; intercedente sanè mediâ vocatione, una cum justificatione duntaxat in adultis. Sic ad ortum Solis iustitiæ sacramentum abconditum à seculis de prædestinatis & beatificandis emergere quodammodo incipit ex abyssu æternitatis, dum quisque vocatus per timorem, iustificatus per amorem, præsumit se quoque esse de numero Beatorum, sciens nimirum quia quos iustificavit, illos & magnificavit. Quid enim? audit se vocari, cum timore concutitur: sentit & iustificari, cum amore perfunditur: & de magnificatione diffidet? initiatur, provehitur, & de sola consummatione desperabit? Nempe si initium sapientiæ timor Domini, in quo dicta est esse nostra vocatio; quid nisi provectus in sapientia est amor DEI, is duntaxat, qui interim ex fide est, ex quo & nostra fit justificatio? Quid item nisi consummatio in sapientia est; ipsa, quam in fine speramus de Divina illa & Deifica visione glorificatio? Sicut abyssus abyssum invocat in voce cataractarum suarum, cum in terrore iudiciorum suorum, immensa illa æternitas, & æterna immensitas, cuius sapientiæ non est numerus, cor hominis pravum & inscrutabile, mirâ suâ bonitate & potentiâ educit in admirabile lumen suum. *Idem: Peccavit peccatum grande Petrus Apostolus, & fortassis quo grandius nullum est, & tam velocissimè quàm facillimè veniam consecutus est, & sic, ut nihil de singularitate Primatûs amitteret. Sed & Paulus, qui in ipsa viscera nascentis Ecclesiæ tam singulariter quàm incomparabiliter grassatus est, per ipsius Filii DEI vocem ad fidem adducitur, & pro tantis malis, tantis bonis repletus est, ut vas electionis fieret, ad portandum nomen ejus coram gentibus, & regibus, & filiis Israel. Vas dignum & cælestibus* *Idem Serm. 1. in festo S.S. Petri & Pauli.*

Idem Serm. 1.
in Conversione
S. Pauli.

lectibus ferculis repletum, de quo & sanus escam, & infirmus accipiat medicinam. Et alibi. Quis desperet ultra pro magnitudine cujuslibet criminis, quandoquidem audiat adhuc ispirantem minarum, & cædis in discipulos Domini, subito factum vas electionis? Quis dicat iniquitatis pondere pressus, assurgere jam ad studia meliora non valeo: quando in ipso itinere, quo sanguinem sitiens Christianum, dirum toto pectore virus efflavit, persecutor crudelissimus in fidelissimum repente mutatus est prædicatorem? Magnificè siquidem in hac una conversione & misericordiæ magnitudo, & efficacia gratiæ commendatur. Et alibi. Audiistis certè quam misericordiam consecuti sunt Apostoli nostri: ut jam nemo ex vobis super peccatis præteritis ultra quàm necesse sit confundatur, in cubili conscientiæ suæ compunctus. Quid enim? fortè peccasti in seculo: nunquid amplius Paulo? quod si & ipsa in Religione, nunquid plùs Petro? Attamen illi in toto corde poenitentiam agentes non modò salutem, sed & sanitatem consecutissunt: etiam & salutis ministerium, & magisterium adepti sunt Sanctitatis. Et tu ergo fac similiter; quoniam propter te Scriptura loquitur viros illos esse misericordiæ, utique propter multam misericordiam, quam consequi meruerunt.))

Idem Serm. 3.
in Festo S. S.
Petri &
Pauli.

Luc. 10.
In Summar.
ascet. & Myst.
Theolog. Med.
glor. celest.

2do. *Motiva erectiva* fiduciæ in DEUM à parte hominis, comparantur ex consideratione signorum seu indiciorum prædestinationis, quibus excitari potest homo ad illud gaudium. De quo Christus: Gaudete, quòd nomina vestra scripta sint in cælis. Porro hæc signa enumerat Dobrofielcius dicens: Primum ergò signum prædestinationis est Vocatio DEI: juxta illud Rom. 8. Quos autem prædestinavit, hos & vocavit. Vocatio DEI nîl aliud est, quàm Divina invitatio hominis ad imitationem & cultum justitiæ, quæ ex fide est, seu ad studium Christianæ perfectionis, effecta videlicet per externam sacri verbi prædicationem, ac internam intellectûs illustrationem, & voluntatis permotionem. Hujusmodi autem Vocatio DEI duplex est, altera Sufficiens, & altera Efficax. Vocatio DEI sufficiens illa est, quæ caret effectu conversionis ac obeditionis humani liberi arbitrii, de qua illud est. Proverb. 1. Quia vocavi & renuistis; extendi manum meam, &c.

Et Matth. 22. Multi enim sunt vocati, pauci verò electi. Vocatio efficax est illa, quæ habet effectum conversionis & obedi-
tionis, de qua *Job. 14.* Vocabis me, & ego respondebo tibi, ut-
pote *conversione & obeditione mea.*

Hæc deinde Vocatio Efficax, alia est *Communis* omnium
justorum, quæ est congrua & opportuna Divina invitatio, ac sua-
vis quædam Spiritûs sancti pertractio ad perfectionem neces-
sitatibus: alia *Specialis*, quæ est eadem Divina invitatio ac pertractio
quorundam justorum ad statum Spiritualem, præsertim alicujus
Religionis reformatæ, in qua viget studium perfectionis super-
erogativæ. Utraque præsens vocatio est signum prædestinationis
ad gloriam, sed secunda ad abundantiorē: nec requiritur quòd
talis vocatio sit extraordinaria, id est miraculosa, sed sufficit quòd
sit ordinaria, quæ sit per solâ inspirationem, ac illuminationem &
motionem internam. Unde *Joan. 10.* Oves meæ vocem meam au-
diunt. Et *Cap. 8.* Amen dico vobis, si quis sermonem meum servave-
rit, mortem non videbit in æternum. Et *Luc. 11.* Beati qui audiunt
verbum DEI, & custodiunt illud. Et *Laurentius Justinianus de perfect.*
Securè speret post hanc peregrinationem ad supernam intrare
Jerusalem, quicumque in justorum congregationem fuerit voca-
tus. Magnum quippe electionis indicium est, hujus fraternitatis
habere consortium; & facilè ab illa excluditur, qui ab hac fuerit
segregatus.))

*Secundum signum ac indicium prædestinationis est justificatio, ju-
xta illud Rom. 8.* Quos autem prædestinavit, hos & vocavit, &
quos vocavit, hos & justificavit. Et *S. Bernardus serm. 2. in Ascen. Do-
mini.* Quis scit si omnium vestrum, quos hic video, nomina scri-
pta sunt in cælis, & in libro prædestinationis annotata? Vocati-
onis enim & justificationis vestræ aliqua signa mihi videor intui-
eri in conversatione hujus tantæ humilitatis. Quanto putas gau-
dio replerentur omnia ossa mea, si id scire contingeret? Sed
Eccl. 9. Nescit homo utrum sit dignus amore, an odio.

*Tertium signum ac testimonium prædestinationis est studiosa averso-
mentis à lege iniquitatis, & ejusdem perpetua conversio ad observantiam
legis Divinæ. Vel: Est odium peccati perpetuum, & voluntas æterna in
lege DEI; juxta illud in Psal. 1.* Beatus vir, qui non abiit in consilio
impio-

Collector.

impiorum, (*id est qui non est secutus consilium peccandi*) & in via peccatorum non stetit (*id est alios peccare non docuit seu ad peccandum non induxit*) sed in lege Domini voluntas ejus; & in lege ejus meditabitur die ac nocte. Et *Psal.* 118. Iniquitatem odio habui & abominatus sum, legem autem tuam dilexi. Et *2. Tim.* 2. Firmum fundamentum DEI stat, habens signaculum hoc: Cognovit Dominus qui sunt ejus, & discedit ab iniquitate omnis, qui invocatur nomen Domini.)) Sicut enim arbor, quò se suorum, propensione inclinat ramorum, live nimirum ad aquilonem, live ad meridiem, cum succiditur, ibi provoluta jacet: ita etiam mens humana, si in partem legis humanæ, carnalis, ac diabolicæ in præsentem vitam inclinatur, cum arbor corporis illius securi mortis succiditur: Ad aquilonem æternæ damnationis cadit. Si verò in partem observantiæ legis Divinæ sese extendit, in meridiem Claritatis cælestis transportatur, quod ipsum S. David expectans dicebat, *Psal.* 118. Inclina vultu meum ad faciendas justificationes tuas in æternum propter retributionem.

Quartum signum est victoriæ mundi, & sui, per imitationem Christi: juxta illud *2. Tim.* 2. Non coronabitur, nisi qui legitime certaverit, *id est* vicerit. Et *Apoc.* 3. Qui vicerit dabo ei sedere in throno meo. Ille autem vincit mundum, qui semper illius prosperitates fugiendo reprobatur, & adversitates eligendo approbat, juxta illud *Galat.* 6. Mihi autem absit gloriari nisi in cruce Domini nostri JESU Christi, per quem mihi mundus crucifixus est, & ego mundo. Est autem alicui mundus crucifixus, dum scilicet ejus adversa non metuit: & mundo aliquis crucifigi dicitur, dum ejus prospera contemnit. Unde S. Aug. *Tract. de Cont. Mundi.* Si Christus pro te de cælesti sede descendit, tu propter ipsum fuge terrena. Si dulcis est mundus, dulcior est Christus. Si amarus est mundus, omnia pro te sustinuit Christus.)) Ille quoque vincit se ipsum, qui semper captivat proprium judicium, & abnegat propriam voluntatem, & mortificat sensualitatem juxta illud quod dicitur *Gal.* 5. Qui sunt Christi, carnem suam crucifixerunt cum vitiis & concupiscentiis.

Quintum signum est zelus Christi. Seu. Zelus animarum spiritualis; juxta illud *Jer.* 15. Si separaveris pretiosum à vili (*hoc est,*
si ab

si ab errore infidelitatis ad veritatem fidei; vel à peccato, ad cultum virtutis proximum induxeris) quasi os meum eris. Unde S. Gregorius lib. 1. Homil. 12. in Ezech. Nullum Omnipotenti DEO tale est sacrificium, quale est zelus animarum. Et S. Dion. lib. de celesti Hierarch. cap. 3. Omnium Divinorum esse Divinissimum, DEO cooperari in salute animarum. Et V. Beda. Quæ gratia sublimior, & DEO gloriosior conversatio esse potest, quàm illius, qui quotidiano exercitio alios ad Authoris sui gratiam studet convertere; & crebrâ animarum acquisitione, gaudium Patris cælestis semper augere?

Sextum signum est Perseverantia finalis; juxta illud Matth. 10. Qui autem perseveraverit usque in finem, hic salvus erit. Et Apoc. 2. Esto fidelis usque ad mortem, & dabo tibi coronam vitæ. Unde D. Bonavent. de perfectione vitæ ad sorores ait: Postquam omnium virtutum adeptus est quis principium, nec tamen in conspectu DEI apparet gloriosus, nisi virtutum consummatrix adsit perseverantia: quia nullus omnino mortalis, quantumcunque perfectus, est laudandus in vita, nisi prius hoc totum quod inchoavit, bono fine ac felici perseverantiâ includat.

Septimum prædestinationis signum est interna Devotio: quæ significat promptitudinem voluntatis, seu ipsam voluntatem promptam ad faciendum ea, quæ pertinent ad Divinum servitium. Vel. Significat fervorem animi, ac pium, suavemque & humilem affectionem, tum in oratione, tum in qualibet alia actione pro majori gloria DEI suscepta, conceptam & sursum extensam. Hujus autem devotionis causa extrinseca est ipse DEUS; intrinseca verò est mentis nostræ contemplatio, seu meditatio Divinorum, per quam dilectio sancta in nobis excitatur, quæ nimirum hanc generat devotionem: quâ deinde nutritur dilectio, (ut calor generat pinguedinem, eâque calor nutritur) odium peccati acuitur, amor legis Divinæ intenditur, virtus animi contra mundi, ac sui amorem roboratur, Christi zelus accenditur, & finalis perseverantia acquiritur.

Ipsa quoque Devotio erga Beatissimam Virginem MARIAM, est etiam probabile admodum prædestinationis seu electionis signum ac indicium, juxta consensum Sanctæ Matris Eccle-

Ecclesiæ, in persona DEI paræ proferentis illud *Proverb. 8.* Beatus homo qui audit me, & qui vigilat ad fores meas quotidie, & observat ad postes ostii mei: Qui me invenerit, inveniet vitam, & hauriet salutem à Domino. Et s. *Anselmus de Excell. Virgini cap. 12.* Velocior est nonnunquam salus invocato nomine, MARIÆ, quàm invocato nomine JESU: non quòd illa potentior sit: nam per illum Ipsa potens est, sed quia Matrem vult filius sic honorare; & quia Filius ejus Dominus & Judex est, discernens merita singulorum. Dum ergò ipse, invocatus suo nomine non exaudit, justè facit; invocatus autem nomine Matris, etsi merita invocantis non merentur, merita tamen Matris intercedunt. *Idem* Sicut omnis O Beatissima, à te averfus, & à te despectus, necesse est ut intereat; ita omnis ad te conversus, & à te respectus, impossibile est ut pereat.)) Sed nota in triplici differentia esse devotos erga DEI param. *Alios*, qui exiguum ac non satis gratum huic Virgini præstant obsequium; dum ei preces aliquas recitant, aut nonnulla jejunia offerunt; & mores ejus non solum non imitantur, verùm etiam multis in peccatorum fecibus corde obdurato volutantur. Et hic est plurimum, qui levem Virgini quotidianum aliquem pensum exhibentes, statim se ab omni reprobationis periculo securos existimant, & imprudenter favore illius salutem æternam omnimodè sibi pollicentur, nullam interim curam aut sollicitudinem adhibentes, vitia nimirum horrendæ iniquitatis, quæ Virgini displicent, extirpandi, & virtutes solidas (necessitatis saltèm) moresque illius imitandi. *Alios* devotos esse puta erga DEI param, qui cum in peccato mortali degunt, tunc maximè ad Virginem recurrunt, ut eruantur: & placet illi eorum talis devotio, quia nimirum initiali cuidam conversioni conjuncta est: quamobrem etiam paratissima est ad perfectiorem conversionem eis auxilium impetrandum, & poenitentiae spatium obtinendum. *Alios* tandem puta esse devotos, qui dum Virginem DEI param summo perè colunt, ac amorem ejus profitentur, omnimodè vias iniquitatum distortas deferunt, ac obliqua vitiorum itinera derelinquunt, & per semitam novæ conversationis ad eam transeunt, ut ejus fructibus, quos ipsa amatoribus suis ingenerare cupit, adimpleantur. Sunt autem

autem huiusmodi fructus non alii, quam quævis bona opera, virtutes Sanctæ, & ipsa finalis perseverantia. Hucusque Dobrosielskius.

3tio. His & similibus motivis erectus animus ad spem in DEUM, ut in ea amplius crescat, extimulet sese ad exercitium spei ex consideratione ejus pretiosorum fructuum & effectuum supra datorum. Tum amplius se incendat sequentibus actibus & affectibus. Sed primo vide dicta supra & hic proportionatè applica.

1.2. tract. 1. c. 1.

sect. 4. subs. 2.

§. 2.

Actus & Affectus circa Spem.

Actus appretiationis Spei. O quantum bonum elevata spes in DEUM! O quam ineffabile donum vera fiducia in DEO saluari suo! Letentur omnes qui sperant in te Domine. Etenim qui sperat in Domino beatus est. Si poenitentiam egero de peccatis meis & offensis tuis, sperantem me in Domino misericordia circumdabit: misericordia liberans à culpa, liberans & à poena. Si in pulvere jacens vitiorum, & multimodæ imperfectionis meæ, ad altiora virtutis conatus fecero: Spero votorum meorum felicem successum: audio enim: Confide in DEO, & mane in loco tuo facile est enim in oculis DEI subito honestare pauperem. Si exurgat adversum me praelium in Domino sperabo. Et in Domino sperans non infirmabor. Denique: Respicite filii nationes hominum: & scitote, quia nullus speravit in Domino, & confusus est. Quis enim permansit in mandatis ejus, & derelictus est? aut quis invocavit eum, & despexit illum? quoniam pius & misericors est DEUS, & remittet in die tribulationis peccata: & protector est omnibus exquirentibus se in veritate.

Mich. 7:

Prov. 16:

Psalm. 32:

Eccles. 11.

Psalm. 26:

Ibidem

Eccl. 2.

Actus & Affectus Amoris, Propositi, Orationis.

Jam mihi nunc cordi es Virtus spei nobilissima: jam præcipuus laboris & temporis partes in tui exercitium destino: Ecce DEUS meus tot N. N. actus internos, externosque virtutis spei hac die, vel septimanâ, vel mense perficere propono. Adjuva me gratiâ tuâ. Succurre pia Mater DEI: Succurrite S.S. Patroni mei, &c.

Actus interni Spei.

Pater noster qui es in cælis, & ubique in terris: immixtus tuæ infinitæ potentie, bonitati, fidelitati, confido in te firmissime: quod satisfacies

intensis desideriis, & petitis meis, quatenus coram Te unquam vixerim, & viyam punctualiter juxta misericordissimam, summam, efficacem, specialtem, bonam, beneplacentem, perfectam Voluntatem Tuam: ad Tuorum, & Tuam Gloriam.

Affectus sequen-

tes spei Cardini commiserim, spero tamen ex tua misericordia, & ex bonis operibus gratie males Bone in tue adiutorio prestitis, me gloria sempiterna fruiturum.

via Compendii

II. Etsi reus essem omnium peccatorum mundi, tamen in Te spero ad DEUM c. rabo, major est enim misericordia Tua, quam iniquitas mea.

14.

III. Gaudebo Domine, nihil in me esse, in quo confidere possim: Letor quod nullibi spes mea consistere queat, nisi in Te, qui solus es refugium meum, & firmamentum meum.

IV. Dixisti Domine, & ita est: sine me nihil potestis facere: quid ergo residui habeo, nisi ut oculos ad Te dirigam, & Tu o Bonitas adiuves me?

V. Adjutor meus esto, ne derelinquas me, neque despicias me DEUS salutaris meus. Tanquam prodigium factus, sum multis, & Tu adjutor fortis.

VI. Ad Te confugio Domine, ut per patientiam, & consolationem scripturarum spem habeam, & in Te sperans non confundar.

VII. Omnis spes mea optime IESU, & totius fiducia certitudo in pretioso sanguine Tuo mihi est. In ipso respiro, & in ipso confisus ad Te pervenire desidero, non habens meam iustitiam, sed eam, quae est ex Te.

VIII. Quidquid asperum, & molestum mihi evenire Divina providentia tua, benignissime Pater, permiserit, semper in Te sperabo: certus enim sum, quia si in inferno demersus fuero, inde me liberabis.

IX. Magna valde misericordia Tua Domine, & in ea sola posita est tota spes, & consolatio mea.

X. Mirifica misericordias Tuas, qui salvos facis sperantes in Te: custodi me ut pupillam oculi, sub umbra alarum tuarum protege me.

XI. Bonum est confidere in Domino, quam confidere in homine: bonum est sperare in Domino, quam sperare in Principibus.

XII. Domine virtutum, beatus homo qui sperat in Te. In Te eripiar a tentatione, & in DEO meo transgrediar murum.

XIII. Toto corde firmissimè spero Omnipotens DEUS, me posse a Te omnia obtinere, quae mihi necessaria sunt ad salutem: & quia Filius tuus, Redemptor meus, omnia bona mihi promeruit, tantum in Eius meritis fiduciam habeo, ac si bonum quod desidero, jam tenerem, & possiderem.

XIV. Ego

XIV. Ego autem in Te speravi Domine: dixi; DEUS meus es Tu, in manibus Tuis fortēs meæ.

XV. O si citò adveniret Regnum Tuum, Summum bonum meum, Regnum quod spero, quod expecto. quod toto corde concupisco! utinam citò adveniat, quia Regnum omnium seculorum est, plena possessio totius felicitatis.

Actus externi Spei.

Cum die sudo, serenave nocte cælū ridet, arridet humus, aut ali-
 quidquidvis placet venustum, opulentum, magnificum, exclama-
 tes spei Blasii cum Aug: Si tanta DEUS meus facis nobis in carcere, quid ages in pa-
 latio? Si tam innumera, & varia nunc amicis pariter tribuis & inimi-
 cis, quàm magna & dulcia solis es largiturus amicis? Si tanta solatia in hac
 die lachrymarum, quanta conferes in die nuptiarum?

Cum affici te sentis ad res infimas, reprehende te ipsum, &
 hoc tibi probum objice. Quid Animule mi, quid reculas istas mira-
 mur, & tanto licitamur salutis periculo? queris opes? DEUS est omnia,
 mundus nihil. Amas voluptates? DEUS cælo reponit æternas. Am-
 bis honores? veros sectare. Quid umbras, fumos, fungos sequimur? De-
 nique quid solâ vanitate mentem pascis, id est siliquis porcorum, regali di-
 gnus mensa? suspira & suspice cælum, cui nati sumus: illic bonæ, & magna,
 & æterna sunt. Cetera tanquam te minora, pedibus & animo preme,
 imò calcæ.

Cum acciſa, & dura pateris corpore, morbis aliisque mi-
 seriis afflicto; cutem manûs unius manu alterâ quasi mortificatam
 non nihil stringe, atque asinum tuum malis fatiscentem hoc sti-
 mulo adige. Non ut jam, ita erit semper, imò nec erit diu: breve est,
 quidquid finem habet. Atqui scio, quòd Redemptor meus vivit, & in
 Novissimo die de terra surrecturus sum, & rursus circumdabor pelle meâ,
 & in carne mea videbo DEUM Salvatorem meum, quem visurus sum ego
 ipse, & oculi mei conspiciuntur, & non alius: reposita est hæc spes in sinu
 meo.

Cum res acerbæ DEI & salutis causâ, animo intus relu-
 ctante, tamen exorbendæ sunt, poculum hoc saccaro & melle
 oblinies. Non sunt anime mi condignæ passionēs hujus temporis ad futu-
 ram gloriam, quæ revelabitur in nobis. Leve, & momentaneum hoc, su-
 pra modum in sublimitate æternæ gloriæ pondus operatur in nobis, non

contemplantibus nobis quæ videntur, sed quæ non videntur, quæ enim videntur, temporalia sunt; quæ non videntur, æterna sunt. Hoc sudario egregius pugil Paulus omnem gravissimorum laborum sudorem abitergebat; hoc proposito bravio cæteri fortissimi Athletæ cum bestiis, cum ignibus, crucibus, mortibus ipsis fortiter pugnârunt, vicerunt.

Si tentationum vi in desperationis abyssum, in mortis præferti agone præcipitari te sentias, Spei anchoram projice, & dic: Quid naufragaris anime? Spera in DEO; quoniam adhuc confitebor illi salutare vultus mei, & DEUS meus: projice te in eum, non subtrahet se, ut cadas. Infinitè bonus est, proniorque ut beneficia conferat, quàm tu petere aut sperare posses. Pater est, ipse enim te fecit, & tanti fecit: ut pro te servo redimendo Filium suum tradiderit: hic autem triginta tribus annis quid non fecit, quid non est passus? JESUM ipsum habes Advocatum, qui Patri ostendit vulnera; MARIAM, quæ Filio ostendit ubera; Angelum cui commissus, tot Sanctos quibus es commendatus. Eja adesto optime JESU, ne Sangvis tuus in me percat: Adsis clienti MARIA: Adeste Sancti omnes: vestris præsidis munitus, Sperabo in Domino: & licet consurgant adversum me castra, non timebit cor meum. Hæc Blasius Palma.

Extat aureus, imò omni lapide pretioso æstimabilior Liber insinuationum Divinæ Pietatis à S. Gertrude conscriptus; unde ex consideratione Divinæ Bonitatis curam gerentis salutis nostræ, timiditas humana in summam assurgere potest fiducia & confidentiam erga Deum suum: ut nunquam ita Filius queat inniti amantissimo Patri suo, sicut homo DEO suo adeò sollicito salutis humanæ, quòd homo nequaquam valeat sibi melius optare, vel providere, vel de DEO unquam cogitare, quantum ille curam animæ ipsius gerat, ut minutissima quæque cedant in hominis æternam beatitudinem.

SECTIO II.

De Timore DEI

V.D. Tho. 2.2.

q. 19. a. 2.

Timor DEI est triplex: Servilis, quo timetur malum poenæ; Initialis, quo timetur malum culpæ, & poenæ; Filialis, quo timetur malum culpæ. Timor servilis actus est Spei Theologicæ, non ut spes sumitur pro erectione quadam & conatu animi, orto ex motivo increato; Timor enim est depressio animi, ex motivo creato: sed ut spes est

est amor concupiscentiæ, cujus objectum finale est DEUS ut videndus; seu Visio DEI, quæ ex parte hominis est quid creatum. Hic Timor definitur esse, Motus spei, recedens à culpa propter malum poenæ, homini à DEO infligendæ. Ubi intelligitur malum maximè sicut in poenâ damni seu privatione Visionis beatificæ, quæ potissima est pars poenæ gehennalis. Filialis verò, seu ingenuus, aliàs reveren- *D. Tho. 2. 2. 9.* tialis, & castus timor DEI, est Donum Spiritûs S. quo fugitur culpa quatenus *19. 4. 3. & 9.* offensu seu malum DEI est: eumque voluntariè reveremur & nos ipsi subducere refugimus. Unde inter Dona Spiritûs S. per ascensum primus est Timor: quia cum Dona sint habituales perfectiones, quibus potentiæ animæ redduntur benè mobiles à Spiritu Sancto; jam verò ad hoc quòd aliquid sit benè mobile ab aliquo movente; sequitur primò requiri, ut sit ei subjectum non repugnans: quia ex repugnantia mobilis ad movens, impeditur motus.

Timor Domini initialis dicitur esse Donum Spiritûs Sancti, tamen sub imperfecto esse. Non enim differt à timore filiali, nisi ut imperfecta charitas à perfectâ. Unde *1. Joannis 4. de Spiritûs Sancti* citur: Perfecta charitas foras mittit timorem. Ubi dicit Glossa: de Dono Timorem illum emittit, qui dicitur initium Sapientiæ. Illo enim *c. 1.* timore se cohibet homo à peccato principaliter propter DEUM, secundariò verò, propter poenam æternam. Et Mellissus Doctor S. Bern. Domin. dicit: *1. Timor DEI est, nè cruciemur in gehenna. 2. Ne 1. post Octav. Epiph. serm. 2.* exclusi à Visione DEI, privemur tam inæstimabili gloriâ. 3. Timor, Replet animam omni sollicitudine timidam, nè fortè deseratur à gratia. Et quidem omnis timor Domini, sicut aqua extinguit ignem, sic extinguit peccati concupiscentiam: sed is maximè cum ad omnem tentationem statim occurrit, ne fortè contingat amittere gratiam, ut sibi derelictus homo labatur quotidie de malo in pejus, de periculo minori in graviores culpas. Quales utique multos videmus, cum in sordibus sunt sordescentes adhuc. Nam adversus timorem istum, non est unde sibi blandiatur anima, sive de minori forte quantitate, sive de emendatione futura. Talibus enim blandimentis impediuntur aliquatenus duo prima genera timoris.

Gradus Timoris, ex Formula aurea Seraphici Doctoris, *S. Bonav. de S. Bonavent. Grad. virtut. secu- 6. 28. 1.* Timoris iustus gradus est, timere judicem.

secularem. Altior est, timere iudicem Spiritualem. Altissimus, timere iudicem sempiternum.

II.

Item altus gradus est, timere iudicem DEUM; quia punire potest corpus in hoc mundo. Altior, timere eundem; quia punire potest animam. Altissimus, timere eundem; quia punire potest corpus, & animam in inferno.

III.

Item in alto gradu est, quem timor cogit fugere omnia, quæ elongant à familiaritate DEI ad breve tempus. In altiori est, quem cogit timor fugere omnia, quæ separant ab unione de longo tempore. In altissimo est, quem cogit timor fugere omnia, quæ separant à fruitione DEI omni tempore.

IV.

Eccles. 2.

Item in alto gradu est, cui timor suadet requirere voluntatem DEI, juxta illud: *Qui timet Dominum, inquirat, quæ placita sunt ei.* In altiori gradu est, cui timor suadet semper perficere voluntatem DEI juxta illud: *Qui timet DEUM, nihil negliget. Et: Qui timet DEUM, faciet bona.* In altissimo est, cui timor omnia bona conservat juxta illud: *Timor Domini omnibus superponit quasi signaculum omnia conservans.*

Ibidem 7.

Ibidem 15.

Ibidem, 25.

S. Bonav. de 7.

don. Spir. f. c. 3.

Eccles. 1.

Hugo lib. 2. c.

ult.

Gradus Timoris DEI, quatenus est Donum Spiritus Sancti, ponit S. Bonaventura ad instar diei quoad tempus Matutinum, Meridianum, Vespertinum, ita dicens: Hanc diem (nempe animæ spiritualis) Timor DEI inchoat tanquam manè, tanquam meridiem deducit, tanquam vespertinam consummat. Unde Hugo dicit, quod prius dies noster interior, est timor Domini permanens in seculum seculi. Cujus ratio est: Quia timor Domini initium est sapientiæ, ut dicitur in Ecclesiastico. Et is à sapientia nunquam recedit, sed cum ea quotidie crescit, & proficit usque in perfectum diem. Ultimò formam timoris filialis inducit secundum quosdam. Unde Hugo de arca Noë dicit: Sapientia DEI in cordibus sanctorum tanquam in paradiso invisibili per timorem seminatur, per gratiam rigatur, jam mane diei Spiritualis oritur; per dolorem moritur, per fidem radicitur, per devotionem germinat, per compunctionem oritur, per desiderium crescit, per charitatem roboratur, ut sit quasi lux meridiana lucens & fervens; per fidem viret, per circumspeditionem frondet, & expandit ramos, per disciplinam floret, per virtutem fructificat,

per

per patientiam maturefcit, per mortem carpitur, per contem-
plationem cibat. Et tunc dies timoris vefperafcit, quando à la-
bore quiefcitur, & Spiritualiter homo reficitur. Et ifte eft cibus
de quo *Pfal. 118.* Adimplebis me lætitiâ cum vultu tuo, de-
lectationes in dextera tua ufque in finem. In omnibus iftis radiis
fapientialibus timor Domini permanet in feculum feculi, & ut
radix fapientiæ difcurrit, & circuit follicitè circumfpiciens, nè ali-
quæ tenebræ lateant, vel fe iftis radiofis luminibus immifceant,
quæ diem mentis obfcurent, vel oculis DEI displiceant, ut funt
tenebræ concupifcentiarum, quæ frequenter claritatem diei Spi-
ritualis impugnant, & obnubilant. Unde *Richardus* dicit: Quis
in illo unquam prælio victor exitit, ubi fpiritus adverfus carnem,
& caro adverfus fpiritum concupifcit? Quis inquam tam nu-
merofum exercitum concupifcentiarum fuarum debellavit, fi fi-
ne timore pugnavit? quia timor Domini maximè confortat cor
contra concupifcentias.

Stimuli ad comparandum Timoris DEI incrementum.

Imus. Deut. Dominum DEUM tuum timebis. *Eccl.* Serva ti-
morem illius, & in illo veterafce. *Eccl.* Si non in timore Do-
mini tenueris te inftanter, citò subvertetur domus tua. *Pfal.*
Voluntatem timentium fe faciet. *Prov.* Timor Domini apponit
dies. *Proverb.* In timore Domini fiducia fortitudinis, & filiis e-
jus erit fpes. Timor Domini fons vitæ, ut declinet à ruina mor-
tis. *Proverb.* Timor Domini ad vitam, & in plenitudine
commorabitur absque vifitatione pefimi. *Proverb.* Finis mo-
deftiæ, timor Domini, divitiæ & gloria & vita. *Eccl.* Timor
Domini gloria & gloriatio, & lætitiâ, & corona exultationis.
Ibidem. Timenti Dominum bene erit in extremis, & in die obitûs
fui benedicetur. *Ibid.* Plenitudo fapientiæ eft, timere DEUM.
Eccl. Qui timetis Dominum fperate in illum, & in oblectati-
onem veniet vobis mifericordia. Qui timetis Dominum,
diligite illum, & illuminabuntur corda veftra. *Ecclef.* Se-
men hominum honorabitur hoc, quod timet Dominum.
Eccl. Oculi Domini ad timentes eum. *Eccl.* Agnofcent,
qui derelicti funt, quoniam nihil melius eft, quam timor
DEI. *Eccl.* Beatus homo, cui donatum eft habere timorem

Pfal. 118.

Deut. 6. & 10.

Eccl. 2.

Eccl. 27.

Pfal. 145.

Proverb. 10.

Prov. 14.

Ibidem 19.

Prov. 22.

Eccl. 1.

Ibidem.

Eccl. 2.

Eccl. 10.

Eccl. 15.

Eccl. 23.

Eccl. 25.

- Ecl. 32.** DEI. *Ibidem.* Timor DEI super omnia se superposuit. *Ecl.* Qui timet Dominum, excipiet doctrinam ejus, & qui vigilaverint ad illum, invenient benedictionem. *Eccles.* Timentium Dominum non occurrunt mala, sed in tentatione DEUS illum conservabit, & liberabit à malis. *Eccles.* Qui timet Dominum nihil trepidabit, & non pavebit, & quoniam ipse est spes ejus, Timentis Dominum beata est anima ejus. Oculi Domini super timentes eum. *Eccles.* Facultates & virtutes exaltant cor, & super hæc, timor Domini. Non est in timore Domini minoratio. Timor Domini sicut Paradisus benedictionis. *Mich.* Salus erit timentibus nomen Domini. *Malach.* Orietur vobis timentibus, nomen meum, sol justitiæ, & sanitas in pennis ejus, & egrediemini, & salietis, sicut vituli de armento. *Luc.* Misericordia ejus à progenie in progenies timentibus eum.
- S. Bern. in tract. 2dus. S. Bernardus ait.* Prima gratia, inquit, est timor Domini; qui hanc habet gratiam, omnem odit iniquitatem, juxta illud Psalmistæ: *Iniquitatem odio habui, & abominatus sum.* Et alio loco: *Omnem viam iniquitatis odio habui.* Scriptum namque est: *Timor Domini odit malum.* Et iterum: *Time DEUM, & recede à malo.* Et de Job dicitur: *Vir timens DEUM, & recedens à malo.* Sine hac gratia prima gratiarum, quæ totius religionis exordium est, nullum bonum pullulare vel manere potest.
- D. Chrysost. 15. ad pop.* Et *D. Chrysostomus inquit:* Nisi bonum esset timor, non multos impendisset Christus sermones, & longos de pœna & supplicio loquens. Timor nihil aliud est, quam murus, & munimentum, & turris inexpugnabilis: etenim multa nobis munitione, & opus est, quia multe sunt undique insidiæ. *S. Bernardus:* Sicut enim securitas vel desidia, causa & materia est omnium delictorum; sic Timor Domini radix est, & custos omnium bonorum.
- Ecl. 27.* Unde Scriptum est: *Si non in timore Domini tenueris te instanter, cito subverteatur domus tua.* Omne namque virtutum ædificium, illicò vergit in præcipitium, si hujus gratiæ amiserit præsidium.
- Idem ferm. 1. Dom. post. 2. Epi.* Idem Timor Domini fons est vitæ, aqua, inquam, timor Domini est, etsi minus sapida, sed optimè refrigerans animam, noxiis desideriiis æstuantem. Aqua est quæ jacula inimici ignita possit extinguere. Nam nec illud dissonat, quod aqua semper ima petit, &

& timor ad ima cognitionem deducit, & in inferioribus demonstratur; atque loca horrenda, pavida mente collustrat juxta *Idem*. *Videm ad portas inferi.*) Psalmista inquit: *Initium Sapientie timor Domini.* Psal. 110. Supra quod *S. Thomas* discurret: Nempe sicut articuli *D. Thom. 2. 2.* filii sunt initior Sapientie quoad ejus effectum, seu unde sapientia incipit operari: ita etiam timor Domini ceu hoc modo erit initium Sapientie. Aliter tamen & aliter timor servilis, & filialis, sunt initium Sapientie. Nam servilis est tanquam principium extra disponens ad Sapientiam, dum quis timore pœnæ recedit à peccato, & habilitatur per hoc ad Sapientie effectum. Timor autem filialis est primus Sapientie effectus, cum ad Sapientiam pertineat, quod humana vita reguletur secundum rationes Divinas; hinc oportet sumere principium, ut homo DEUM revercatur, & se ei subiciat. Sic enim consequenter in omnibus secundum DEUM regulabitur.)) Monitum Apostolicum est: *Cum metu & tremore vestram salutem operamini.* Thessal. 2. Hinc Divus Bernardus inquit: Heu mihi Domine DEUS, quia undique mihi bella, undique tela volant, undique pericula, undique impedimenta. Quocunque me veritam nulla usquam securitas est: & quæ mulcent, & quæ molestant timeo; & esuries, & refectio, & somnus, & vigilie, & labor, & requies, militant contra me. *Divitias, & Paupertatem ne dederis mihi,* orat Sapiens; nimirum, quia in utroque laqueus: quia ubique periculum.)) Psalmista ait: Quam magna multitudo dulcedinis tuæ Domine, quam abscondisti timentibus te. Ad quod *S. Bonaventura* inquit: Non quod illa multitudo dulcedinis totaliter abscondita sit à timentibus eum, sed quod ipsa est in eis abscondita à non timentibus DEUM. Multa enim manifestantur bonis, quæ tamen absconduntur à malis. Quod autem timor Domini dulcem saporem in mente causet ostendit *S. Bernardus* super Cantica ubi dicit: Timor Domini benè dicitur initium Sapientie, quia tunc primum DEUS animæ sapit, cum eam ad timendum, non tam ad sciendum instruit: quia timor sapor est. Porro sapor Sapientem facit, sicut scientia scientem. Times DEI justitiam, times potentiam, & sapit tibi justus, & potens DEUS. Sapientia enim à sapore dicitur. Igitur timor

initium Sapientiæ, saporem sapidum in intimo mentis secreto multipliciter immitit, & ita multipliciter reficit totam mentis familiã: sed & totum regnũ animæ justificat, pacificat, & latificat: quæ tria perficiunt convivium timoris Domini, quod non in exterioribus animæ celebratur, quia regnũ DEI intra nos est, ut dicit Dominus.

zins Ab exemplis. S. Iob ait: Semper quasi tumentes super me fluctus timui DEUM, & pondus ejus ferre non potui. *Aliud.* Refert Doctor Iacobus. Idem narrat S. Vincentius Ord. Prædicat. Serm. 6. de Septuagesima. Et Martinus Polonus ejusdem Ordinis Prædi. in suo promptuario. exemplorum c. 18. Et P. Major in speculo Exemplorum. Quod illâ horâ, quâ beatus Bernardus de hoc mundo feliciter migravit, triginta millia hominum decesserunt, inter quos fuit quidam Decanus Ecclesiæ Lingonensis, laudabilis vitæ, dum vixit: hic mundanos honores fugiens vitam solitariam elegit in quadam eremo, in qua per 25. annos conversatus est. Obiit etiam eodem die, quo Beatus Bernardus, hic Decanus. Post mortem autem apparuit Lingonensi Episcopo cum magna gloria, pro ipsius Episcopi, & omnium hoc audientium admonitione dicens ei: Age pœnitentiam, emenda vitam, corrige conscientiam, dimitte superbiam, simul & avaritiam, aliter nunquam habebis cœlestem gloriam. Non enim tam facile est salvari hominem, sicut credunt, quoniam dum ego præsentarer DEI judicio, affuerunt ibi triginta millia animarum, de quarum numero vir Beatus Bernardus, & ego sumus salvati, tres descenderunt in purgatorium, alii omnes ceciderunt in infernum. His dictis disparuit. *Aliud.* In revelati-

Ludovicus onibus Beatæ Brigittæ, animæ aliquando dicuntur descendere ad *Blosius in Mo-* infernum, sicut nix descēdit in terram *Aliud.* Beatus Arsenius incessans *nili spirit. c. 1,* santer lachrymis madens, rogatus an non cum tot lachrymis securus ad DEUM accederet? Respondit: Fratres mei, metuo, & nec momento sine metu fui, ex quo me DEO consecrans, huic vitæ nomen dedi.

Psal. 118.

Praxis Comparandi sibi Timorem DEI est *imo.* Orare DEUM identidem cum Psalmista: *Confige timore tuo carnes meas, adju-* *diciis enim tuis timui.*

2do. Recogitare in amaritudine animæ annos præteritos vitæ

vita suæ, revocando in memoriam delicta & peccata propria:
Tum sedulo meditari quatuor novissima, ac terribilem DEUM
in judiciis suis: post quæ excitare in se actus & affectus juxta
proximi supra datam: quibus omnibus tanquam motivis depressivis *1. 2. tr. 1. c. 1.*
animus dejiciatur in timorem DEI, & sui humiliationem. *sec. 4. subs. 1.*

3tio. Considerare signa Reprobationis: de quibus ita *Do-9 3.*
brofsielfius discurret. Condemnabitur omnis à DEO reprobatus, *Dobrofsielf. in*
propter prævitium finale peccatum juxta illud *Apoc. 20.* Qui non *summar. Ascet.*
inventus est in libro vitæ scriptus, missus est in stagnum ignis. & *Myft.Theol.*
Licet autem non sit nobis certitudinaliter & inestabiliter scire, *Medit. de in-*
possibile, quis videlicet hominum singillatim ab æterno vel præ-ferno.
destinatus vel reprobatus fuerit, cum etiam de nullius hominis
vel justitia vel peccato finali certò nobis constet, eò quòd sapius
accidat, ut cum de unius correctione desperamus, subito conver-
tatur, & fiat optimus: & cum de alterius vitæ probitate multum
præsumimus, brevi deficiat & fiat pessimus: & hinc omnino in-
certum est, qualis futurus sit, qui nunc vel bonus vel malus ap-
paret. Tamen in quandam hujus rei conjecturalem ac proba-
bilem possumus devenire cognitionem, ex nonnullis videlicet te-
stimonis ac signis, tum in Sacra Scriptura, tum inter placita San-
ctorum Patrum expressis, & consignatis: quorum quidem si-
gnorum reprobationis, aliqua in medium ad nostri cautelam
proferre liceat.

1. Signum finalis peccati, & consequenter ipsius reprobationis, est
Infidelitas: quæ alia absoluta habetur: qualis est Judæorum, Tur-
carum, & similibus; alia secundum quid: qualis est Hæretico-
rum. Unde *Joan. 3.* Qui autem non credit (sive in toto, sive in parte)
jam judicatus est. Et *Rom. 2.* Quicumque enim sine lege peccaverunt,
sine lege peribunt. Et *Timoth. 3.* Hæreticum hominem post unam
vel secundam correptionem devota, sciens quòd subversus est, qui
ejusmodi est, & delinquit, cum sit proprio judicio condemnatus.
Et *Heb. 11.* Sine fide, impossibile est placere DEO.

II. Signum finalis peccati, ac ipsius reprobationis, est *Injustitia*, quæ
justitiæ generali opponitur. Unde sicut justitia generalis secundum
D. Bonavent. est virtus quæ sibi, DEO, & proximo, quod suum est,
tribuitur. Vel: Est virtus, quæ comprehendit totius animæ recti-
tudinem,

rudinem, ac omnes virtutes ordinantes ad proximum, sicut est equitas, liberalitas: & ad seipsum, sicut est innocentia, penitentia: & ad DEUM, sicut est latria, obedientia. Ita iniustitia, praesens, nil aliud est, quàm vitium, quo sibi, DEO, & proximo, quod suum est, subtrahitur. *Vel*: Nihil aliud est, quàm omne, quod est contra juris aeterni regulas in causa DEI, sui, & proximi. De hac iniustitia illud est: *Deut. 25. Dominus averſatur omnem iniustitiam.* Et *Pſal. 5. Non permanebunt iniusti ante oculos tuos.* Et *1. Pet. 4. Si iustus vix salvabitur (Lectio græca habet, salvatur) impius & peccator (qui nimirum habentes fidem, & agnoscentes veritatem DEI, operibus impiis, & quibus vis peccatis dediti sunt) ubi parebunt?*

III. Est Consuetudo prava aliquod peccatum perpetrandi, juxta illud *Jacob 2. Quicumque autem totam legem servaverit, offendat autem in uno, factus est omnium reus. Id est, quantum ad aversionem à summo Bono, & quantum ad durationem, punitionis: quia sic se homo per unum peccatum avertit à DEO, sicut per plura; & sic etiam punietur pro uno peccato quantum ad durationem, sicut pro pluribus. Quod autem consuetudo alicujus peccati signum sit reprobationis, dat rationem s. Gregor. *Moral. lib. 15. Tenent enim pravæ consuetudines, quem semel coeperunt, atque quotidie duriores efficiunt: & non nisi cum peccatoris vita finiuntur. Idem: Usitata culpa obligat mentem, ut nequaquā surgere possit ad rectitudinē, conatur enim & labitur, quia ubi diu sponte perficit, ibi etiam cum noluerit, coactè cadit. Idem: Si pravæ rei aditus, antequam diu pateſcat non claudit, usu fit lator, & erit consuetudine licitum, quod ratione & lege constar esse prohibitum. Item Isid. lib. 1. soliloqui. Difficile est peccati consuetudinem vincere, pravus usus vix aboletur: assidua consuetudo, vitium in naturam convertit. Animus sceleribus astrictus, vix ab eis divelli potest. Idem de summo Bono. Cogitatio prava delectationem parit, delectatio consensionem, consensio actionem, actio consuetudinem, consuetudo necessitatem. Idem. Dum facta quædam non gravia liberè & sine metu committimus, ad pejora scelera, & horrendam peccati consuetudinem labimur. Unde Proverb. 22. Proverbium est, Adoles-**

ſcens

secus iuxta viam suam, etiam cum senuerit, non recedet ab ea. Item Ierem. 13. Si mutare potest Ethiops pellem suam, aut pardus varietates suas: & vos poteritis benefacere, cum didiceritis malum.

IV. *Signum reprobationis, est Recidivatio animæ in pristinam peccati aggritudinem.* Illud autem peccatum recidivationis dicitur, quod videlicet post veram ac lemmam ad DEUM conversionem, practicam, ex certa scientia & libera voluntate iterum perpetratur. Unde Ezech. 18. Si averterit se iustus à justitia sua, & fecerit iniquitatem, secundum omnes abominationes, quas operari solet impius, nunquid vivet? omnes justitiæ ejus quas fecerat, non recordabuntur: in pravaricatione quâ pravaricatus est, & in peccato suo quod peccavit, in ipsis moriatur. Et S. Gregorius in Ezech: Sicut qui à fide recedit apostata est, ita qui ad perversum opus quod deseruit, redit: ab Omnipotenti DEO abique ulla dubietate apostata deputabitur, etiam si fidem tenere videatur.

Nota autem quod hujusmodi peccatum recidivationis pejus, gravius, & periculosius est peccato simplicis consuetudinis, ut patet. Ioan. 5. Ecce sanus factus es, jam noli peccare, nè deterius tibi aliquid contingat. Tum scilicet; quia difficilius est curationis: peccatum enim simplicis consuetudinis curari solet funditus poenitentia ordinariâ solenni ac publicâ. Tum, quia peccata per poenitentiam dimissa, redeunt deinde recidivanti, non quoad actum; sed tanquam circumstantia, peccatum præfens multum aggravans.

V. *Signum reprobationis puta esse Principia politica, & habitus pravi.* Quia sicut concubina de domo non expulsa, solet esse poenitenti laqueus, & causa recidivationis; tanquam proxima peccati occasio externa; ita etiam principia politica per studium meditationis non superata, & habitus pravi per alecticam disciplinam non mortificati, sunt causa recidivationis viam spiritua-lem incipienti, tanquam proxima occasio interna diversorum peccatorum: Et quia sicut ventus ignem, sic principia politica, & habitus pravi concupiscentiam, & desiderium peccandi accendunt, quemadmodum quotidiana docet experientia.

VI. *Signum reprobationis est, Poenitentia fera seu tarda, ac usque ad mor-*

ad mortem dilata. Et ratio est, quia huiusmodi pœnitentia, communiter ac ordinariè, ex parte hominis, non solet esse vera; & ex parte DEI, non solet esse accepta. Ex parte quidem hominis pœnitentia fera, ordinariè non est vera, propter duas rationes. *Ima est*; quia talis pœnitentia, communiter non est voluntaria, & consequenter, non meritoria; quippe nullum opus nostrum potest esse meritorium, quod non est voluntarium. Probatur autem pœnitentia in mortem dilata, non esse voluntaria: quia si mors nunquam veniret, pœnitens huiusmodi nunquam pœniteret; & ita cum quis vellet mortem nunquam venire, nunquam etiam vellet verè pœnitere. Et inde patet, quòd pœnitentia in morte communiter fiat ex necessitate, non ex voluntate. *Hinc S. August. serm. 36.* Age pœnitentiam dum sanus es; si sic agis, dico tibi, quòd securus es; quia pœnitentiam egisti eo tempore, quo peccare potuisti. Si vis pœnitentiam agere, quando jam peccare non potes; peccata te dimiserunt, non tu illa. *2da ratio est*, quia pœnitentia in morte solet esse nimis impedita doloribus, videmus enim quòd una qualitas impedit, nè alia sentiatur; sicut patet in saporibus: cum enim gustus est infectus aliquo sapore amaro, non discernit alios sapes; quia omnia quæ gustat; videntur sibi amara. Sed sicut unus sapor impedit alium; ita una delectatio impedit aliam, scilicet delectatio sensibilis intellectualem. Propter quod *1. Corinth. 2. dicitur.* Animalis homo, non percipit ea, quæ sunt Spiritus DEI. Et similiter dolor sensibilis impedit intellectualem, ac tantò magis, quantò intensior est. Sed dolor sensibilis qui mortem inducit, est maximus & intensissimus; ideo dolorem contritionis spiritualem (qui consistit in appretiatione rationis & detestatione voluntatis) sic impedit, ut ille homo affectus non valeat se supra suum inferiorem sensum abstrahere, ac sursum in Spiritum elevare, internæq; mètali actioni sicut oportet insistere. Ex parte quoq; DEI pœnitentia fera communiter ac ordinariè non est accepta, juxta illud *Psalm. 58.* Convertentur ad vesperam, & famem patientur, ut canes, & circuibunt civitatem. Hujus rei ratio datur in Persona DEI. *Prov. 1.* Quia vocavi & renuistis, extendi manum meam, & non erat qui aspi-

ceret;

cerer; despexistis omne consilium meum, & increpationes meas neglexistis: ego quoque in interitu vestro ridebo, & subſannabo, cum vobis id quod timebatis: advenerit. Unde *S. Aug. serm. 36.* Quia rogare illos non delicti poenitentia, sed mortis urgentis admonitio compellit; nec dignus est in morte accipere solatia, qui se non cogitavit moriturum. *Idem de doctrina Christiana.* Non potest malè mori, qui bene vixerit; & vix benè moritur, qui malè vixit. *Idem:* Vivite benè, nè malè moriamini. *Idem:* Ad hoc prodest homini benè vivere, ut detur ei semper vivere. *Hec ille.* Verùm etiam maximo peccatori nunquam est desperandum, quamvis ordinariè sera poenitentia (ut dictum est) non soleat esse vera, & apud Deum accepta: quia non fit ordinariè, nonnunquam fieri potest extraordinariè. Unde *Ezech. 33.* Impietas impij non nocebit ei, in quacunq; die conversus fuerit ab impietate sua. Et *S. Augustinus in Psalm. 6.* Conversio nostra semper inveniet DEUM paratum. *Idem de dogm.* Poenitentia aboleri peccata indubitanter credimus, & in ultimo vitæ spiritu, si admisorum poeniteat. Et *S. Hier.* Nunquam est sera conversio: Latio de cruce transit ad Paradisum.

VII. *Signum reprobationis est, Peccatum in Spiritum Sanctum.* Quia irremissibile dicitur, juxta illud *Matth. 12.* Qui dixerit contra Spiritum Sanctum, non dimittetur ei, neque in hoc seculo, neque in futuro.

Nota primò, quòd aliquod peccatum, tripliciter potest dici irremissibile. imò Negativè: hoc modo irremissibile est peccatum reproborum ac damnatorum: quia nulla jam ratione remittitur. 2do, privativè: hoc modo irremissibile est quodlibet peccatum mortale: quia privat hominem illo dono cælesti, sine quo ex se ipso non potest ad gratiam resurgere, nisi deinde cælitus efficaciter adjuvetur. 3tio contrariè: hoc modo irremissibile est peccatum hujus loci in Spiritum Sanctum: quia habet in se contrariam dispositionem ad remittendum, & repugnat gratiæ Spiritus Sancti, seu gratiæ poenitentiali, per quam fit remissio peccati à DEO, intra unitatem Ecclesiæ.

Nota secundo, quòd repugnantia gratiæ Spiritus Sancti aliàs dispositio contraria, gratiæ poenitentiali, triplex habetur:

S

vel

vel nimirum in comparatione ad ipsam poenitentiam, vel in comparatione ad DEUM, vel in comparatione ad unitatem Ecclesiæ. *Primus* repugnantia, duas peccati in Spiritum Sanctum species constituit, ut est, obstinatio mentis, & finalis impoenitentia: poenitentia enim facit animam resilire à commissis, & præcavere à committendis: contra quod est mentis obstinatio, & finalis impoenitentia seu propositum nunquam poenitendi. *Secunda*, duas ejusdem peccati species constituit, utpotè desperationem, & præsumptionem: nam universæ viæ Domini, misericordia & veritas, id est, iustitia. Non sic enim DEUS misericors est, quod non sit jam & iustus: & non sic est iustus, quod non sit etiam & misericors. Unde misericordiam DEI impugnat desperatio, & iustitiam præsumptio. *Tertia* tandem, duas species constituit, ut est impugnatio agnitæ veritatis, & fraternæ charitatis invidentia. Nam unitas Ecclesiæ, maxime in duobus consistit, utpotè, in veritate fidei, contra quam est impugnatio agnitæ veritatis, & in gratia DEI seu charitate, contra quam est fraternæ gratiæ invidentia. *Hæc Dobrosselscius.*

4to. Perpende pericula multorum qui post innocentem, vel alias probam vitam actam, aut poenitentiam, in gravia peccata prolapsi, æternum perierunt. I. Talibus potest applicari illud *Jerem. Thren. c. 4.* prophetæ. *Quomodo obscuratum est aurum Charitatis, mutatus est color optimus pulcherrimæ virtutis: dispersi sunt Lapides Sanctuarii, homines dediti Divino cultui, illo neglecto abjecti ad profana, in capite omnium platearum, ut sint in conculcationem, seu contemptum mortalium? Filii Syon inclyti, & amicti auro primo virtutis ac perfectionis, quomodo reputati sunt in vasa testea, in vasa contumeliæ & reprobationis, opus manuum figuli. Qui nutriebantur in croceis cælestis consolationis, amplexati sunt stercora carnalis voluptatis & mundanæ felicitatis. Et illud Apostoli: Sic stulti estis, ut cum spiritali caperitis, nunc carne consumemini.*

Galat. 3.

Exodi. 32.

Num. 14.

II. Placet spectare exempla in hac materia. I. Populus Israeliticus per stupenda prodigia Egypti servitute emancipatus, à cultu veri DEI in turpem vituli idololatriam, aliæque peccata murmuris, & rebellionis deficiens, indignus factus est terræ promissionis: ut ex immensa illius multitudine, nonnisi duo, Iosue, &

Caleb

Caleb illuc ingressi sunt; alii vero auersi corde in Ægyptum, corpore manentes in deserto, serviebant militiæ Cæli, seu astræ, Deosque alienos Moloch, & Remphan adorabant, morientes in peccatis suis. De quibus DEUS ait: *Quadraginta annis offensus fui generationi illi, & dixi, semper hi errant corde. Et isti non cognoverunt vias meas: ut juravi in ira mea, si introibunt in requiem meam. Et alibi de iisdem. Non audivit populus meus vocem meam: & Israel non intendit mihi. Et dimisi eos secundum desideria cordis eorum, subtrahendo gratias speciales, ut faciant, quod eis libeat, & sic pereant.* 2. Rex Saul initio optimus, deinde pessimus; cum esset parvulus in oculis suis tractus ad regnum, factus est caput in tribubus Israel: Verum post hæc inobedientiæ reus in DEUM, abjectus infeliciter regnavit, ac infelicius periens regnum temporale, æternumque amisit. 3. Iudas Iscariotes gradu Apostolaris, gratiæque miraculorum à Christo sublimatus, O quam in profundam voraginem avaritiæ, proditoris, desperationis, ipsius denique inferni corruit! 4. Nicolaus unus ex septem Diaconis primitivæ Ecclesiæ tanquā boni testimonii, & plenus spiritus sancto electus, in impudentissimum hæresiarcham descendit s. Origines, & Tertulianus, vitæ & doctrinæ insignes, magna Lumina & colomina Ecclesiæ, tandem ille antesignanus hæreticorum, iste infamis erroribus Montani extiterè. 6. Osius Episcopus, cui parem nulla vidit & luxit ætas, quem Arriani ipsi synodorum principem appellârunt, Orbis universus veluti ævi sui miraculum suspexit, Constantinus Imperator ut Patrem venerabatur, laterique suo veluti aspiduum monitorem adherere volebat, in Conciliabulo quodam firmienti ignominiosè prostratus, & Nicenæ fidei, quam extulerat ipse, proditor atque desertor extitit, & in extrema centum annorum ætate Ursacii & Valentis hæretum amplexus est 7. Heron Eremita à summis ad ima dejectus, omnes pristinos labores perdidit, & insuper miserabiliter vitam finivit. Etenim quinquaginta annis in eremo commoratus, singularem vitæ distractionem tenuit, & solitudinis secreta mirabiliter ultra omnes sectatus est; nec die Paschæ ad Ecclesiam cum aliis convenerit, nec eodem die quantulacunque perceptione leguminis parvi abstinentiæ rigorem solveret. Quâ præsumptione deceptus,

Actor. 7.

Amos. 5.

Psal. 94.

Psal. 80.

1. Reg. cap. seq.

Actor. 6.

Baron. 46357.

De vitis Patrum Cassim.

Collat. 2. c. 5.

ptus, Angelum sathanæ velut Angelum lucis suscipiens cum summa veneratione, ejusquæ præceptis obediens, semetipsum in puteum profundissimum præcipitem jactavit, magnum scilicet virtutis suæ meritum probaturus, cum inde exisset illæsus: de quo puteo cum grandi fratrum labore semivivus extractus, vitam tertiâ die finivit; & quod his deterius est, ita in deceptionis suæ obstinatione permansit, ut ei nullatenus potuisset persuaderi, quod dæmonum calliditate fuisset delusus. 8. Refert Frater Gvilhel-

V. Speculum mus Lugdunensis Episcopus quendam Eremitam in sylva non-
Exemplor. dist. longè à quodam Monasterio infirmatum, Abbatem ad se accer-
9. Exemplo. fuisse, ut Ecclesiastica Sacramenta sibi porrigeret, qui confessus
199. est, & communicavit. Videns verò Latronem stantem prope januam, ac cum humilitate cordis sui dicentem: O si essem talis, qualis es tu! Eremita in elatione mentis, & complacentia sui ipsius dixit: Hoc libenter deberes velle, quod esses talis, qualis ego sum. Et sic mortuus, est damnatus. Latro verò ille velociter currens post Abbatem cecidit, & mortuus est immediate. Et quia firmum propositum habuit confitendi, Angeli animam ejus rapuerunt, & ad cælum cum gaudio deduxerunt: quia sua contritio fuit tanta, quod delevit culpam & poenam. Prout de horum duorum exitu Fratri pio socio tunc Abbatis, revelatum fuit.

S. Aug. soliloq.

c. 29.

Terribilia nimis sunt, quæ S. Augustinus pavens & tremens refert: Vidimus multos Domine, & audivimus à Patribus nostris, quod utique sine magno tremore non recolo, siue multo timore non confiteor, ascendisse primitus quodammodo usque ad cælos, & inter sidera nidum suum collocasse, postmodum autem cecidisse usque ad abyssos, & animas eorum in malis obstupuisse. Vidimus stellas de cælo cecidisse ab impetu serientis caudæ draconis: & eos qui jacebant in pulvere terræ, à facie sublevantis manûs tuæ Domine, mirabiliter ascendisse. Vidimus viros morientes, & mortuos à morte resurgentes: & eos, qui inter Filios DEI ambulant in medio lapidum ignitorum, quasi lutum ad nihilum fluxisse. Vidimus lucem obtenebrasse, & de tenebris lucem processisse; quia publicani & meretrices præcedunt incolas in regno cælorum, filii autem regni ejiciuntur in tenebras exteriores. Rationem verò ejusmodi horribilium casuum subdit S. Pater, nempe Superbiam dicens: Quare autem ista omnia, nisi quia in montem illum ascenderunt, in quem primus ascendit Angelus; & descendit diabolus? Ejusmo-

Ejusmodi igitur motivis ad timorem depressus: *Noli altum sapere, sed time.* Et: *Qui stat, videat ne cadat.* Et: *Tene, quod habes, ut nemo accipiat coronam tuam.*

5to. Exercere se in actibus timoris DEI juxta supradicta, cum quos hic ex *Thesauro indeficienti Blasii Palmæ* subjicio.

Actus Timoris DEI.

Primò Summe, timende, ac tremende Domine, si justus timor est anxietas quadam cordis, quæ retrahit hominem ab illicito usu membrorum, & sensuum exteriorum, interiorumq; affectuum: ne anima, vel omnino, vel ex parte à te, DEO meo, separetur, aut querat delectationem in aliqua creatura, atq; ita refrigescat ardor Spiritûs: ego nunc considerans infinitam Majestatem & magnitudinem tuam, in cujus conspectu tremunt omnes Spiritus, cælestes, terrestres, & infernales, totus confusus ob meam monstruosam indignitatem, descendo in abyssum nihili mei: magnopere timens, ne te offendam, & separet à Divina tua gratia: sicuti aliis multis evenit, eò quòd in conspectu tuo rectè non ambulant.

2dò. Itaque dum cogito solum, quòd possim te offendere peccatis venialibus, ac mortalibus, horreo, & totis artibus meis contremisco: maxime quòd agnoscam me omnino debilem & imbecillem, & nihil posse, sine gratia tua singulari.

3tiò. Agnosco tamen etiam, Domine, hunc timorem mihi esse valde necessarium, & utilem: & ideo instanter illum à te peto: ipsumq; ut in me augere, & anime meæ imprimere velis, rogo, dicendo cum Psalmista: *Confice timore tuo carnes meas: à judicis enim tuis timeui.*

Plures actus Timoris DEI vide supra sub *Praxi Meditationis.*

SECTIO III.

S. I.

De Præsumptione.

Præsumptio est oppositum vitium spei per excessum, timori per defectum, V. D. Thom. 2. quo aliquis imitens Omnipotentiae & misericordiae DEI, absque requisita conditione poenitentiae, vel bonorum operum, confidit se obtinuram veniam peccatorum, gratiam, & gloriam.

Stimuli ad vitandam præsumptionem sunt hujusmodi. *Eccl. 5.*
Imus. *Eccl. Nè dixeris peccavi, & quid mihi accidit triste?* Al-

Rom. 11.

1. Cor. 10.

Apoc. 3.

1. 2. tra: 1. c. 1.

sec: 4. subs: 1. §.

3. & subs: 2. §.

2. & subs: 4.

1. 2. tr. 1. c. 1. sec.

4. sub: 9. §.

S. Bern. Serm. 1.
super Psal. Qui
habitat.

† Prophetam
hunc non in-
venio: interim
Vide Eccl. 5.
Psal. 146.

S. Joann. Chry-
sostom. de poe-
nit. homil. 10.

Isai. 14.
S. Bern. Serm. 1.
de S. Bened.
Abb.
Ezech. 10.

2. Cor. 6.

isimus enim est patiens redditor. De propitiato peccato noli esse sine metu, neque adjicias peccatum super peccatum. Et ne dicas: Misericordia Domini magna est: multitudinis peccatorum meorum miserebitur. Misericordia enim & ira ab illo citò proximaunt, & in peccatores respicit ira illius.)) Deinde præsumptio est vana spes & confundens, hominem maledictum faciens: Audi S. Bernardum hæc proferentem: Sunt autem alii qui sperant quidem à Domino sed frustra, quia sic de misericordia ejus sibi ipsis blandiuntur, ut à peccatis suis non emendentur. Vana est omnino spes ista, & hæc confundit, eò quòd charitas desit. Contra hos † Propheta Maledictus, inquit, qui peccat in spe. Et alibi: Beneplacitum est Domino super timentes eum, & in eis, qui sperant super venio: interim misericordia ejus. Dicturus qui sperant, signanter præmisit super timentes eum. Frustra siquidem sperat, qui contemptu suo gratiam à se repellit, & spem suam prorsus evacuat.

2. dus. S. Joannes Chrysostomus inquit: Præsumptio numeratur inter peccata in Spiritum Sanctum. Utrumque periculum est, & confidentia perversa, & desperatio. Nam confidentia nimia stantem evertit; & desperatio post lapsum non permittit exurgere.

3. tius. Quia sine labore affectare salutem, est imitari Luciferum, ut è contra per merita ad præmia anhelantes imitantur Christum, & SS. Angelos: Elegantem super hoc accipe discursum Melliti Doctoris ore formatum. Sedebo in monte testamenti, similis ero Altissimo. O impudens! millia millium ministrant ei, & decem centena millia assistunt, & tu sedebis? Cherubim ait Propheta stabant, & non sedebant; quid laborasti, ut jam sedes? Omnes administratorii sunt spiritus missi in ministerium propter eos, qui hæreditatem capiunt salutis, & tu sedebis? quid feminasti, ut jam metas? Non est tuum, non est tuum hoc, sed quibus paratum est à Patre. Quid tuis invides? profecto ipsi sedebunt, ipsi inquam vermiculi terræ judicantes sedebunt, & tu non modò non stabis, sed judicandus adstabis, Nescitis ait Apostolus, quia & Angelos judicabimus? Ipsi utique ibant, & flebant inittentes semina sua; venientes autem venient cum exultatione portantes manipulos suos. Duo manipuli sunt, quos

quaris

quæris honoris scilicet, & quietis. Sessorem affectas & altitudinem, sed non sic, non sic: non colliges, quia non seminasti. Qui seminaverunt laborem & vilitatem, metent honorem pariter & quietem. Pro confusione enim sua duplici & labore in terra sua duplicia possidebunt. Unde & dicebat quidam. *Vide humilitatem meam, & laborem meum.* Hodie audistis in Evangelio promittentem Dominum & dicentem discipulis. *Sedebitis super sedes judicantes duodecim tribus Israel.* Ecce quies sessionis, & honor iudicii. Nam & ipse Dominus adhuc noluit pervenire nisi per humilitatem, & laborem. Unde & morte turpissimâ condemnatus est, interrogatus tormentis, & opprobriis saturatus: utique ut inimicus induatur confusione, ipse pariter & omnes, qui imitantur eum, & prætergrediuntur viam. Ipse est, ô inique, ipse est, qui sessurus est in sede Majestatis suæ, similis Altissimo, & Coaltissimus ei. Hoc utique cogitaverunt Angeli Sancti, qui cadente maligno, Apostasia illius non contulerunt, nobis relinquentes exemplum, ut quemadmodum ipsi elegerunt ministrare, sic & nos faciamus. Nam etiam qui laborem fugiunt, honorem captant, illum se noverint imitari, qui sessionem altitudinemque quæsit, & si non satis eos terret illius culpa, terreat vel vindicta. Omnia enim in contrarium devenerunt, ut formatus sit ad illudendum ei, & ignis æternus præparatus est illi.

4^{tus}. Verum dices: equidem scio nihil coinquinatum introire in illam Sanctam Civitatem, ideoque poenitentia agenda est; sed sufficere mihi tempus ætatis in senecta, vel morbo, imò & in ipso articulo mortis, ad illam. An non in puncto Publicanus ille Evangelicus justificatus? an Latro in agone mortis Paradisum non meruit? Unum: *DEUS propitius esto mihi peccatori,* contrito corde prolatum, centum quoque annorum crimina expiabit, jus ad regnum cæleste dabit. *Respondetur.* Sit sanè: at cur Publicanum allegas, nec eum incolumem tempestivè imitaris, potius ad senium, & mortem differs poenitentiam? Latronem unum in morte salvatum canis, & innumeros præsumptuos perditos æternum haud numeras? quid si ad senium non devenias? quid si inopinatâ morte intereas? quid si morbo oppressus contritionem non elicias, etsi elicias, & fiat naturaliter subtra-

Eccl. 5.

subtrahente DEO concursum supernaturalem ob indignitatem tuam, & justam vindictam, & sic non in cælum, sed in infernum æternum arsurus proficias? Vide, quid facias; exhorresce scriptum: *Non tardes converti ad Dominum, & ne differas de die in diem: subito enim veniet ira illius, & in tempore vindictæ disperdet te.*

Galat. 6.

Ad Praxim cavendi præsumptionem servit; Firmâ fide credere DEUM non daturum veniam culpæ citra poenitentiam; nec laxationem poenæ citra satisfactionem; nec augmentum gratiarum citra exercitium bonorum operum; nec finalem gratiam pro felici morte (ut ordinariè fit) citra ardentissimas supplicationes. Hic enim est sensus Sacræ Scripturæ, Sanctorum Patrum, & Doctorum Ecclesiæ, obviis, frequentissimus. Deinde non per transennam ad illud Apostoli se reflectere: *DEUS non irridetur.* Præsumptuosus enim videtur velle nugari cum DEO, ut illa summa Puritas suas sordes culpæ per misericordiam non aversetur, summa iustitia suas injustitias blandè respiciat, sicque spurcum & ipsis dæmonibus abominabilem in suum Divinum consortium admittat. An DEUS non irridetur, dum præsumptuosus non suam ad Divinæ Majestatis, sed Divinam ad suam voluntatem peccatricem regulare velit, tempus hærendi in foetore peccatorum, tum ex illis emigrandi, metas denique vitæ sibi præscribendo?

Depositâ igitur præsumptione tradas te ad timorem DEI, poenitentiam, aliaque exercitia virtutum.

1. 2. tra. 1. cap. 1.
sec. 4. sub 2. §.
2. & 3.

Adhibe huic quoque *Supraspecificata*, proportionem servatâ.

§ II.

De Securitate mala.

PRæsumptioni affinis est Securitas mala, quâ homo penè totalitèr quiescit à timore circa perditionem salutis æternæ. Differt à securitate bonorum, quia hæc non caret timore DEI saltèm filialitèr, tum provenit ex testimonio conscientiæ bonæ, aut Revelatione Divinâ. Malorum autem securitas hæc minimè præsefert.

Contra Securitatem malam est 1. mo. Prov. Beatus homo qui semper

semper est pavidus, qui verò mentis est duræ, corruet in malum. *Prov. 28.*
Ibidem: Viri mali non cogitant iudicium de securitate malorum.
Eccles. 8. Quia non profertur citò contra malos sententia, filii homi-
 num absque timore ullo perpetrant mala. *In eodem:* Sunt impii,
 qui ita securi sunt, quasi iustorum facta habeant. *Apostolus:* Cum *Thessal. 5.*
 dixerint pax & securitas: tunc repentinus eis superveniet inte-
 ritus. 2^{do}. *S. Augustinus:* Nemo securus esse debet in vita ista, *S. August. lib. 10*
 quæ tota tentatio nominatur, ut qui fieri potuit ex deteriore *Confess.*
 melior, non fiat etiam ex meliore deterior. *S. Gregorius:* Sæpè *S. Gregor. in*
 mens dum virtutis suæ securitate resolvitur, insidiante adversa- *Moral.*
 rio inopinatæ culpæ telo perforatur, & inde à DEO in æternum
 longè fit, undè ei ad tempus sine cautelæ custodia propinquave-
 rat. *Idem:* Sæpè quem tentationis certamen superare non va- *Idem in Moral.*
 luit, sua deterius securitas stravit. *Idem:* Quibus sæpè magnitu- *Idem in Past.*
 do virtutis occasio fuit perditionis: ut cum de confidentia viri-
 um inordinatè securi essent, per negligentiam inordinatè more-
 rentur. Mater enim negligentiae solet esse securitas. Videndo
 ergo meretricem, *id est*, Magdalenam, de tua liberatione non de-
 speres: Sed etiam Judam cogitando, securus esse non debes. Con-
 fidentia stantem everrit, & desperatio post lapsum exurgere non
 dimittit. *S. Bernardus:* Scuto (inquit) circumdabit te veritas ejus. *S. Bernardus*
 Ad quid enim? Non timebis (inquit) à timore nocturno, à sagitta vo- *serm. 2. de S.*
 lante in die, à negotio perambulante in tenebris, ab incurfu & demonio *Andree.*
 meridiano. Videsne quàm necesse sit, ut scuto circumdet te ve- *Psal. 70.*
 ritas, quem sic hostium tela circumdant? Ab inferiori enim
 parte timor nocturnus insurgit, à sinistris sagitta volat in die, à
 dextris perambulat negotium tenebrosium: & ut nihil sit vacu-
 um, à superiori parte dæmonium meridianum insurgit; nos au-
 tem miseri, & miserabiles, vicinis tot serpentibus, & igneis telis
 undique volantibus, insurgentibus inimicis, nihilominus perni-
 tiosa securitate & negligentia dormitamus, torpemus otio, vani-
 tatibus, & scurrilitatibus indulgemus, tam pigri ad spiritualia exer-
 citia, ac si jam pax sit, & securitas, & non sit militia vita hominis
 super terram. Hoc est (dico vobis Charissimi) quod me vehe-
 mentius terret, quod omnino timoris acerbissimi gladio trans-
 verberat animam meam: quod inter tanta pericula minùs timo-

rati, minùs exercitati, minùs quàm necesse sit solliciti videamur. Siquidem unum è duobus hæc ipsa negligentia nostra probat, aut omnino traditos nos hostibus, & nescire: aut si inter hæc conservamur, ei, qui tuetur, ingratos nimirum inveniri: Quoniam utrumque quid periculi habeat, satis manifestum est. Propterea obsecro vos dilectissimi, ipsa nos excitet hostium malitia pervigil, & instantia eorum maligna, quâ tam seduli, tam solliciti sunt in nostram perditionem, nos quoque sollicitos faciat & circumspectos, ut in timore & tremore nostram ipsorum salutem

*Idem Serm. 1.
super Isalm. 90
Qui habitat.*

operemur. *Idem:* Timeo Fratres nè fortè etiam sit in nobis, qui non habitat in adjutorio Altissimi, sed confidat in virtute tua, & in multitudine divitiarum suarum. Fortè enim fervorem habet aliquis, potens in vigiliis, in jejuniis, in labore, & cæteris hujusmodi, aut etiam multorum (ut sibi videtur) divitias ineditorum longo tempore acquisivit, & in his confidens remissior est in timore DEI, facilè jam ad otiositates, & curiositates, perniciosâ quadam securitate declinat, murmurat, detrahit, dijudicatque. Qui profectò si habitaret in adjutorio DEI, attenderet utique sibi, & timeret offendere, quem sibi cognosceret adhuc tam necessarium esse. Tantò siquidem amplius timere DEUM, & magis sollicitus esse debuerat, quantò majora ejus munera jam percepit. Neque enim quæ habemus ab eo, servare aut tenere possumus sine eo. Nunc verò (quod sine dolore non loquimur, aut videmus) sunt aliqui, qui in conversionis initio, satis timorati & solliciti sunt, donec initium aliquod conversationis acceperint; & cum multò magis desiderare debuerant, juxta illud: *Qui edunt me, adhuc esurient:* Incipiunt sic agere ac si dicant: ut quid ei serviamus ultra, quando jam habemus, quod daturus est? O si scires, quàm parum est, quod habes, & hoc ipsum, quàm citò perdes, si non servaverit ille, qui dedit. *Hugo:* Sic comedo, bibo, & dormio securus, quasi jam transierim diem mortis, & evaserim diem judicii, & tormenta inferni: si cludo, & rideo, quasi jam regnem in regno tuo.

Eccles. 24.

*Hugo lib. 3. de
anima.*

Ad *Praxim* securitatem perniciosam abigendi facit consideratio tum modò dictorum; tum periculorum cadendi è statu bono vitæ in profundum perditionis: de quibus vide sub *Praxi Timoris DEI*. Et supra in *summa Theol. Spirit. C. 4.*

S. III.

Opponitur quoque Timori DEI, Timor DEI per Excessum, quo aliquis ex severitate judiciorum Divinorum adeo contringitur, ut exinde vel in maximas anxietates & scrupulos incidat, vel sit in periculo pusillanimitatis, aut desperationis. De quibus vide infra suis locis.

SECTIO IV.

De Desperatione.

Desperatio est peccatum per defectum, spei contrariè oppositum: potestque juxta D. Thomam dupliciter spectari; *V. D. Thom. 2. 2. q. 20.* tum ex parte hominis, tum per respectum ad DEUM. Ex parte hominis est *Motus voluntatis*, quo aliquis immersus vitiis, ita deicitur animo, ut impossibile existimet nec per se, nec per alium exinde posse emergere. Per respectum verò ad DEUM, Desperatio est motus voluntatis ex indiscreta apprehensione judiciorum DEI, ac infidelitate ortus, diffidens de potentia, vel bonitate, vel fidelitate DEI, quasi vel non possit, vel nolit agenti, quod in se est, dare veniam, gratiam, gloriam.

Stimuli ad deponendum desperationis animum sunt.

1. mus. Reg: An ignoras quod periculosa sit desperatio? *Eccel: Felix, qui non habuit animi sui tristitiam, & non excidit à spe sua.*) *2. Reg. 2. Eccel 14.* Deinde etsi Angelico Doctore infidelitas & odium DEI per ordinem ad DEUM sint graviora peccata desperatione, hæc tamen *D. Thom. 2. 2. quest. 20. a. 3.* illis est periculosior quantum ad hominem. Quia sicut per spem revocamur à malis, & inducimur ad bona prosequenda; ita sublatâ spe irreversatè homines labuntur in vitia, & à bonis laboribus retrahuntur. &c. Unde super illud Proverbiorum 24. Si desperaveris lapsus in die angustiarum, minuetur fortitudo tua, dicit *Gloss.* Nihil est execrabilius desperatione, quam qui habet. & in *Gloss. Ordine* generalibus hujus vitæ laboribus, & quod pejus est, in fidei certamine constantiam perdit. Et *Isidor.* dicit in libro de summo *Isidor. l. 2. c. 14.* Bono. Perpetrare flagitium aliquod, mors animæ est: Sed de *circa principi-* sperare, est descendere in infernum: *2. dus.* Desperatio, ut ait *S. pium.* Bonavent. est gravissimum peccatum, quod dicitur in Spiritum S. *S. Bonavent.* de quo dicit Dominus: Non remittetur in hoc, neque in futuro. *T. 2. Spec. Ani.*

Isidorus in Sy-
nonimis. c. 1.

Proverb. 13.

Cæsarivs lib. 2.
cap. 6.

Non quod non possit dimitti, sed quia vix dimitti potest; vel quia ibi non est color excusationis, qui locum præstet Divinæ misericordiæ. Et B. Isidorus: Non desperes de salute, sed ad meliora convertaris, qui veniam de peccato desperat, plus se desperatione, quam commisso scelere damnat. Desperatio namque auget peccatum, & pejor est omni peccato. 3^{tius}. Impius cum in profundum venerit peccatorum, contemnit scilicet præ desperatione: contemnit autem ut fræna laxans sceleribus, nec timeat DEUM, nec verecundetur coram hominibus. At infelix ejusmodi homo sciat, quia sicut secundum mensuram bonorum operum mensuram quisque accipiet æternæ gloriæ; ita quoque secundum mensuram peccatorum atrociorē quoque vel minus atrocem perrenniter experturus est damnationis poenam. 4^{tus}. Ab Exemplo: Hilbrandus quidam habitans in Villa Holcheyn Diocesis Trajectensis fecit homicidium, ob quod in rotam actus, sine poenitentia desperans decesit. Qui post mortem apparens Sacerdoti Bertolpho in camino ardente, inquisitus de statu suo, respondit: Æternaliter damnatus sum, æternisque incendiis propter desperationem maximè deputatus. Si secundum consilium tuum egissem poenitentiam, per poenam temporalem evasissem æternam. His & aliis dictis statim impulsus & expulsus, cum stridore & ululatu maximo recessit.

Praxis rejiciendi desperationem, sive dum ad eam aliquis tentatur, sive dum in eam lapsus est. Si ratione veniæ peccatorum haud consequendæ, desperat, sciat, quod desperando minimè proficiet, imò aliis peccatis addet supra modum peccans peccatum, pro quo cum Caino & Juda proditore horrendas perpetuò accepturus est poenas. Si ratione auxiliorum gratiæ DEI pro melioranda vita sua desperat, sciat, quia non est abbreviata manus Domini, potens in momento de stercore vitiorum elevare pauperem, ut sedeat cum principibus in perfectione virtutum, & solium æternæ gloriæ teneat; ut ibi abundet gratia, ubi abundavit delictum, prout videre est in Davide adultero & homicida, Petro negante Christum, Paulo persecutore Ecclesiæ DEI, Magdalena, de qua Dominus septem ejecit dæmonia, seu universalitatem vitiorum; qui verè poenitentes & veniam peccatorum.

confe-

consecuti, & summis gratiæ multiplicis prærogativis, tandem in sublime caelestis gloriæ evecti sunt. Itaque & tu fac similiter, resume animos, rejice fortiter instinctus desperationis, vel aliàs desperatam erigito mentem, invoca Patrem misericordiarum, & DEUM totius consolationis; *Omnis enim quicumque invocaverit nomen Domini, salvus erit*: Invoca Matrem misericordiæ MARIAM, monitore S. Bernardo: *Si insurgant venti tentationum, si incurras scopulos tribulationum, respice stellam, voca MARIAM. Si criminum 2. supermissus inmanitate turbatus, conscientiae foeditate confusus, judicii horrore perterritus, baratro incipias absorberi tristitiæ, desperationis abyssus, cogita MARIAM. In periculis, in angustiis, in rebus dubiis MARIAM cogita, MARIAM invoca. Non recedat ab ore, non recedat à corde; & ut impetres ejus orationis suffragium, non deseras conversationis exemplum. ipsam sequens non devias, ipsam cogitans non erras. Idem: Quis 4. in Assumpti- misericordiæ tuæ ô benedicta longitudinem, & latitudinem, & sublimitatem, & profundum queat investigare? Nam, medi. longitudo ejus usque ad novissimum diem invocantibus eam, subvenit universis: latitudo ejus replet orbem terrarum, ut suâ quoque misericordiâ plena sit omnis terra. Sed & sublimitas ejus supernæ civitatis invenit restaurationem, & profundum ejus sedentibus in tenebris, & umbra mortis obtinuit redemptionem. MARIA omnibus sinum misericordiæ aperuit, ut de plenitudine ejus accipiant universi; captivus redemptionem, æger curationem, tristes consolationem, peccator veniam, justus gratiam, Angelus lætitiâ, denique tota Trinitas gloriâ, Filii Persona S. Bonavent. in carnis humanæ substantiam. S. Bonaventura ait: Mater per omnia l. dist. 48. q. 2. conformis Patri & Filio, in hoc miro modo debet laudari & amari, quod adeo compassa est, ut si fieri posset omnia tormenta quæ Christus pertulit ipsa libentiùs sustinuisset, & nihilominus placuit ei, quod Unigenitus ejus pro salute humani generis offerretur. Verè ergo fuit fortis, & pia, dulcis, pariter & severa, sibi parca, & nobis largissimâ.*

Deinde age dignos fructus poenitentiae, & brevi in te experieris mutationem dexteræ Excelsi, respirabis citò in lucem miserationum DEI, ad quæ omnia ut erigaris animo accipe consolationem. 1. E Sacris Scripturis. Ecce Spiritus Sanctus

Ezech. 18. 32.
& 33. 12.

Jerem. 13. 1.
Isai. 1. 16.

Ecc. 17. 20.
I. Joan. 2.
I. Joan. 1.

S. Chrysost. 3.
proem. 1.
In Psalm. 50.
hom. 2.

S. August. serm.
58. de temp.

In lib. retract.
1 cap. 19.
In Vita Joannis
Ægyptii Ere-
mitæ ex Vitis
Patrum,

apud Prophetam ita loquitur: *Quare moriemini domus Israel? quia nolo morte n. peccatoris, dicit Dominus DEUS, revertimini, & vivite.* Et rursus: *Impietas impii non nocebit ei, in quacunq. die conversus fuerit ab impietate sua.* Et apud Jeremiam: *Tu autem fornicata es cum avaritiis multis, tamen revertere ad me, dicit Dominus.* Et apud Isaiã: *Lavamini, mundi estote, auferte nilum cogitationum vestrarum ab oculis meis, &c.* Si fuerint peccata vestra ut coccinum, quasi nix dealbabuntur. Deinde apud Ecclesiasticum: *Quam magna misericordia Domini, & propitiatio illius convertentibus ad se.* B. Joannes Apostolus quoq. sic loquitur: *Christus propitiatio est pro peccatis nostris: non pro nostris tantum, sed etiam pro totius mundi.* Et: *Si confiteamur peccata nostra, fidelis & justus, ut remittat nobis peccata nostra, & mundet nos ab omni iniquitate.* II. Ex Sanctis Patribus: Sanctus Joannes Chrysostomus ait: *Et si quis innumeris peccatis sit sauciatus, seorum poeniteat, & bonum agat, ita DEUS omnia abolet, ut nullum eorum vestigium appareat.* Et alibi: *Nolo dicas, blasphemus sum: nolo dicas: persecutor sum, immundus sum: habes omnium ostensiones. Vis in novo, vis in veteri? In veteri David, in novo Paulus. Nolo excusationes mihi afferas, nolo ignaviam mihi pretendas. Peccasti? poenitere. Millies peccasti? millies poenitere. Hec assidue infundo medicamenta, &c.* Si lapsus es, poteris resurgere. In utramvis partem habes liberum arbitrium. Si vulneratus es, adhibe tibi curam dum vivis, dum spiras, etiam in ipso lecto positus, etiam si dici potest, animam efflans, ut jam de hoc mundo exeat. Non impeditur temporis angustia misericordia DEI. Quidenim est peccatum ad misericordiam DEI? tela araneæ, quæ vento flante nusquam comparet. Et S. Augustinus: *Fortè cogitat aliquis tam gravia se admisisse peccata, ut jam misericordiam promereri non possit, absit hoc à sensibus omnium peccatorum. O homo quicumque illam peccatorum multitudinem attendis, cur & omnipotentiam celestis medici non attendis? Cum enim DEUS velit misereri, quia bonus est, & possit, quia omnipotens est, ipse contra se Divinæ Bonitatis januam claudit, qui DEUM sibi misereri, aut non velle aut non posse credit, eumque aut bonum, aut omnipotentem esse diffidit. Idem. De quocunque pessimo in hac vita constituto utique non est desperandum: nec pro illo imprudenter oratur, de quo non desperatur. III. Ab exemplis. Fuit quidam vir in hac proxima civitate, vitam turpissimam mittere ex Vitis per omne facinus ducens; ita ut opinatissimus in flagitiis haberetur.*

retur. Hic aliquando DEI miseratione compunctus ad pœnitentiam, intra sepulchrum se concludens, priorum scelerum pollutiones lachrymarum fontibus diluebat, diebus ac noctibus in faciem prostratus, & neque allevare quidem ausus oculos ad cœlum, nec vocem emittere & nomen DEI nominare, sed in solis gemitibus & fletibus perdurabat, & tanquam vivens sepultus de inferno quodammodo jam mugitum cordis gemitumque reddebat. Quem post septimanam dæmones modò blandimentis, modò terroribus, & cruciamentis ad desperationem adducere volentes, cùm post graves afflictiones nec quicquam cessisset dæmonibus, illi exclamantes voce magnâ dixerunt: Vicisti, Vicisti. Et mox velut quadam virtute cælitus ipsi effugati, præcipites abscedunt, nec ei ultra quicquam suæ artis aut sceleris intendunt. Ipse verò intantum virtutibus animi profecit, & ita ornatus moribus effectus est, ac ita Divinâ gratiâ repletus, ut omnis hæc regio quasi de cælo lapsum eum viderit, & unum esse ex numero crederet Angelorum, omnes penè simul uno ore dicentes. Hæc est mutatio dexteræ Excelli. Quanti exemplo ejus, qui jam semetipsos desperaverant, rursus ad spem salutis regressi sunt, & emendationem sui, quam priùs desperaverant, præsumpserunt? Quanti admiratione ejus, de ipso jam inferno peccatorum retràcti sunt, & ad virtutum indolem reparati? illo namque tantæ immutatione converso, omnibus omnia visâ sunt possibilia. Non solum enim emendatio morum florebat in eo, & assumptio virtutum, verum & gratia DEI plurima ei collata est. Signa enim & prodigia quæ ab ipso facta sunt, quæq; Deus per ipsum tanquã suum amicum operari dignatus est, quantum apud Deum haberet meriti, testabantur. *Aliud.* Senis erat civis quidam, Andreas *Raimund. Capua. in Vita S. Catharine Senensis apud Sur. 19. April.* Naddini dives opum, sed omnis virtutis inops, cunctis propè flagitiis coopertus, in Deum & Sanctos ejus perpetim blphemus & detestabilis. Is infirmatus tendebat ad extrema, sed omninò impœnitens, & seipsum planè desperans. Verum ad continuas lachrymas & preces S. Catharinæ Senensis flexus Dominus JESUS decumbenti apparet, hortatusque eum ut sua peccata confiteretur, libenter ei, si id faceret, veniam pollicens. Et ecce ille, laxo durior, repentè mollescit, magnâ voce postulat acciri Confes-

Collector spe-
culi, ex quo P.
Joannes Major
in marg. specul.
exempl.

Confessarium, dicit, Christum JESUM se videre, qui ipsum de
facienda confessione admonuerat. Latantur omnes, curritur ad
Sacerdotem: ille venit. Andreas cum magno cordis dolore
integrè confitetur peccata sua: condit testamentum, & feliciter
migrat è vita. Aliud. In civitate quadam Brabantiae adolescens
quidam ob suam luxuriam, furta, ebrietates, lites, aliaque vitia
judici traditus est. Qui, cum ligatis manibus pedibusque in fac-
cum submergendus mitteretur, cerneretq; se mortis imperia eva-
dere non posse, parentibus suis, cognatis, & proprio sanguine
contra se vehementer appellantibus, obstinato animo ingemuit,
& lachrymis infusus, judici dixit: Etiam si ob id perenniter da-
mnari debeam, nec tibi tamen, nec me accusantibus atque tra-
dentibus veniam dono. Quibus dictis sacco immittitur obsti-
natus ad veniam, aquis moriturus injicitur, mortuus rursus
aquis extractus secretis sepelitur. Eadem nocte cum Judex
obstinatum animum juvenis miraretur, & eum damnatum esse
pro tot sceleribus pro rato haberet, subito respiciens ad lectuli
sui latus, eum quem occiderat, ante se positum vehementer ex-
pavit & quamprimum animo resumpto loqui potuit. Damna-
tus, inquit, nées, adolescens, an iustitiâ DEI aut misericordiâ
Domini reservatus ad gratiam? Respondit ille. Quamvis actu
acerbissimis poenarum agar procellis, & supra quàm lingua ef-
fari potest, iustis ob scelera mea tormentis fatiger, in gratia tamen
mortuus sum, & æternæ quietis sedem expecto. Judex: Miror
si vera fateris, præsertim cum totus mundus te dignum gehen-
nâ decernat, & maxime ego, amicique tui, qui te in tanta obsti-
natione, ira, & odio spiritum efflare conspeximus. Cum, inquit,
adolescens, submersus in aquam, palpitarem, & mortis me inci-
perent angustia commovere, Divinæ gratiæ lumine irradiatus,
plus coepi dolere, quòd obstinatione, ira, luxuriâ, cæterisque vi-
tiis Divinam clementiam offendissem, quàm quòd submersus
vitæ dispendia sustinerem. Unde alto clamore cordis mei inter
acerbas mortis angustias hanc orationem Domino fudi. Ope-
tatis fons indeficiens, & sceleribus mortalium bonitas invincibi-
bilis, pone crucem & mortem, tuam inter peccata mea & iusti-
tiam tuam. Indulge mihi, quæso, offensam, quia nunc pro
amore

amorem tuo, omnibus qui me offenderunt libens offensas dimitto. Expande nunc brachia tua amor æterne, & peccatricem animam meam in sinu tuæ vastissimæ pietatis recollige, qui si impofterum vita daretur, non te à modo tantis ut hactenus feci, sceleribus lacerarem. Et inter hæc verba spiritum emittens pietatis Divinæ januas aliquando mihi aperiendas agnovi. Audiens hæc Judex attonitus stabat, & ad tam ineffabilem pietatem stupefactus agebat: Tibinè Deus veniam dedit? Tibinè regnum æternum spondit? Tibi, inquam lubrico, tibi improbo, tibi non gratiâ, sed supplicio digno? At juvenis: Ita fecit, inquit. Tunc Judex totus perfusus lachrymis, nunc ait, infelix desperatio vale, siquidem si DEUS tam pius est, ad ejus misericordiam penitus pergo, & peccatorum licet me gravissimi falces premant, qui huic quondam sceleratissimo juveni veniam dedit, mihi quoque poenitenti veniam non negabit. Disparuit interim adolescens submersus, & Judex post hæc tribunalibus valedicens, mundanos omnes fastus depofuit, seculum cum suis deliciis dereliquit, & Carthusiensium ordinem poenitens intravit.

Porro pro perfectioribus subtiliori tentatione desperationis afflicti placet exemplum *S. Magdalene de Pazis* afferre, ubi videant circa quas materias magis in spiritualibus versati desperatione tententur: & quomodo in praxi circa eam vincendam se gerere debeant. Hæc igitur Sancta horrendo spiritu desperationis graviter tentata, huic suggestionibus, quasi potenti fulmine cor ejus sine ulla impetebat misericordia. Injiciebat dæmon menti Virginis, quod omnia dona, favores & gratiæ, quæ videbantur sibi accepta esse à DEO, fuerint fallacia, & mera deceptio diabolica: quodvè in omnibus suis visionibus & ecstasibus fuerit decepta; quare tota ejus vita (suffurrabat) non placeret DEO; imò quod sit Voluntati ejus in omnibus contraria: Et propterea, quod jam sit à gratiâ DEI abalienata, & nihil horum, quod faceret, esset DEO acceptum. Quare in quolibet opere sine fructu perdat tempus pretiosum. Unde & DEUM ad graviolem contra se incitaret iram. Et pro horum ratione quæ dicebat sathan. adjiciebat sanctæ Virgini spiritum ariditatis, quem tum temporis patiebatur. Quodvè jam sit à DEO abjecta, & in-

In vita S. Magdal. de Pazis

oblivione relicta. Et denique quamvis faceret severissimas juxta voluntatem suam poenitencias, non assequetur misericordiam, quia jam est damnata in æternum. Quæ suggestiones eò gravius in Magdalenæ cor sese insinuabant, quò majorem in se sensit ariditatem Spiritûs ad vincendum illas per intimum actum confidentiæ in DEUM, & resignationis in ejus sanctam voluntatem; in quo sensit se adeò mortificatam, ut nè unum actum ferventem facere, potuerit habere modum. Unde intantum crescebat hæc tentatio diaboli, ut suggereret Magdalenæ, ipsa sibi inferret mortem. Quâdam ergo vice hâc atroci oppressâ tentatione, currit ex Vigilis ad refectorium sola, ut jam sibi inferret mortem, ubi cultrum arripiens, cum illo reversa ad chorum (& hoc quasi in ecstasi faciebat) postea subsiliit in altare Beatissimæ Virginis in illius misericordes manus illum porrexerat cultrum, mendicando opem ad vincendam hanc tentationem: Prout etiam, rerulit consolationem, quia ad se reversa cultrum in terram projecit, & pedibus contrivit, simul & dæmonem, eum ipsius insidiis conculcando. Aliâ iterum vice eadem Sancta ad rejectionem similis tentationis, jussit se ipsam fortiter ligare in cella Matris superioris. Et in præmium adeò singularis humilitatis vocavit illam Clemens Dominus ad intelligentiam mysteriorum Divinitatis, & per hoc non modicè illam confortavit pro novo cum tentationibus conflictu.

Contingit non infrequens tentatio circa prædestinationem, cujus occasione vel quis agitur in desperationem, vel saltè in robore spei multum minuitur. Refert *S. Augustinus*: Fuit, inquit, "in nostro Monasterio, qui corripientibus fratribus, cur quædam non facienda faceret, & facienda non faceret, respondebat: Quælisunque nunc sim, talis ero, qualem me Deus esse præscivit. Qui profectò & verum dicebat, & hoc vero non proficiebat in bonum: sed usque adeò profecit in malum, ut desertâ Monasterii societate, fieret canis reversus ad vomitum, & tamen adhuc, qualis sit futurus, incertum est. Ejusmodi igitur tentationi ita in praxi obviari potest. imo. Mox ut inciderit hæc importuna cogitatio rejicienda & contemnenda est: quo enim diutius ei inhæseris, majori tristitiâ & pusillanimitate absorbearis, necesse

nécessé est. 2^{do}. Facere id ut quidam, qui (ut scribit *Thom. à Kempis*) anxius cum inter metum & spem frequenter fluctuaret, *Thom. à Kempis lib. 1. cap. 25.*
 “& quadam vice mœrore confectus, in Ecclesia ante quoddam
 “altare se in oratione prostravisset, hæc inter se revolvit dicens:
 “O si scirem, quod adhuc perseveraturus essem! Statimquæ au-
 “divit intus Divinum responsum. Quid si hoc scires, quid fa-
 “cere velles? Fac nunc, quod tunc facere velles, & benè securus
 “eris. Moxquæ consolatus & confortatus Divinæ se commisit
 “voluntati, & cessavit anxia fluctuatio. Noluitquæ curiosè in-
 “vestigare, ut sciret, quæ sibi essent futura: sed magis studuit
 “inquirere: quæ esset voluntas DEI beneplacens & perfecta,
 “ad omne opus bonum inchoandum & perficiendum. 3^{tio}. Ac-
 cipe hac in materia perpulchra ex *Seraphico Doctore* qui ait: Si de *S. Bona vent. de*
 prædestinatione, aut præscientia DEI aliqua cogitatio tibi surre- *stimulo amor.*
 pat, sic responde talia propinanti: Quidquid sit de me: te cer- *C. 13.*
 tum est esse damnatum: Sed si ego præcitus sum, & DEUM
 non debeam habere post hanc vitam, totis tamen viribus labora-
 bo; ut ipsum saltèm habeam in præsentī, & ipsum possideam,
 quantum possum: nè in utroque statu caream tanto Bono. Mo-
 mentum ergo temporis de cætero non dimittam, quin secundum
 meum posse fruar ipso, & semper in ipso, summâ jucunditate de-
 lecter, ex quo æternam miseriam assequi debeo in futuro. Non-
 nè mihi summa vesania esset, si certum est, me æternalibus igni-
 bus cruciandum, me inimico tradere in præsentī, & ex nunc in-
 cipere cum diabolo conversari? Non sufficit illa miseria, nisi
 me nunc miserum faciam ante tempus? Imò certè plus præde-
 stinanti me DEO meo, prout potero, totaliter exhibebo, ut ni-
 hil sit in me, nec cor, nec lingua, nec cœtera membra, quin
 continuè sint in servitio DEI mei, ut saltèm dum possum, &
 quantum possum habeam summum Bonum. Sicut enim secu-
 lares, qui in Quadragesima non debent comedere carnes, vo-
 lunt in carnisprivio carnibus abundare: Sic certè de DEO de-
 beret facere, qui de sua præscientia esset certus. Et hoc præci-
 puè faceret, qui quàm sùavis sit Dominus, degustaret; cætera
 verò delicata absynthium reputaret. Sed quantumcunquè me

Gen. 32.

Matth. II.

Joan. 6.

DEUS præsciverit scientiâ, constar mihi, & scio, quod se ipsum negare non potest. Eum ergo totis visceribus amplexabor, & ipsum stringens fortiter, etiamsi aurora apraverit, & non mihi benedixerit, non ipsum dimittam, & sine me recedere non valebit. Licet enim mihi inferre sibi violentiam in hac parte, cum ipse commendet illos, qui regnum cælorum rapiunt violenter. Aut certè scio quid faciam. In cavernis vulnere suorum me abscondam, ibique quietus latitabo, nec extra se me invenire poterit, & etiam expellere non decebit, qui dicit: Eum qui venit ad me, non ejiciam foras. Et sic me damnare non poterit, nisi seipsum judicare voluerit. Aut ad Matris suæ pedes provolutus stabo, & quod propter peccatores Mater DEI facta sit, allegabo: & ut mihi veniam impetret, implorabo. Nec repulsam ab ea pati poterò, quia fons pietatis ab omnibus prædicatur. Ipsa enim non misereri ignorat, & miseris non satisfacere nunquam scivit. Non credo, quod propter me novam velit addiscere lectionem. Ideoque ex compassione maxima ante Filium suum mecum, si dici potest, misera apparebit, & mihi indulgentiam suam unicum Filium inclinabit. Et sic triplex refugium habeo, quod quasi triplex funiculus difficilè confringetur. Quod si prædestinatus sum, & æternam patriam debeam cum Angelis possidere: certè debeo ex nunc vitam Angelicam ducere non humanam. Totum me illi debeo, qui se mihi in præmiū præparavit, & hanc portione contentus, nihil aliud à modo debeo affectare. Justus est enim, & si aliud, quàm ipsum quærerem, contra me posset rationabiliter indignari, & quem visurus sum benevolum, viderem statim iratum contra me sententiam inferentem. Igitur in fine diabolo sic concludere. Quidquid de me futurum sit, à servitio DEI non desistam, & vix tibi, qui non pores tanto Domino ministrare, & ejus dulci præsentia jucundari, &c. *Hec S. Bonaventura.*

1.2. tract. 1. c. 1.

sec. 4. subf. 9.

2. 5. 2.

Circa *Praxim* vitandi Desperationem applica quoque hic proportionatè supra specificata.

SECTIO

SECTIO V.

De Opposito Spei Contradictorio.

Opponitur Spei contradictoriè Neglectus fiducia in DEUM, & Confidentia in creatura. Ejusmodi est illorum. imo, qui confidunt in se, & suis bonis: de quibus Psaltes Regius: *Qui confidunt in virtute sua: & in multitudine divitiarum suarum gloriantur. Et Videbunt justī, & timebunt, & super eum ridebunt & dicent: Ecce homo qui non posuit DEUM adiutorem suum: sed speravit in multitudine divitiarum suarum: & praevaluit in vanitate sua. Unde imitare S. Job dicentem: Si putavi (id est non putavi) aurum robur meum: & obri- zo dixi: fiducia mea. Si letatus sum super multis divitiis meis: & quia plurima reperit manus mea. Audi quoque S. Bernardum. Sibi ipsi fide- dere non fidei, nec confidentiæ, sed diffidentiæ magis, in se ipso habere fiduciam. Is verè fidelis est, qui nec sibi credit, nec in se sperat, factus sibi tanquam vas perditum: sed sic perdens animam suam, ut in vitam æternam custodiat eam.)) Imitare quoque S. Regem David dicentem: In te confidit anima mea. Idem: Bonum est confidere in Domino, quàm confidere in homine. *Psalm. Qui confidit in Domino sicut mons Syon, non commovebitur in æternum qui habitat in Hierusalem. Eccli. Qui amat periculum, in illo peribit. S. Augustinus: Adversaria est confidentia, quæ periculis vitam suam pro certo commendat: & lubrica spes est, quæ inter fomenta peccati salvari se sperat, incerta victoria est inter hostilia arma pugnare, & impossibilis liberatio est flammis circumdari, & non ardere.)) Salomon Rex contra præceptum Divinum conjungens se mulieribus alienigenarum gentium (quia certissimè essent seducturæ viros suos in idololatriam) confusus in magnitudine sapientiæ suæ, quòd nunquam posset devenire ad tantam demeritiam: tandem cum jam esset senex, depravatum est cor ejus per mulieres, ut sequeretur deos alienos, colebatque eos & edificavit ipsis phana. S. Petrus confusus de virtute sua haud relinquendi Christum in sua passione, immiscens se Christi persecutoribus, volens videre quid cum eo ultra ageretur, denique iptum abnegavit. S. Jacobus poenitens cremita puellam demonicam.**

*Psalm. 48.**Psalm. 51.**Job. 31.**S. Bern. Serm. 5. in Vigil. Na-**Psalm. 57.**Psalm. 118.**Psalm. 125.**Eccli. c. 3.**S. August. de singul. Cleric.**3. Reg. II.**in vita ejus.*

In vita ejus.

ad expellendum ab ea malignum spiritum solam apud se morari passus, tandem cum ea in peccatum lapsus, ejus crudelis interfecto-
 r mansit, nè publicaretur facinus. Verùm ad se rediens poenituit, discens serò magnam quoque sanctitatem suis viribus relictam ruere in profundum. Melius egit S. Martinianus Eremita, cui terrâ mariquè nullus à mulieribus tutus locus; deniq;
 maluit è rupe posita in mari præcipitare sese in medium pelagus, sperans DEI adjutorium sibi affuturum, quàm sibi confidens in eodem loco è naufragio emergenti fœminæ cohabitare, sciens non esse tutum serpenti, vel paleam igni sociari. Unde (ut legitur in Vitis Patrum lib. 3.) dicente quodam sene: Ego jam mortuus sum seculo huic: alter senex optimè respondit: Nè confidas in te ipsum, donec egrediaris de corpore hoc. Nam etsi tu dicas: Mortuus sum, diabolus tamen necdum est mortuus, cujus innumerabilia sunt præstigia.

His incitatus animus omnem de suis viribus deponens confidentiam, eam totam in solo DEO reponat. Cujus licet magnis auxiliis munitus, nunquam sese periculis committet, nisi iusta necessitas, vel quæpiam legitima causa, obedientia, aut charitas, cum sale discretionis id persuaferit.

1.2. tract. 1. c. 1.

sect. 4. subf. 2.

§. 2. & 3.

Psal. 145.

Esaias. 30.

Jerem. 17.

Vide infra similia de præsumptione.

Item Adhibe hic proportionatè supradata.

2. do. Sunt qui confidunt in hominibus. Contra quos hæc

accipe: Psal. Nolite confidere in principibus: in filiis hominum, in quibus non est salus. Esaias. Væ filii desertores! dicit Dominus, ut faceretis consilium & non ex me: & ordiremini telam, & non per Spiritum meum, ut adderetis peccatum super peccatum: qui ambulatis ut descendatis in Ægyptum, & os meum non interrogastis, sperantes auxilium in fortitudine Pharaonis, & habentes fiduciam in umbra Ægypti, & erit vobis fortitudo Pharaonis in confusionem, & fiducia umbra Ægypti in ignominiam. Jeremias: Maledictus homo, qui confidit in homine, & ponit carnem brachium suum, & à Domino recedit cor ejus. Erit enim quasi myricæ in deserto, & non videbit quum venerit bonum, sed habitabit in siccitate, in deserto, in terra saluginis, & inhabitabili.) Hinc Asa Rex Juda arguitur à Propheta dicente: Quia habuisti fidu-

ciam in Rege Syria, & non in Domino DEO tuo: idcirco evasit Syria Regis exercitus de manu tua. Et mox: Stultè igitur egisti: & propter hoc ex presenti tempore adversum te bella consurgent. Et paulò infra: Egrotavit etiam Asa, &c. & nec infirmitate suâ quæsit Dominum, sed magis in medicorum arte confusus est. Dormivit què cum patribus suis, & mortuus est.

2. Paralip. 16.

3tio. Sunt, qui spem suam collocant in diabolicis præstigiis, & superstitionibus: Aliqui *explicitè*, quales sunt magi, & maleficæ, qui dementati à sathana in sua spe eluduntur, vel non potiendo cupitis bonis, qualis fuit Julianus Apostata Imperator, dum cens exercitum alium hominum, alium dæmonum, spe tamen frustratus victoriæ, miserè interiit; Vel si potiantur, ea bona sunt plerumquè apparentia, prout sagas diabolus tractat sterquilinio, licèt eis videantur delicati cibi, ornat contonibus, qui apparent eis purpura, & aurea materia, &c. Vel si bona illa sunt vera, multis tamen permiscet malis, nec diu sinit frui. Porro aliqui confidunt in dæmonis ope, sed *implicitè*, dum scilicet non respicientes expressè diabolicum concursum, aliquid tale dicunt, vel faciunt, ad effectum quempiam producendum, inter quem effectum, & illud dictum, vel factum nulla est prorsus naturalis connexio, tanquam inter causam & effectum. Harum observantiarum variarum & superstitionum infinitus est numerus, maxime inter simplices, quos instigat sathan ad ejusmodi vanitates, ut si quidpiam successerit, prout quandoquè contingit, avocet à vera fiducia, & recursum ad DEUM, ad ponendam spem in præfatis fallaciis creaturarum; & si possibile, ut procedant ad pactum explicitum secum, & spem in auxilio dæmonis reponendam.

Hystor. Eccles.

CAPUT III DE CHARITATE.

A Gemus hoc Capite de Charitate, ejusquè Actibus seu effectibus, ac Dono Sapientiæ charitati correspondente, tum de horum Oppositis. Nunc cum primis videndum est, ordinatam debere esse Charitatem, nempe quod post DEUM alia præ aliis prius

Luc. 10.

prius & posterius sint diligenda, innuunt illa Cantico. 2. verba: *Introduxit me Rex in cellam vinariam, ordinavit in me charitatem.* Itaque post DEUM, Christum, Deiparam, tum nosmetipsos, deinde proximos nostros diligere debemus. Quod concernit Christum Dominum: certum est eum magis esse diligendum quam nos ipsos; quia etsi secundum hominem sit Proximus noster nempe secundum naturam humanam nobiscum in specie communem; Unde & ipse figurari voluit in illo pio Samaritano, qui homini in Jericho descendenti & à latronibus semivivo relicto præstitit misericordiam & medelam, ex quo ille Samaritanus verus Proximus iudicatus est: Attamen Christus quæ est Homo Personalitate Divinâ subsistens non est proximus noster, quia infinitæ alterius est essentiæ & excellentiæ Personalitas DEI à personalitate creaturæ. Hinc sicut modus Charitatis respectu proximi fit secundum modum & regulam diligendi seipsum: ita DEUM Hominem debet purus homo diligere plusquam seipsum; adeo ut sit ipsi eligibile, potius non existere in rerum natura quoad naturalia & supernaturalia bona, quam DEUM Hominem non existere, ex suppositione quod DEUS voluerit in se humanam naturam suscipere ad redimendum genus humanum: quippe ex existentia DEI Hominis infinites major Gloria in Deum redundat, quam ex existentia tui, tum publicum bonum totius Universi: jam verò præferenda est Gloria DEI, & publicum bonum totius Universi privato; maximè cum ex suppositione decreti salvandi hominem mediâ Incarnatione DEI, hæc non factâ minimè esset capax donorum supernaturalium, sine quibus bonum erat homini peccatori si natus non fuisset in mundum, utpote æternâ morte plectendus. Propter eandem ultimam proportionatè rationem DEI para quoque plus diligenda est quam nos ipsi; malleque se ipsum non esse quam ipsa non esset; quia sine illa DEUS Homo factus non fuisset, estque ipsa Mater quasi idem cum Filio. Carolus S. Brigittæ filius in Virginem Matrem exprimebat ejusmodi ardentissimum amoris affectum dum ad eam diceret: *In tantum ego gaudeo, quod DEUS Virginem MARIAM Matrem suam habet super omnia charissimam, quod nulla creatura, vel corporalis delectatio est in mundo, quam ego in permatationem illius gaudii recipere.*

S. Brigitta lib.
7. revelat. c. 13.

reciperem, imò illud gaudium omnibus terrenis delectationibus præferrem; & si possibile esset, quòd ipsa in uno puncto minimo, à dignitate in qua est, à DEO remotior fieri posset; ego magis mihi permutationem eligerem in profundo inferni æternaliter cruciari: & idcirco sit ipsi DEO pro benedicta gratia illa, ac immensa gloria, quam dedit sue Matri dignissimæ, infinita gratiarum actio, & gloria sempiterna. Qualibus affectibus beatam æternitatem adeptus est optimus hic & Brigittâ Matre dignus Filius. Et Alphonsius Rodrig. è Societate JESU præ amo- *Euseb. Niremb* re DEIPARÆ in ejusmodi erupit voces: O Domina ego te impensus de amore B. V. quàm me ipsum amo. Item: Angelus in sermone quem dictavit C. 14. Beatæ Brigittæ hæc asseruit dicens: Intuebantur quoq; (ab origine Beata Brigitta mundi Angeli) in illo Benedicto scilicet in DEO creatore suo sedem c. 4. quandam reverendam; ipsi DEO ita propinquam quod impossibile videbatur aliquam aliam sibi sedem fieri propinquiorem, & hoc tamen increatum (id est nondum creatum) esse noverunt, cui ab æterno sedes illa extitit præparata; ex intuitu etiam charitatis DEI omnes & sine dubio in uno puncto, ita Divina charitas inflammabat, quòd quilibet alium, sicut seipsum diligebat, veruntamen DEUM maxime & super omnia, atque illud increatum (nondum creatum) plus seipsis amabant, quod in sede propinquiori erat collocandum; videbant enim DEUM illud increatum summè diligere, & de illo permaximè gratulari; Videbant etiam super sedem illam coronam quandam tantæ pulchritudinis, tantæque dignitatis, quòd nullius majestas nisi solius DEI ipsam debebat excellere. Jure igitur merito spectat ad ordinem charitatis post DEUM diligere, Christum Dominum, tum Beatam Virginem, deinde nos ipsos, ac proximos nostros.

Quòd verò prior suipsum requiritur dilectio, deinde proximi, inde est; quia regula dilectionis proximi est dilectio nosmetipsum, cum dicatur: Diliges proximum tuum sicut te ipsum *Matth. 22.* Porro dilectio salutis suæ animæ debet anteponi, sicut dilectio sui corporis debet postponi dilectioni animæ proximi. Id patet ex illis verbis. Et nos debemus pro fratribus (id est pro salute animæ fratrum nostrorum) animas (id est animalem vitam corporis) ponere. Similiter prius debet seipsum diligere secundum bona corporalia, tum proximum secundum eadem. Item primò seipsum secundum bona externa, tum proximum secundum eadem.

Cæterum bona spiritualia proximi debes præferre tuis externis. Deinde inter proximos, meliores sunt primò diligendi eo amore qui vocatur complacentiæ de possessione bonorum alterius: itemque honor eis, & cultus, & reverentia exhibenda. Et itaque magis diligendus est vir sanctus, quàm parens improbus. Ratio: quia magis est conjunctus cum DEO, qui est principale objectum charitatis: Item parentes magis quàm filii, vel uxor; magisque benefactores, quàm alii quibus benefecimus, amandi. Appreniatiuà verò dilectione, & ea quæ vocatur benevolentia, quâ alicui cupimus bonum nondum possessum cum beneficentia, Coniunctiores nobis magis sunt diligendi. Et quidem ex bonis spectantibus ad naturæ & vitæ corporalis conservationem & tutelam, succurrendum est primò uxori, quia una caro est cum viro, secundò filiis, tertio Parentibus, & quidem patri præ matre, quartò fratribus, sororibus, tum propinquis, domesticis, & familiaribus. In extrema verò necessitate anteponendi sunt parentes (ut potè qui dederunt vitam) uxori, & filiis. Ad quod hortatur

L. Timotheo. 2.

Apostolus: *Siquis suorum maxime domesticorum curam non habet, fidem negavit, & est infideli deterior.* Porro in rebus concernentibus civilem communicationem, anteponendi sunt concives, in bellicis commilitones, in spiritualibus spirituales filii, patres, fratres. Secundum tamen Bannes probabilem sententiam, parentes carnales in spiritualibus quoque præferendi aliis omnibus: Quia conjunctio carnalis est fundamentum aliarum conjunctionum. Denique magis diligendum est commune ac publicum bonum, quàm privatum, adeoque præferenda est communis salus, vita, substantia, propriæ vitæ & substantiæ. Exceptâ tamen æternâ salute, cujus detrimentum nec propter totius mundi salutem præferendum.

SECTIO I.

De Charitate DEI.

CHARITAS DEI seu in DEUM, est habitus infusus, quo homo ex toto corde suo, ex tota mente, ex tota anima, & ex omnibus viribus suis diligit DEUM ut summum Bonum, propter infinitam sui bonitatem. Dicitur:

habi-

habitus infusus: ad differentiam acquisiti amoris naturalis in DEUM. Dicitur: *quo homo ex toto corde suo, &c.* quia iste modus est dilectionis Divinæ juxta illud: *Diliges Dominum DEUM tuum ex toto corde tuo; id est*, ut tota nostra intentio in DEUM, tanquam in ultimum finem referatur: & *ex tota mente*; id est, ut noster intellectus, & voluntas DEO subdatur: & *ex tota anima*; videlicet ut omnis noster appetitus dirigatur secundum DEUM: & *ex tota fortitudine, seu virtute, seu viribus*; id est, ut omnis noster exterior actus DEO subjiciatur: Dicitur: *DEUS ut Summum in se Bonum*; ubi cum Bonitate sumitur etiam (ut ita humano modo concipiendi loquar) quasi in concreto simul ipsa Entitas DEI, & habet hoc concretum rationem materialis objecti. Dicitur: *Propter infinitam sui bonitatem*; quæ habet rationem formalis motivi propter quod diligitur DEUS. Hæc autem Bonitas DEI sumitur pro aggregato quodam omnium bonitarum, seu perfectionum, & attributorum DEI, propter quorum unum expressè, alia verò in confusio accepta: Vel etiam unum attributum, v. g. Omnipotentia Divinæ, vel Charitatis, vel Sapientia, & sub ratione infinitæ cujusdam Bonitatis conceptum, idquæ in certo aliquo genere Omnipotentia, vel Sapientia, vel Charitatis summè manifestatæ, v. g. in Incarnatione Filii DEI, vel exhibitæ in dono quo Summum Bonum DEUS se ipsum dedit homini pro sua beatitudine, sufficit ad movendum & eliciendum actum veræ charitatis. Quia sufficienter motivum actûs, dat speciem actûs, atqui quodcunq; DEI attributum etiam unum sub ratione bonitatis infinitæ, vel etiam supra similem creaturæ bonitatem limitatam appretiati- vè summæ in aliquo opere DEI ad extra manifestativæ objectum & consideratum sufficienter movet ad amorem DEI super omnia; Ergo quodcunq; attributum DEI taliter propositum dat actui speciem charitatis; Hinc autem pro praxi notanter & diligentis- sime adverte plurimos decipi, & forsan ob ignorantiam non pau- cos perire in periculo mortis, dum abest Sacerdos, qui existentes in peccato, & elicientes actum amoris, DEI ut ipsis summè boni vel benefici, putant se elicere actum charitatis, cum eliciant actum amoris concupiscentiæ seu spei, qui non sufficit ad salutem extra Sacramentum, sed solus amor ex actûs charitatis motivo nimirum

Deutor. 6.

Matth. 22.

summæ DEI Bonitatis in se spectatæ, vel contritio ex tali amore procedens.

Hic Amor vocatur *Amicitie*, ad distinctionem Amoris Spei seu *Concupiscentie*, quo diligitur DEUS non quia bonus in se est; sed quia bonus homini per beneficia Creationis, Redemptionis, Sanctificationis, Glorificationis; quæ dilectio per se præcisè non sufficit ad justificationem peccatoris; quia est actus Ipei non charitatis, in quo multi decipiuntur. Quare ut in hoc quoque passu formetur proprium motivum charitatis ulterius progrediendum est, & in hoc ipso quòd DEUS per tanta beneficia summè bonus homini est, ipsius infinita bonitas in se ipsa (ex qua profluunt tantæ bonitates & beneficia) considerata est, atque propter ipsam actus charitatis eliciendus.

Amoris Amicitie alius est *Amor Benevolentie* seu desiderii, quo optamus Honorem, Laudem, Gloriam DEO propter ipsius summam bonitatem. Alius *Amor Complacentie* seu gaudii; qui est fructus Spiritus Sancti, quo delectamur, vel de DEO præsentem nobis, vel de DEI tum intrinseca, tum extrinseca gloria, laude, honore, obsequio, &c. propter ipsius dignissimam bonitatem.

Diadoch. c. 12. " De hoc amore ita *S. Diadochus*. Qui DEUM diligit, gloriam "non propriam, sed DEI quærit. Est enim animæ sentientis, quis "sit DEUS, ac eum amantis proprium, gloriam quidem DEI semper "per quærere, suâ verò submissione delectari, quòd DEUM "quidem propter ejus magnificentiam, & infinitam bonitatem de- "ceat, omnis gloria, hominem verò propter vilitatem ejus & cul-

Tom. 4. in 3. p. disput. 4. sect. 3. "pas submissio atque contemptus. Alius amor est *Obedientialis* (de quo *Svarez*) Hic amor habet adjunctam voluntatem placendi DEO propter se, in omnibus, implendique ejus voluntatem præsertim præcipientem, quam rebus omnibus præfert. Nam ut ait *Christus*: *Qui servat mandata mea, ille est qui diligit me.* Hic amor videtur convenire cum appetiativo. Item Amor amicitie tum est *appetiativus* quando supra omnia amabilia diligitur DEUS tanquam supra omnia omnium amore dignissimus ob suam supra omnium limitatas bonitates superexcessivam infinitamque bonitatem. Tum vero amor amicitie vocatur *intensivus*, quando omni

omni alio amore quo diliguntur cætera, est ferventior & vehementior.

Gradus Amoris appetitativi sunt. 1mus: Dum ita diligitur DEUS, ut ejus amore non æstimeretur aliquod bonum creatum, propter quod vellet peccare mortaliter, dumquæ opera bona præcepti seu necessitatis ex amore peraguntur. *2dus gradus est,* ex amore DEI vitare peccata venialia, & facere opera supererogatoria. *3tius gradus est,* ex amoris incentivo cavere imperfectiones, etiam quæ non habent rationem culpæ, & exercere se in actibus virtutum heroicis. Sed de his, alioque modo consideratis gradibus charitatis vide infra sub praxi, ad quam eosdem gradus practicè ascendendos reduximus.

Incentiva ad instantissimum profectum in perfectione, altissima Charitatis hæc proponuntur. *1mum. Proverb. Uni- Prov. 10. versa delicta operit charitas. Cor. Omnia opera vestra in cha- 1. Cor. 16. ritate fiant. Ephes. In charitate radicati & fundati, ut possit com- Eph. 3. prehendere cum omnibus Sanctis, quæ sit latitudo, & sublimitas, & profundum. Ibidem. In charitate crescimus in illo per omnia. Ibidem. 4. Coloss. Super omnia autem charitatem habere quod est vincu- Coloss. 3. lum perfectionis. Tim. Finis autem præcepti est charitas, de 1. Tim. 1. corde puro, & conscientia bona, & fide non ficta. Rom. Dili- Rom. 5. gentibus DEUM omnia cooperantur in bonum. Apoc. Suadeo Apoc. 3. tibi emere à me aurum ignitum & probatum, ut lucuples fias.*

2dum, D. Gregorius inquit: Nunquã est amor DEI otiosus: ope- S. Gregor. Ho- ratur etenim magna si est si verò operari renuit, amor non est.)) mil. 38. Charitas vera est Philosophia; ita S. Augustinus dicens: Diliges Do- minum DEUM tuum ex toto corde tuo, & ex tota anima tua, & ex S. August. Epist. tota mente tua, & diliges proximum tuum sicut te ipsum. Hic Phy- 3. ad Volus. sica: quoniam omnes omnium naturarum causæ in DEO Crea- tore sunt. Hic Ethica: quoniam vita bona & honesta non aliunde formatur, quàm cum ea quæ diligenda sunt, quemadmodum dili- genda sunt, diliguntur, hoc est DEUS & proximus. Hic est Logi- ca: quoniam veritas, lumenquæ animæ rationalis non nisi DEUS est. S. Augustinus ait: Pondus non ad ima tantum est, sed ad locum Ibidem lib. 13. suum. Ignis enim sursum tendit, deorsum lapis. Et infra: Minus cap. 9. ordinata inquieta sunt, ordinata quiescunt. Pondus meum amor

X 3 *meus,*

meus, eo feror quocunque feror. Dono tuo accendimur & sursum ferimur, inardescimus & imus: ascendimus ascensiones in corde, & cantamus canticum graduum. *S. Bernardus.* Causa diligendi DEUM, DEUS est, modus sine modo diligere. Vide quomodo, & quam sine modo à nobis DEUS amari meruit, qui prior ipse dilexit nos; tantus, & tantum, & gratiss, tantillos, & tales! *S. Augustinus.* Divinarum scripturarum multiplicem abundantiam, latissimamque doctrinam sine ullo errore comprehendit, & sine ullo labore custodit, cujus cor plenum est charitate, dicente Apostolo: Plenitudo Legis est charitas. *Idem.* Ille tenet, & quod patet, & quod latet, in Divinis sermonibus, qui charitatem tenet in moribus.)) Quippe ut Apostolus ait: Charitas patiens est, benigna est, charitas non emulatur, non agit perperam, non inflatur, non est ambitiosa, non querit quæ sua sunt, non irritatur, non cogitat malum, non gaudet super iniquitate, congratuletur autem veritati: omnia suffert, omnia credit, omnia sperat, omnia sustinet. Charitas nunquam excidit. Denique qui diligit proximum, legem implevit. Et Seraphicus Doctor in Compendio Theol. Veritatis ait: Charitas peccatum expellit: unde de Magdalena dicitur, Dimissa sunt ei peccata multa, quoniam dilexit multum. DEum homini jungit: Qui manet in charitate, in DEO manet, &c. Mentem virtutibus ornat: Charitas patiens est, benigna est, &c. Perfectionem adducit: Adhuc excellentiorem viam vobis demonstro. Gloriam tribuit: Si quis diligit me, &c. & sequitur, ad eum veniemus, & mansionem apud eum faciemus. Dilectione DEI dignum facit: Si quis diligit me, diligetur, &c. Charitas in cordibus nostris diffunditur, cum ad proximum dilatur; effunditur per prædicationem, & per opera misericordiarum; infunditur per illuminationem gratiæ; superfunditur per opera perfectionis & supererogationis. Per charitatem venit DEUS ad homines in Incarnatione, & in homines in gratiæ collatione, per ipsam charitatem currunt homines ad DEum bonæ operatione, & perveniunt ad eum in glorificatione. Amoris est vulnerare, quia intima cordis penetrat: Vulnerata charitate ego sum. Languidum facere, & hoc per desiderium essendi cum amato: Nuncietis dilecto meo, quia amore langueo. Inebriare, quia sic tendit in amatum, quod sui ipsius & omnium rerum præter illum

S. Bern. de diligendo DEO

S. August. Tract. de Laud. Char. tom. 9. Rom. 18.

S. Paulus Epist. ad Cor. c. 13.

Idem ad Rom. 13.

S. Bonav. c. 25. lib. 5. de Grat. Sanctif.

Luc. 7.

1. Joan. 4.

2. Cor. 13.

1. Cor. 12.

Joan. 14.

Cant. 2.

Cant. 5.

illum obliviscitur. Comedite amici mei & bibite, & inebriamini charissimi. Liquefacere; quia cor in Divina dulcedine sic resol- *Cant. 5.*
virar, quod appetens eum appetibili mirabili amicitia unitur:
Anima mea liquetacta est, ut dilectus locutus est. Amor habet *Cant. 5.*
vim diffusivam in bona operatione, unitivam in proximi dile-
ctione, transformativam in justificatione. Item aliter hoc osten-
ditur quod habet vim diffusivam ut patet in Creatione, unitivam
ut patet in Christi Incarnatione, transformativam ut patet in Glo-
rificatione.)) Quod vero labores in observantia Divinae Legis *D. August. lib.*
amor faciliat, audi *S. Augustinum*: Nullo modo, inquit, sunt *de S. Viduitate.*
onerosi labores amantium, sed delectant: Nam in eo quod *c. 26.*
amatur, aut non laboratur, aut & labor amatur.

3^{ium}. Ab Exemplo ipsius DEI Unius & Trini. Est enim amor
quo seipsum DEUS diligit, alter absolutus, relativus alter. *Ab-*
solutus quo suam Divinam naturam propter ipsius summam bo-
nitatem in ratione appretiationis, quam intensiōis infinitē di-
ligit DEUS quippe *charitas est. Relativus* amor est, quo Pater
Filium, & Filius Patrem diligit infinitā appretiatione & intensio-
ne; & hic Amor est ipse Spiritus Sanctus Tertia Persona Sanctis-
simæ Trinitatis.

4^{um}. Ab Exemplo Christi, qui ex amore appretiativo &
obedientiali sui Patris æterni, mandata ejus exactissimè servavit,
factus obediens usque ad mortem, mortem autem crucis, qui fuit summus *Philip. 2.*
amor appretiativus, isque intensissimus. Ait ipse Dominus: si *Joan. 15.*
præcepta mea servaveritis, manebitis in dilectione mea, sicut & ego Patris
mei præcepta servavi, & maneo in ejus dilectione. Et iturus ad Pas-
sionem sermone post cenam peracto dixit: *Ut cognoscat mundus, Joan. 14.*
quia diligo Patrem, & sicut mandatum dedit mihi pater, sic facio: surgite
eamus hinc; Scilicet ad locum ubi à Juda proditore manibus inimi-
corum meorum tradar. Porro amorem benevolentia exercuit
Christus illis verbis nocte suæ passionis ad Patrem prolatis. *Pa-*
ter venit hora (nempe passionis & mortis) clarifica Filium tuum, ut Joan. 17.
(per hanc mei in mundo notitiam & gloriam) Filius tuus clarificet
te, quatenus cognoscaris ab omnibus & lauderis, quod sis infinitē
potens, sapiens, bonus, &c. Ex magnitudine quoque amoris in
Beatissima Virgine conjectura est, quod tantò major in Christo
amor fuit, quantò is magis unitus DEO,

5^{um}.

§tum. Beatissima Virgo MARIA Idea Amoris Divini, de qua hæc à R. P. Casparo Tausch, Soc. J. nonnullis omisiss accipe.

Caspar Tausch.
de Matre dolo-
rosa L. I. cap. 4.

I. Amorem hunc in DEUM in Virginis corde & anima exarsisse, in primo statim creationis ejus & conceptionis instanti, in quo à peccato originali præservata, tantam gratiam, ex communiore Theologorum sententia, à DEO sibi infusam accepit, quantam nullus vel purorum hominum, vel Angelorum, etiam supremus habuit, aut habet. Hæc enim decuit eam, quæ jam tum in Spiritu S. præparabatur, ut dignum filii DEI habitaculum effici mereretur. *Fundamenta ejus* inquit *Regius Vares, in montibus Sanctis*, ubi scilicet alii Sancti suam sanctitatem ad cacumen perducunt & absolvunt, supra illos montes, super illud cacumen illa suæ sanctitatis fundamentum jact, eamque inchoat. Unde vocatur ab Isaia ex S. S. Patrum sensu *Mons Domini præparatus super verticem montium*. Simul autem cum infusione tantæ gratiæ eodem momento, in DEUM amore sicut dixi, exarsit, tantoque ardore atque intensione, ut quemvis etiam Sanctissimum Angelum eo quoque superaret, quem Angelum affirmat Suarez uno actu omnia sua merita consummâsse, eoque plus meruisse, quàm mille & mille homines mereantur per totam vitam. Qualis & quantus ergo fuerit in instanti conceptionis actus amoris B. Virginis, qui longè fuit perfectior?

Psal. 86.

Isai. 2.

II. Amor hic in Virgine fuit continuus, & nunquam toto vitæ tempore interruptus, ita ut à primo illo instanti usque ad vitæ finem, nè brevissimo quidem temporis intervallo ab amando ferventissimè DEO unquam cessârit. Ita docuit Vasquez l. pag. d. 118. cap. ultimo, qui per continuam & indeficientem contemplationem, & fervorem charitatis in DEUM, explicat, quomodo in ea extinctus fuerat fomes peccati, ut nullum inordinatum motum sentiret. *Et paulò post*: Ardebat autem DEI parata, & non secundum unam aliquam duntaxat sui partem, sed secundum omnes animæ & corporis facultates & potentias, omnes internos externosque sensus. Quocirca S. Ildephonsus confere illam cum ferro ignito: *MARIAM* inquit, *velut ignis ferrum Spirit. Sanctus totam decoxit, incanduit, & igni vit, ita ut in ea Spiritus Sancti*

P. S. Ildef. Ser-
mon. 1. de As-
sum.

flamma

flamma tantum videatur, nec sentiatur, nisi tantum ignis amoris DEI. Ex hoc amoris ardore prodibant omnes & singulae S.S. Virginis internae externaeque actiones, sicut ex ferro candente scintillae, nihil segnitiei, nihil teporis admittentes. Omnia ex ferventissimo charitatis actu agebat, & in DEI amorem omnia referebat. Et mox. S. Ignatius Societatis JESU fundator, ut est in ejus vita, amore Divino ita inflammari solebat, ut facies ejus ardere videretur, essetque tota instar cocti cancri rubra. Praeterea illud ipse aliquando de se dixit, se vivere non posse, si quid in anima sua humanum, & non ex omni parte Divinum adverteret. Unde & in actionibus omnibus particularibus id semper sincerè spectabat, ut fierent purè propter ipsum DEUM, easque singulas dirigebat ad DEI gloriam. Neque hoc contentus erat, sed cum reflexione quadam animi operam dabat, ut in quam maximam DEI gloriam redundarent. Hinc illa solemnia illi verba, toties in scribendis constitutionibus, & aliàs semper usurpata: *Ad majorem DEI gloriam. Ad Majus DEI & Creatoris nostri obsequium.* Testati hoc sunt ex multorum juratorum testium certa asseveratione, Eminentissimi tum Sacrorum Rituum Cardinales, tum Sacrae Rotae auditores, in Relatione Summo Pontifici data, his gravissimis verbis: Tanto erga DEUM amore flagrabat, ut tota die illum exquireret, & nihil aliud loqueretur, nil aliud cuperet, quam placere DEO, & ipsius obtemperare voluntati. Itaque illi totum se committebat, illum omninò sequi decreverat, etiamsi toto caelo, terraque privaretur. Omnes suas cogitationes, verba, opera, in DEUM tanquam in finem referebat, ad DEUM ac DEI gloriam honoremque destinabat. Quorsum ergo haec commemoro? nimirum ut magis concipiamus, & aliquantò facilius intelligamus, quomodo Beata Virgo amore tota ita arserit, ut ex eo omnes & singulos in particulari affectus, cogitationes, verba, opera, particulariter in DEUM retulerit, cui comparatus quantumvis totus ardens, & igneus Ignatius, imò & quivis alius Sanctus, gelu potius quam ignis dicendus est.

III. Quod de Virginis amore tradunt Theologi, est eum quantumvis, ut dictum est, ab initio ardentissimum & Super-se-raphicum; non tamen in eo statim in quo fuit, constituisse, sed crevisse semper ingentibus incrementis, & in majores assidue

ac majores ardores atque incendia evasisse. Qua in re pia-
ac singularis est sententia P. Suarez eximii cultoris atque amatoris
Beatæ Virginis, cujus ope & beneficio, eam, quam in illo mira-
mur, doctrinæ copiam & præstantiam, est consecutus. Is ut probet
Deiparam plus acquisivisse gratiæ ac gloriæ, quàm sit, aut futura
sit omnium Sanctorum non tantum seorsum sumptorum, sed eti-
am si simul omnium in unum coâcervaretur hominum Beato-
rum & Angelorum gratia & gloria (quam ille assertionē in scho-
las inexit, eumque deinceps multi præsertim ex Societate JESU
secuti sunt) ut inquam hanc assertionem firmet, pro fundamento
ponit, Virginem tantos progressus atque incrementa in
actibus amoris erga DEUM continuo fecisse, uti is actus, qui
primum sequebatur, duplo esset illo intensior, & isto, tertius
quadruplo, & hoc, quartus octuplo, & sic deinceps per totam
vitam (quæ secundum probabiliorē & hodie passim receptam
sententiam fuit 72. annorum) singulos actus ita processisse, ut po-
sterior actus meritorius aut charitatis, anteriorem in dupla pro-
portionē superaret. Ratio ipsius est: quia semper operata fuit
secundum omnem intensiōem charitatis & gratiæ, ita ut verissi-
mè dicere posset: *Gratia DEI in me vacua non fuit.* Ergo si in
primo instanti habuit V. G. gratiam & charitatem ut 1000. eli-
cuit tunc actum charitatis ut 1000., per quem meruit gratiæ &
charitatis augmentum itidem ut 1000. atque ita eo instanti jam hæc
adepta fuit, ut haberet charitatis bis mille gradus. Sequenti igitur
actu charitatis, cum itidem secundum totam intensiōem charitatis
operaretur, acquirit charitatem ut 4000., & ita consequenter, ut
paulò ante dictum est. Quæ suppositio & discursus immentam
& à nobis prorsus incomprehensibilem, non tantum Divinæ
gratiæ copiam adlruit, sed etiam Divini amoris intensiōem.
Sanè Mathematicus quidam hunc inivit computum. Si verum est in-
quit, quod nonnulli asserunt, Augustissimæ Deiparæ gratiam (idem est de
meritoriis aut amoris DEI actibus) proportionalia & dupla per singulos
actus habuisse incrementa: post 64. actus, creverat ea proportionē quam
habent 13446744073709551615. ad unum. Quam ingens hic nume-
rus! Quid igitur si non ab uno actu unius gradus intensiōis ad
64. per proportionalia dupla incrementa procedamus, imò
ne à mille quidem duntaxat gradibus, sed incipiamus à mille
milli-

1. Cor. 15.

millionibus, & vel per unum diem, non dico ad 64 numerum, sed ad milliones numerando progrediamur? Non enim est dubium, quin B. Virgo intra unum diem aliquot actuum Sanctorum milliones circueat, praeterea cum etiam dormiens operaretur ope scientiae & cognitionis infusae, quae non dependet à phantasmatibus, quam cognitionem illi quis neget, cum Contemplativis quilibet tribuat? Et praeterea nullum illi momentum sine pio actu praeiret, & denique nullus prorsus actus illius indehberatus, cum haberet omnium suorum actuum perfectum dominium, & peccati fomite careret? Quod si unus dies tantum intentionis, sive Divinae gratiae, sive actuum amoris augmentum in D. Virgine ponit ut ad id concipiendum mens humana fatigat, quid si augmentum illud ad integram hebdomadam sic per dupla proportionalia additam. Et extendamus? Quid si ad mentem? quid si ad annum? quid verò si ad 49. annu (cum enim agebat cum Christus pateretur) à primo conceptionis instanti, à quo deinceps ratione uti, & sancte operari coepit & perrexit, continuemus? & porro ad 72. annum, quo vitam hanc mortalem cum immortali commutavit, gradatim per singulorum actuum dupla incrementa ascendamus? Qui potest hanc quasi infinitatem quandam capere. capiat: sed vereor, ut possit. Ex hac doctrina deducit ulterius Suarez (adhuc etiam ad laudem & decus Virginis. hillo Patrie ei attributum addam) B. Virginem circa finem vitae, unico actu amoris DEI per unum momentum plus meruisse, quam meruerint omnes sancti & beati homines & Angeli, qui sunt, erunt, fuerunt, omnibus simul sumptis meritoris actibus, omni quo meriti sunt, & merebuntur tempore; eo quod actus ille fuerit intentione & perfectione major, quam omnes sumpti omnium Sanctorum simul sumptorum. Quod illi proclive est dicere, cum probabile etiam existimet, quod etiam si non elucisset D. Virgo toto vitae suae tempore perfectiores & intensiores actus DEO placentes, quam fuerit is quem primo conceptionis instanti elucit (qui ut ex recepta Theologorum sententia supra dixi, fuit perfectior ex se & magis meritorius, quam cujuscunque etiam sublimissimi Sanctissimi Angeli) adhuc tamen circa finem vitae ampliorem & copiosiorum gratiarum cumulum ac thesaurum congregatum per omnes vitae actus haberet, quam

alii Sancti omnes, eò quòd penè innumerabilis sit in tot annis, quibus B. Virgo vixit, actuum multitudo, quos sine intermissione, continenter & semper eliciebat, & quolibet tali actu quemlibet Sanctum merito excedebat.

IV. In vita Beatæ Catharinæ Genuensis à Matthia Tanner Carthusiano in latinum conversa c. 6. affirmat de se hæc Beata, quòd, postquam DEUM amare cœpisset, nunquam amplius defecerit iste amor; imò magis ac magis utque ad finem vitæ in intimo cordis sui creverit. Eadem dicit c. 9. *Amorem, quo dilectum meum amore prosequabar, quotidie in me maiorem animadverti.* Et addit. *Tam ardentem ignem intra me sine igne sustineo, ut quemlibet cuperem eum intelligere posse, ac certa sum, quòd omnia quæ assilarem, igne Divini amoris incenderem & concremarem.* C. verò 36. rogantibus ut aliquid de suo amore referret, respondit: *Desunt verba tam ignito amoris congruentia, quæcunque proferrem, adeò ipsi dissimilia essent, ut eidem injuriam facerem.* Quod vobis narrare possum, hoc est: unica guttula de eo, quæ cor meum plenum est, in infernum delapsa, mutaret illum planè in vitam æternam, totusque ibi foret amor atque unio, ut demones in Angelos, & tormenta in oblectamenta verterentur. Similia, vel his majora de aliis quibusdam Sanctis narrantur. Quæ ego iterum quemadmodum antecederet de S. Ignatio eo sine commemoro, ut per aliquam analogiam, Deiparæ amor in DEUM filium, & continuus in eo progressus, aliquatenus tamen imperfectissimè à nobis concipiatur & cognoscatur.

V. Principium & sensus fidelium piorumque est: omnia quæ ad Sanctitatem & dignitatem spectant, Magnæ DEI Matri attribuenda esse, quæ sine inconvenientia possunt, etiamsi nullum præterea habeamus earum rerum fundamentum, cum illa sit idea Divinæ liberalitatis, & beneficentiæ, & communicationis ad extra, quam DEUS puræ creaturæ contulit. Nullum autem est inconveniens, præbita illi esse continenter efficacia auxilii, gratiæ prævenientis & excitantis, per quæ eliceret actum charitatis non modò æqualem, sed etiam intensiorem habitum: præsertim cum non desint Theologi, qui dicant, augmentum charitatis & gratiæ non fieri, nisi per actus intensiores; quod si verum sit, si non, certè quod Theologi isti requirunt ad augendam

gratiam

gratiam in aliis, hoc Matri DEI sic est concedendum, ut cum per totam vitam assidue sibi auxerit gratiam & charitatem, quod nemo facile negabit, dicatur auxisse semper per actus non modò æquales, ut contendit Suarez, sed etiam ferventiores habitu. Et verò si in aliis hominibus multa sunt, quæ illos impediunt, quominus actum charitatis habitu fervidiorem exercent, ut concupiscentia & partis inferioris rebellio, ac fomes peccati; tentatio item, distractio, gravedo corporis, &c. his omnibus Virgo caruit. Itaque nullam sensit difficultatem in exercendis virtutum actibus, nulloque affectu inordinato non modò inquinabatur, sed nè inquietabatur quidem, aut retardabatur, quo minùs se totam in DEUM, ejusque amorem immergeret.

VI. Ut concludam cum S. Augustino apud D. Bonaventuram c. 14. in Ipec. quòd scilicet B. Virgo non tam amavit, quàm charitatis naturam induit, & ipsa charitas fuit. Sic enim ait: *Quis dubitare potest omnino in charitatis affectionem transisse viscera MARIÆ, in quibus ipsa, quæ DEUS est, charitas novem mensibus corporaliter requievit?* Hæc & plura P. Caspar Taulch.

Stum Incentivum Ab Exemplis Sanctorum, de quorum In vita S. Magdal. de Paz numero ad supra posita unam teneram Virginem S. Magdal. de Paz nam de Paz, planè miraculum amoris addo. Hæc Sancta ex natura fuit staturâ & complexione valde mediocri, præ jejunijs verò & asperitate vitæ debilis, pallida & squalida. Attamen quam primum fuit succensa igne amoris Divini, confestim videbatur tota reviviscere, ac roborari: facies ei fiebat plena & rubicunda, in ò instar solis rutila: Oculi quasi duæ scintillantes auroræ, totoque vultu terena, læta, pulchra instar Angeli. Insuper tanquam ebria amore, currebat velociter de loco in locum, & quidquid occurrebat ad manus, lacerabat, clamabatque per Monasterium dicens; Amor! Amor! Amor! Quandoque dicebat: O DEUS amor! O DEUS amor! O DEUS qui diligis creaturam purissimo amore! Et non perferens flammæ ejusdem amoris dicebat: O Domine mi, non amplius ameris, non amplius amoris! Et usque superabundanter IESU mi amoris, quem habes in creaturam. Non est quidem superabundanter respectu magnificentie tuæ, sed superabundanter respectu adeò vilis & nullius frugi creaturæ. Deinde agnoscens se esse

indignam hoc amore addebat: Cur mihi tribuis adeo magnum amorem, quæ sum tibi indigna & abiecta? Quandoque inclamabat: Ab mihi! vivo in amore moriendo, morior vivendo: quia amor simul est labor & requies, lenitas & asperitas, mors & vita, blanditia & afflictio. Simili modo in aliis sublimibus ecstasibus ejusmodi ardebat desiderio, in cælum convertens oculos, dicebat. O amor! O amor! tribue mihi adeo potentem vocem O Domine mi! quæ, quotiescunque nominavero Te Amorem, à solis ortu usque ad occasum, à meridie usque in aquilonem, denique ab omnibus mundi partibus usque ad inferni abyssos possit penetrare, ut denuo cognoscaris, & honoreris, tanquam verus Amor. In ejusmodi igitur ignitis ecstasibus, & amore flammantibus eloquiis consumebat multos dies, & noctes integras. Insuper contingebat etiam frequenter, quod eadem sancta ferre non valens flammam amoris, mergeret manus in gelidam aquam, eamque bibens in copia, suum pectus perfundendo refrigeraret, dicens quod tot: pene deficeret præ flamma amoris Divini: ubi sæpe vertens oculos vultumque in cælum, cum intento amore iterabat: Non possum amplius ferre adeo magnam flammam,

Præcis Proficiendi in dilectione DEI est *Imo*. Amplius

- „ sese incendere affectibus erga Charitatem: eos accipe ex P.
Franciscus A- „ *Aria*: O Beata Charitas! o amor Divine; qui tanti valoris es,
rias Theaur. „ tam mirabilia facis, tantumque exaltas, magnificas, & honoras
tra. 4. de Coar. „ eos, qui te possident! Tu bonorum operum regula es, ordinans ea
C. 22. „ ad supremum finem, qui DEUS est. Tu Divina forma es, dans
 „ esse, vitam, valorem ac pulchritudinem omnibus virtutibus,
 „ ut DEO gratæ sint, & æternæ vitæ dignæ Tu illa es, quæ
 „ sanas humanam naturam, facitque ut ea res grandes, altissi-
 „ mas, supernaturales, DEique Filii dignas operetur. Tu puris-
 „ simum cæli aurum es, ditans animas gratiæ, & æternæ glo-
 „ riæ bonis. Quare merito de te dictum est: si dederit homo
Cant. 8. „ omnem substantiam domus sue, quidquid habet, & potest habere
 „ pro acquirenda dilectione s. u amore DEI: tantæ dignitatis tanti-
 „ que valoris hoc donum est, & tantum in eo bonum atque uti-
 „ litatem experiretur, ut quidquid ad consequendum illud de-
 „ derit, quasi rem nullius valoris ac pretii, imò nihil esse judica-
 „ rus sit ad tam summum bonum, qualis est amor DEI. Et 8.

Augusti-

Augustinus: Adde charitatem profunt omnia: detrahe charitatem, nihil profuit cætera. Quale bonum est charitas ista? S. Aug. de Verb. Dom. serm. 50.
 fratres? quid pretiosius? quid luminosius? quid firmitus? quid utilius? quid securius? O charitas quàm mihi chara es! quàm mihi per omnia practicanda es? Propono Domine semper quidem, sed maximè hac die, vel septimanâ, vel mense, tot & tot actus N. N. Charitatis exercere. Adjuvame. Succurre pia Mater MARIA. SS. Patroni mei &c.

Vide etiam dicta supra 1. 2.

2do, Continuum & vehementissimum desiderium magis ac magis amandi DEUM, tum indeficiens & ignita ad DEUM oratio pro summo amore suo; Hoc enim donum omnium donorum specialissimum, à quo nil à Patre luminum descendens, petendum & sperandum?

tra. 1. c. 1. sec. 4. subf. 2. § 2.

3tio. Puritas animi. Hic quippe quò à culpis & defectibus est mundior, eò videndi DEI invenitur capaxior, Beati enim mundo corde: quoniam ipsi DEUM videbunt. Visioni autem seu cognitioni DEI clariori respondet ordinariè amor DEI ardentior.

Matth. 5.

4to. Meditationi rerum Divinarum, seu Contemplationi DEI totum se tradere. Accipe doctrinam hoc in puncto Scraphici Doctõris, qui ait: Per meditationes Sanctas Divinarum rerum, D. Bonav. tom. 2. in lib. parnam suavitatem probat, & sentit, quàm suavis sit Dominus: & per Divinam bonum lib. 3. p. 2.

vitæ oritur in eadem anima ingens fames, id est, ardentissimum desiderium possidendi, & perfecte in calo seuendi hoc infinito bono quod amat, & gustat existens in terra. Et per hanc famem ac desiderium magis crescit in amore DEI, eoque tandem pervenit, ut valde ex corde res omnes terræ contemnat, & omnes voluptates, gustusq. sensuales ac terrenos abhorreat. Omnia fastidit, nec invenit gustum, nec consolationem, nisi in DEO, iisque rebus, quæ ipsam ad DEUM ducunt. Ilinc quoque fit, ut libenter poenas & ignominias, quæ ei in hac vita eveniunt, suscipiat, eò quòd de manu Domini, quem illa adeò amat, veniant; easque propter ipsum cum gustu tolerare vult: & interdum eas etiam amat, & letatur in illis. Per hoc in anima magis amor DEI crescit, & per hunc magna quædam ac securâ fiducia in eundem DEUM; cum enim per experientiam discat se tantum favorem à DEO accepisse, ut libenter amore ipsius quodvis dñum & ignominiam

miniam

minia ferat, tantam adjutorii ejusdem DEI spem concipit, ut credat, id nequaquam sibi defuturum, neque se gratiam & amorem ipsius amissurum. Porro modum contemplandi DEUM & Divina &c. vide supra de Contemplatione. Materiam verò contemplationis de DEO &c. habes infra.

5to. Infatigabile exercitium tum actuum ipsius amoris DEI; tum aliarum virtutum; nec non actuum indifferentium ex amore DEI. Unde aureum Card. Bonæ documentum altius & perenniter memoriæ insculpendum, quod sequitur: Hoc indicio cognoscet homo se DEO adherere, & unitum esse, cum omne ipsius studium, omne desiderium, omnis conatus, quidquid sperat, quidquid videt, quidquid loquitur, quidquid intelligit, DEUS est. Et infra: Sicut rusticus omnis doctrinæ & literarum expertus, qui solem quotidie cernit, ejusque luce & calore fruitur, lumen intensius diligit, quàm coecus multâ scientiâ præditus, qui de luce ejusque causis & effectibus plura didicerit ex placitis Philosophorum: ita DEUM magis diligit simplex, & pius homo ex cognitione practica fidei, quàm subtilissimus Theologus ex sola speculatione. Sicut etiam vir doctus & eruditus in regione Septentrionali, in qua nullæ sunt vites, & nemo vinum bibit, de vineæ cultura, deque vini potu, ejusque effectibus & proprietatibus copiosè poterit & acutè discurre: sed quia vinum nunquam gustavit, practicè nesciet, quid sit vinum, quomodo letificet cor hominis, quomodo inebriet: nec eam vini notitiam aliquando assequetur, quàm rusticanus vinitor habet, qui vinum quotidiè bibit. Ita planè contingit, ut aliquis de plebe, qui nec legere quidem novit, altiùs de DEO rebusque Divinis scientiâ experimentalì loquatur, quàm Vir magni nominis, qui totum vitæ suæ tempus in studiis Theologicis consumpsit. Experientia siquidem speculationem, amor scientiam excedit: multoquè faciliùs pervenitur ad DEUM affectu, quàm cognitione. Omnes igitur anime vires affectui potius & orationi, quàm doctrinæ applicare oportet, si ardentissimum DEI amorem citiùs consequi desideramus. Amare potius quàm scientiâ sublimiorem DEI notitiam comparamus: quis amor ipse notitia est, & amando vehementiùs in contemplatione desigimur, per quam clariùs & splendidiùs eum intuemur. Ipsum amando minus laboramus, illi magis obsequimur: nam cognitio, quam de illo consequi possumus, in hoc exilio certis & angustis limitibus conclusa est; amare autem possumus quantum volumus, quantum scilicet ipse dederit, qui sine modo amari desiderat,

Principior. Vi-
tae Christi. p. 2.
c. 46.

Ibidem c. 48.

desiderat, nec ullus amor terminus præfixus est. Plerique tamen stulto errore decepti, malunt semper querendo nunquam DEUM invenire, quam amando possidere.

6to. Omni quidem si possibile tempore amandus DEUS, Herman. Bu-
at potissimum dum adest obligatio, de qua Busenbaum inquit: *Busenbaum Me-
Probabile est, præceptum charitatis DEI obligare. I. Quando dul. Theol. Mo-
homo adeptus est sufficientem cognitionem DEI infinite boni, val. lib. 2. t. 3.
à quo omnia sua bona habet, & cui omnia debet. Ratio est, cap. 1.
quia cum teneatur DEO ex filiali amore totâ vitâ servire, id non
videtur posse fieri, nisi eliciat actum amoris. Ita S. Thom. q. 89.
art. 6. Navar. Valentia, & cæc. comm. (notat autem Con. disp. 24. d. 3.
num. 50. non statim post talem notitiam peccare mortaliter, sed
tantum, si differat notabiliter, V. G. ultra annum) contra Palaum,
qui dicit probabile esse, quod non obliget. Si scrupulus te an-
gat, an præcepto huic satisfeceris, docet Escobar, ex Petro Hurt. 22.
di. 172. s. 1. q. 24. quod si positivè non meministi, te omniſſe,
tenere possis te satisfecisse. Trullen. tamen lib. 1. c. 5. d. 13. n. 9.
monet expedire, ut quis se in confessione aliquando accuset sub
dubio, si fortè præceptum istud aliquando violarit, vel alia præ-
cepta affirmativa, de quibus non certò constat, quando obli-
gent, vel violentur. II. Quando est periculum labendi in odi-
um DEI, nisi actum Charitatis elicias. III. Quando quis tene-
tur conteri V. G. moriturus, aut celebraturus, cui confessarius
deest. Ratio, quia contritio includit actum Charitatis. IV. Si
quis gravem tentationem, præsertim in articulo mortis putet se
aliter vincere non posse. Quibus aliqui addunt articulum mor-
tis absolutè, eò quod tunc securissima via eligenda sit. V. Laym:
l. 2. t. 3. c. 2. Bon. d. 3. q. 4. p. 2. Hur: ad 2. l. D. 174. s. 6. d. 27.*

Interni actus dilectionis DEI, ex Cardinale Bona.

- I. **O**ro te dulcissime DEUS, ut cordis mei principatum geras. Absit à
me, optatissimum bonum meum, ut aliquid amem præter te. *Cardin. Bona
Via comp. ad
DEUM s. 14.*
- II. Ore me incendio decoris tui, speciosissime princeps cordis mei:
Sacrifico tibi omnia viscera mea, & præcordia mea
- III. Vive potentissime Imperator cordis mei, & dominare sicut de-
bet te. O quàm mihi placet, ut regnes in æternum & ultra.

IV. Utinam tot millia cordium, quot tibi placuerunt, vel placere possunt, ipse possiderem, ut te perfectissime amarem.

V. Utinam subdere tibi possem, amabilissime Domine, omnia colla filiorum Adæ, ut te solum requirerent, & amarent.

VI. O vnice amor meus, & serena lux oculorum meorum, omnia mihi sordescant, & vilescant præter te.

VII. O quantum gaudeo, quod DEUS sis, summè bonus, & perfectus, immensus, infinitus, iustissimus, sapientissimus, omnipotens, & incomprehensibilis! Amo te purè propter te ipsum, & gaudeo de bonis tuis, ob hanc solam causam, quia bona tua sunt.

VIII. Ad te summum toto cordis affectu feror, in immensa bonitate tua exulto: gaudeo, quod omnes Angeli & Sancti, adorent & laudent te.

IX. Utinam possem amare te, quantum amabilis es! sed quia hoc excedit vires omnium creaturarum, utinam saltem amem te, quantum possum, quantum debeo.

X. Reple, DEUS meus, animam meam amore tuo, ut amore totus ardeam, & amore moriar.

XI. Quàm poenitet me, quod alia extra te dilexi. Utinam possem transactos annos revocare, & amoris tui affectibus replere!

XII. O dulcissima vita animæ meæ, utinam deficiat in te cor meum. Quid enim mihi est in cælo, & à te quid volui super terram?

XIII. Unam petii à te, Domine, hanc requiram, ut inhabitem in domo tua omnibus diebus vitæ meæ.

XIV. Utinam ultimus halitus, quo animam efflabo, halitus amoris sit, moriar amore tuo, DEUS meus, & quia vitam ab amore non inchoavi, da mihi vitam amando finire. Ultimus vitæ affectus sit amare.

Subnecto hic aliam classem Actuum Charitatis, qui simul repræsentant Gradus ejusdem Virtutis. Excerpti illos è Summario Asceticæ & Mysticæ Theol. Dobroslavici, & ipse ex Septenario itinere eternitatis. Seraphici Doctoris, itin. 4. dist. 5. Sunt autem hi gradus in trinam Classem distincti: 1^a Amoris gratuiti: 2^a Amoris violenti: 3^a Amoris Seraphici. Quos per modum quorundam pactorum animæ cum DEO, in praxim reducendos pro suo posse à quoquam, propono.

ACTUS

ACTVS GRADVALES AMORIS GRATUITI, SEU CHARITATIS.

Primus gradus est, Amor incomparabilis.

Quis mihi tribuat, ut diligam te Amore incomparabili?

HÆc verba, quotiescunque ò JESU mi suspirando corde ac ore dixerò, moxque substitero, toties intendo & affectuosissime cupio te diligere super omnia: imò quoque hoc ipso re vera magis te diligo quoad comparationem & appretiationem, quàm me ipsum, ac omnem creaturam, quocunque modo ad me spectantem ac pertinentem. Amen.

Notandum est, quòd præsens amor DEI, est amor necessitatis, seu de necessitate salutis: unde quoque infirmus est, tantquam communis omnibus electis: natura autem istius amoris est, tum omne peccatum mortale ab anima expellere: tum voluntatem in observantia legis præcepti stabilire ac firmare: tum amorem bonorum temporalium moderari, ac practicà Divinorum æstimatione superare.

Secundus Gradus est, Amor Incontaminabilis.

Quis mihi tribuat, ut diligam te amore incontaminabili?

HÆc verba quotiescunque dixerò, toties ò JESU mi, cum tota efficacia cordis mei diligere te cupio ac intendo amore incontaminato ac incoinquinato dilectione mundanorum: semperquè tecum expedito, immaculato & puro corde, jugiter conversari ac permanere desidero, Amen.

Notandum est, quòd præsens amor DEI, est Amor supererogationis, ac proprius incipientium vitam Spiritualem, cujus sunt tria officia: quorum primum est, contemnere nimirum & abnegare mundum, seu ejus honores, possessiones, & voluptates (per studium & cultum religiosæ obedientiæ, paupertatis, & castitatis) quæ aliàs in priori gradu infra DEUM non illicitè diligebantur. Minus enim DEUM amat (juxta D. Augustinum.) qui cum DEO

Za . . . aliquid

aliquid amat, quod propter DEUM non amat. Et secundum S. Gregorium. Tantò quis ab amore DEI disjungitur, quantò inferius delectatur: & citius ad DEUM (*conversione practica & anagogica*) convertitur, qui non habet in hoc seculo, unde delectetur. Et secundum D. Anselmum: Creatura rationalis nihil habet diligere, nisi DEUM, aut propter solum DEUM. Alterum officium est, custodire ac defendere amantem à quovis veniali peccato, ex deliberatione videlicet & industria veniente, quo aliàs motus Charitatis impeditur, & affectus refrigeratur ac maculatur. Tertium est, præservare amantem ab omni passionum perturbatione, & conservare illum cum amato in quiete solitudinis.

Tertius Gradus est, Amor Infatigabilis,

Quis mihi tribuat, ut diligam te Amore infatigabili?

O Domine, quotiescunque dixerò verba hæc, ex profundo cordis mei; toties integrà affectione meà, cupio ac desidero diligere te amore nulli unquam labori cedente, quem requirit vita spiritualis profectus; ac sub nulla difficultate deficiente, sine qua non venit ad veram virtutem. Amen.

Notandum est, quòd præsens amor DEI proprius est proficientium in vita spirituali, cujus quinque sunt officia. Primum est, efficere in anima desiderium, optimè proficendi in virtutibus, & feliciter perveniendi ad perfectionem. Secundum, roborare animam, ut nullà unquam frequentia tentationum, laborum, ac difficultatum asceticarum, fatigetur, & assiduitate ac multitudine spiritualium exercitiorum, proposita ejus, conatus, & intentiones frangantur. Unde S. Gregorius de istius amoris natura sic ait, dicens: Amor DEI operatur magna, ubi est: si verò operari renuit, aut non operatur, amor non est. Tertium, jucundos animæ asceticos reddere labores. Unde S. Augustinus. Nullo modo onerosi sunt labores amantium, sed ipsi delectant, sicut venantium, piscantium, aucupantium, & cæterorum talium: in eo enim quod amatur, aut non laboratur, aut labor

amat

amatur. *Quartum*, perpetuò instigare animam ad quarendum amatum, donec inveniat per plenam & perfectam amationem, & practicam cognitionem. Unde Orig. super illud Cant. 3. In lectulo meo quæsi, &c. sic ait. Quærendus es Domine cum frequentia laboris: nunc in lectulo, lumine Veritatis: nunc per noctes, fervore Charitatis, abjecta superstitione naturalis rationis. Solus amor te invenit: quia qui te amat, te habet ut amet, amat ut habeat, & ne in æternum perdat. *Quintum* est, separare ab amante, omne amato dissimile; nam dicit Scriptura Eccl. 13. Homo simili sui sociabitur.

Quartus Gradus est, Amor Inseparabilis.

Quis mihi tribuat, ut diligam te amore inseparabili?

HÆc verba, quotiescunque ô JESU mi, ex intimo cordis mei dixero, toties affectuosissimè concupisco semper te diligere, illo scilicet amore, qui me nullo unquam negotio (juxta modum huic temporis donatum) tum naturæ, tum vitæ activæ, à te jam invento, & comprehenso, à tui jucunda contemplatione, separari & alienari permittat. Amen.

Notandum est, quòd præsens amor DEI proprius esse dicitur contemplativorum, qui tantæ virtutis est, ut continuis stimulis agitet contemplatoris mentem, ad contemplandum dilectum, comprehendendum, & tenendum. Unde s Bern. in illud Cant. 3. Inveni quem diligit anima mea, &c. sic ait: Quis te non teneat Domine JESU, qui tenentem te spe fortificas, perfectione decoras, perseverantiâ conducis? Ego autem non dimittam te, quia non benedicis nisi tenentem te.

Quintus Gradus est, Amor Insuperabilis.

Quis mihi tribuat, ut diligam te Amore insuperabili?

HÆc verba ô JESU mi, quotiescunque ex profundo Cordis mei suspirando dixero: toties ardentissimè desidero te diligere, illo scilicet

amore, qui nullis unquam frangatur hujus mundi prosperitatibus, & nullis superetur presentis seculi adversitatibus. Amen.

Notandum est, quod præsens amor proprius est Christi Martyrum, & quorumvis ejus sectatorum, sub quacunque prosperitatis & adversitatis persecutione non succumbentium: quorum alii in refrigerio jam vitæ æternæ illud decantare perhibentur, quod est psalm. 45. Transivimus (non succumbentes) per ignem (adversitatum) & aquam (prosperitatum) & eduxisti nos in refrigerium. Et alii hic adhuc peregrinantes ac militantes, cum Apostolo ajunt: Rom. 8. Quis nos separabit à Charitate Christi? tribulatio? an angustia? an fames? an nuditas? an periculum? an persecutio? an gladius? (sicut scriptum est: Quia propter te mortificamur totâ die, æstimati sumus sicut oves occisionis) sed in his omnibus superamus propter eum, qui dilexit nos.)) De natura ac Virtute amoris hujus sic ait D. August. Nihil tam durum atque ferreum, quod non igne amoris vincatur.

*Sextus Gradus Amoris Gratuiti seu Charitatis est,
Amor Insatiabilis.*

Quis mihi tribuat, ut diligam te amore insatiabili?

Quotiescunque Domine mi, hæc verba ex intimo cordis mei suspirando dixerò, toties cordis mei efficaciam diligere te exopto, amore nimium illo, quo semper major in anima mea sitis seu cupiditas accendatur, magis ac magis perpetuo affectu & effectu te amandi ac diligendi, Amen.

Notandum est, præsentem amorem tantæ esse virtutis, ac tantæ desiderii: ut nihil ei sufficiat, præter unum solum quod sitienter amat: quodque dum sitit, bibit; bibendo autem sitim non extinguit, sed quò amplius bibit, eò amplius sitit: quia avidi & insatiabilis amoris ac desiderii sitis vel eturies non sedatur, sed irritatur, juxta illud Eccl. 24. Qui edunt me adhuc esuriant; & qui bibunt me, adhuc sitient. Et juxta D. Bernardum. Qui te gultant, esuriunt; qui bibunt adhuc sitiunt. Desiderare nesciunt, nisi JESUM quem diligunt.

Amor

Amor huius loci proprius est contemplativorum, activorum, zelosorum, & passivorum DEI: Contemplativorum quidem proprius est, qui scilicet, quò magis diligunt DEUM, eò magis eum contemplantur: & quò magis contemplantur, eò magis diligunt: & quò magis diligunt, eò minus putant se eum diligere: ac proinde semper maiore illius amore concupiscunt inardescere, magisque magis in eo jugiter sitiunt crescere ac proficere, ita ut huius profectus modum ac finem non habeant. Activorum autem, qui scilicet vehementi amore Christi inflammati, quò plura virtuosa ac bona opera faciunt, eò minus putant ac judicant se aliquid boni fecisse: ac proinde semper de novo bona agere incipiunt. Zelozorum quoque præsens amor proprius est, qui nimirum Zelo Christi, ac desiderio Apostolico succensi, omnes ad amandum DEUM trahere contendunt (juxta illud S. August. Si amatis DEUM, rapite omnes ad amorem DEI) & quò plures doctrinâ suâ, oratione, & exemplo ad DEUM convertunt, eò magis conversionem & salutem animarum quærunt ac sitiunt. Passivorum DEI tandem, qui scilicet, quantò plures pro DEO, ac ejus veritate & justitia patiuntur adversitates, tantò magis ob eandem causam pluribus malis affici desiderant: dumque sic afficiuntur, habent se, ac si nihil adhuc adversi sustinuisent: quique, ita ad Christum vehementi æstuant desiderio, ut ad eum per quævis dira tormenta venire cupiant, juxta illud Philip. I. Desiderium habeo dissolvi, & esse cum Christo.

ACTUS GRADUALES AMORIS VIOLENTI.

Primus gradus est, Amor vulnerans.

Quando Amore Amoris tui vulnerabor?

HÆc verba quotiescunque ex intimo cordis mei suspirando dixerò, toties ò DEUS meus intendo, & affectuosissime cupio, sic jaculo amoris tui vulnerari, ut secundum totam animam meam ab omnibus inferioribus abstractus, & ad te solum concitatus ac permotus, nihil omnino tecum transitorii desiderare ac diligere queam, Amen.

Notandum est primò, quòd Amor violentus, tunc vulnerare dicitur amantes, quando illo commovet ac impellit ad amandum

dum ipsa sua non nisi amata. Hoc telo amoris & devotionis sponsa, vulneratum se sponsus fatetur, dicens *Cant. 4.* Vulnerasti cor meum soror mea sponsa; id est, o anima devota, sic amore tuo concitasti, promovisti, induxisti ac inflammasti spiritum meum, ut omnino te reamare cogat, ac unum te tecum in hoc meo amore efficere necesse habeam. Eodem amoris telo sponsa se vulneratam esse confitetur, dicens *Cant. 2. juxta 70. Interpretes.* Vulnerata Charitate ego sum, id est cor meum totum sic ad amorem, tui excessivum dilecte mi, in contemplatione scilicet tuarum perfectionum, in me sentio esse permotum, irritatum, & inflammatum, ac præ magno tui desiderio apertum, & dilatatum, ut verè ac propriè realiterque tantà violentiâ vulneratum & minutatum incisum sit. Unde *Harpius Henricus in Mystica Theol.* Cor eò quòd tam latè apertum est, læditur, & vulneratur: quamvis autem læsionem hujusmodi patitur, tamen tristitiam non habet, quia amoris vulneratio, est dulcissima passio, & levisima poena. Nec hoc mirum est, cùm scriptum inveniatur, nonnullos propter tantam cordis apertionem mortem incurrissè; & istud accidit ex gaudio, voluptate, vel amore, prout legitur, quòd Brugis devota quædam fœmina moriebatur in sermone sacro præ magnitudine amoris. Similiter legimus de quodam milite, qui moriebatur in loco, de quo Dominus noster cælos ascendit. Ista læsio est etiam signum futuræ sanitatis spiritualis, atque Divinæ Visitationis: quia Christus splendidus sol justitiæ infudit secundò & tertio, imò multis vicibus hujusmodi vulnerato cordi radios Divinæ claritatis, dulcedinis, & Charitatis, excitando multoties animam ad amplexum suæ unionis: sicque cordis vulnus renovat, & aggravat; Verumtamen eo tempore vulnus hoc unctum est superabundantissimis deliciis, quas cor ipsum recipit. Hæc ille.

Notandum secundò, quòd sicut homo mundanus, aliquando læsus à suo adversario, sive in bonis fortunæ, sive in bonis corporis, sive in bonis famæ, intantum telo iracundiæ ac odii vulneratur ac permovetur contra se lædentem, ut durante illius vulneris dolore, nihil aliud nisi de suo inimico audiat, cogitet, & loquatur. Et è contra sicut idem homo carnalis ac mundanus, telo amoris amati sui vulneratus seu concitatus, nihil aliud nisi bonum de

amato

amato suo audit, cogitat, & loquitur, cum illo præsente delectabiliter conversatur. Ita anima accepto vulnere celestis amoris, perpetuè agitur odio contra peccatum, & nulla amplius auditione, cogitatione, & colloquutione recreatur & consolatur, nisi illa fuerit de sui dilecti gloria, potentia, sapientia, bonitate, pulchritudine, & similibus, ad cuius præsentiā semper suspirat, semper anhelat, semper rapi desiderat: est enim hoc vulnus tam intimum, ut illud anima dissimulare non possit. Item: sicut recenter vulneratus in corpore, clamoribus atque suspiriis aërem replet, alia incommoda minime sentiens. Ita amore in anima vulneratus, aded ab amore contangyincorum & amicorum, ac omnium rerum, temporalium averitur, ut eorum incommodis & adversitatibus, quas antea proprias reputavit, præ vehementia amoris Divini, quasi ad se non pertinerent, minime immutetur.

Secundus gradus est, Amor ligans:

Quando amore amoris tui ligabor?

Hæc verba quotiescunq; suspirando dixerō: toties o DEUS meus ardentissimè desidero, sic vinculo Charitatis tue secundum oranes vires animæ meæ constringi, ac tibi soli alligari, ut nihil aliud nisi te amatum meum, aut propter te cogitare possim. Amen.

Notandum est primò, quòd amor habet sua vincula, de quibus Spiritus Sanctus Osee. ii. In funiculis Adam traham eos, in vinculis charitatis. Huiusmodi vincula non sunt aliud, quàm dona DEI ab anima bene perpenſa: dona videlicet, *natura*, *gratie*, & *gloriæ*, ex quibus fit funiculus triplex qui difficilè rumpitur. Hoc funiculus ita ligatur anima, ut in perfectiorem amorem, quàm dum esset vulnerata, procedat. Plus enim est (ut ait Richardus de gradibus violentiæ Charitatis, ligari, quàm vulnerari.

Notandum secundò, quòd amor violentus, tunc ligare animam dicitur, quando eam DEO perpetuam quadam amatione & cogitatione compellit inherere, in qua tamen jugi dilectione ac memoria DEI, minime jam laborat anima ac fatigatur; imò id illi labori est, ad alia videlicet quæ DEUS non sunt, quamvis bona & utilia, cogitatione devolvi: ea tamen, cum sibi incumbunt, non omittit, sed vim sibi facit, ut propter DEUM alia (licet non

aliena) à DEO, cogitet; in illo nihilominus memoriam, & amoris affectionem, cui alligata est, fixam retinens.

Tertius gradus est, Amor languidum faciens.

Quando amore amoris tui infirmabor?

Hæc verba quotiescunq; ex intimo animæ meæ suspirando dixerò, toties Domine DEUS meus ferventissimè concupiscere intendo, ac reverè concupisco, sic amore amoris tui transfigi, ac penetrari; ut deinceps cuncta mihi seculi hujus prospera, tanquam cibaria infirmo & languido, amara & insulsa esse videantur: & ut nullis unquam hujus mundi adversis, tanquam insensibilis factus, aliquatenus commovear Amen.

Notandum est primò, quòd spiritualis languor, non aliud est apud Ascetas, quàm infirmitas ac debilitatio motuum sensuabilitatis, ex nimia intensiōe & elevatione proveniens Divini amoris, quo mens in DEUM extenditur. Unde glossa dicit (super illud Genesis 32. Angelus Domini tetigit nervum fœmoris ejus, & illatum emarcuit) Crescente virtute mentis, decrescit fortitudo corporis.

Notandum secundò, quòd amor languorem asceticum in anima efficiens, ille dicitur, qui sic animam DEO inhærere facit, ut ad cuncta visibilia ac transitoria quodammodo insensibilis ac idonea reddatur. Unde glossa loco citato: Quantò ad majorem amorem sponsi se accendit mens, tantò ab amore temporalium languescit. Et suprà illud Cant. 5. Adjuro vos filiæ Jerusalem, si inveneritis dilectum meum, ut annuncietis ei, quia amore langueo: Sic ait: Quia præ amoris magnitudine, omnia temporalia sunt mihi in fastidio. Item amor languidum faciens, ille dicitur, quo sic anima in DEUM excedit, ut præsentem vitam continuo habeat aspernabilem, & mortem omninò desiderabilem. Unde iterum glossa super eadem verba: Quia amore langueo: Sic ait: Quia præ amoris magnitudine, mors mihi est in desiderio, etiam per dira tormenta; & vita in fastidio cum patientia.

Notandum tertio, quòd langvor animæ, seu amor languidum faciens animam, idem est Mylticis, quod amoris æstus, internam quandam generans impatientiam, quæ rationi morem gerere & obsequi non vult, donec re amatâ potiatur. Vel idem est, quod

quod feruor desiderii, & auida, inhians, semperquò famelica appetentia unionis pasliuæ cum DEO, ad quam te tenit anima Diuinitus vulnere Mystico commotam ac inuitatam esse, illam tamen consequi non potest, non tam ex propria quàm ex DEI causa.

Quartus gradus est, Amor defectum afferens.

Quando amore amoris tui moriar?

HÆc verba quotiescunque affectuose suspirando dixerò, toties Domine DEUS meus intime desidero sic amore amoris tui sauciari, transigi, penetrari, & inflammari, ut omnium motuum sensualitatis meæ exusta & emortuâ inordinatione, totus in te deficiens, perpetuâ spiritûs mei gaudeam libertate. Amen.

Notandum primò est, quòd mors spiritualis dicitur, quam optat quisque suæ salutis amator, dicens illud in profundo sui sapissimè. Numer. 23. Moriatur anima mea mortè iustorum. Hæc autem mors vel est communis, vel specialis. Communis illa est, quâ moriuntur omnes iusti peccatis suis propter DEI præceptionem. De hac morte illud est, Ephes. 2. Et vos conuificauit, cum essetis mortui delictis & peccatis vestris. Specialis mors spiritualium alia est Asectica, alia Mystica. Asecticâ morte moriuntur, qui liberâ voluntate hujus mundi possessionibus, voluptatibus, & honoribus abrenunciantes, continuò mortificationi externæ & internæ, ac imitationi Christi insistant, juxta illud Galat. 5. Qui sunt Christi (imitatores veri) carnem suam crucifixerunt cum vitiis & concupiscentiis. Hac morte mortuus fuerat S. Paulus, cum diceret Galat. 6. Mihi mundus crucifixus (idest mortuus) est, & ego (mortuus sum) mundo.

Mystica mors quadrupliciter accedit: Vel nimirum quando cursus vitæ hujus ac munus expletur modo extraordinario: quod fit, cum anima, non præ multitudinem naturalis infirmitatis ac doloris, sed præ magnitudine ac intensione Divini amoris à corpore separatur. Et talis fuit mors Beatissimæ Virginis MARIE Matris DEI, & aliquorum Sanctorum. Vel etiam, quando anima omninò separatur ab omnibus, non solum quæ

peccati aliquam ei præstant occasionem, verum & quæ obicem ponunt ipsius supremæ perfectionis obviandæ, aut quocunque modo impediunt eam, nè DEO intimè conjugatur. Ut sunt *irrevertibilia & absoluta Myſticorum*, & ipsa *connaturalis* animæ ac *ordinaria activitas*. Vel quoque, quando anima ingreditur altissimam contemplationem, ubi perfectissimè inhaerens DEO per intimum amorem, ipsam incurrit ecstasim. Vel tandem, quando anima à jucunda DEI præsentia per spirituales desolationem separatur. De hac morte *Joannes Taul. in Inst. c. 4.* sic ait: Est alia quædam mors spiritualis, quæ est forma nescia, illa afflictio, quæ neque viam, neque fundum, neque modum habet.

Notandum secundo, quòd amor defectum afferens, seu defectus ac defectio spiritualium, aliud est Ascetis, & aliud Myſticis. *Ascetica defectio animæ* significat effectum quemdam amoris Divini, qui eò usque crescit, ut abstrahat mentem ab imaginibus vanis & inutilibus mundanorum, & eam deficere faciat ac transformet in imagines Divinorum. Et sic præcens defectio, idem est quod transformatio activa, ac unio sobria. Unde est illud *Psalm 118.* Defecit (id est transformata est) in salutare tuum, anima mea. *Myſtica defectio* significat effectum quemdam amoris Divini, qui eò usque crescit, ut mentem alienet, à tuo esse actuali (id est à propria ejus activitate ac operatione) & transtormet eam in esse actuale Divinum, aliquando tandem in sui fundum cælitus infusum. Ubi anima ad instar aëris incorporati radio solari, quædam admirabili illustratur claritate supercæletti: & ad instar ferri ex ardoris quodam fervet igne amoris DEI ineffabilis: & ad instar pomi saccaro conditi, inexplicabilem quandam inbibit sempiternalem dulcedinem. Et sic defectio Myſtica, idem est, quod transformatio ac unio passiva seu ecstasica. Unde est illud *Psalm 83* Concupiscit & deficit anima mea in atria Domini.

Notandum tertio, quòd libertas spiritus, alia est communis, libertas illa est, quæ omnis justus liber est à vinculis peccatorum. Et hæc est de qua Apostolus ait *2. Corint. 3.* Ubi Spiritus Domini, ibi libertas. *Speciæ libertas spiritus* illa est, quæ vir spiritualis liber est ab omnibus, quæ ejus contemplationem impedire possunt. Et hæc libertas vel Ascetica vel Myſtica est. *Asceticam libertatem* habe.

habet Spiritus, quem in contemplatione ordinaria non impedit culpa mordens (id est inanis timor ac vana suspitio culpæ) cura pun-
gens, sensus egens, & phantasmata irruentia. Mystica verò li-
bertate gaudet, cum liber est ab irretentibilibus & absolutis, con-
templationi extraordinariæ insilens.

ACTUS GRADUALES AMORIS SERAPHICI.

Primus gradus est, Amor semper mobilis.

*Quando veniam & apparebo ante faciem tuam, extensus
in te amore semper mobili ?*

HÆc verba quotiescunq; ex intimo cordis mei suspirando dixero, toties
Domine DEUS ardentissime concupisco dissolvi & esse tecum, ac
semper in te ferri intentione ac mobilitate amoris mei attentissimā, irre-
missibili, & in aliud amabile ac desiderabile indefinibili. Amen.

Notandum est, quòd sicut ignis invenit materiam in quam
agat, mox in eam tendit absq; ulla suæ motionis aut actionis inter-
missione. Ita mentes beatae, dum Divinam intuentur potentiam,
sapientiam, bonitatem, pulchritudinem, ac omnes alias perfe-
ctiones, inveniunt quandam materiam, in quam omni sua affe-
ctione & amoris actione, absq; ulla intermissione ac interrup-
tione semper moveantur ac tendant.

Secundus gradus est, amor infinibilis.

*Quando veniam & apparebo ante faciem tuam,
extensus in te amore infinibili ?*

HÆc verba quotiescunq; ex profundo cordis mei suspirando dixero, to-
ties Domine DEUS ardentissime concupisco dissolvi, & esse tecum,
ac in te ferri intentione amoris mei interminabili. Amen.

Notandum est primò, quòd sicut semper mobile tollit inter-
ruptionem motus amoris in amatore; ita infinibile seu ineffabi-
le tollit terminationem ejusdem motus augmentationis, intensi-
onis, magnitudinis, ac durationis.

Notandum 2dò, quòd sicut ignis non habet terminum in-
agendo, dummodo aptam inveniat materiam in quam agat, sem-

per accrescit, ac incessabili motione suâ in eam tendit. Ita mentes beatæ, contemplantes DEUM ac ejus immensitatem, infinitatem, & cæteras hujusmodi perfectiones, non habent terminum in amando DEUM, in quem semper perpetuâ motione, ac incessabili actione sui amoris tendunt.

Tertius gradus est, Amor semper calidus.

Quando veniam & apparebo ante faciem tuam, extensus in te amore semper calido?

HÆc verba quotiescunque ex intimo cordis mei supirando dixerò, toties Domine DEUS ferventissimè concupisco dissolvi & esse tecum, ac in te amore tui magis ac magis inflammarì, & ineffabili gaudio repleti. Amen.

Notandum est, quòd sicut ignis, quò magis appropinquat apræ alicui materiæ, eò etiam magis proprio suo calore in omnes ejus partes se diffundit: quia ab eadem materia nutrimentum & alimentum sui accipit. Ita mentes beatæ quò magis DEO amoris affectione appropinquant, eò etiam magis amore ejus incallescunt, & consequenter ineffabili gaudio & exultatione implentur,

Quartus gradus est, Amor semper acutus

Quando veniam & apparebo ante faciem tuam, extensus in te amore semper acuto?

HÆc verba quotiescunque ex intimo cordis mei suspirando dixerò, toties Domine DEUS affectuosissimè desidero dissolvi & esse tecum, ac amoris mei toto in te impetu ferri, ac profundari. Amen.

Notandum est, quòd sicut ignis alicubi violentè occlusus, in quodam momento, impetu suo superat ac penetrat omnia sua impedimenta & intermedia, ut ibi sit, ubi est ejus centrum, ac terminus, & scopus. Ita beati in DEUM suo amore extensi, subito impetu suæ affectionis (acutum amoris, & vehementiam desiderii ardentis) omnem penetrant virtutem, profunditatem, ac totalitatem amati sui quantum possunt, ut ibi sint, ubi est eorum amatum, id est, cum ipso amato, & in ipso amato.

Quin-

Quintus Gradus est, Amor superfervidus

Quando veniam & apparbo ante faciem tuam, in te amore superfervido?

HÆc verba quotiescunque ex intimo cordis mei suspirando dixerò, toties Domine DEUS ardentissime desidero dissolvi & esse tecum, ibique in te profundatus ac submersus amore amoris tui fervere, & superfervere cupio in æternum. Amen.

Notandum est, quod sicut ignis dum in flammam se erigit ac se extra se jactat, superfervere dicitur: fervere verò dum se in se colligit. Ita beati in gloria cælesti, dum se in DEUM intentione sui amoris & contemplationis erigunt, superfervere dicuntur: fervere autem, dum DEUM non jam in se, sed in creaturis contemplantur & amant. *Factenus Dobrosielski.*

EXTERNI ACTUS DILECTIONIS DEI

Ex thesauro indeficiente Blasii Palma.

IDentidem in cælum intuens, ac suspirans accerfles donum charitatis in DEUM hæc precatiuncula: O amor qui semper ardes, & nunquam extingveris, charitas DEUS meus accende me; Ab! serio am te pulchritudo tam antiqua, & tam nova: serio amo te. No verim me, no verim te; ut odio habeam me, & diligam te.

Gaudelis, cum lenties ipse & aliunde intelliges tibi quidpiam fieri, aut evenire ex speciali ordinatione Divinæ Providentiæ: etiamsi res adversa, & acerbæ accidunt: illudque Job viri Sanctissimi carmen accine: Sicut Domino placuit, ita factum est; sit nomen Domini benedictum.

Mœrorem animo contrahes, si quid acciderit, quod Divinæ voluntati dissentiat, aut repugnet: ut si quis Divinam maiestatem aliquo flagitio offendat, id ægerimè, inquam, sustinebis, noxamque omnem aut impedies, aut tolles, si quâ possis.

Si dæmon gravi quavis tentatione te divexet, sic precare: Tentas me Domine, an amem te, nequè tamen ultra id, quod possum. Scio quod sine gratia tua spernorem te ô omne bonum, ut teterrimo hosti place-rem, æternum luiturus momentaneum gaudium. At juravi & statui cu-
podire

stodire iudicia justitiæ tuæ. Adjutor meus esto: nè devalinquis me nèq̃ despicias me.

- V. Quando peccati gravioris periculum aliud quodpiam occasione inciderit: Discerpar in mille partes, rumparq̃ potius, inquit, quàm ut amorì Divino rem quamvis præponam. Christianumq̃ istud sapius dæmoni tentanti obtrudes: *Mato mori, quàm sedari.*
- VI. Quod si prolapsus sis miser, fac mox resurgas, & cum DEO per actum Divini amoris, detestationem peccati, idoneamquè expiationem redeas in gratiam.
- VII. Imò verò venialem culpam sciens, volensquè, aut saltè ex proposito, ac certo animi decreto nè admittes, nè quidem amicissimi hominis gratia, amicitie humanæ omnes prius pellunt, quàm ut DEI amor tantillum periclitetur.
- VIII. Apprecaberis omnibus, & à DEO obtinere contendes ipsius cognitionem, Amorem, Cultum: conaberisquè quoad in te erit, efficere, ut eum omnes cognoscant, ament, colant.
- IX. Octavo quoque die (si ita viro prudenti videbitur) lacrà Christi mentis assidebis, tum ut præsentì arctius conjungi, tum ut cum eodem suavius, familiariusquè conversari, imò deliciarì possis.
- X. In rebus quibuscunque creatis DEUM, qui etiam in minimis maximus est: intuebere; in illis ipsum, & in ipso illas amabis. Solem vides? DEUS est, exclamabis, qui pulcherrimam, jucundissimamquè illam lucem diffudit. Rosæ tenerum odorem miraris? DEUS, dices, amabilior est. Apponuntur cibi? DEUS, inquiens, ista mihi apparat. Idemquè ages in Cæteris.

SECTIO II.

De Oppositis Charitati DEI.

Vitium Charitati oppositum per excessum respectivè ad DEUM dari nequit; quia nunquam ita possumus diligere DEUM, quòd non magis ipse dignus sit diligi; respectivè autem ad nos, foret excessivè vitiosus amor, si conaremur diligere DEUM actualiter infinito amore, cùm is conatus foret imprudens, ut pote impossibilis viribus creaturæ: quanquam velle infinito

finito amore diligere DEUM, ejusmodi voluntas laudabilis esset, ut docent Magistri spirituales. Denique illud *S. Bernardi* accipe: *S. Bern. Serm.* "Sapientia est DEUS, & vult se amari non solum dulciter, sed & *19. in Cantic.* sapienter. Unde Apostolus, rationabile, inquit, obsequium vestrum. Alioquin facillime zelo tuo spiritus illudet erroris, si scientiam negligas, nec habet callidus hostis machinamentum. efficacius ad tollendam de corde dilectionem, quam si efficere possit, ut in ea incaute, & non cum ratione ambuletur.)

Vitium charitati per defectum oppositum est 1^{mo} contradictoni, dum non elicitur dilectio eo tempore quo elicienda est, vel eo modo quali elicienda est. Hinc Dominus ad *S. Magdalenam* Paz ait: *Volo ut semper instar turturis gemas, & simul mecum doleas, In vita S. Magdalenae de Paz* quod me non ament, & modicum cognoscant creaturae. Vel denique, dum *Magdalenae de Paz* aliis quis absolute privatus est charitate: quod malum quantum sit, insinuat Apostolus. Si linguis hominum loquar & Angelorum, *S. Paulus Ep.* charitatem autem non habeam: factus sum velut aes sonans, aut cymbalum timiens. Et si habuero prophetiam, & noverim mysteria omnia, & 1³. omnem scientiam: et si habuero omnem fidem, ita ut montes transferam, charitatem autem non habuero, nihil sum. Et si distribuero in cibos pauperum omnes facultates meas; et si tradidero corpus ita ut ardeam, charitatem autem non habuero; nihil mihi prodest.

2^{do}. Charitatis per defectum, oppositum contrarium, est *D. Thom. 2. 2.* Odium DEI; definitur esse: Peccatum dilectioni oppositum, quo Deus *1. 3. 4. 1.* ut peccatorum prohibitor, & poenarum inflictor, ab impiis odio habetur. Estque omnium peccatorum gravissimum. Quia cum defectus peccati consistat in aversione à DEO, odium autem DEI importat aversionem à DEO secundum se, sicut alia peccata important aversionem à DEO secundum aliud, seu participativè in quantum habent sibi annexam aversionem à DEO; sequitur odium DEI esse gravius aliis peccatis. Quia id quod est per se, est potius eo, quod est secundum aliud.

In Praxi cavendi opposita Charitati in DEUM, applica hic *1. 2. tra. 1. c. 1.* proportionate supra specificata. *sec. 4. sub. 2. §.*

2. & 3.

SECTIO III. De Amore DEI-HOMINIS.

Is amor est actus charitatis, quo diligitur Christus propter summam Dei bonitatem. Ubi materiale objectum dilectionis est ipsa Persona Filii DEI, tum ei unita Humanitas, quæ ut talis maximè est diligibilis, utpote quæ maximè est DEI; nempe ob strictissimam cum eo unionem physicam & realem per susceptam hypostasium Verbi, tum ob unionem moralem per plenitudinem gratiæ collatam. Formale autem motivum dilectionis Christi est idem, quod & dilectionis DEI; nempe ipsa infinita bonitas DEI in se spectata: ut ita distingvatur dilectio ex charitate procedens, ab omni alio amore, qui habet motivum creatum, etiamsi supernaturale: Et enim virtus Charitatis Theologicæ soli nititur motivo increato. Hinc etiamsi liceat, imò expediat adhibere alia motiva creata naturalia & supernaturalia incendentia ad amorem Christi (de quibus vide loco tuo) tamen per ipsam tanquam per quosdam gradus ascendendo in intensiōe amoris ultimare propter summam DEI bonitatem diligendus est JESUS, ut tali modo formetur actus veræ ac Theologicæ Charitatis. Itaque ad proficiendum in Amore JESU adhibe dicta motiva creata, tum incrementum bonitatis Divinæ, ac insuper frequentia.

P. 3. tract. 2.
cap. 2. & tract.
ult. sect. 1. sub. 3.

Incentiva ad indefessum studium & exercitium cultus, amorisquæ erga JESUM hæc afferuntur. *Imum.* Amor & cultus JESU hæc est via, & non est alia ad perfectionem sublimitatemque contemplationis & amoris DEI. Aberrârat hac de via S. Teresa, prout ipsa dolens conqueritur, dum à libris quibusdâ Asceticis decepta (sicut alii plures Tyrones spirituales falluntur, non bene intellectis, vel non omnibus bene lectis requisitis ad perfectionem, mox ab imis, internis gradibus mediis, ad ipsum cacumen extraordinariæ cum DEO Unionis quasi per saltum pervenire gestiunt, alii omnino incassum) relinquens de vita & Humanitate Christi pias exercitationes, totam sese tradidit Divinitati contemplandæ, sed sine fructu pacis propriæ, & absque victoria simplicius, donec reducta à spiritualibus Magistris in meditationes Humanitatis Christi, ad eam, quâ nunc gloriosa est profe-

"profecit Sanctitatem. Verum placet audire ipsam Sanctam: Fic- *S. Teresa lib.*
 "rinè potest, Domine, ut in me vel ad horam ista manserit co- *de vita sua C.*
 "gitatio, te mihi impedimento esse, quominus ad majus bonum 22. *è versione*
 "pervenire? Et undenam, obsecro, omnia ad me bona vene- *Matthia.*
 "runt nisi à te? Sed nolo cogitare me aliquam in eo culpam ad-
 "misisse: nam mirè hoc me jam cruciat, & certè quædam fuit
 "ignorantia: unde etiam bonitati tuæ placuit, illam à me tollere;
 "primò, subministrando aliquem, qui ex hoc me errore educe-
 "ret; deinde, toties te mihi, ut postea dicam, videndum exhi-
 "bendo, ut feliciter evidentius peripicerem, quàm gravis hic er-
 "ror esset, & aliis multis ipsum declararem, (uti etiam declaravi)
 "denique eum hoc loco referrem. Hanc esse ansam opinor,
 "cur multæ animæ non magis proficiant; & ad magnam quan-
 "dam spiritus libertatem per orationem unionis minimè perve-
 "niant. *Ibidem:* Manifestè video, uti & vidi postea, si DEO *Ibidem.*
 "placere & magnas ab illo gratias accipere velimus, ipsum velle,
 "ut per Sacratissimæ illius Humanitatis, in qua Majestas ejus sibi
 "complacere dixit, manus illæ nobis obveniant. Sæpissimè
 "hoc per experientiam adverti; quin & Dominus ipse hoc mi-
 "hi dixit: ad oculum inquam, vidi, per hanc nos portam in-
 "gredi debere, si magna quædam à suprema Majestate arcana &
 "secreta pandi nobis velimus. Reverentia igitur vestra (Con-
 "fessarium suum alloquitur) aliam viam non quærat, etiamsi ad con-
 "templationis apicem jam pervenerit: hanc quippe viâ tutò &
 "securè incedet.) Et Eusebius Nierembergius (cujus operâ in se-
 "quentibus de Amore JESU & MARIE liberaliter usi sumus) Nierembergius
 "inquit: Nihil perinde efficax est & opportunum, ad animam ar- *de affectu et*
 "dentissimæ charitatis flammis accendendam, inque optatissimum *Amore erga*
 "Divinitatis ipsius amorem quantocyus immergendam, & abfor- *JESUM, c.*
 "bendam, atq; devotio erga JESUM DEUM & HOMINEM, ejusq;
 "vera & sincera æstimatio. Quæ caula fuit eidem Domino di-
 "cendi, venisse se, ut ignem mitteret in terram: id quod carnem no- *Luc. 12. v. 49.*
 "stram indutus sanè insigniter præstitit. Sicut enim solares radii,
 "lini stupam prius non accendunt, aut consumunt, quàm in pellu-
 "cidissima crytallo congregentur: ita post tot, tamquæ eximia
 "Numinis beneficia, quæ totidem lucidissimos radios, ex infinita

ista bonitate & amabilissima DEI essentia pulcherrimè emicantes, rectè appellaveris: frigeat nihilominus mundus, & horrendo gelu torpebat, usquè dum illa ipsa beneficia in Christo radiorum instar, collecta, perquè ipsius manus ad nos derivata fuerunt, quando videlicet in sanctissimam purissimamquè humanitatem suam congescit lucem istam inaccessibilem quanta quanta est, & infinitam DEI magnitudinem; quæ se in Christo, multò, quàm hæcenus, clariùs nobis ostendit & manifestavit. Fuit hæc una de præcipuis, & facilè omnium potissima ratio, quare Verbum, æternum caro factum sit: ut homo aliquis ante oculos nostros poneretur amore omni & honore dignissimus, quem ex animo diligeremus, & à quo immensæ Divinitatis, in ipso inhabitantis, amore inflammaremur.

Nierembergins
de Affectu
Amore erga
JESUM. c. 1.

2. dum. Idem Nierembergins hæc ait: Quanam alia in re, honestius ac utilius, in qua jucundius, magisque necessariò tempus ponere, & perpetuò occupari valeamus, quàm cognoscendo, omnibusquè animæ viribus hominem illum diligendo, cui efformando, conjuncta DEI omnipotentia, universa se eidem sapientia, bonitasque impendit: sic, ut illustrius opus nullum neque potestas isthæc infinita exequi, neque perfectius sapientia excogitare, aut amor æternus velle possit? Honestius igitur homines nos, gloriosiorique negotio distinebimur nunquam, quam versando circa miraculum istud gratiæ & naturæ, in quod elaborandum potentiam suam omnem Creator contulit, eumque qui principium fuit ac finis operum Divinorum, nostrarum, quoque actionum principium & finem habendo.

Idem cap. 13.

Proverb. 8. v. 13

3. tum. Idem: Quanquàm beneficia nobis à Christo collata sunt inæstimabilia, justiores tamen adhuc ejus diligendi causas habemus. Magis ipse à nobis amari meretur eò solùm, quia nos amat, quàm ob infinita sua in nos merita: cum hæc ab amore, immensum superentur. Cor IESU amabile penitus deslagrat charitate hominum; cum quibus versari delicias suas reputat. Num plura is & majora, pro sua ipsius salute, facere potuisset, quàm pro mea fecerit? plura tamen amore mei (si opus) facturus fuerat; neque semel duntaxat, sed quotidie milles, libenterque in cruce moriturus. Audi, quid ipsemet dicat S. Brigittæ:

gittæ: Dilectio inquit, mea erga hominem modò æquè grandis atque Lib 7. Revel. c. 19. pag. 461
 incomprehensibilis est, sicut erat tempore passionis mee, quando per mor-
 tem meam ex nimia coecitate liberavi omnes electos. Et si fieri posset ut Blosius moni-
 toties morerer, quot sunt animæ in inferno, ego promptissimâ voluntate, spirit. c. 1. n. 3.
 & perfectissimâ charitate corpus meum traderem, eandemque passionem &
 mortem pro qualibet anima sustinerem, quam sustinui pro omnibus. Hæc
 ipsissima sunt verba Domini IESU, quibus atramentum nondum
 satis explicuit amorem cordis sui, quo nos, nihil minus prome-
 ritos, tanto suo cum impendio, ardentissime dilexit. Et paulo
 infra Nierembergius prosequitur: Ipse fratres nos nominat, ipse ami-
 cos appellat, ipse qui æterna est veritas, & DEI Filius unigeni-
 tus. Hec Nierembergius. Denique non otiosum hunc amorem
 erga nos, verum pro salute nostra comparanda maximis labori-
 bus, innumeris ærumnis, injuriis, horrendissimis cruciatibus, &
 amarissimâ probrosissimâque patibuli morte IESUS DEUS
 Homo testatum esse voluit.

De quibus, uti & aliis maximis signis Amoris D. N. IESU
 Christi erga Nos fusè infra vide p. 3. tractat. ultimo. sec. 1. subf. 3.
 Verum quanto ipse dilectionis affectu in nos ardeat, etiamnum
 existens in cælis immediate equidem dictum ex revelat: S. Brigit-
 tæ, insinuatur autem plenius in revelationibus S. Gertrudis, seu in-
 sinuationibus Divinæ pietatis, ubi nunquam satis admirari po-
 teris (ut humanitus loquar) mille modos & industrias, quas in-
 cessanter excogitat ingeniosus Amor boni IESU ad promoven-
 dam salutem humani generis: quibus perpensis ingens nascitur
 incendium cordis ad readmandum IESUM adeò profusè, fide-
 liter continuò amantem hominis miser, infidelis, ingrati, im-
 perfecti. Placet vel unam ex pluribus ejusdem S. Gertrudis Re-
 velat: contestativis Amoris IESU afferre. Præfata sancta cum
 videret ceteros ad sermonem properare, querulâ mente dixit ad
 Dominum: Tu scis amantissime, quòd nunc ex corde libenter
 audirem prædicationem, si infirmitate non detinerer. Cui Do-
 minus: Visne charissima, ut ego tibi prædicem? At illa, liben-
 tissimè. Tunc reclinavit eam Dominus super cor suum, ita quòd
 anima cordi suo Divino applicabatur. Cumquè ibi anima per
 moram dulciter requievisset, sensit in corde Domini duos mira-
 biles,

biles, & valde suaves pulsus. Et ait Dominus ad eam. Quilibet istorum duorum pulsum tribus modis salutem hominis operatur. Primus quidem pulsus operatur salutem peccatorum, secundus Iustorum. Per primum enim pulsum primo modo sine intermissione alloquor DEUM Patrem, ipsum peccatoribus dignè placando, & ad misericordiam inclinando. Secundo alloquor omnes Sanctos meos, coram ipsis peccatores fraternâ fidelitate excusando, & eos ad orandum pro peccatoribus instigando. Tertio alloquor ipsum peccatorem, eum misericorditer ad poenitentiam revocando, ac cum ineffabili desiderio conversionem ipsius expectando. Per secundum pulsum primo alloquor DEUM Patrem ad congratulandum mihi pro eo, quod pretium sanguinis mei tam utiliter expendi pro redemptione iustorum, in quorum cordibus nunc delector tam diversâ habere delicias. Secundo alloquor totam cœlestem militiam ad collaudandum laudabilem conversationem iustorum, ut regratientur mihi pro omnibus beneficiis illis impensis, ac deinceps impendendis. Tertio alloquor ipsos justos diversimodè ipsis salubriter blandiendo: & ut de die in diem, de hora in horam proficiant, fideliter admonendo. Et sicut pulsus humani cordis non impeditur ex visu, & auditu, aut quocunque opere manuum, quin semper suum motum habere possit: ita nec cœli, nec terræ, nec totius universitatis gubernatio, aut dispositio hos binos pulsus in corde meo Divino unquam, vel ad modicum poterit usque in finem seculi sedare, ac temperare, aut aliquatenus impedire. Alio tempore eadem

Lib. insinuat. 4 S. Gertrudis recubans super pectus JESU delectata suavitatem pulsum Cordis JESU dixit ad Beatum Joannem Evangelistam: Nunquid & tu dilecte DEI horum suavisimorum pulsum non sensisti delectamentum, dum in cœna super idem suavisimum pectus recubuisti, quorum delectatione, ego nunc tantum afficior? Respondit: Etiam fateor veraciter sensi & persensi, quia suavitas illorum sic medullitus animam meam pertransiit, sicut dulcissimus Medo unquam suavius pertranseundo dulcificare potest micam recentis panis. Insuper ex ipsis spiritus meus tam efficaciter est succensus, sicut coquens olla ex nimio ardore ignis ferventiùs quo potest, succenditur. Tunc illa: Et cur hoc ita
penitus

penitus conticuisti, quod nec quicquam vel modicè saltem exinde nostris profectibus intelligendum conscripsisti? Respondit: Meum profectò erat novellæ adhuc Ecclesiæ de increato DEI Patris Verbo unum describere verbum, de quo usque in finem mundi sufficienter carpere posset intellectus totius generis humani, quamvis à nullo tamen unquam plenè possit comprehendi. Eloquentia autem suavitatis pultuum istorum reservata est moderno tempori, ut ex talium audientia, recalescat jam senescens, & amore DEI torpescens mundus.)) Ut verò fundamentalius agnoscas penè immensum ardorem Amoris IESU erga te, scias quia actus charitatis in CHRISTO correspondet habitui ejusdem virtutis: Sed habitus charitatis est in graduali intensione, pro humano modo concipiendi, propè infinitus seu incomprehensibilis: Ergo & actus charitatis quo te diligit erit talis, isque incessanter perseverans. Igitur o peccator quid trepidas? Accede cum peccatrice Magdalena ad plantas IESU amabilissimi, deplorans offensas Dilecti tui, & dimittet tibi peccata multa, cum eum dilexeris multum. Tu quoque bonæ voluntatis homo, ut quid tam dulci Domino diffidis? En ultro invitat te: *Venite ad Matth. cap. 22. me omnes qui laboratis & onerati estis, & ego reficiam vos*: Accede ergo confidenter, accede amorosè. Ora instanter, & dabit tibi petitiones cordis tui, & desiderium animæ tuæ tribuet tibi in tempore, & æternitate.

4tum Incentivum est: Voluntas DEI. Etenim videamus, cur cælestis Pater unicum & dilectum Filium suum in has terras ablegaverit. Propterea scilicet ut ipsum hominem factum amaremus. Atque uti idem Pater, ante mundi constitutionem, eundem Angelis proposuit ab ipsis amandum, & adorandum: ita ipsum denno humano in corpore, orbi ostendit, ut omnes illum creaturæ amarent, & adorarent, potissimum tamen homines, consanguineo ejusmodi ac fratre honorati, qui DEI est Filius, desiderium & latitia Seraphinorum. Voluntati Patris obsecuti sunt tam boni, quam mali Angeli, boni quidem, singulari cum amore & voluptate IESUM diligendo, quanquam non factum Angelum, nec in Angelorum gratiam ullam sanguinis guttam profludentem, aut pro eorum salute mortem oppotentem: mali

verò

Philipp. 2. v. 10
vide interp.

vero angeli, quem ob pertinaciam & condemnationem suam, amare non poterant, agnoverunt tamen & adoraverunt in ipso inferno, ad solum IESU nomen genua flectendo. Quidni igitur nos homines DEI naturalem Filium animitus diligamus, omnique honore colamus, & exulemus, quinimo gloriemur, quòd ipsum fratrem habeamus: Nunquid lex ulla, ratione vetare potest quòminus hæredem gloriæ DEI gratulabundi agnoscamus, quotquot eodem eum ipso genere continemur, & pro quorum salute natus ille, & mortuus est? Si quis Rex filium suum, & hæreditarium legitimumque provinciarum omnium Principem, ac Dominum iisdem proponeret, ipsi sacramentum dicturis; quo animo accepturus esset, si quem nationes exteræ Regem agnoverunt, eique fidem jurârunt, incolæ ipsi populi que subjecti pro tali habere recusarent?

Nieremberg.
c. 3.

§tum. Ab Exemplo DEI Patris, qui nos potenter invitare dignatus sit, & ducere ad debitum bono IESU amorem & altimationem, non tantum, quia Filius ejus est, verum etiam quia frater noster, cæquè propter natus, ut nostri causâ moreretur: Etenim sicut ipsum in mundum misit, ut a nobis amaretur: ita exemplo nos suo & institutione modum hujusce amoris docere voluit. Non potuit sibi temperare amor Patris, quin repetitâ

Matth. 3. v. 17. vice exclamaret. *Filium illum, esse sibi dilectum, in quo sibi bene com-*
 & 17. v. 5. *placuit.* Semel quoque & iterum Angelis suis, atque iisdem.
 Psal. 96. v. 7. *plane verbis imperavit, ut ipsum amarent, adorarent, ipsique*
 & Hebr. 1. v. 6. *famularentur. Omnia ipsi tradita sunt à Patre: qui ad pedes ejus*

Matth. 11. v. 27 *abjecit omnes Universi hujus creaturas, quodque multò est amplius, suamet illi attributa submisit omnia, ea permittendo arbitrio sanctissimæ ipsius Humanitatis. Omnipotentiam ad patranda miracula quotiescunque liberet: Bonitatem, ac Misericordiam, ad condonanda peccata: Sapientiam ad judicandum. Ineffabilem hunc Patris amorem optimè explicavit Evangelista. Johannes, paucis multa imò omnia dicendo: Pater diligit Filium, & omnia dedit in manus ejus. O te, miserum & miserabilem quisquis es, cui carum adeò potest esse aliquid, ut præ IESU aliud æstimare, ipsivè denegare audeas! Cælestis Pater nihil ei negat; totum illi regnum suum, ad supremos usque Seraphinos, subjiciendo,*
 omnem

Joan. 3. v. 30.

omnem gloriam suam, magnitudinem ac Majestatem, thronum & omnipotentiam suam cum ipso communicando. Nihil omnino fuit quod pluris quam JESUM faceret, adeoque præcepit, ut nostram carnem indutus adoraretur: JESUM ipse elegit principem prædestinatorum: ejus amore & reverentiâ mundo alias perituro pepercit, JESUS primogenitus est omnis creaturæ, cujus causâ, & in gloriam cujus Pater facit omnia, nihilquæ negat, quod in JESU nomine petitur. Quoniam itaque modo cor illi suum dare renuet vilis homuncio? quomodo facere quid poterit, quod non cedat ad ipsius obsequium & honorem? Quin me ipse memetipso exipolio protinus, veteremquæ hominem penitus exuo, ut JESU ex toto me dedam, cum amore amoris illius, æternus Pater potestatem Judicis & auctoritatem, suæquæ potentie tribunal Filio concesserit, nè minore quam ipse Pater in honore esset. Gratiam hanc prorsus singularem suomet ore Servator promulgâs, *Joan. 5. v. 22.*

Neg enim ait Pater judicat quemquæ, sed omne judicium dedit Filio, ut omnes honorificent Filium, sicut honorificant Patrem. Ob eundem adversus Filium amorem nihil Patri placere potest, nisi in Filio aut propter Filium, nihil amat, nisi ubi reperit pignus & sanguinem IESU, unicæque desiderat nos conformes fieri imaginis Filii sui.

Rom. 8. v. 29.

Nieremb. citat.

Stum. Ab Exemplo Virginis Matris. Regina Angelorum & IESU Mater dignissima fuit absolutum numeris omnibus prototypon amoris æterni Patris erga Filium suum; quæcunque aliâ creaturâ perfectius ad ipsius exemplum aspirando, Christumquæ validissimè juxta acenerrimè diligendo. Præterquam enim quod ipsum amabat uti Filium suum, incredibili adhuc charitatis æstu conflagrabit, vel solam ejus intuens bonitatem, ac dignitatem; quam una optimè omnium clarissimèquæ penetrabat. Quis non expertus est sapissimè liberalitatem in se & viscera misericordie Matris hujus clementissimæ? quis non majora quotidie illustrioraquæ beneficia ab eadem sperat & expectat? atqui univèrsa quæ ab ipsa vel hætenus accepimus, vel deinceps nos accepturos confidimus, uni IESU debent imputari. Virgo sacratissima amore illius facit, quidquid facit pro nobis, & quidquid benè vult nobis. Amore IESU convertit ad nos misericordissimos oculos suos benignitate admirabili. Amore

JESU filios nos sibi adoptavit; curatque & tractat velut filios charissimos, pro commodis nostris perpetuè sollicita. Amore JESU non admittit ipsa nomini ullum, quo magnitudinem suam refectur, & majestatem supra homines adeò eminentem, eo nomine contenta, quod dulcedinem exprimit merissimamque clementiam. Audit illa quidem, nec immeritò, Regina Angelorum; hominum tamen Regina appellari renuit Mater nostra, quamvis revera Imperatrix sit creaturarum omnium. Eò solùm, quia Filium amat, ipsiusque honori studet, illorum Regina talutari non vult, quos fratrum suorum appellatione dignatur JESUS. Quæ verissima est causâ, cur nos pro filiis habere ipsa quoque cupiat. Amor JESU fecit, ut patriâ relicta in Ægyptum exil profugeret, ubi sexcentis incommodis miserisquem solo & gente peregrina, obnoxia, universas nihilominus læto alacrique excepit animo, quòd pro Christo eas pateretur. *Et paulò post.* Amor JESU ipsam præterea contristavit, cum illum in templo abditum madentibus oculis quæreretur. Amor JESU efficiebat, ut concionanti ad mortem usque iterum comes individua haberet, eque dicentis ore penderet. *Et paulò infra.* Amor JESU perfecit, ut ipsi ab omnibus deserto, è cælo solatii nihil accipienti, atque ab æterno Patre derelicto, inconcussa mentis constantiâ invicta adfuerit, millies iterumque millies peroptans, Filii dilectissimi vice in crucem agi, honoris & exultationis suæ, adeoque vitæ ipsius, inter sathanæ ministros carnifices oblita & prodiga. Præ magno denique ac sincero erga JESUM amore, morte MARIA occubuit.

Nieremberg.
Ibidem.

Idem cap. 7.

7 num. Ab Exemplo Sanctorum Angelorum: Commodum ab Angelorum Regina gradum facimus ad ipsos Angelos, qui tamen careant iis, quibus nos abundamus, ad JESUM amandum incitamentis, ardent nihilò secius & immensum flagrant amore ejusdem: id quod aliquando explicatius docere pergo. Non habent fortunatissimæ illæ, & ab omni concretionem mortali remotissimæ mentes parem cum ipso naturam; Angelisque redimendis nequè natus est JESUS, nequè pro eorum salutem guttulam ullam sudavit: incredibili tamen cum reverentiâ, tum amoris significatione, venerati sunt ipsam, quando placere sibi signifi-

significavit Pater æternus, ut hominem si naturam spectemus,
 Angelicâ haud paulo inferiore ignobilioremquē, Regem illi
 suum & Dominum suum profiterentur. JESU vix dum nato,
 procul ab omni invidia & malevolentia, ob honorem illum ma-
 ximum Christi incarnatione humano generi collatus, cum Principe *Luce. 2. v. 1.*
 suo, lætissimâ ore quē inenarrabili exultant ac triumpharunt, nec *Matth. 2. v. 13.*
 dum post ab Herodiana lica periclitantem defenderunt, fugamq;
 ei securam diligenter adornarunt. Eidem in eremo esurienti, *Matth. 4. v. 11.*
 fiderei hi Ephebi, & velut dapiferi, genibus nixi libenter ac re-
 verenter ministrarunt, mentamquē posuerunt. Ad Olivarum
 chivum agonizantem, multumquē sudantem ac rubentem, in-
 genti amoris sentu, dolore levare, & solari conabantur. Mortuo *Luce. 22. v. 42.*
 Christo Angeli Pactis amare flebant. Resurgenti sincerissimo affe- *Isa. 53. v. 7.*
 ctu gratulabantur, vultuquē & veste, & verbis haud vulgarem læ- *Matth. 28.*
 titiam praeferebant. Eodem in cælum scandente beatissimos te *Luce. 24. &*
 esse credebant Cherubim, quod ipsius pedibus subici calcariquē *Joan. 20.*
 possent; ut super eos insidens ascenderet. Cælum ingredienti *P. m. 17.*
 Hierarchiæ omnes lætitudinē applaudebant, cantabantquē voce
 magnâ, sed majore adhuc voluptate, carmen illud, quod poste-
 rius Christo accinentes audivit S. Joannes: *Dignus est Agnus, qui Apoc. 5. v. 12.*
occisus est, accipere virtutem, & divinitatem, & sapientiam, & fortitu-
dinem, & honorem, & gloriam, & benedictionem. Vehemens amor,
 quo feruntur erga JESUM efficit; ut quantumcunquē notissi-
 mi Spiritus, nascentes nos in suam fidem recipiant; ut deinde
 perpetuò nobis assistere, circâ nos occupari, nobis deservire,
 & nos ubiquē tueri minime dedignentur. Ab hoc ipso amore *Heb. 1. v. 14.*
 est, quod gaudeant super uno peccatore penitentem agent. Quem *Tob. 5. & 7.*
 insuper illustrationibus illi suis ac morionibus adjuvant, preces *Luce. 15. v. 10.*
 nostras, ad cælum eas delaturi, cupidissimè prestolantes. Eidem *Tob. 12. v. 12.*
 quoque amoris adscribamus oportet, quod tanti cum sint, pro
 nobis adhuc reputent, esse se socios & confesores eorum, quos
 JESUS habet fratres suos: & quanquam in veteri lege multo se *Apoc. 19. v. 10.*
 nobis superiores passim monstrarent, & ab hominibus se adora-
 ri tinerent, à quo tamen tempore humanam carnem DEUS in-
 duit, naturamquē nostram maximopere cohonestavit, glorio-
 sam ubi centet similitudinem nostram, & JESUM in nobis

amando, servitute, quàm non inviti nobis serviunt, impensè latentur, sequè propterea quodammodo efferunt.

Nieremberg.
c. 7.

8^{um} : *Ab Exemplo Apostolorum* : Improbum esse oporteat atquè impiam, qui de Apostolorum adversus Dominum suum amore, quem factis ipsi egregiis abundè comprobant, ausu ambigere. Non potuè illi profectò non ex animo amare tam amabilem ; ejusquè mansuetudinem & submissionem admirabilem usu iplo edocti, arbitriquè quotidiani ac testes oculati consuetudinis Christi familiarissimæ, morum modiquè agendi placidissimi, ac profundissimæ in nos immeritisimos charitatis. Nemo, puto, invitus credet Servatori ipsi, Apostolorum in se amorem disertis verbis confirmanti, eosquè sic affanti : *Ipse Pater*

Joan. 16. v. 29. *amat vos, quia vos me amatis.* Amaverunt enim verè JESUM Apostoli, primisquè illius vocibus, invitatione supra modum amica, aspectu blando, & singulari humanitate ita capti sunt, ita-

Matt. 4. v. 22. *eidem affici coeperunt, ut omnibus suis relictis ipsum sequerentur.* A morte illius, non tantùm gravissimâ Magistri memoriâ animos oblectabant ; verum felices quoque se prædicabant, summumquè honorem interpretabantur, dignos se habitos, qui JESU amore injurias contumeliasquè gravissimas paterentur, & riderentur. Sanctus Petrus sanè candido, ut erat, simpliciquè ingenio, fidenter ad Dominum ipsum de suo amore provocare non dubitat. S. Paulus verò, quamvis, & reliqui discipuli, Christo in terris degenti non convixissent ; ejus nihilominus amore prorsus abreptus, miro (savitatis affectu) snavissimum JESU nomen pronuntiabat, illo epistolas suas (in quibus nomen JESUS ad-

*Cornel. in Ep. ducenties ac vigesies legitur * condire solitus & consecrare. Illud-
ad Ephes. cap. 1. què ipsum, jam capite plexus, auditus pronunciare †. Quanto-

† Vincentius perè JESUM Paulus dilexerit, authorem Paulo meliorem dabo
Belluacens. c. neminem : ipsum ergo audiamus : Ad Galatas scribens, velut
cap. 19. extra se factus, DEOq; plenus, *Vi vo, ait vi vo jam non ego, vivit ve-*

Galat. 2. v. 20. *rò in me Christus.* O felix & invidenda vita ! *Mibi autem absit* (per-
Galat. 6. v. 14. *git in iisdem literis) gloriari, nisi in cruce Domini nostri JESU*
Christi. O insigne laudum maximarum compendium ! Cum-

1. Cor. 2. v. 2. Corinthiis tractans, *Non judicavi, inquit, me scire aliquid inter vos, nisi JESUM Christum, & hunc crucifixum.* O cum sua ignorantia-

omnis-

omniscium, orbisq; doctore meritisimum! Philippenses porrò ardore non dissimili compellans, ista enunciat: *Veruntamen existimo omnia detrimentum esse propter eminentem scientiam Jesu Christi Domini mei: propter quem omnia detrimentum feci, & arbitror ut stercore, ut Christum lucrifaciam.* O animum paupertate suâ lætum verequè opulentum! Animosior penè etiam, seipso factus: totusquè flammeus, animi sui sensa Romanis ita prodit, ut divini auxilii certus, cælum terramquè, & quidquid utriusquè ambitu continetur ad certamen depolcens generosè exclamet: *Quis nos separabit à charitate Rom. 8. v. 25. Christi? tribulatio? an angustia? an fames? an nuditas? an periculum? an persecutio? an gladius? Sed in his omnibus superamus propter eum, qui dilexit nos. Certus sum enim, quia nequè mors, nequè vita, nequè Angeli, neque Principatus, nequè Virtutes, nequè instantia, nequè futura, nequè fortitudo, nequè altitudo, nequè profundum, nequè creatura alia poterit nos separare à charitate DEI, quæ est in Christo JESU Domino nostro!* Atque ut nè existimes intra verba hos animos stentisse, Paulum mihi intueri non fortius dicentem, quàm agentem, terras mariaquè immensa pervagantem, in DEI causa pericula maxima, vilia habentem, infinitas arumnas impavidè excipientem, & propè quotidie morientem. Perlege modò alteram ad Corinthios *1. Cor. 15. v. 31.* datam Epistolam, & illi ipsi crede. Deprehendes isthinc Paulum in laboribus plurimis, in carceribus abundantius, in plagis supra modum, in mortibus frequenter. Spectabis à Judeis quinque flagellatum, ter virgis cæsum, semel lapidatum. Miraberis eundem, & misereberis varè periculantem, & cum laboribus, fame, & siti, frigore, & nuditate conflictantem. Obtupescas deniquè, nè longior fiam, Apostoli in Christum flagrantissimam charitatem; sed ita, ut pariter obtupescas & erubescas in eodem animadvertendo frigus & ignaviam (pro dolor!) meam, ac fortassis tuam.

9mm. Ab Exemplo aliorum Sanctorum. Equibus nunc *Ex Vita Beate sit Sancta Magdalena de Pazzis.* Hæc conversa ad Crucifixum *Magdal. de Paz* quem manu gerebat, inter alios amoris affectus altâ inclamabat voce: O Amor! Si anima mea posset scire, quid sit esse sine te, non unam sed mille mortes mallet eligere. Eadem sancta in ecstasibus, flammis amoris Divini incitata, quandoquè accipiens manu Crucifixum quasi insanendo præ amore, per claustrum

currebat inclamando. O Amor! O Amor! Quandoque eundem Crucifixum cordi apprimebat, & osculabatur dicens: O Amor! Non cessabo unquam DEUS mi vocare te Amorem. O lætitia cordis mei, spes & solatium animæ meæ! Quandoque omnia sua membra ad Crucifixum applicando ita suspirabat in dulcedine. O dilectissime sponse! O Amor! dulcedo! O firmamentum animæ meæ! O bone JESU! O dulcis JESU! O mi JESU! claudere oculos meos in oculis misericordiæ tuæ; auribus tuis ita applicare aures meas, ut quidquam audiam nisi vocem dilecti: uniat os meum labiis tuis, ut tecum amoris plenos misceam sermones. Pectus meum O dilectissime JESU in tuo tepeliatur pectore.

Praxis proficiendi in dilectione IESU est. 1mo. Serio in cumbere Lectionibus potiusque Meditationibus excitantibus ad amorem IESU, pousissimum considerationi illius ineffabilis Charitatis quâ hominem affectuosissimè prosequitur, & ex qua tanta propter hominem fecit & passus est: quæ Motiva dilectionis præter data supra alia vide. 2do. Herventi Oratione instare pro amore IESU. 3tio. Exercere se in actibus dilectionis IESU. Actus internos vide supra sub classe actuum charitatis in DEUM, & alibi. Actus externi sunt quicunque actus virtutum externi, vel operum indifferentium, imperavi ad sui exercitium ab Amore IESU.

Part. 3. tract. 2.
cap. 2. & tract.
ultimo sec. 1.
sub 3.

12. tract. 2. c. 6.

sec. 5. sub 4. 6.

4. de Hyperdulia Christi.

SECTIO IV.

De Oppositis Amoris Christi.

Oppositum per excessum est, quando imprudenter fit aliquid in actu dilectionis Christi, vel ex dilectione Christi.

Oppositum per defectum contradictione est, dilectionis Christi incuria: quæ quantæ indignitatis sit, paret vel ob immentem ingratitudinem hominis, quæ totis medullis amanti se IESU, & ex eodem amore ineffabilia pro sua æterna salute agenti & patienti: tum ineffabilia bona, immo seipsum homini nascentem in focum, convalescentem in edulium, regnantem in præcium, tribuenti, homini inquam peccatori, omni ex parte vilissimo, exosissimo: attamen auctori tanto minime respondere, durior est scilicet infelix & maledicta ingratitudo.

Oppo-

Oppositum per defectum contrariè, est Odium Christi. Quod S. Bernard.
 quantopere id Angelis delectioribus, & Protoplatto vindicavit *serm. 1. in ad-*
DEUS satis experimur. Id ipsum eleganter describit S. Ber- *ventu Domini*
nardus dicens: Quid agat Filius, videns pro se zelare Patrem, &
 „ nulli penitus parcere creaturæ? Ecce, inquit, occasione mei
 „ creaturas suas Pater amittit, altitudinem meam primus Ange-
 „ lus affectavit, & populum qui sibi crederet habuit: sed con-
 „ timis Patris zelus graviter vindicavit in illum, percussit eum
 „ pariter cum omnibus suis plagâ incurabili, castigatione crude-
 „ li. Scientiam quoque quæ nihilominus mea est, surripere
 „ voluit homo: & ne illi quidem mitertus est, nec pepercit o-
 „ culus ejus. Nunquid de bobus cura est DEO? Duas tantum
 „ fecerat nobiles creaturas rationis participes, capaces beatitu-
 „ dinis, Angelum videlicet, atque hominem: sed ecce propter
 „ me Angelos perdidit multos, homines universos. Ergo ut
 „ sciant quia & ego diligo Patrem; per me recipiat, quos quo-
 „ dammodo propter me amisisse videtur. Si propter me tempestus
 „ hæc orta est, (ait Jonas) tollite me, & mittite in mare. Omnes
 „ invident mihi. Ecce venio, & talem eis exhibeo memetipsum,
 „ ut quisquis gestierit imitari, fiat ei simulatio istam bonum.
 Verum ne id quidem juvit: Hominem licet indutus Filius Dei,
 à mundo se tamen ingratisimo odio f.beri indicavit; ex quo
 maximis injuriis & ærumnis, atrocissimis pœnis ac morte occubuit.
 Verum quo fructu? En sanguis à Iudaico populo exquiritur,
 qui sine lege, sine Rege, sine sacerdote per orbem vagantes,
 & illos Chisticolis exosi in cœcit re sua ad æternæ mortis re-
 nebras precipites ruunt. Similiter Reges terræ persecutores
 Christi in membris Ecclesiæ, quàm incassum, suamque in perni-
 ciam egerint, indicat Plinius: *Quare premuntur gentes, & populi me-*
ditati sunt in manu? Aspiciunt Reges terræ, & principes convenerunt in
unum adversus Dominum, & adversus Christum ejus. Sed quid sequi-
 tur? *Qui habitant in caelis irascuntur ei, & Dominus subleget eos; tunc*
loquetur ad eos in ira sua, & in furore suo conturbabit eos. Quia mali
 Christiani ad non & illi osiores persecutoresque Christi, ipsi de-
 mum gravius puniendi? insinuat Apostolus dicens: *Quanto ma-*
gis putatis deteriora mereri supplicia, qui Filium DEI conculcaverit, & *Ad Hebr. 6. 10.*
sangui-

Jon. 6. 1.

Johan: 15.

Psal. 2.

I. Cor. 6. 16. sanguinem testamenti pollutum duxerit, in quo sanctificatus est, & Spiritui gratia contumeliam fecerit? Et alibi: Si quis non amat Dominum nostrum **JESUM Christum**, sit anathema Maranatha: quasi dicat: Dominus noster venit, scilicet vindex ad iudicium: aut potius *maran attha* id est veniat Dominus Iudex, ut eum qui Christum non amat, anathemate feriat, damnet, & puniat. Et S. Hieronymus ait, ut Paulus insinuet, quod superfluum sit odiis pertinacibus, adversus eum velle contendere, quem venisse jam constat.

*Cornel. à lap.
commen. ibid.*

Cavenda igitur averfio à Christo, & neglectus amoris ejus: quin dilectioni ejus opera danda propter dignissimam

I. 2. Tract. 1. c. Bonitatem ipsius. *Applica quoque hic proportionatè supradicta.*

**I. sect. 4. sub-
sect. 2. §. 2. & 3.**

SECTIO V.

De Amore DEipara.

Amor hic, est actus, procedens ab habitu charitatis, quo diligitur Virgo Beatissima ex motivo summæ DEI Bonitatis. De formali objecto dilectionis Beatissimæ Virginis dicta supra hinc proportionatè applica.

*Vide Sect. 3. de
Amore DEI-
Homini.*

Incentiva ad proficiendum in ardentissimo amore erga Beatissimam DEI genitricem sunt. **Imum.** Beneplacitum voluntatis Christi, quo Beatissimam virginem à nobis amari colique desiderat, quia Mater ejus est: hoc quippe proprium Filiorum est officium juxta quartum Decalogi præceptum colere & amare suos Parentes: Deinde eos velle coli & amari ab aliis; Ut enim gloria Patris filius sapiens, ita juxta mellissimum Doctorem **S. Bern. homil. 4. super Missus** Non est dubium, quidquid in Laudibus Matris proferimus, ad Filium pertinere, adeoque amando Matrem Filium amare; cum Filius sit aliquid Matris. Jam verò cum in Christum amor sit nostra felicitas, ejusque gloria, sequitur percupidè exoptare Christum amari à nobis suam Matrem, ut in ipsum redundet is amor, quo illi suæque Matri exhibeatur gloria, nostra verò augmentum capiat beatitudo.

*Eusebius Nie-
remberg. c. 14.
de Amore B. V.
hec & sequen-
tia.*

2dum est Amor Beatissimæ Virginis erga nos & Beneficia ab ea nobis præstita. Quippe Mater & Virgo naturâ suâ ad benignitatem & amorem tota ipsa propendet, melle dulcor, & quantum bonitate & præstantiâ res omnes conditas excedit, tan-

tum

tum eminet teneritudo affectusque ipsius erga nos : Etiam si extranei essemus, neque Filio nos percharos ab eoque redemptos esse sciret. Huc accedit, adoptatos nos esse à clementissimo IESU in filios Virginis, eà dignatione & semetipsum quoddammodo ad amplius nos amandos excitante, & Matris pietatem, amabilissimamque ac suavissimam animi indolem, magis magisque nobis conciliante. Quæ super hæc omnia, cum suis ipsa oculis viderit, quæ & quanta nostrâ causâ Servator noster fecerit, passusque sit, nefas erit ambigere, quin pro immenso suo in ipsum amore, eximia nos quoque charitate diligat. Quoniam quanti sanguinem mortemque Filii DEI æstimet, tantum necesse est propensionem illius esse & amorem adversus nos, eo pretio, lytroque liberatos. Amari MARIA debet, quia Mater nostra est, non naturâ, sed adoptione. Eo quippe nos honore maximo *idem c. 20, ubi-* gratiâque prosecuta est, ut in filios suos eligere, atque uti tales *dem.* habere nos voluerit; nos inquam, quos suos inter liberos annumerare, multæ aliæ mulieres erubescerent: aded, ut ob cognationem istam legalem, quæ nos inter Virginemque intercedit, eundem ipsi amoris ac reverentiam debeamus, quam deberemus, si verè in lucem hanc nos edidisset, imò maiorem. Nec enim plaris sed minoris potius facienda est ista conjunctio sanguinis, quam altera cognatio affectus, infinitaq; est illius dignationis, quâ ipsa Mater DEI, nos respicit, nostri recordatur: idq; propterea, ut ad Materna officia nobis præstanda exciterur amplius. Quippe cōsanguinitas hæc adoptionis & affectus amoris innititur, nasciturq; ex amore, ac tantò pluri est æstimanda, quantò plus voluntaria fuit & spontanea, officiique planè nullis, nulli alteri causæ debita. Neq; est cur inanem quis hunc putet esse vacuumque titulum, qui est solidi fructus plenissimus & fecundissimus, quoniam non ornantur duntaxat incomparabili isto honore, quod filii nominemur MARIE, Reginae potentissimæ, sed lucra præterea utilitateque omnes colligimus, quos colligeremus, si naturales ejus filii censeremur. Etenim curam nostri gerit bona Mater haud aliter, atq; si de suis visceribus genuisset, amantissimæque parentis officia quævis, & charitatem exhibet usque eò perfectè, ut non defuerint, quos suis etiam visceribus adinovere, suoque lacte po-

tare dignata sit. Nam ut de S. Bernardo Claravallensi Abbate, dilectissimo illo Virginis Filio, nihil commemorem, cujus labra

* *La Croix* nectareo hoc fonte irroravit. * Unde admirabilis illa quam ubi-
Hert. Mar. are- cunque vir sanctus ispirat, cum pietate dulcedo, profluxit. Ean-
ol. 2. c. 5. Et dem adversus se liberalitatem experti sunt quoque alii, atque il-
Balis ghe in Ka le cūprimis, de quo scribit B. Petrus Damiani † Nivernensis
lendario Mari- Clericus, Virginis cultor egregius. Hunc magnis morbi dolori-
ano ad 20. Au- bus ad extrema deductum, mortique proximum invisit celi
gusti ubi plures Regina, germanam ipsi Matrem repræsentatura, adque pau-
enumerat. peris lectuli caput consistens, castissimis optimū filium suum.

† *lib. 6. Epist.* blanditiis demulsi, purissimumque pectus detegens ac nudans,
29. Callis est & (ut verbis utar mei Authoris) *sacri uberis papilla lac exprimens*
Epist. 17. *ejus labris instillavit, & Divinæ virtutis antidoto protinus ille, resump-*
tus viribus ex infirmitate convaluit. Addidit verò S. Doctor, con-

stanti famā celebrari, in labris ejusdem Clerici, virginis lactus ve-
 stigia quædam reliqua observari potuisse. Facit has nobis de-
 licias Mater piētissima, atq; tantum se demittit, ut cum lacte,

Nierembergius Fili sui amorem haurimus, penitusquē imbibamus.)) Quòd ve-
c. 12. de Amore rē concernit Beneficia ex materno amore promanantia, binum
erga B. Virgi- IE. IES & MARIA, hi duo commodorum bonorumque meorum
nem. omnium causæ sunt universales: fons & origo JESUS, intra-
 mentum MARIA; sed instrumentum felicitatis meæ usquē eò

generale & primarium, ut nihil mihi unquam benè vel factum,
 vel futurum sit, nisi ipsa intercedente atque largiente. * Consi-
 deret igitur attente pia anima eorum, quibus à DEO ornata est,
** S. Bernardus* beneficiorum multitudinem, secumquē ita statuat totidem se ob-
ferm. 3. de vi- causas, ad amorem devotionemque erga Sanctissimam Virginem
gil Nativit. Do- obligari. Huic debemus inspirationes omnes, quas de cælo hau-

Nihil. nos DE- simus, huic quòd tot occasionibus peccandi subtrahi sumus; hu-
US habere vo- ic deniquē gratiam omnem & justificationem, quā dotati in con-
luit quod per spectum Patris luminum venire audemus. Quandoquidem
MARIÆ, ma- Servator noster eximie hujus Benefactricis nostræ dilectus Fili-
nus non trans- us, infinita nobis merita sua, nulla plane in re efficaciter attribuit
ret. atque applicat, nisi per amantissimam Parentem suam MARI-
 AM: quæ deprecatione suā necessitates miserasquē nostras, si-

ve corpus illæ sive animam spectent; benignissimè autē occupat,
 sollicitus

solicitiis studiosiusquē nos adjuvans, quānt ipsi eam rogemus, quamquē sciamus, aut scire possimus. Obligatio hæc quā Deiparæ obstricti sumus, omnemquē illi felicitatem nostram integerrimē verissimēque debemus, non ex eo duntaxat capite oritur, quod una eademquē vice totum nobis & omne bonum nostrum, videlicet Christum JESUM donaverit: (quod cū sit donum bonumque infinitum; ad mille si tot haberemus, corda ipsi redonanda, abundē sufficeret:) verū etiam, quia particularim & scortim omnia nobis Divina beneficia, nec minimam bonam cogitationem excipiendo, incredibili charitate providit ipsa ac impetravit.

Nequē verò sola ei beneficia debemus, quibus nos, sive à malis liberando, sive immentia bona conferendo, affecit; sed modum præterea ipsum, quo illa confert, quæ sunt preces, quibus eadem comparantur: quoniam non rarò plus præstat is, qui ab altero beneficium obtinet, quā ille ipse, qui tribuit. Debemus itaque DEI Matri tum ea, quæ dat, tum ea quæ petit, ut dare possit; innumerabilia nobis dona gratiasquē indefinenter à Filio exorando. Quamquā enim Servator illi noster ubiquē morem gerere percipiat & gratificari, quia tamen peccata nostra tam sunt enormia, non rarò necesse habet bona Mater amantè orare & oblectare, omniaquē sua in JESUM merita afferre, quò veniam pro nobis impetret. Ex quo patet, non expectare ipsam, dum à nobis exoratur sed cū incuriosi nos atquē oscitantes de rebus nostris nihil admodum laboramus, optimam Matrem Filio in causa nostra supplicem fieri, eundemquē benedictum fructum ventris sui placare non intermittere: quo justas ille debitasquē nobis pœnas maternis precibus condonet, & in merissimos eas maximosquē favores convertat. Quis similis huic amor sollicitudoquē reperiri usquam terrarum queat? quæ perfectio nobilitasquē animi major, quā Virginem gloriosissimam finem nullum facere, inscios nos, & (prò dolor!) ingratos aliis atquē aliis beneficiis cumulandi?

Adeò porrò ingentia sunt ac universalia hæc ipsa sanctissimæ DEIPARÆ in nos beneficia, ut sint Patres, qui asserere non dubitent, mundum universum, nisi per ipsam sterisset, pridem

peritulum fuisse, ejus unius meritis patrociniòque adhuc confi-
 † *Lege que de stentem.* † S. Bernardinus addidit etiam multis annorum mili-
 SS. Dominico bus antequàm nasceretur, totum terrarum orbem à M A R I A
 & Francisco servatum, ab eo scilicet tempore quo peccavit Adamus: DEUMq;
 narrat Platus quo minus eundem, uti merebatur in nihilum redigere, solâ
 lib. I C 34. Virginis, quam in æterna mente sua præsentissimam habebat

jucundissimèque intuebatur, reverentiâ & summo advertus illam
 amore, prohibitum esse. Verba viri sancti adscribo. Propter istam,
 inquit, nobilem creaturam DEUS salvavit Parentes primos de prima
 eorum transgressione: Noë de diluvio inundante; Abraham de Hæc Chal-
 deorum; Isaac de Ismaele, Jacob de Esau, Judaicum populum de Ægypto,

S. Bern. tom. I. & de impia Pharaonis manu, & de mari rubro: quibus ubi alia atquè
 pag. 512. serm. alia beneficia adjecit, antiquis Patribus collata, sic deniquè con-
 61. qui est de B. cludit, ut fideliter dicat: Omnes liberationes, & indulgentias factas
 V. habitus in in veteri testamento, non ambigo DEUM fecisse solum propter hujus be-
 neficia & post Re- nedictæ puellæ reverentiam, & amorem, quibus eam DEUS in æterna sua
 resurrectione. Do- prædestinatione honorandam cunctis operibus suis ab æterno præordinavit.
 mini Art. I. c. Nemo autem sibi persuadeat, angustis vitæ mortalis spatiis
 2. cui hic est maximæ hujus potentissimæque Imperatricis beneficia circum-
 præscriptus ti- feribi & definiri: nam charitas Virginis progreditur ulterius in
 tulus. Quod to- vitam orbemque alterum: clientium suorum solutos corpore
 tus mundus post animos è piaculari carcere, ubi acerbissimas gravissimasque po-
 primorum no- nas luunt clementissimè liberans & cælo asserens. † De quo
 strorum Paren- ipsamet DEI para dixit aliquando religiosissimo Patri Hieronymo
 tum culpam, Cavalio, magnam curam gerere pro hominibus è Societate Jē-
 amore tantæ SU vitæ functis, ut purgantibus flammis eximantur, eandemque
 Virginis à Deo operam aliis sui sinceris cultoribus navaturam. Beatus item A-
 præservatus medeus cælitus accepit Sanctissimam Virginem mox ab obitu
 est.

suò, priusquàm animâ & corpore ad præparatum sibi gloriæ thro-
 † Pulchre id, num ascenderet; omnes sibi præcipuè devotos è purgatorio
 ut solet expli- igne vindicasse, decebat etenim ut victoriosa ac triumphans,
 cat P. Poereus cumquè spoliis opimis, cælis invehetur, hæc quoque in re Filio
 triplicis coro- suo non dissimilis, qui ascendens in altum, captivam duxit captivitatem
 ne Tract. 5. c. 13. tem, annas Sanctorum Patrum è limbo ereptas secum ducens, ut
 Psal. 67. v. 19. gloriosissimum ascendentis in cælos Domini sui triumphum ovan-
 Ephes 4. v. 8. tes comitarentur. Hacætenus Nierembergius. Deniquè coronis
 omnium

omnium beneficiorum, maximum donum finalis perseverantiae in gratia DEI, ingressusque ad salutem æternam possidendam (ut apud eundem Nierenbergium ibidem habetur) per MA-^{Nierenberg, c.}RIÆ manus expectandum docet S. Anselmus, S. Bonaventura,^{13.} Michæl Insulanus, aliiquæ Doctores rectè verèquè DElparam ^{S. Anselmus in} hunc in modum compellant. *Sicut ô Beatissima, omnis à te aversus, alloquitur cele-*
& à te despectus, necesse est ut intereat, ita omnis ad te conversus, & à te sibi 27. in e-
respectus, impossibile est, ut pereat. Tantummodò itaque velis salutem dictione dunt-
nostram, & verè nequiquam salvi esse non poterimus.

Anni 1630. S.

^{14. ium.} Exemplum S.S. Trinitatis, quæ triplici amoris ge-^{Bonavent. Tom.}nere Beatissimam Virginem prosecuta est. Primò Naturali, qui ^{lib. 5. Phare-}propinquitatem & consanguinitatem nititur. Amor parentum er-^{tra c. 5. S. An-}ga liberos, & liberorum in parentes, amor sponsi erga sponsam; ^{tonius parte 4.}& amor quo in suam quisque patriam ferimur, maxime ad amo-^{sūme Theol. tit.}rem mutuam mortales provocant & adstringunt, suntquæ amores ^{15. c. 14. § 7. ci-}hi ex se vehementissimi ac constantissimi, etiam cum soli sepa-^{tans Anselmum.}ratur quæ sumuntur: quid ergo facient, & quantum amorem ^{Nierenberg, c.}merebuntur, si quando in uno eodemque homine junctim re-^{5. de Amore quo}periantur, id quod Sanctissimæ DElparæ evenire constat? Iplā ^{SS. Trinitas}MA-^{quippe specialissima est & charissima filia DEI Patris: ipsa na-}RIAM comple-
turalis Mater DEI Filii, cui corpus vitamquæ novā impertivit: ipsa ^{fitur & ob}ob
Spiritus Sancti Sponsa fidelissima est velut S.S. Trinitatis Patria, ^{quem cupit eā-}quem
eum sit domicilium & locus eidem acceptissimus. ^{Et inferius. Ni-}dem à nobis dī-
hilo istis minora ab amore & charitate Patriæ profecta sunt: cu-^{ligi.}
jus incolumitati & honori vitam suam benè multi consecrârunt;
qui amor ex parte quoquæ major est magisque obligans quā
amores ceteri, quatenus nimirum bonum eo publicum conti-
netur, quod privato cuicunque comodo est anteponendum.
Amor autem S.S. Trinitatis adversus DElparam, non consistit in
eo, quod Pater æternus ipsam respiciat solum ut Filiam, Filius
solum ut Matrem, aut Sanctus Spiritus solum ut Sponsam suam;
verum quod eam reputent bonum quoddam publicum, & para-
disum omnibus tribus Divinis Personis communem, in quo pa-
riter recreantur & oblectantur. Bonum utique publicum est
MARIA, quod ad DEUM, ad Angelos, ad homines, ad totam
pertinet naturam. Unde fit ut Pater celestis tractet Virginem,

ipsamquæ amet non modò sicut Filiam suam primo genitam; sed insuper sicut Filii sui Matrem amabilem, sancti Spiritus sponsam lectissimam, templum & paradysum tribus Personis utqueque communem, ac bonum publicum creaturarum omnium. Eadem est ratio Filii, & Sancti Spiritus, *MARIAM* amantium, non ut Matrem duntaxat, & Sponsam, verùm etiam quasi Patris Filiam, bonumquæ mundi univertale, atquæ ipsam æstimantium pro thalamo Amoris sui, pro throno Majestatis suæ, proquæ templo suæ Sanctitatis.

Ex his facillè patebit illud idem amoris genus, quæ lemmamento aliquo & utilitate definitur, in *DEO* erga *MARIAM* locum habere, quandoquidem nullam ille fructuosiorẽ sibi numeret creaturam. Quanquam enim illi supremæ Majestatis, nihil unquam defuerit, desitvè, nec re ullâ opus habeat, aut commodi tantillum à creaturis suis expectet, tanta attamen ipsius est erga homines charitas, ut commodorum nostrorum studiofissima, ea æstimet tanquam sibi propria, ab omnibus ratione præditis creaturis honorari se ac celebrari gaudendo: quas inter nulla fuit erituè, quæ vel illustriori *DEUM* honore affecerit, aut majorem hominibus utilitatem attulerit, quàm *MARIA*: eaque ratione cum fructus, quem in *MARIA* *DEUS* habet, tam ingens sit & propè infinitus, dici non potest, quantoperè illam super res omnes quas condidit, ipse diligat. Nam præterquam quòd in causa sit, ut creaturæ ceteræ *DEUM* venerentur & prædicent; gloria quam una ipsa *DEO* tribuit, gratiæ quas agit, gaudium quo illum perfundit, laudes quibus extollit, pluris faciendæ sunt, quàm quidquid hac in parte præstant omnes chori & classes Angelorum, reliquorumquæ beatorum Martyrum, Confessorum, ac Virginum numerosissimi exercitus. Si igitur exiguum ali-quod lucrum & compendium tanti nobis est, ut ejus amore præsentissima vitæ pericula, adire non reformidemus: quidni *DEI* Filium, in Matris solius gratiam, &, qui inde consequitur, auctiorem Numinis honorem ac gloriam, vitam suam impendisse lubentes fateamur? quoniam, etsi Divinitatem solùm attendentibus planequæ loquentibus, *DEO* quidpiam utile ac proficuum esse, affirmare nullo pacto liceat, ideoquæ ab eo amoris genere, quem

quem utilem nominavimus, sit ipse quàm remotissimus: respectu tamen Humanitatis Christi, Virgo Sanctissima Filio suo verè proprièquè utilis ac proficua fuit, proindequè meritisimò dici potest, ipsam DEO, Filio suo, commodasse.

Secundùm ista, omnium adhuc excellentissimum in DEO amorem deprehendimus erga pulcherrimam hanc sanctissimamque animam, qui est amor veræ ac sinceræ amicitiae: quando, scilicet, non spectatur emolumentum aliquod, non obligatio alia, non vinculum sanguinis, sed amicus diligitur propter semetipsum, propter bonitatem ac virtutem suam, tamen si nullum ex eo fructum capiamus, nullumvè aliud illi amorem debeamus. Siquidem tanta est magnitudo benignitatis ac sanctitatis MARIE, tanta personæ illius excellentia & dignitas, ut, si cætera abi essent, & ipsa neque DEI Mater foret, nequè ullatenus ei proderet, nihilò secius ea propter vehementius sola, quàm Sancti simul omnes Angeli ac homines diligeretur. Hoc loco ita rursum oportebit concludere: si singuli hi amoris tituli tam sunt efficaces, quid non impetrabunt universi? quali charitatis incendio DEUS non deperiet MARIAM? quàm mirificè probabit eandem à nobis amari is, qui ardentissimè amat hanc Filiam suam, Matrem suam, Spontam suam, Paradisum suum, dignissimum, utilissimumquè pignus, arrham suam, bonum mundi publicum? nam, quæ DEI gloriam & salutem promoveret amplius, quàm omnes creaturæ: quæ sanctior est puriorquè beatissimis Spiritibus, sanctisque qui in cælo, terravè degunt ad unum omnibus, & simul omnibus?

* Scherlogna

Ad extremum, quandoquidem amorem valde commen- *hic plurimos*
dat antiquitas ejusdem seu diuturnitas; primus hominum, quem *sugeret? quod*
DEUS amavit, fuit MARIA: eam sibi eligendo, atquè ante alios *de eo monitum*
omnes Sanctos æternæ gloriæ destinando, effususquè quàm re- *in plures alios,*
liquam Ecclesiam, diligendo. Quoniam item amantis est, ut quos produco
personæ amata se manifestet & patefaciat; SS. TRINITAS MA- *aptum scies.)*
RIÆ crebrò se aspectabilem præbuit: adeo ut superstes in terris *Tom: 3. Vestigat*
Divinam essentiam clarè aspexerit, idquè majori cum gloria, quàm *24. Explanat.*
ipsi Cælitæ. * Luculentissimum est hoc Divini erga Virginem a- *didascal. sect.*
moris argumentum, ipsi, legibus solutæ exemptaque etiam in hoc *2. pag. 432 &*
orbe, seq.

orbe, ante Filii obitum, atque ad vitam reditum, potestatem fieri DEI, qualis est, facie ad faciem intucendi. Abrahamus, David, Hieremias, & Prophetæ cæteri Testamenti veteris, quantumvis mortui, quantumvis flammis piacularibus à levissimis maculis suis purgati, penitusque à pœnis absoluti, Christi mortem avidè expectârunt, ut velo sublato laceratoque DEUM perspicuè contemplari liceret; at MARIA, etiam tum mortalis, claram DEI visionem anticipavit, & prius quidem, quàm Filius morte acerbissimâ defungeretur: eò quod DEUS, pro suo erga ipsam amore, tam amœno illam spectaculo tam diu omnino privari nolle.

Nieremberg, c.

6. De Amore
minum Angeli-
carum Hierar-
chiarum erga
MARIAM
qualiter eas i-
mitari debea-
mus.

4tum. Exemplum SS. Angelorum.

Hi etenim cum Sanctis-
simam Virginem tantopere à DEO amari videant, qui fieri posset
ut ipsam præeuntem non sequerentur, ejusque exemplo invi-
tarentur ad id, in quo Conditorum suum utique eo vident excellen-
tiam? cur tam justam meritamque ipsi voluptatem inviderent, nec
amarent, obsequiisque omnibus colerent creaturam ei charissi-
mam, filiam illius primogenitam, Matrem JESU, unicè dilectam,
Divini Amoris Sponsam, ipsorumque Angelorum Reginam? Pu-
dore profectò suffundi, largiterque erubescere debemus, vilita-
tem atque ingratitudinem nostram considerantes, quòd in Vir-
ginis ejus, quæ nostri est generis & gentis, deque cujus manu
beneficia tam multa magnaque accepimus, servitio obsequioque
tam desides simus; Angeli contrà, etsi origine diversi, quibus
pauciores, quàm nobis adfert utilitates, animatus triumphent, gau-
dioque exultent, mirè læti, quòd Virgini eidem, si naturam spe-
ctemus, longè suâ inferiori, genua possint submittere, illamque
suppliciter venerari. Pro certo illud quidem affirmare licet,
non ita multum Angelos facere, cum MARIÆ subditi sunt, gra-
tiâ aliisque Divinis favoribus velut infinite se exsuperanti, nihilo
tamen minus magni æstimari debet demissio altissimorum Sera-
phim, candidaque sinceritas ac ingenuitas, nullâ spe commodi,
sine invidiâ, sine respectu, animo recto & simplici sic colentium,
sic obsequentium, sic subjectorum uni cuipiam Virgini, ut ho-
nori sibi ducant justâ ipsius & imperia, eaque tanto studio & ala-
critate, tanta cum reverentia ac submissione exequantur, ut

S. Brigittæ. (verba recito Angeli in Angelico sermone ad S. Brigittam.)
20. pag. 559.

omnes

omnes inferni poenas libentiùs sustinerent, quàm aliquibus suis præceptis in aliquo contradicerent. Et inferius. Deinde S. Angeli quotiescunquè nomen MARIE audiunt, mirâ spiritus dulcedine perfunduntur, illudquè proferentibus, statim, ut S. Brigitta loquitur, magis appropinquant, eorumquè preces majori studio DEO offerunt: 9. c. II.

&, quod magis mirè, pro eximio suo in Virginem amore, audito Sancti Iosephi castissimi ejus sponsi nomine (id quod vidisse se affirmat S. Gertrudis, cujus verba repræsentò) Angeli & Sancti omnes capita sua reverenter inclinant, & nutu oculorum amabili-
liter blandiantur ipsius dignitati congaudentes.

Item: est Exemplum SS. Apostolorum, aliorumquè Sanctorum: Apostoli Sancti, ac Discipuli Servatoris, qui MARIAM novè- cum ea familiariter egere, ipsius suavissimâ consuetudine & comitate toties aspersi, sapientissimis sanctissimisque consiliis ad- juti, atquè heroicorum illius exemplorum testes quotidiani, non poterant non charissimam Magistram suam amare, eâque identidem conspectâ Majestate tantâ, & Divinâ oris modestiâ, cæterisque virtutibus, quæ in ipsa mirificè effulgebant, omnibusquè admirationi erant, non vehementer obstupesceri. Tam singula- ri ipsi DEI param religione colebant, in concionibus suis tam magna & mira de ea prædicabant, adeoque animos audientium permovebant, ut ejus coram intuendæ studio longinquas Neophytorum multi peregrinationes obiverint: id quod testimoniis revelationibusquè authenticis abundè constat. † Ajunt quoquè, gravisque & antiqui scriptoris autoritate confirmant, ex Hispaniis in Palestinam profectos esse aliquos. ut prodigium illud Sanctitatis intuerentur, antequam S. Jacobus Virginis cultu Hispanos imbuisset. Quippè ob persecutionem Hierosolymis, Stephanus Proto-martyre lapidato adversus fideles Christi quæ discipulos exercitam, horum plures per diversas sparsi sunt provincias: ex quibus in Hispaniam venerunt aliqui, adeoque rara ac stupenda de Virgine, eademquè DEI ad mundum redimendum humanâ carne corporati Matre memorârunt, ut multi, natali terrâ defertâ ad istud gratiæ miraculum contuendum proficiscerentur: quod idem de provinciis nationibusquè aliis verè, meo judicio, affirmari potest. Areopagita certè Dionysius, solo domo- que patriâ teri.

S. Gertrudis
Insinuat. div.

A. piet. lib. 4. pag.

12. & 497.

Nierembergii

sepracit. c. 9.

† Pleraq. hu-

jus Puncti que

mirabilia ui-

debuntur sum-

pta sūt ex scri-

ptoribus rerum

Hispanicarum

maxime posse-

rioribus. Item

ex Apocalypsi,

de qua memi-

nit nota penul-

tima proximi

Capitis (scili-

cet apud Nie-

rembergium.)

Item ex chro-

patriâ relicta, longissimum iter ingressus eò solùm ut Virginem, de qua præclarissima quæque dicentem S. Paulum audiverat, cominus videret, quam simul oculis libavit, sacro quodam horrore perfusus, vix quæ sui compos, Numinis loco veneratus fuisset, nisi fidei lumen, Apostolique DEUM unum docentis institutio obtulisset: qua de re in epistola ad eundem S. Paulum data gratias agit de consilio sibi suggesto, quodque ipsius & S. Joannis Evangelistæ operâ in Virginis conspectum admittus fuisset.

„ Verba ipsius subjungo. Non credidi, ait, confiteor coram DEO,
 „ Princeps mi maxime, extra DEUM summum & optimum esse,
 „ haberi etiam, nec posse ab hominibus percipi, quæ ego oculis,
 „ non tantùm mentis, sed corporis vidi, perspexi, atque propriis
 „ oculis intuitus sum, deiformem, atque super omnes cælicos
 „ Spiritus, Sanctissimam Matrem Christi JESU Domini nostri,
 „ quam mihi benignitas DEI, Apostolicique culminis autoritas,
 „ & Virginis alma indeficiens clementia videre concessit: fateor iterum, atque iterum, coram omnipotentia DEI, & clementia Salvatoris, & gloria Majestatis Virginis Matris ejus,
 „ quoniam cum à Joanne, vertice & Evangelii & Prophetarum,
 „ qui in corpore habitans quasi sol fulget in cælo, ductus fui ad
 „ deiformem præsentiam altissimæ Virginis, tantus me immensus Divinus splendor circumfulsit exterius, & plenius irradiavit interiùs, tanta etiam in me omnium odoramentorum superabundavit fragrantia, ut nec corpus infelix, neque spiritus posset, totius ac tantæ æternæ felicitatis insignia sustinere.
 „ Defecit cor meum; defecit & spiritus tantæ gloriæ Majestatis oppressus. Testor, qui aderat in Virgine, DEUM; si tua Divina concepta me non docuissent, hanc ego DEUM esse credidissem: quoniam nulla videri major esse potest gloria Beatorum, quam ego, infelix nunc, tunc verò felicissimus degustavi. Gratias ago summo atque optimo DEO meo, Divinæ Virgini, & eminentissimo Apostolo Joanni, & tibi Ecclesiæ, vertici, atque Principi triumphanti, qui mihi talia clarissime, atque clementissime præstulistis. *Hactenus Dionysius.* * S. Paulum ejusdem Virginis videndæ, cumque illa communicandi, & ab ipsa erudiendi amore incensum, aliam peregrinationem, pari cum S. Dionysio successu instituisse, Joannes Menesius literis pro-

* A Castro in
 Hist. DEiparæ
 Notat. 10. ad
 19. c. de quibus
 & ceteris hoc
 puncto judicium
 permitto
 lectori erudito
 ac pio.

ris prodidit: nimirū Deiparæ Sapientiā & Sacrosācto aspectu obtu-
pescitum dixisse, à primo die suæ conversionis ad eam usq; horam
credidisse se Christū DEI esse filium, jam verò Divinitatē filiū per
Divinam Matris præsentiam agnovisse. Visit eandem Virgi-
nem S. Ignatius Martyr, cujus similiter præsentia ipsius erga Ser-
vatorem JESUM affectus tantum auctus est, ut ex ejus animo
nunquam excideret ista cogitatio: JESUS Filius DEI, & MARIE!
JESUS Filius DEI, & MARIE! Virginis videndæ cupiditatem,
in ipso accenderant celebratæ ab aliis laudes ejus ac dignitas,
quemadmodum ex parte ipsemet indicat in epistola quadam,
quam scripsit ad S. Joannem Evangelistam, ubi sic loquitur: *Si-* *Idem ibidem c.*
cut nobis à fide dignis narratur, in MARIA Matre JESU, humana nature 23.
natura Sanctitatis Angelicæ sociatur. Et hec talia excitaverat viscera
nostra, & cogunt vultu desiderare aspectum hujus, si fas sit fieri, celestis
producti & sacratissimi spectaculi. Apostolorum itaque clariori lu-
ce illustratorum, & cum MARIA perpetuo verantium, utque
dum per orbis plagas omnes habitabiles dispergerentur, quis pu-
tas, fuit animi lenius? qualis in illam affectus? quamque tenera Nieremberg
devotio? *de Amore erga*

Immensi laboris sit amorem affectumque, quo Sancti alii, *MARIAM &*
Discipulorum Christi successores, *MARIAM DEI Matrem ve-* *f. c. 10.*
nerati sunt & coluerunt, velle percentere. Quemadmodum e-
nim Apostolice ceteros omnes Sanctos non sanctitate magis quam
præcipuo in Sanctissimam Virginem amore ac devotione ante
celluerunt, ita consecutis temporibus sanctissimi quique in Ec-
clesia DEI homines, ejusdem Virginis studiosissimi, excellentissi-
miquè ejus cultores ac clientes extirere: id quod in Religiosa-
rum familiarum primis authoribus, gloriosissimisquè Patriarchis
(in quibus tanquam sacris quibusdam vasis, maxima, in filios ab
ipsis suos distribuenda sanctitas continebatur) clarissimè paruit,
& in Deiparam pietate sanè præstantibus † S. Bernardus quàm † *De singulis.*
tenero illam amore, prorsus ut Matrem dilectissimam prosequeretur. *Vide Spinelli*
batur? Quantum desudavit atque elaboravit S. Dominicus, *Thronum Cap.*
ut suum in Virginem affectum orbi toti testatum faceret? *35. n. 5. & seq.*
Quam aliam sibi suisquè Patronam expetivit S. Franciscus? *n. 19. & seq.*
Quid unquam sine hujus Dominæ auspiciis, quid sine singu-
lari erga ipsam fiducia aggressus est societatis JESU Parens
Ecce Ignati-

Ignatius? Præsens ejus auxilium sentiebat horis omnibus, ab ipsa sapius viscebatur: illa de cælo afferebat ei donum puritatis, illa regulas dictabat Divinorum quæ scripsit, spiritus exercitiorum, illa constitutiones legesquæ filiis suis condentem velut manu deducebat, easdemquæ confirmabat; illa Filio ipsum suo Patriquæ æterno commendabat; illam sæpè pro se DEO supplicem factam videbat; servum hunc deniquè & clientem suum adeò amabat, ut Ignatio è vivis nondum sublato multis apparuerit, eosdemquæ

† *Consule P. Bourghefii lib. cui titulus Societas JESU* Deiparam devotio, tenerrimiquè ac multiplici sese indultria offerentes affectus satis cogniti sunt; nolo iis commemorandis diutius immorari: illustriora solum aliqua ab aliis Sanctis viris in Virginis obsequio perpetrata subjungam, ut pulcherrimis illorum exemplis ad paria tentanda excitemur, intelligamusquæ quantopere amare illam ac colere debeamus.

Societatis JESU seculum B. Primus sub calanum & in mentem venit B. Petri Damiani Frater germanus Marinus, de quo ipse narrat, tanto Virginis amore flagrasse, ut desiderio illi placendi, famulandi, in semper elegantibus Eunumquæ mancipium tradendi, ante aram eidem dedicatam humilimum ipsi se infimumquæ servum volens lubens obtulerit. Quam Multa quoquæ sibi servitutem in primis honorificam esse palam factururus, vestibus exutus collo corrigiam sive cingulum, quo cingebatur innelingeheimus in xuit, seque velut ergastularium cippo alligavit. Nec stetit hic viri ardor verum ultra progressus, & pro mancipio ab omnibus P. Tonsanus haberi, servilemquæ in modum tractari percipiens, eo ipso loco Bridoo in triacerrimè se cædi verberariquæ voluit, ac deinde certam pecuniæ summam, tribui vicem, & ad publicam servitutis suæ professionem persolvit, parem quor annis, dum viveret, se pensitarum sanctè promittens. † Et erit aliquis qui in dubium vocare, Tom. 1. lib. 2. E- audeat, num Virgo Sanctissima, quæ non opera modò nostra, sed pish. 14. ad De- duo quoquæ quibus ipsam salutamus verba tam liberaliter remuneratur, hanc talem amoris indultriam ingeniosaquæ pietatis inventa præmio suo meritaquæ mercede, destituerit? Habuit

tem Cassinens. Marinum bona Mater in filii semper loco, qui nec dignum se ut mancipium esset Virginis indicabat, eiquæ sub vitæ finem spectandam

standam se praeiuit, ac de aeterna salute reddidit certio-rem. (†) Ut aptè in hunc modum quadret, quod dixit Siracides: *Compedes ejus in protectionem fortitudinis; & bases virtutis, & torques illius in stolam glorie: decor enim vitae est in illis, & vincula illius alligatura salutaris.* † His gemina de Waltero de Hirbach viro nobilissimo, & Lovanien- sis Ducis consanguineo memorat vetus verulque Scriptor Cæsarius Cornelium ibi: Heiterbacensis; cujus verba annuero: *Considerans ait, Walterus adhuc in saeculo positus (post Monasticam se vitam addixit) tanta circa Mariæ Colosse Beatæ DEI Genitricis beneficia, intantum illius amore accensus est, ut nix editum, in quadam paupere Ecclesia in ejus honore dedicata, conscio sacerdote, fune collo suo injecto, servum glebe sive mancipium se illi super altare offerret, solvens singulis annis censum de capite suo, qualem servi originarii solvere consueverunt.* (†) qui similiter cum in vita, tum morte sua à gra- tissima officiorum sibi praestitorum æstimatrice Virgine extraor- dinariis favoribus, beneficiisque affectus est, quæ coloci pluri- bus & cum fide describit is, quem nominavi, Cæsarius. O cali Regina! O Mater mea! pudet me profecto hæc scribentem, teporis tanti ac frigoris, quod in me deprehendo: qui voluntate quidem & desiderio mancipium me tibi dedo; re autem verâ filium me tuum esse, non magni facere videor; quandoquidem operibus hoc ipsum non demonstrō, & neque Tibi ut famulus servio, neque revereor ut filius. Et verò quid pudendum magis, quàm quod viros tantos, qui summum suum, quem in terris sperare possent, honorem interpretabantur, mancipia se MARIÆ dici & esse, intuentes: nihilominus genuini saltē fideles- que illius filii esse minime studeamus, ipsamque prout Materna ejus adversum nos charitas meritisimo exposcebat, colere atque amare negligamus?

Praxis progressum faciendi in dilectione Virginis Matris est imo. Lectioni & meditationi incentivorum amoris in DEIPARAM, tum contemplationi ejus Excellentiae, sedulam dare operam: de qua materia vide infra. 2do. Orationem pro eodem amore obtinendo vehementer frequentare. 3tio. Exercere se in actibus internis externisque dilectionis Beatissimæ Virginis.

Actus interni dilectionis in Desparentem. Ejusmodi actus feliciter exercuit P. Didacus Martinus Soc. JESU quibus multa sibi

† Ibidem.

† Eccli. 6. v.

† Cæsar. lib. 7. Hist. memorab. cap. 39.

ta sibi ipse Virginis beneficia, tantamque benevolentiam conciliavit, ut in præcipuis ejus festivitatis à terra attolleretur ad audiendum laudes, quo eas modo Angeli peragerent & celebrarent, à quibus edoctus in id genus vota erumpebat:

Utinam unus ego vitas possideam hominum omnium, ut eadem obsequio DEI Matris impendam! Utinam habeam voluntates affectusque omnes Sanctorum & Sancti-rum omnium, qui in caelis sunt, amenque Sanctissimam Virginem perfectissimo eorundem, ardentissimo, ac infatigabili amore!

Cupio certe ipsam diligere charitate illà flagrantissimà, quà S. Michael, S. Gabriel, S. Raphael, Seraphini, reliquique beati Spiritus eam diligunt,

Cum Virgine ipsa loquens ista addebat: O beatum illum, Virgo Benedicta, qui te amat amore hoc perfectissimo! Infinitè gaudeo, Virgo Sanctissima, quòd Seraphini & caelestes omnes Spiritus totà aeternitate te ament amore absolutissimo & ardentissimo: supplices ab ipsis peto, ut in meam quoque id vicem faciant.

Vilissimus ego peccator debeo Sanctissimæ Virgini omnem illam agnitionem atque amorem, omnem honorem & gloriam, benedictiones ac laudes omnes, quas Beati in caelis ipsi tribuunt, tribuentque per immensam aeternitatem.

Toto animo opto ac desidero, ut regna omnia, provinciae & nationes, virique ac feminae, quæ in his sunt, cognoscant, ament, serviant, ac laudent perpetuam Virginem & DEI Genitricem MARIAM, eo modo, quo universi caelestis curiae incolæ eidem deserviunt.

Quàm nunc velim ipsi servivisse à momento illo quo primum ratione uti coepi, cum omni illa Sanctitate vitæque innocentia, quæ Deiparæ serviverunt Sancti Joannes Evangelista, ac Baptista, S. Benedictus, S. Dominicus, & quotquot ipsa unquam in terris clientes habuit.

Mori cupio, sanguinemque meum profundere honori & obsequio DEI parentis: desideroque ut Christus JESUS Dominus noster gratiam mihi viresque largiatur, quo omnia mea membra minutatim ac frustatim concendantur, torqueanturque amore & reverentiâ Genitricis ejusdem Domini nostri JESU Christi. Fiat! Fiat! Adeo sincera vehementiaque erant hæc viri vota & suspiria, ut diuturna animi à sensibus alienatio longaque ecstasies, eadem plerumque comitarentur,

Nimirum istud est, bone Lector, Virgini Sanctissimæ ferio devotum esse: istud verè & ex animo DEiparam amare. Age itaque

itaque imitemur egregios hosce cæli Imperatricis servos, ejusque nos servituti læti alacresque addicamus. Id si facimus, & in hac vita prærogativas à Domina nostra plurimas obtinebimus, & futuræ præterea vitæ hæreditate donabimur: cum Cælestes ipsi exultent, quod hujus Virginis servi aliquando fuerint, ejusque se mancipia profesli sint. Quernadmodum enim Regum ministri honorariique ephebi (quæ est similitudo à gravi Doctore usurpata) tesserariam sui Domini vestem præferunt, quâ ab aliis, qui in curia sunt, aulicis distinguantur: ita & in cæli palatio Deiparæ clientes colore utuntur symbolisque singularibus, quibus ab aliis omnibus Sanctis internotantur, proquæ servis, domesticis, ac familiaribus ejusdem agnoscuntur, juxta illud quod in Proverborum libro dicitur: *Omnes domestici ejus vestiti sunt duplicibus.* †

† Prov. 31. v.

Actus externi dilectionis in DEIPARAM sunt quicunque actus externi boni, vel indifferentes, ab amore Virginis Beatissimæ imperati & exerciti.

Ita docet Polbartus de Te-

Vide infra plura, quæ ad hanc sectionem referri possunt sub Hyperdulico cultu Virginis Matris, tum de Fine cui respectu DEIPARÆ.

mesaur in Stella Virg. lib. 12.

Vide quoque suprascripta, & hic proportionatè adhibe.

p. 1. 4. 3.

1. 2. tra. 1. c. 1.

sect. 4. subs. 2.

§ 2.

SECTIO VI.

De Dilectione Proximi.

Dilectio Proximi est actus, ejusdem habitûs charitatis, quo diligitur DEUS: eo quoque diligit homo proximum suum, tanquam seipsum, propter DEUM, seu propter similitudinem DEI bonitatem. Ratio est,

V. Suarez de

quia ad veram amicitiam pertinet non solum amicum diligere, sed etiam ea, quæ sunt amici, uti ipsius filios, familiares, servos &c.

Charitate disp.

propter ipsius amici bonitatem: jam verò proximus est aliquid DEI, nempe ipsius creatura, imago, & similitudo, servus, amicus,

filius per gratiam, &c. Unde dicitur: *Si diligimus invicem, charitas*

Joann. c. 4.

ejus in nobis est. Igitur & proximus tanquam aliquid DEI diligendus, propter DEI bonitatem, tanquam formale motivum veræ dilectionis. Ethic est Amor amicitie absolute spectatus. Porro

ut idem amor est Amor benevolentie, eo debemus velle proximo

suum ultimum finem supernaturalem, nempe Gloriam DEI, suam

æternam

æternam beatitudinem, & media ad ipsam tam naturalia indirecte, quàm supernaturalia directè conducibilia. Denique ut idem Amor amicitie est Amor complacentie, eo gaudere debemus de omni bono proximi, tristari de malo. Dicitur in descriptione;

V. D. Thom. 2. *Diligit homo proximum suum tanquam seipsum*: quia ratio & modus dilectionis proximi (seu fratris, seu amici, ut variè Scriptura loquitur, eadem enim per hæc omnia affinitas designatur) in illo mandato exprimitur: Diliges proximum tuum &c. quia scilicet proximus tuus est, & secundum naturalem DEI imaginem, & secundum capacitatem gloriæ; & hæc ratio dilectionis est. Modus verò dilectionis, dum dicitur: *Sicut teipsum*: Quod non est intelligendum quantum ad hoc, quòd aliquis proximum sibi æqualiter diligat, sed similiter sibi. Et hoc tripliciter. 1mo: ut sicut ex parte finis nempe propter DEUM nos diligimus, propter eundem & proximos diligamus, & sic erit dilectio sancta. 2do, ut sicut homo suæ voluntati tantum debet satisfacere in bonis, non in malo, ita & proximis, sed solis tantum debet condescendere in bonis, & sic erit dilectio iusta. 3tio: ut qua ratione sibi ipsi vult homo bonum, eadem ratione velit & suo proximo, & non propter propriam utilitatem vel delectationem, & sic erit dilectio vera. Alias enim diligit non proximum, sed seipsum.

S. Bonavent. de
Grad. virtut. c.

1. Gradus charitatis Ordo.

Cant. 2.

I.

Matth. 5.

Ibidem.

Gradus dilectionis proximi ex Formula aurea Seraphici Doctoris.

PRIMUM autem notandum est de gradibus charitatis: Nam dicit Sponsa in Canticis: *Ordinavit in me charitatem*. Infimus gradus charitatis est, diligere amicum à quo homo diligitur, honoratur, fovetur, & in omnibus adjuvatur, qui hoc non curat facere, contra naturam nititur laborare. Diligere enim amantem naturæ est; ut dicit Chrysostomus. Altior gradus, diligere inimicum ex corde propter DEUM, qui eum ad imaginem suam creavit, & corpore suo refecit, & sanguine suo redemit; quia diligere non amantem, gratiæ est; ut dicit Chrysostomus: qui hoc facere non curat, filius DEI esse recusat, qui facit solem suum oriri super bonos & malos. Altissimus gradus charitatis est, inimicos beneficiis ad amorem trahere. Unde super illud: *Ut sitis filii Patris vestri*

vestri, dicit Glossa: Cumulus perfectionis est inimicos diligere, & pro ipsis diligenter orare, sicut fecit Christus: & alia glossa super illud: Benefacite &c. dicit: Non tantum ad amicos, sed etiam ad inimicos extendite opera charitatis, ut amici esse incipiant. In primo gradu stant Ethnicus & Publicanus, qui diligunt eos, qui se diligunt. In secundo stant perfecti Christiani, qui maledicentibus benedicunt. In tertio stant perfectissimi Religiosi, imò Christus, qui Judam ad amorem suum traxit benignissime osculando, pedes lavando, carne suâ cibando, & in cruce pro persecutoribus orando.

Item altus gradus Charitatis est, cum aliquis utilitatem amici sui cum proprio lucro quærit. Altior, cum aliquis commodum amici sui cum damno rerum suarum quærit. Altissimus, cum aliquis bonum amici sui cum propria morte quærit. Unde dicitur: Majorem charitatem &c. Ergo maximam charitatem habet qui animam suam pro amicis ponit. In illo gradu stetit Christus, quando pauper factus est, cum esset dives, ut nos inopiâ sua divites essemus, ut dicit Apostolus: Cum per suam contumeliam nobis obtinuit æternam gloriam. Cum per sua vulnera nobis exhibuit medicinam. Cum per suam mortem turpissimam nobis comparavit vitam æternam.

Item altus gradus charitatis est, cum quis diligit auferentem sibi res temporales. Altior, cum diligit auferentem sibi honorem. Adhuc altior, cum diligit auferentem sibi corpus, vel membra corporis. Altissimus, cum diligit auferentem sibi virtutes & bona spiritualia, sive ipsum DEUM, ad peccatum quacunque occasione inducendo, vel à virtutis operibus retrahendo.))

Ubi cum sole prudentiæ intelligendus est S. Doctor: nimirum ejusmodi personam ut imaginem DEI diligendam, sed impietatem ejus detestandam & fugiendam, nè cum perverso pervertaris.

Incentiva crescendi in dilectione proximi sunt. *Immun.* Est voluntas DEI, quæ præcipit: *Matth.* Diliges proximum tuum, sicut teipsum. Et: Mandatum novum do vobis, ut diligatis invicem sicut dilexi vos. Et *Apostolus*: Nemini quidquam debeatis, nisi ut invicem diligatis,

II.

*Joann. 15.*2. *Cor. 8.*

III.

*Matth. 22.**Joann. 15.**Ad Rom. 13.*

2dum. Est summum meritum: quia ut asserit *Angelicus Do-*
D. Thom. 2. 2. „ *Etor*: Proximum ex charitate diligere propter DEUM magis
 9. 4. 4. art. 7. „ meritorium est, quam DEUM solum amare non amando pro-
 „ ximum. Quia dilectio proximi includit dilectionem DEI, sed
 „ dilectio DEI non includit dilectionem proximi. Unde erit
 „ comparatio dilectionis DEI perfectæ, quæ extendit se etiam ad
 „ proximum, ad dilectionem DEI sufficientem & imperfectam:
 „ quia hoc mandatum habemus à DEO, ut qui diligit DEUM,
 S. Bonavent. diligat & fratrem suum. S. Bonaventura. Mutuo se debent ho-
 Comp. Theol; mines diligere: quia omnes sunt membra unius corporis Christi
 verit. l. 5. c. 31: myltici, quia uno Spiritu S. vivificantur spiritualiter & uniuantur,
 quia unum Patrem habent & Dominum, quia ad unum regnum
 tendunt. Dilectionem proximi suadet jus naturæ: Omnia quæ-
 cunque vultis, ut faciant vobis homines, & vos facite illis. Jus
 Matth. 7. Scripturæ: Diliges proximum tuum sicut teipsum. Exemplum
 Matth. 22. creaturæ: quia similis simili gaudet, & omne simile diligit sibi si-
 mile.)) Effectus dilectionis sunt præclarissimi. Siquidem per
 Joann. 15. dilectionem proximi efficimur imitatores Christi: Hoc est præ-
 ceptum meum, ut diligatis invicem sicut dilexi vos. Efficimur
 Joann. 13. Discipuli Salvatoris: In hoc cognoscent omnes, quia discipuli
 mei estis, si dilectionem habueritis ad invicem. Contemplato-
 Epist. 1. Joann. res DEI: Sic, qui diligit fratrem suum, in lumine manet. S. Gre-
 2. Gregor hom. gorius ait: Nostra sunt etiam illa bona, quæ imitari non possumus,
 25. in Evang. sed in aliis amamus, & amantium fiunt quæcunque amantur in-
 nobis. Hinc ergo pensent invidi, charitas quantæ virtutis est,
 quæ alieni laboris opera, nostra sine labore facit.

3tium ab exemplo DEI, & Christi. Amor DEI in homines
 patet in communicatione Divinæ imaginis per creationem, Di-
 vine similitudinis per gratiam, in donatione ipsius Filii DEI ho-
 minibus in Salvatorem, in Lumen, & Exemplum, in Socium, Fra-
 trem, Amicum, in Cibus & Potum, in Vitam æternam & Præ-
 mium: Unde ipse Christus inquit: Sic DEUS dilexit mundum,
 Joann. 3. ut Filium suum unigenitum daret. Et Apostolus: Estote imitato-
 Ephes. 5. res DEI sicut filii charissimi, & ambulate in dilectione, sicut
 & Christus dilexit nos, & tradidit semetipsum pro nobis oblatio-
 nem & hostiam DEO in odorem suavitatis. Deinde Amor hic
 Divinus

Divinus elucet in præfatio infinito dono ipsius Amoris increati nempe Spiritus S. per charismata ejusdem. Ac denique cū DEUS totus, quantus est, in caelesti Patria tradat seipsum homini terræ vermiculo in perpetuam possessionem, hæreditatem, fructu- nem beatissimam, hoc ipsum quā immensi amoris sit insigne, prorsus obstupefendum!

4um. Exemplum Deiparæ: cujus amor in homines colligi- tur ex dictis sectione præcedenti. Addo hic ex S. Bonaventura: Maria affectuosa fuit per charitatem. Ipsa enim est MARIA de qua dicitur in Luca. Exurgens autem MARIA abiit in Monta- na cum festinatione &c. Abiit inquam ut visitaret, ut salutaret, ut ministraret Elisabeth. Vide quomodo illa visitatio MARIE: plena fuit charitate. In descriptione enim illius visitationis, MA- RIA quæter nominatur, in quo charitas MARIE ad DEUM, & ad proximum plenius declaratur. Charitas proximi debet haberi, & foveri corde, ore, & opere: MARIA autem charitatem pro- ximi habebat in corde, & propter hoc exurgens MARIA, abiit in montana cum festinatione. Quid enim eam ad officium char- itatis festinare cogeat, nisi charitas quæ in corde ipsius ferve- bat? Legimus quod Pastores venerunt festinantes ad præsepium, & quod MARIA abiit cum festinatione ad obsequium, & quod Zachæus festinans descendit ad hospitandum Dominum: Væ! er- go tardis ad opera charitatis. Item MARIA charitatem proxi- mi ore fovebat. Ipsa enim est, de qua ibidem dicitur: Et factum est, ut audivit salutationem MARIE Elisabeth &c. Charitas in- quam proximi salutationibus, & aliis charitativis locutionibus semper fovenda est. Unde Angelus salutavit MARIAM: MA- RIA salutavit Elisabeth: Filius MARIE salutavit Marias euntes de sepulchro, dicens illis: Ave. Væ eis! qui propter odium salutationem proximo negant! Væ & illis! qui dolose proximum salutant, sicut Judas cū dixit: Ave Rabbi. O quam dulciter MARIA salutare novit. O MARIA digneris nos per gratiam tuam salutare. Et certè ipsa nos libenter salutat beneficio & con- solatione, si nos eam frequenter salutamus servitio & oratione: libe- ter nos salutat cum gratia, si libenter eam salutamus cum Ave MA- RIA, itē MARIA charitatem non solum corde habebat, non solum

S. Bonav. in

specul. B.M. V

lect. 4.

Luc. 2.

Luc. 2.

Luc. 1.

Luc. 19.

Matth. 26.

Luc. 1.

Ambrosii com-
mentarii in Lu-
cam lib. 2. c. 1.com. 3.
S. Bernardus. ferm.
1. in festo S. Mi-
chaelis.

ore fovebat, sed etiam opere exercebat. Ipsa enim est MARIA, de qua ibi dicitur. Mansit autem MARIA cum illa quasi mentibus tribus. Mansit videlicet pro ministerio & consolatione Elisabeth. Unde Ambrosius: Quæ propter officium venerat, officio inhærebat.

stum est Amor SS. Angelorum in homines: De quo ita differit

B. Bernardus: Hic est dilectissimi funiculus triplex, quo de excelso cælorum habitaculo ad consolandos, ad visitandos ad adjuvandos nos attrahit supereminens charitas Angelorum, propter DEUM, propter nos, propter seipsos. Propter DEUM utique, cuius tanta erga nos misericordiæ viscera ipsi quoque (ut dignum est) imitantur. Propter nos, in quibus nimirum propriam similitudinem miserantur. Propter seipsos quorum ordines instaurandos ex nobis toto desiderio præstolantur.

6tum. Amor Sanctorum in proximos: Hic apparuit stu-

Exodi. c. 32.

S. Chrysostom.
tom. 12. in c. 1.
Joann.

Rom. c. 9.

pendus in S. Moyse, licet erga ingratisimum populum Israel eductum de domo servitutis, dum ab eis per idololatriam vituli graviter offensum DEUM placat dicens: Aut dimitte eis hanc noxam, aut si non facis, dele me de libro tuo. Unde S. Chrysostomus ait: Tales esse oportet eos, quibus animarum cura commissæ est, ut perire malint cum his, qui sibi crediti sunt, quam sine illis salvi esse. Et S. Paulus optabat anathema esse à Christo (id est differt à visione beatifica in cælesti gloria) pro fratribus suis, licet inimicis, modò ipsi agnoscerent veritatem fidei in Christum. Discipulus ille, quem diligebat JESUS, & ipse propter JESUM summus electionis in proximum promotor B. Joannes Evangelista ut refert S.

Ex comment. S.

Hier. in Epist.
ad Galat.

Hieronymus; cum Ephesi moraretur usque ad ultimam senectutem, & vix inter discipulorum manus ad Ecclesiam deferretur, nec posset in plura vocem verba contexere; nihil aliud per singulas solebat proferre collectas, nisi hoc: Filiioli diligite alterutrum. Tandem discipuli & fratres, qui aderant, tædio affecti, quòd eadem semper audirent, dixerunt: Magister, quare semper hoc loqueris? Qui respondit dignam Joanne sententiam. Quia præceptum Domini est: & si solent fiat, sufficit.) S. Magdalena de Paz quamvis semper & in omni loco mente esset immersa DEO, & non videretur, an ipsi aliquid deesset temporis ad vitam activam: ipsa ramen adinvent-

In vita S. Mag-
dal. de Paz.

ebat

ebat media, quòd sine distractione à sua contemplatione exerce-
ret se in activa vita. Idque exequabatur cum tanta in fatigabili-
tate & multitudine operum charitatis, ut ab omnibus Monialibus
vocitaretur *Mater charitatis*: seu, *Charitas Monasterii*. Plusque illa
in sua persona laborabat etsi debilis valetudinis, subtilisque com-
plexionis, quàm simul quatuor sorores operariæ. Estimabat
que perditum esse diem, in quo non exercuisset aliquod opus
charitatis propter proximum. Eadem Sanctum monebat sibi sub-
ditas Moniales, ut se invicem diligerent, quasi essent eorundem
parentum filiæ, nullam in hoc inter se facientes differentiam, dice-
batque ad informandum eas dicto amore & summâ reverentiâ;
Quælibet ex vobis ita æstimet in Religione suas socias tanquam
filiâs æterni Patris, tanquam sponsas Christi JESU, tanquam tabernacula
Spiritus S. & tanquam sorores Beatorum Angelorum. Censurentque se
esse (dum simul essent) in medio Angelorum propter Virginita-
tem. Hinc quolibet die monebat eas illis verbis S. Joannis: *Tristite*
diligite alterutram, quia hoc est præceptum JESU. Aliud Quidam audito *Spec: Exemp.*
hoc præcepto Divino: *Diliges proximum tuum, sicut teipsum: in appen. ex 12.*
adeò sedulò id implevit, ut denique ob charitatem proximi, casu
accidente inventus submersus in puteo, prius anima ejus in cæ-
lum penetraverit, quam corpus in frigidatum fuerit. Aliud *profa-*
num. Orestes & Pilades tanto amore amicitiae secum fuerunt con-
juncti, ut cum Orestes ad mortem damnatus fuisset, Pilades se
Orestem esse dixit, ut pro socio interficeretur, Orestes verò se
esse Orestem fatebatur, nè socius interiret.) Multus esset in re-
ferendis Sanctorum exemplis, qui non ore tantum, sed opere &
veritate pro salute proximi defudarunt, ipsas denique animas pro
iis per atrocissimos cruciatus & mortem ponentes: Verùm quia
obuia hæc sunt in vitis Sanctorum, ad alia progredior.

Dilectio erga inimicos interna alia est præcepti, alia per-
fectionis. Præcepti est, diligere inimicos, non excludendo eos
ab illa dilectione universalis, quâ jubemur diligere post DEUM
etiam omnem proximum, ita ut sit præparatus animo in particu-
lari quoque moveri dilectione erga suum inimicum in ipsius ne-
cessitate. Perfectionis est, absque occurrente inimici necessitate,
erga eum in particulari moveri dilectione, nempe eliciendo actum

dilectionis inimici propter DEUM. Quia quanto magis aliquis diligit DEUM, tanto etiã magis ad proximũ dilectionẽ ostendit nulla inimicitia impediẽte. Sicut si aliquis multũ diligeret aliquẽ hominem, & amore ipsius filios ejus amaret, etiã inimicos sibi. Similiter de dilectione inimicorum externa discurrendũ: eamque esse idẽ aliam præcepti, aliam perfectionis. *Præcepti* est, teneri hominem exhibere suis inimicis illa indicia & signa dilectionis, quæ aliis omnibus communiter exhibentur, qualia v. g. sunt, non excludere inimicum ab oratione pro toto populo; vel benefaciendo toti communitati, etiam oportet illius beneficentiæ participem inimicum facere, vel salutare obviãtem & resalutare &c. Alioquin omisso horum & similium pertineret ad livorem vindictæ, quæ prohibetur Levit. 19. Non quæres ultionem, & non eris memor injuriæ civium tuorum. Deinde aliqua sunt beneficia vel dilectionis signa, quæ quis exhibet particulariter aliquibus personis. Et talia beneficia vel dilectionis signa inimicis exhibere non est de necessitate salutis, nisi secundum præparationem animi, ut scilicet subveniat eis in articulo necessitatis secundum illud Proverb. 25. Si esurierit inimicus tuus, ciba illum, si sitit, da illi porum. Sed quod præter articulum necessitatis hujusmodi beneficia aliquis inimicis exhibeat, pertinet ad *perfectionem charitatis*: per quam aliquis non solum cavet à malo inimici, quod necessitatis est, sed etiam vult in bono vincere malum, quod est etiam perfectionis: dum scilicet non solum cavet propter injuriam sibi illatam pertrahi ad odium, sed etiam propter sua beneficia intendit inimicum pertrahere ad suum amorem.

Incentiva fovendi & augendi charitatis amicitiam erga

D. Thom. 2. 2. inimicos sunt. *imū. Eximium meritum*: Etenim **D. Thom. 2. 2. 1. 27. art. 7.** amore magis est meritorium inimicos, quàm amicos diligere: Quia dilectionis amici præter DEUM potest esse alia ratio, sed dilectionis inimici solus DEUS est ratio. Deinde fortior dilectio Divina esse ostenditur, quæ se etiam ad remotiora & difficiliora nempe ad dilectionẽ inimicorum extendit; sicut & ignis virrus tantò fortior esse ostenditur, quæ etiam ad remotiora suum calorem diffundit, & materiam minus combustibilem digerere possit. Quò autem fortior dilectio Divina, eò magis meritoria.

2dum. Exemplum DEI, quod ab ipso Christo adducitur gratiâ excitandi nos ad dilectionem proximorum, dum dicit: *Diligite inimicos vestros; benefacite his qui oderunt vos; & orate pro persequentibus & calumniantibus vos: ut sitis filii Patris vestri, qui in cælis est: qui solem suum oriri facit super bonos & malos, & pluit super justos & injustos.* Et hæc quidē quoad temporalia bona: quo i verò spectat ad spiritualia: Ecce secundum Apostolum: Cū inimici essemus, reconciliati sumus DEO per mortem Filii ejus. Inimici DEI & filii iræ nascimur, & suâ gratiâ non ullis meritis nostris regenerat nos per baptismum, & adoptat in filios DEI. Peccatoribus tot sibi intensissimis tum internas tum externas confert innumeras pene gratias, adeo ut in pluribus *ubi abundavit delictum, superabundavit & gratia.* Hinc B. Chrysostomus ait: Nullâ re similiorem hominem DEO reddi, quàm si amore prosequatur ac beneficiis inimicos suos.

Matth. 5.

Rom. 5.

Rom. 6.

S. Chrysost. homil. 10. in Mat.

3tium. Exemplum Christi, qui atrocissimis hostibus suis Scribis & Phariseis suæ cælestis sapientiæ non denegavit doctrinam, miracula non subtraxit cupiens eos converti ad meliora. Hinc in persona Christi loquens coronatus Propheta: *Pro eo ut me diligerent, detrahebant mihi, ego autem orabam.* Et posuerunt adversum me mala pro bonis, & odium pro dilectione mea. Deinde ad Iudæi sui proditoris quâ domettici eò inimici acerbioris pedes sese protravit Altissimi filius, lavit sordes ejus pavit seipso cibo & potu pretiosissimo, ut Amicum in horto salutavit. Denique pro Crucifixoribus suis Patrem æternum mediis in tormentis exoravit. Hinc S. Anselmus ait: Qualis est hic, qui in omnibus pressuris suis (id est in sua passione) nec semel os suum aperuit, ut aut querelæ, aut exultationis, aut comminationis, aut maledictionis verbum adversus inimicos tortoresque suos proferret? Et novissimè verbum benedictionis, quale à seculo non fuit auditum, super eisdem effudit.

Psal. 10. 2.

4tium. Exemplum Deiparæ, quæ multò clarius perspicuus Divini Amoris propensionem, tum Christum totum sese profundi ad beneficiendum inimicis suis, idque ipsum DEO esse longè gratissimum fieri à fidelibus suis, non potuit hoc non præstare summa cum perfectione amoris perfectionis Magistra, imitarique

rique hoc in passu dilectum Filium suum, & gratificari summo DEI beneplacito. Itaque omnibus Filii sui advertariis, adeoque & suis quales fuere Scribæ & Pharisei, Israëliticus populus, salatus cum suis afflictiis oratione, & quo potuit alio modo benefecit. Facitque in dies bene innumeris peccatoribus DEI, & per consequens suis hostibus, dum se præbeat refugium & asylum peccatorum, mediatricem inter eos & DEUM.

Item. Exemplum Sanctorum. I. S. David Rex & Propheta stupendum quoddam miraculum dilectionis inimicorum. Hic innocentissimus quantâ patientiâ capitalissimum sustinuit hostem suum Saul Regem! quantâ reverentiâ persecutus ejus Regalem à DEO unctionem & superioritatem! quomodo contra eum, potens nocere, cohibuit manus suas! Denique ipse David in Regnum Israël à DEO pridem electus & unctus, tamen peremptorem Saulis perimi fecit, eum, suosque filios flevit, parentantes Sauli benedixit. II. S. Stephanus dum ferales istius susceperet lapidum, tum pro immitissimis tortoribus suis dabat gemitus & preces ad DEUM, cujus orationis vi Paulus suus persecutor factus omnium Gentium Doctor. Similiter S. Martinus Briticum suum maximum irriterem effecit Sanctum hominem. III.

S. Bernardus
Epist. 252.

Mellissimus Doctor quantâ dulcedine charitatis affluebat in suos advertarios liquet ex Epist. ad eos hæc data: Ego autem fratres quidquid faciatis, decrevi semper diligere vos etiam non dilectus. Occasiones quarat, qui vult recedere ab Amico; mihi studio est & erit nec cuiquam amicorum justam in me discessionis causam dare, nec scrutari in alio; quod hoc quidem fictæ, illud verò neglectæ amicitie sit. Et quia secundum Prophetam glutino bonum est, solvere. vel potius abrumpere poteritis, sed non me. Adharebo vobis etsi nolitis, adhærebo etsi nolim ipse. Olim me alligavi forti vinculo charitate non fictâ, illâ, quæ nunquam excidit. Cum turbatis pacificus ero, conturbantibus quæque dabo locum iræ, ne diabolo dem. Vincat jurgius, vincam obsequis, invitis præstabo, ingratis adjiciam, honorabo & contemnentes me. Et nunc tristis est anima mea, quod quacunque occasione offenderim vos, erique tristis utique dum vestra indulgentia relevetur, Sitardaveritis, ibo & excusabo, præforibus perseverabo præ

pulsans, instabo importunè, opportunè, donec vel merear, vel ex-
torqueam benedictionem.)

In praxi circa dilectionem proximi Observa imò supradata 1. 2. tra. 1. sect.
circa praxim virtutis in generali. ad exerceas te in actibus se- 4. subs. 2. § 2.
quentibus.

*Actus interni dilectionis Proximi ex Cardinali Bona
Via Compend. c. 14.*

Insere Domine pectoribus nostris tue dilectionis affectum, ut diligamus
nos invicem, sicut tu diligis nos, & alter alterius onera portemus.

Da mihi Domine non diligere verbo, neque lingua, sed opere, & ve-
ritate, ut quæcumque volo ut faciant mihi homines, id faciam illis.

Doleo DEUS meus, quod ea hactenus non prestiti in obsequium
proximi mei, quæ tuo auxilio adjutus poteram.

Detestor quidquid injuriæ & offensæ olim paravi verbo, opere &
cogitatione in proximum meum, paratus singulis satisfacere, si quid alicui
debeo. Inspira Tu DEUS, ut sciam, & da, ut faciam.

Amator hominum DEUS oro Te pro omnibus, qui persequuntur &
calumniantur me, & qui me quovis modo offenderunt. Da illis salutem
mentis & corporis.

Utinam Clementissime DEUS omnes peccatores respiciant &
convertantur ad Te.

Obsecro Domine ut omnes, qui oppugnant Ecclesiam tuam, dexte-
ræ tuæ potentiâ conterantur, & agnoscant veritatem.

Propono Domine omnes injurias & offensas Te adjuvante æquo
animo tolerare: nec ullum unquam hominem, quantumvis infestum, odio
habere.

O si possem pro Fratribus meis, iis præsertim, qui me aliquâ injuriâ
aut molestiâ affecerunt, sanguinem fundere, quam libenter id facerem, Con-
firma Domine in me hanc voluntatem.

Fac obsecro DEUS meus per viscera misericordiæ tuæ, ut omnes ad
Te convertantur qui rebus terrenis adhaerent, & quos voluptas carnis illexit.

O si possem omnes peccatores ab erroribus vitæ suæ convertere eti-
am cum vitæ dispendio, id prestarem.

Utinam totus mundus in Te crederet & Te cognosceret. Confite-
antur tibi populi DEUS, coniteantur Tibi populi omnes. Omnis terra ado-
ret Te, & psallat Tibi.

Diligo Te Domine toto corde, & proximum in Te, & propter Te. De bonis omnium fratrum meorum gaudeo, & de malis doleo, atque mea forent: & mala quidem ab omnibus avertere efficaciter vellem si possem, bona verò multiplicare.

Libenter si possem omnium indigentium necessitatibus subvenire, esurientibus cibum, sitientibus potum darem, reliqua item opera misericordiae spiritualia & corporalia exercerem.

Actus externi dilectionis Proximi ex Blasio Palma

Theſauri indeficient.

Si quos florentes & beatos videris, in iis DEUM, omnis boni fontem; contrà, si quos laceros, protritotque aspexeris, in iis Christum crucifixum intuebere: eà cogitatione in utriusque sortis homines Amoris igniculos concipies, & foras ejaculabere. Amicos, inimicos hic nihil distingve. Charitas eos, illos aequè amplectitur: illos quidem tenerius, hos vero generosiùs.

Contendes votis, precibus, omni opere & studio, ut omnibus ea naturæ, fortunarum, Gratia præsertim Divinæ præsidia suppetant, quibus verè beati esse possint. His bonis si quos affluere benigniore rerum successu ut perspexeris, gesticientis intus animi signa, frontis, oris, totiusque corporis hilaritudine exprimes; si quos iis carere, si impendente aut præfente etiam malo periclitari, ægritudinem animo, vultumque contrahes; calamitatem si quâ possis, amolieris.

Aliena fensa, dicta, facta in meliorem partem interpreta- bere, adspernabere neminem, nihil de fama cujusquam detrahes, nullo convitio, probrovè laceſſes quempiam, honorem cuique deferens suum: si quis alteri obiectet, oblatret, obmordeat, ibis contrà, si fas est, & quo poteris clypeo laborantem tuebere.

Quos poteris in Divino timore & cultu promovebis, & ad bona opera instigabis: Sacramentorum præsertim frequentem usum. Verbis quidem id agas, sed exemplis malim: illa movent, hæc trahunt.

Nulli opem imploratam denega, mutuo commodaroque des, si rogaris; imò nè rogatus quidem officia & obsequia sponte defer. Elurientem palce, sitientem pota, hospitem collige.

nudum

audum operi, infirmum visita, carcerem adi, captivumque redime; mortuum sepeli.

Corporibus ista charitas impenditur: quæ sequuntur animis. Ignorantem doceto, peccantem corrigo, consilio juvaro fluctuantem, affluctum solato, injurias perserto, offensam remitto, pro vivis & defunctis etiam inimicis orato.

Inter amicos amicitia nodum levis; imò altringe. Si solutus est; reintegrato. Fac, ut in gratiam redeant, qui dissident: lites, rixas, charitatis foedisimam pellem infectare, imò iugula, perime. *Hactenus Blasius Palma.*

Amplius circa dilectionem inimicorum hæc animadvertit ex *P. Lobner*. Primum est, ut bene dilcat, injuriam ut portet, aspiciere, & accipere, videlicet non ut ab homine, sed à DEO permittente profectam, juxta exemplum Davidis dicentis: *Dante eum, ut maledicat: Dominus enim præcepit ei, ut malediceret David. & quis est, qui audeat dicere, quare sic fecit?* Secundum est, ut dilcat modum perfectæ remissionis, qui quidem in tribus consistit. I. Ut ex corde dimittatur. Ita Christus docuit dum dixit: *Si & Pater meus celestis faciet vobis, si non remiseritis unusquisque Fratri suo de cordibus vestris* II. Ut citò remittatur; nam sicut vulnera recentia facilius curantur, quàm inveterata; ita & injuriæ dum recentes sunt, non condonantur, difficilior semper remittuntur ubi inveteratum fuerit odium. III. Ut plene dimittatur; & sequentes Actus dilectionis inimicorum quantum fieri potest, observentur. Primus est, pro inimicis orare; uti Christus indicavit: *Orate pro persequentibus & calumniantibus.* Secundus Actus est, *bene loqui de illis*, juxta illud Christi: *Benedicite maledicentibus vobis.* Tertius est *salutare*, etsi ipsi non saluent; hinc & Christus Apostolis præcepit, ut in quacunque domum etiam inimici introirent, dicerent illi: *Pax huic domui.* Quartus est *benefacere*, tam in anima, quàm in corpore; uti Apostolus Romanos monuit dicens: *Noli vinci à malo, sed vince in bono malum* Quintus est, *mutuum dare petentibus*; quemadmodum iterum Christus monuit dicens: *Diligite inimicos vestros, & mutuum date nihil inde sperantes.* Sextus est, *gratis dare*, sic enim inquit Christus, eritis filii Altissimi, quia ipse benignus est super ingratos & malos. *Hactenus Lobner.*

Biblioth. manual. tit. Dilectio inimici.
2. Reg. c. 16.

Matth. 18.

Matth. 5.

Luc. 6.

Matth. 10.

Rom. 12.

Luc. 6.

Ibidem.

Quodsi inimicus tuis in se beneficiis, obsequiis, meritis, non modò molestat, verùm fiat quoque ingratus, imò acerbior tui persecutor interpretans illa benefacta sibi esse malefacta, fieri ea non pro se, sed contra se, ironicè, intentione fictâ, sub specie boni ad sui deceptionem, vel propter spem aliquam tui proprii commodi, &c. dicat te mel gestare in ore, fel in corde &c. quid facturus es, nunquid beneficentiam dimissurus? Absit. Verum imitare Salvatorem, qui pro bonis exhibitis, in gratiarum actionem sustinens multiplices contumelias, recedebat ad modicum, tempus ex oculis Adversariorum, dans locum iræ, quousque defervescente aliquantum malitia, denuò redux, solita beneficentiæ signa eis præstare non cessavit, donec ab ipsis crudeli morte occisus, post ipsam quoque mortem per suos Discipulos in viam æternæ beatitudinis eosdem atroces suos hostes non desuit reducere. Ergo & tu fac similiter.

SECTIO VII.

De Oppositis dilectioni proximi.

Primum Oppositum est *Pseudo-Charitas*, quâ aliquis proximum suum diligit, non quia proximus est imago & similitudo DEI, vel quia DEO id placet, &c. Sed quia est ipsi utilis ad aliquod commodum temporale, aut jucunda vel suavis conversatio ejus. Unde Christus ait: *Si diligitis eos, qui vos diligunt* (amore naturali vel terreno non ex motivo supernaturali quæ est sancta amicorum ac meritoria dilectio) *quam mercedem habebitis? nonne & publicani hoc faciunt?* Et S. Gregorius: *Si quis quemlibet amat, sed propter DEUM non amat, charitatem non habet, sed habere se simulat sive putat.* Similiter, qui alteri ex amore benevolentia optat honores, divitias, delicias, vel ex amore complacentia de earum adeptione suo proximo congraudet, & congratulatur, non referendo hæc dona in ratione alicujus occasionativi medi ad finem supernaturalem acquirendi gratiam & gloriam æternam; talis charitas non est charitas, sed carnalitas, sed mundana vanitas, talis charitas destruit charitatem. Quid enim temporalia bona in aliquo amare non ad promovendam sui æternam salutem,

Matth. 5.

S. Greg. hom.
28.

salutem, nisi suos errores est amare? Aberrat enim a via recta in devia perditionis, qui non utitur ad DEI gloriam, & suam felicitatem perennem temporalibus bonis. Jam verò secundum D. S. Bern. Ep. 792. Talis dilectio terrena est animalis, diabolica, nocens, æque diligenti ac dilecto. Audi ulterius S. Laurentium Justinian: O quot Lib. de discipl. sub specie charitatis seducuntur & seducunt! O quanti simulatâ pereunt Monast. Conv. dilectione! Heu quàm multi in principio purè & sine deceptione conver- cap. 12. santes ex nimia familiaritate paulatim infecti in immane præcipitium dilapsi sunt eò miserabilius, quò sedius! sub veræ namque charitatis pretextu in tales subintrat amor sensualitatis. Et infra: Proinde interdicienda est assidua & privata Conversatio in Collegio servorum Christi.

2dum Oppositum dilectioni est per Excessum dum v. g. præfert bonum privatum alicujus proximi, bona publica vel suam dilectionem spirituales postponit dilectioni proximi; vel facit injuriam tertio in gratiam dilecti &c.

3tium Oppositum est per defectum. Imo contradictoriè, quando non exhibetur dilectio interna, externavè occasione eâ, quâ exhibenda est vel ratione præcepti vel ratione consilii & majoris perfectionis aucupandæ. Apostoli dictum: Qui non diligit, manet in 1. Joann. 3. morte. Et S. Isidorus Quamvis nonnulli fidei atq; operibus Sanctitatis S. Isidorus de videantur esse participes, tamen quia privantur charitate fraternæ dilecti- sum. bono lib. onis, nullum habent incrementum virtutis.)) 2do Opponitur contrariè per 203. sent. 1. defectum dilectioni nempe odium proximi.

Odium proximi ejusdem dilectioni oppositum est peccatum, quo proximus secundum suam naturam vel gratiam detestationi habetur. Nam odisse in proximo culpam & defectum boni pertinet ad pro- D. Thom. 2. 2. ximi amorem. Eiusdem enim rationis est, quod velimus bonum 3. 34. 4. 3. alicujus, & quod odiamus malum ipsius.

Odium proximi aliud est Inimicitie seu personæ, quo illi exoptatur aliquod malum, vel personæ secundum bona illius. Et tale odium semper est illicitum. Aliud odium est Abominationis, quo non hominem sed vitia, vel malitiam ejus averfamur. Et hoc odium licitum est. Unde S. Augustinus: Perfectum odium debet malis, qui secundum DEUM vivit: Sic ut nec propter vitium oderit homi- S. Aug. de civit. nem, nec amet vitium propter hominem, sed oderit vitium, amet hominem. DEI c. 6. l. 14.

Incitamenta ad odium propullandum sunt: I. Qui odit fra-

1. Joann. 2. trem suum, in tenebris est. Item: Omnis qui odit fratrem suum homici-
 1. Joann. 3. da est. Et: scitis quoniam omnis homicida non habet vitam æternam in se-
 S. Ambros pre-metipso manentem. II. S. Ambrosius: Qui invidet, qui odit non ali-
 cat. ad. Missam. um prius, quàm seipsum occidit; qui exultat in adversis proximi,
 & affligitur in prosperis ejus, alieno proximum, se suo petit gla-
 S. Chrysostom. dio. S. Chrysostomus adiunget: Non ergo habeamus cor inun-
 de Mansuet. T. tum odio, ne filii Judæ proditoris simus, ne cum eo suspenda-
 10. serm. 20. mur, & à diabolo pariter cum eo trahamur ad tartara. Qui enim
 Idem lib. 1. de odium in corde portat, secundus diabolus est. Idem Sanctus alibi
 Compunct. dicit: Non sufficere nihil mali facere inimicis, & iis qui nos læle-
 runt, si intra nos retineamus insanabile vulnus offensæ. Nam,
 Christus inquit, non solum vult nos ignoscere delinquentibus, sed
 etiam ut amemus eos, & oremus pro ipsis. Nam si duntaxat non
 læsis eum, qui te læsit, avertas te tamen ab eo, nec libenter eum
 videas, manet sine dubio vulnus in pectore, & dolor augetur in
 corde. Quod si ita est nondum utique quod Christus mandavit,
 impletur. Nunquid tu ita vis tibi propitium fieri DEUM, qui
 non quidem te lædat, avertat tamen se abs te & peccatorum tyo-
 rum memoriam gerat, & te videre nolit? Igitur qualem vis er-
 ga te esse DEUM cum delictorum veniam poscis, talem te exhi-
 bere debes his qui deliquerunt in te: sicut & quidam sapientum
 scribit dicens: Homo homini tenet iram, & à DEO querit sanita-
 tatem? & sic erga hominem similem sibi non habet misericor-
 diam, quomodo pro peccatis suis exorabit DEUM, cum ipse caro
 sit, & iracundiam teneat? Quis propitiabitur peccatis ejus?
 S. Ephrem. in S. Ephrem: Quemadmodum omnium virtutum excellentissima est
 interrogat. tom. charitas, ita universorum vitiorum gravissimum est, odisse pro-
 1. ximum. III. Frater quidam qui veteri odio plurimum intellus
 Vincentius Bel. erat, Anselmo cuidam, postea Episcopo, tunc Abbati, nec poterat
 vactn. lib. 25. ullatenus respicere simplici oculo, infirmitate est depressus, & ad
 s. 69. extrema perductus. Cumque in domo infirmorum jaceret, ce-
 pit miserandas voces emitte. & quasi quorundam horrendo-
 rum aspectus subterfugere gestiret, pallens & tremens vultum
 suum delitescendo, hinc inde commutare. Territi fratres qui
 aderant, quid haberet, querebant. At ille inquit: Geminos
 immanes lupos inter brachia sua me tenere compressum, &
 guttur

guttur meum impressis dentibus jam jamque suffocare videtis,
& quid mihi sit, quæritis? His auditis venit Anselmus, & signo
crucis lupos illos infernales abegit, ac frater poenitentia acta de-
functus est.

Aliud. Anno 1570. Cum inter duos Religiosæ familiæ viros P. Michael Pe-
graves inimicitia exorta essent, & enutritæ, alter eorum lethali xenfelder in
morbo correptus, ad extrema deductus, seu metu mortis imini- Concionatore
nentis, seu etiam facti poenitudine motus, adversarium ad se ad- Historico 2. bi-
vocavit, priusquam Ecclesiæ Sacramentis muniretur, eique li- storia.
bens ac volens injuriam omnem remisit, imò & amplexus est. Hic Jacobus Lob-
ut erat petulanti ingenio, ad alium lociorum quempiam conver- betius de forti-
sus: Bonus ille vir, inquit, mori timet, ideoque dimittit. Pupugit ea tudine Ch. 1. fi-
vox moribundum adeò quidem, ut veniam quam donarat, revo- ana c. 2. § 6.
cæret illico, adderetque durum illud atque diabolicum: Nec tibi Henricus Engel
condono ipse, nec à te mihi condonari volo. Dixerat, & statim quæ vo- grave in calo-
ce, quæ sensu omni privatus, in agonem incidit ultimum, in quo Empyreo part.
ita sopitus, &mersus fuit, ut & iudicio omni & ratione destitu- 2. festo S. Ste-
tus, ad extremum usque halitum fuerit, sicque infelicem ani- phani § 1.
mam essilant. Fuit tamen ei iusta de more, quibus peractis à
Religiosis omnibus mentæ accumbitur; & ecce sub hunc discu-
bitum funesta & lamentabilis umbræ ingreditur, atroci vultu ri-
gente, horridaque comâ, oculisque ignem spirantibus: tum de-
fixo in omnes obtutu vocem hanc velut elatum è nubibus tonitru
emissit: Ob immane odium, quo vivus in terris arsi, ardeo in inferis mor-
turus, æternumque ardebo. Sed & ille, cujus culpâ ardeo, brevi ardebit.
Tum conversus ad illum Religiosum sibi inimicum, & in morte
damnationis suæ bustuarium: Sat epulis datum est, à mensa surge in-
felix, latè quippe & in me, & in te à DEO Judice sententia, ut quia odia &
inimicitias alimus in terris, alamus etiam in inferis, & æternum quidē.
Dixerat, & in illum adhuc mentæ inhærentem irruit, raptat,
stringit. Reluctatur iste, dumque ab hoc & illo pugnis, unguibus,
dentibus, & morsibus res & fatalis lucta agitur, subito sub pedi-
bus fatiscente & dehiscente terrâ absorbetur uterque, atque ad
inferos devolvitur, nihilque de illis reliquum fuit, nisi intolera-
bilis foetor. Ex nâ sepulchrum itum, ubi jacuerat infame cadaver,
& in eo repertum nihil; excussit ac nimirum, utpote indignum,
quod

quod terra diutius regeret ad poenas unā cum anima sempiternas,

In Praxi mortificatur odium per dilectionis studium & exercitium.

L. 2. tra: 1. c. 1.

Vide quoq; supradata, & hic servatā proportionē applica contra Opsec: 4. subj: 2. posita dilectioni proximi.

92. & 3.

SECTIO VIII.

De Gaudio Spiritūs Sancti.

D. Thom. 2. 2.
q. 28.

GAudium, quod est fructus Spiritūs est actus charitatis, quo letamur, vel de DEO presente nobis per contemplationem & amorem, vel de ejus Divino bono seu gloria intrinseca & extrinseca, quatenus DEI bonum sunt, vel deniq; de ejus Divino bono, quatenus participatur à nobis. Duo priores modi gaudiū spiritualis sunt actus charitatis DEI; 3tius verò modus est actus charitatis proximi, dum scilicet propter DEUM diligentes nos & proximos nostros, gaudemus de participatione à nobis summi Boni.)

Et juxta Dobrosielsium: Gaudium Spiritūs Sancti est amor suavis & dulcis, qui non aliud est, quàm dilectionis DEI motio, cui suavitas cælestis in animam divinitus veniens ineffabiliter commiscetur.

Dobrosiels. in
Summa Ascet:
& Myst. Theol.
test. ani: scala
s. p. 1.

Porro suavitas seu dulcedo hujus amoris (quæ aliàs vocari solet delectatio boni, voluptas & jucunditas cælestis, consolatio Divina, devotio accidentalis, spiritus devotionis, fervor devotionis sensio Divinorum exhilaratio ac lætitia spiritualis, experientia & prægnatio & perceptio saporis seu musti ac vini mystici, amor sensibilis, gaudium Spiritūs S. dulcis à DEO, & in DEUM affectus, gustus sapientiæ, unctio Spiritūs, pingvedo spiritualis, gratia reficiens, refectio cælestis, & gratia sensibilis, quæ animam erudit, ac illuminat, & ad inferiora contemnenda faciliat, & ad superiora amplectenda erigit secundum D. Bon. l. 2. de professione Relig. cap: 72. dupliciter accipitur generaliter nimirum, & specialiter (quia bis dicit Apostolus ad Philip. 4. Gaudete in Domino semper, iterum dico gaudete, tum scilicet gaudio generali, tum speciali) Hac aurem

ratione

ratione altera differt ab altera: quia prima habet se in anima per modum Spiritus permanentis; Secunda verò per modum Spiritus transeuntis: vel quia prima annexa est divinitus gratiæ inherenti, & cuilibet virtuti habituali; Secunda vero nonnumquam adest ipsi charitati in DEUM scilicet agenti, vel propter DEUM operanti, & cuilibet virtuti actuali.

Suavis generatio idem est, quod mentis quædam hilaritas inata nimirum ex quadam carnis cum Spiritu, & Spiritus cum DEO concordatione, & naturalium animæ potentiarum donis gratis decoratione. Vel quæquæ idem est, quod gaudium Spiritus sancti ex bona ad DEUM confidentia, & bonæ conscientie testimonio proveniens: quod animas reducit hominem omnibus benevolunt, ac paratum ad omnia agenda & sufferenda pro DEO, & promptum ad cuncta quæcum DEO promovenda. De hac suavitate loquitur *Psal. 47. Dilexisti iudiciam, & oculi iniquitatis*; propterea unxit te DEUS, DEUS tuus oleo latitiæ præ ceteris tuis. *Et Psal. 30. Quam magna multitudo dulcedinis tuæ Domine, quam abscondisti timentibus te!* Et *2. Corin. 1* Gloria nostra hæc est testimonium conscientiæ nostræ. Et *D. Aug.* Tu qui veram requiem, quæ post hanc vitam Christianis præstatitur quæris, etiam hic eam inter amarissimas vitæ huius molestias tuam gustabis, si eius qui eam promittit, præcepta dilexeris: citò enim senties dulciores esse fructus iustitiæ quàm iniquitatis, & veris atque incupitis gaudebis de bona conscientia inter molestias, quàm de mala inter delicias.

Servitus operantis idem est, quod gaudium quoddam ex actuali consolatione Spiritus Divini proveniens; quo anima vitæ æternæ addicta gaudet in DEO, de illius bonitate ac ceteris perfectionibus: quod quidem gaudium etiam in hoc sæculo ad hoc animæ rationali non raro divinitus conceditur, ut inde lassata rebellibus sensualitatibus, & contradictionibus rationis inferioribus, & oppugnationibus diversarum tentationum, ac fatigantibus laboribus exercitiorum spiritualium, & sufficiens adversitatum, refectione ac corroboracionem spirituales habuerit; ac postea promptior ac devotior evaderet, pium vivendo, & in DEUM amore ac pietate magis proficiendo. De hac suavitate loquitur *Psal. 33. Gustate (labis affectus) & videte (oculis mentis) quoniam suavis est Dominus.*

Et Psal. 99. Laudate nomen eius quoniam suavis est Dominus: in æternum misericordia eius. Et Sap. 12. O quam bonus & suavis est Domine Spiritus tuus in omnibus!

Hæc deinde suavitas specialis duplex est, alia nimirum *Spiritualis*, alias *sensibilis*, *Spiritualis* seu *intellectualis* illa est, quæ non nisi solum spiritum afficit & exhilarat, non defluendo in partem animæ sensitivam, secundum quam corpori iungitur: unde fieri aliquando potest, ac non rarò accidere solet: quòd cū vires superiores cælitus infusæ serenitate devotionis perfruantur, tunc inferiores nebulâ ariditatis ac divinæ desolationis obscurantur, & amaritudinis illusionum ac tentationum exacerbantur.

Suavitas sensibilis illa est, quæ totam corpoream naturam sic medullitus penetrat & afficit, ut sensus ejus exteriores ineffabiliter vegetet, recreet, ac reficiat; & superiores multâ serenitate ac mirabili tranquillitate exhilaret; unde fit, quòd homo non sentiat laborem aut aliquod fastidium & incommodum in profectu vitæ spiritualis, ac totus, quamvis in medio adversitatum constitutus, exultans, in DEUM feratur.

Porro suavitas sensibilis, alia est *Incipientium*, alia *Proficientium*, & *Perfectorum*. *Incipientium* quidem non descendit neque dependet à suavitate spirituali seu intellectuali, sed immediatè in sensum imaginationis ac inde in vires animales, secundum quas anima corpori alligatur, à DEO instillari solet, ut per eam spiritus recreetur, cujus ratio est: quia etiam ipsi incipientes adhuc sunt animales, non verò rationales, ac spirituales. Unde D. Bonav. Lib. 2. de prof. Relig. cap. 76. inquit. Sunt quædam sensibiles dulcedines & suavitatis experientiæ, quæ à DEO dantur quibusdam novis & rudibus, qui spiritualia nondum lucidè intelligunt, ut saltè per sensibilia consolentur in Domino: qui virtutem purè spiritualium non cognoscunt, in quibus major vis est, & certior veritas, & fructuosior profectus, & purior perfectio. Hæc D. broselscius.

Unde quoque suavitas hujusmodi sensibilis incipientium non semper est magni facienda ob tres rationes: quarum prima est, quia sæpe conceditur à DEO non solum verè conversis, sed etiam in peccato mortali existentibus. Conversis quidem ac justificatis

stificatis, vereque incipientibus datur, ut videant (sicut ait *D. Bon. Lib. 2. de prof. Relig. cap. 1*) quàm largè DEUS remunerat sibi fervientes, & quàm bonum est servire tam dulci Domino: datur item ad confirmationem fidei, ad robur spei, ad charitatis accensionem, ac desiderii inflammationem: datur item ad eruditionem ut videant quo pergendum sit: sicut in tenebris lumen ostenditur, ut videatur quo sit eundum & ubi cavendum: datur item ad muniendum contra tentationes. Peccatores autem, qui scilicet in peccatis suis mortalibus adhuc permanent, interdum sensibiles gratias seu sensuales oblectationes internas accipiunt (ait *Henricus Harphus in Mystica Theologia*) sed illi communiter, quos à mundo & à peccatis DEUS vult retrahere. Secunda, & tertia ratio est, nempe quòd ejusmodi consolatio, subinde procedat à natura, vel à dæmone, patet ex dictis infra de Pseudolatitia Spiritualis Sect. 9. §1.

Proficientium, & Perfectorum Suavitas sensibilis, includit intellectualem seu spirituales: quia proficientibus, & perfectis præfens suavitas divinitus infunditur in superiores ac spirituales vires (eò quòd & ipsi jam sint rationales & spirituales) à quibus mox defluit in sensualitatem, quam sic afficit & exhilarat, ut non sentiat præsentis vitæ labores, incommoditates, difficultates, & adversitates. Hæc suavitate Propheta repletus ait *Psal. 83. Cor meum (id est spiritus meus) & caro mea (id est sensualitas mea) exultaverunt in DEUM vivum.* Unde *D. Bon. Lib. 2. de prof. Relig. c. 76.* Provecioribus in spiritu consolationes sensibiles dantur propter redundantiam interioris dulcedinis: ut sicut anima communicat corpori suo quasi comiti & locio viæ passionem suam, ita communicat ei & consolationes. Tristante enim interiùs anima etiam corpus tabescit exteriùs: sicut ergo corpus collaborat spiritui, & compatiatur in merito, ita dignè comparticipat, & corremuneratur ei in præmio, non solum futuræ gloriæ, sed etiam præsentis gratiæ. Hæc ille: *Et cum illo hætenus Dobrosielski.*

Gaudium spirituale, seu suavitas amoris Divini quandoque puris & Sanctis mentibus in tanto gradu conceditur, ut efficiat quandam Ebrietatem spirituales in anima, de quo citatus *Dobrosielski* ita dixerit. Spirituales Ebrietas quæ sub metaphori-

ca continetur, est bona & Sancta, de qua habetur illud *Psal. 22.* Calix meus inebrians quàm præclarus est. Et ad *Ephes. 5.* Nolite inebriari vino, in quo est luxuria; sed implemini Spiritu Sancto. Et in *hymno Ecclesiastico*: Lingvis loquuntur omnium: Turbæ pavent Gentilium. Multo madere deputant Quos Spiritus repleverat. Ad hanc Sanctam Ebrietatem invitamur à sponso cælesti dicente *Cant. 5.* Comedite amici, & bibite, & inebriamini charissimè. Et *Joann. 7.* Si quis sitit (spiritualem scilicet consolationem) veniat ad me (affectu amoris & affectu imitationis) & (adebrietatem spiritus) bibat. Verùm sicut qui excessu alicujus potûs rationis usu destituuntur: dicunt & agunt multa, quæ à communi modo, & sæpe à rectæ rationis præscripto aliena sunt: ita qui de vino cælestis consolationis ac suavitatis plus percipiunt, quam cor seu appetitus illorum rationalis capere ac digere possit; multa cum inusitato fervore operantur, & loquuntur, ipsi etiam cæteris **Spiritualibus** admiranda.

Porro spiritualis Ebrietas duplex est, *Sobria* nimirum & *Bestiatica*. Ebrietas sobria illa est, quæ mentem non alienat ab usu ser suum inferiorum, nisi ab ipso usu rationis inferioris & sensualitatis immoderatè sese habentis. Unde hac ebrii ebrietate, absque ullo sensu remurmurationum inferioris rationis, & perturbationum sensualitatis, propter amorein & imitationem Christi, in amissione honorum temporalium, summo opere lætantur & hilarantur, ac in quibuscumque persecutionibus, contumeliis, despectibus, infirmitatibus, & adversitatibus gaudent & gloriantur. Sic inebriati fuerunt, de quibus est *Act. 5.* Ibant Apostoli gaudentes à conspectu concilii, quoniam digni habiti sunt pro nomine JESU contumeliam pari. Sic inebriatus fuit S. Paulus, cum diceret *Galat. 6.* Mihi absit gloriari, nisi in cruce Domini nostri JESU Christi: per quem mihi mundus crucifixus est, & ego mundo. Sic & S. Pater Franciscus inebriatus fuit, cum à Patre suo carnali sustineret carceres & plagas absque signo doloris: & cum, totus coram hominibus se denudaret sine affectu pudoris, & cum vestimenta sua patri restitueret nullo respectu habito suæ humanæ necessitatis: & cum omnibus paternis facultatibus in præsentia proprii Episcopi lætus & gaudens renunciaret propter desiderium Christi imitationis.

Ebris-

Ebrietas Esstatica illa est, quæ mentem alienat, vel non nisi ab ipso usu (qui quidem usus aut est plenus, aut semiplenus) sensuum corporaliū: id est, aut solum à circumspēcta aut distincta exteriori advertentia, aut etiam & à confusa: Vel quoque & à quodam usu naturæ. Et sic præsens ebrietas spiritus tritari. m. dividitur, seu in tres quosdam gradus distinguitur. Unde ebrietas ista ebrietate, quæ mentem alienat à semipleno usu sensuum corporaliū, seu à distincta eorum advertentia; aliquando præ abundantia spiritualis gaudii, prorumpunt in cantica & laudes divinas; aliquando in multas lachrymas resolvuntur; aliquando membris omnibus inquieti fiunt, ita ut nunquam consistant, sed currunt, saltent, tripudiant, manibus plaudant, magnique vocibus eam, quam intus sentiunt, testentur voluptatem, ac eo pacto exterius se habeant, & ea pati videantur, ac si vino vel licerâ nimis impleti, exceptis duntaxat indecoris gestibus, à quibus Spiritus Sanctus charissimos suos inebriatos custodit: mente interim eorum plenius quam nunquam iudicii sui compote: quæ quippe, optimo suo objecto, secundum optimam sui partem, optimo modo, qui potest in hac vita haberi, conjuncta est. Hoc modo fuit inebriatus David cum in introitu Arce testamenti in civitatem, jubilans insonito more totis viribus saltaret coram Domino.

Ebrii verò ista ebrietate spiritus, quæ mentem alienat à pleno usu sensuum corporaliū: seu, non solum à distincta, verum etiam & à confusa eorum advertentia; præ actuali ineffabili voluptatum cælestium experientia, sic in omnibus sensibus obmutescunt, ut nullum tormentum sentire possint.

Ebrii tandem ista ebrietate, quæ & ab ipso usu naturæ mentem quodammodo alienare videtur, non sunt à corpore soluti, sicut mortui. Unde quamvis priventur usu naturæ quæ ad motum corporalem, non privantur tamen quæ ad aliquam tenuissimam inspirationem, stationem, flexionem, ac oculorum in cælo fixationem. Huiusmodi est ita ebrietate: brevis fuit sponſa cum diceret *Cant. I.* Introduxit me rex in cellaria sua (ubi scilicet continetur vinum ineffabilis suavitatis supermundanarum deliciarum, & claritatis indicibilis thesaurorum, seu Divinarum revelationum ac illuminationum) exultabimus & lætabimur in te. *Hei. Dobroſelſcius.*

S. Bonaventura
de grad. Virt.

*Gradus Congratulationis ex Formula aurea
Seraphici Doctoris.*

c. 17.

*Graduū Chri-
stiana congra-
tulationis or-
do.*

Congratulationis altus gradus est, congratulari omnibus hominibus, quod ad imaginem & similitudinem DEI sunt facti; & congratulari eis in omnibus bonis, quæ à DEO perceperunt. Altior est, congratulari omnibus Angelis, quod signaculum DEI sunt, & quod nullam miseriam experti sunt, & semper in fruitione DEI fuerunt. Altissimus est, congratulari DEO de æterna & immensa beatitudine, quam habet à seipso per naturam.

I. Item altus gradus est, congratulari in omni beneplacito suo, quod perficitur in cælo & in terra ab hominibus. Altior est congratulari DEO in omni beneplacito suo in cælo, quod perficitur ab Angelis. Altissimus, congratulari singulis Personis in omni beneplacito, quod perficitur unicuique Personæ à duabus Personis.

II. Item altus gradus est, congratulari omnibus hominibus de omnibus donis fortuitis. Altior, congratulari in omnibus donis naturalibus, in corpore & in anima. Altissimus, in omnibus donis spiritualibus, & virtutibus in spiritu.

III. Item altus gradus est, congratulari omnibus consanguineis in omnibus bonis & profectu. Altior est, congratulari omnibus extraneis. Altissimus, congratulari omnibus inimicis.

IV. Item altus gradus est, congratulari cum ad congratulandum instigat natura. Altior, cum scriptura. Altissimus, cum inspiratio Divina. In omnibus his fuit Christus.

*Graduum gaudii spiritualis
Ordo.*

*Gradus Gaudii ex Formula aurea S. Bonaventurae de
grad. Virtutum c. 30.*

Gaudii altus gradus est, lætari hic, & in futuro, de æterna societate Angelorum inferiorum, & Sanctorum. Altior est, lætari de æterna societate superiorum Angelorum, & Sanctorum, & præcipue Beatæ Virginis MARIE, quæ est super omnes Angelos & Sanctos. Altissimus, lætari de æterna societate DEI.

I. Item altus gradus est, lætari de mundissima carne Christi, quam sibi assumpsit de mundissimis sanguinibus Beatæ Virginis MARIE.

MARIÆ, quam homo videbit in æternum carnalibus oculis. Altior lætari de perfectissima anima sua in omnibus virtutibus, & donis spiritalibus, cujus anima non accepit Spiritum Sanctum, ad mensuram secundum quod alii Sancti. Altissimus est, lætari de Divinitate Christi, quam habet communem cum Patre, & Spiritu Sancto æternaliter.

Item altus gradus est, de omnibus voluntatibus meritoriis lætari. Altior, lætari de omnibus meritoriis locutionibus. Altissimus, lætari de omnibus meritoriis operationibus.

III.

Item altus gradus est, lætari hic & in futuro de exteriori sancta conversatione. Altior lætari de interiorum affectionum ordinatione. Altissimus, lætari de mentis securitate. Unde illud: *Proverb. 15:* **Secura mens quasi jube convivium.**

IV.

Item altus gradus est, lætari de Sanctæ Trinitatis visione, five æterna cognitione. Altior, lætari de ejusdem æterna visione. Altissimus, lætari de ejusdem æterna fruitione.

V.

Propterea nos Augustinus hortatur dicens, ô anima mirabilis creatura, quo te deicis? terram amas, melior es: solem, miraris, pulchrior es: cælum contemplaris, altior es: solo Creatore tuo interior. Si vis ergo progredi in me, & ego transiens in te: exi totaliter de te: trahâ te in me, & introduc me, & sic nec in te nec in ulla creaturarum, quidquid amabis, præter me. Idem: Anima inter DEUM, & creaturas media posita est, conversione ad DEUM illuminatur, melioratur, perficitur; conversione autem ad creaturas obtenebratur, deterioratur, occiditur. Item: DEUS intrabit in animam omni voluptate dulcior, omni luce clarior, omni honore sublimior, omni secreto interior. *Gregorius: Effic Greg. lib. 18. Moral. c. 8. in prin.* quidem sine delectatione anima non potest, aut enim delectatur in summis, aut in infimis. Glosa super Ecclesiasticum: Felix anima, quæ quotidie mundat cor suum, ut recipiat habitorem, DEUM, cujus possessor nullo eget bono, quia omnium bonorum Auctorem in se habet. Augustinus: Magna DEI pietas & ineffabilis bonitas, qui hominem ad vitam æternam prædestinatum, mori non permittit, nisi in eo statu, quo melior futurus non est, tollit etiam damnandos, cum præsit eos peiores futuros, ut sic minus puniantur, & justî eorum exemplo non corrumpantur.

Hucusq; Seraphicus Doctor.

Incen-

Incentiva ad Gaudium Spiritus Sancti sunt. *Imum* PG.

- Psal. 31.* *misia hortatur* : Lætari in Domino & exultare iusti, & gloria-
Psal. 99. *mini omnes recti corde.* Item. Servite Domino in læticia. *Ecel.*
Ecel. 30. Non est oblectamentum super cordis gaudium. *Apostolus monet*
1. Theff. 5. Semper gaudete. *Seraphicus Doctor* quatuor differentias ponit
D. Bonay. in inter Gaudium spirituale, & mundanum, per suas proprietates &
dieta salutis de effectus. *ima differentia est* puritas, & impuritas. Gaudium enim
gaudio spiritu. spirituale est purissimum, & ideo fortius est ad inebriandum, ad
tit. 8. c. 1. diligendum DEUM. Sicut videmus, quod vinum purum citius
 inebriat, quam lymphatum. Illud vinum spirituales gaudii fit
 de botro cypri, i. e. de sanguine Christi expresso in crucis torula-
 lat, sicut dicitur. Botrus cypri dilectus meus mihi. Gaudium
 verò mundanum, sicut vinum cum aqua mixtum ad inebriandum
 debilissimum & insipidum. De quo dicitur: Vinum tuum mi-
 xtum est aqua. Quia ut dicit Boetius dulcedo felicitatis humane
 multis amaritudinibus est respersa. Et notandum quod gaudi-
 um humanum cum duobus est admixtum, scilicet cum remota
 conscientie, & solitudine: cruciante. *2da differentia*
 spiritualis gaudii est: continuas, & discontinuas. Spiritu-
 ale gaudium est continuum & securum. Unde dicitur: Secura
Prov. 15. mens, quasi iuge convivium. Gaudium verò mundanum est
Job, 20. breve & transitorium, ut dicitur: Gaudium hypocrite instar pun-
 cti. Hypocrita dicitur iste mundus: quia Hypocrita hæc interi-
 us sit corruptus, exterius tamen apparet bonus & mundus, in ve-
 ritate malus, & foridus interior, exterius tamen est floridus &
 venustus, & ideo gaudium ejus est totum quasi punctus seu instar
 puncti, non habens longitudinem perseverantie, nec latitudinem
 amicitie, nec profunditatem bonæ conscientie: sicut punctus, qui
 caret longitudine, quam habet linea: & latitudine, quam habet
 superficies: & profunditate, quam habet corpus. *3tia differentia*
 spiritualis gaudii & mundani est dignitas, & indignitas. Gaudi-
 um enim spirituale est de rebus valde dignis, quia de DEO præ-
Phil. 4. cipue, & de rebus divinis. Unde dicit apostolus: Gaudete in
Senec. lib. 6. de Domino semper: &c. Gaudium verò nunc est de rebus indi-
beneficiis c. 2. gnis, & præcipue sicut de voluptate carnis, de qua dicit Seneca:
 Voluptas est membrorum vinum, & turpium ministratio, veni-
 ens ex

ens ex exitu foetido, Et Augustinus dicit, quòd seculi lætitia est impunita nequitia, videlicet luxuriari, in spectaculum vagari, ebriositate impingvari, turpitudine foetere, & mali nihil pati. De quo gaudio turpissimo dicitur: Stultorum exultatio ignominia. *Aia differentia* spiritualis gaudii & mundani est; salubritas, & noxietas. Gaudium enim spirituale est salubre & studiosum tripliciter, quia facit carnem despiciere. Fugato enim spiritu desipit omnis caro, ut ait Augustinus. Secundò facit diabolum vincere, quia ut dicebat S. Antonius: Unica ratio vincendi diabolum est lætitia spiritualis. Tertiò facit mundum contemnere, quia nemo potest duobus dominis servire, ut habetur in Luca. Ideo qui gaudet de DEO, tristatur de mundo. *Atban. de Vita Antonii.* *Luc. 16.*

2dum incentivum. Quia gaudium spirituale tribulationes quoque vertit in augmentum lætitiæ. Ita S. Basilius: Anima quæ semel se modis omnibus desiderio adtrinxerit sui Conditoris, jamque insuevit oblectare se tantâ illius pulchritudinis contemplatione, prorsus non sinit vehemens illud gaudium, animique sui jucundissimam diffusionem intercipi aut immutari propter multiplicem & succedaneam carnalium affectionum mutationem quin ea potius, quæ aliis noxorem afferunt in cumulum sibi vertet & accessionem lætitiæ. Cujusmodi erat Apostolus, dum sibi admodum complaceret in infirmitatibus, in tribulationibus, in necessitatibus, egestatem suam in gloriam & exultationem permutans. *S. Basilius Homil. 4. de Grat. actual.*

3tium incentivum. Gaudium Spiritûs Sancti est illud centuplum, quod Christus mundi contemptoribus, & sui imitatoribus in hac vita promisit interprete Doctore mellifluis: An non centuplum habet omnium, qui impletur Spiritu Sancto? qui Christum habet in pectore? Nisi quod longè plus, quàm centuplum est visitatio paracleti Spiritus, & præsentia Christi. Quàm magna multitudo dulcedinis tuæ Domine, quam abscondisti timentibus te! perfecisti eis, qui sperant in te. Vides quomodo memoriam abundantiae suavitatis hujus eructet anima sancta, quomodo exprimere gestiens verba multiplicet. Quàm, inquit, magna multitudo. Hoc ergo centuplum adoptio filiorum est, libertas & primitiæ Spiritûs, deliciæ charitatis, gloria conscientiae, regnum

*Luc. 12.**Sap. 3.*

DEI quod intra nos est. Non urique esca & potus, sed iustitia, & pax, & gaudiū in Spiritu S. Gaudiū sanè non modo in spe gloria, sed & in tribulationibus. Hic est ignis, quem voluit Christus vehementer accendi. Hæc virtus quæ Andream amplecti fecit crucem, Laurentium deridere carnifices, Stephanum in morte pro lapidantibus flectere genua ad orationem. Hæc illa pax, quam suus reliquit Christus, quando dedit & suam, siquidem donum, & pax est electis DEI. Pax utique Patris, & donum futuræ gloriæ. Illa superat omnem sensum, sed & huic quidquid sub sole placet, quidquid in mundo concupiscitur, non potest comparari. Hæc gratia devotionis, & Unctio docens de omnibus, quam expertus novit, inexpertus ignorat, quam nemo scit, nisi qui accipit.

4tum incentivum. Christus docet nos recurrere ad cælestem consolationem. Unde *S. Bernardus* supra illa verba: *Apparuit Angelus confortans eum.* Didici inquit, etiam ex hoc ipso, non ad

S. Bernardus
serm. 1. in festo
S. Andreæ.

carnalem sive caducam recurrere consolationem, sed ad Angelicam, sed ad spiritualem, sed ad cælestem.

Luc. 1.

5tum incentivum. Virgo Beatissima non in se, verum ob dona sibi collata in Spiritu S. lætabunda ait: *Magnificat anima mea Dominum; & exultavit spiritus meus in DEO salutari meo.* Et paulo post: *Quia fecit mihi magna, qui potens est, & sanctum nomen ejus.*

Ps. 76.

6tum. *S. Rex David* de seipso inquit: Renuit consolari anima mea (in temporalibus) memor fui DEI, & delectatus sum, & exercitatus sum, & defecit spiritus meus. Et: Cor meum & caro mea, exultaverunt in DEUM vivum.

Isid. 84.

S. Antonius semper hilarem faciem gerens, liquidò ostendebat se de cælestibus cogitare. *S. Franciscus Xavierius* sicut adversorum pro DEO fuit sitientissimus, ut inelamaret; Amplius, Amplius: ita gratiarum Divinarum redundanti suavitate repletus, ingeminabat; *Satis, Satis.*

Praxis acquirendi gaudium Spiritus S. est imo afferente, *Dobrosielscio* juxta doctrinam *D. Bonaventuræ* in *soliloq. animæ* c. 2. *Dolrose, sum-* tria ad hoc necessaria sunt. *imum* Depuratio animæ ab omni in-
mar; Afect. & *quinamento* peccati volutarii ac deliberati: & alienatio seu ab-
dyfi. *Isid.* stractio illius a consolationibus temporalibus, amoreque creatu-
rarum immoderato. Nam dicit *S. Bern.* Errat omnino si quis illam
cæle-

cælestem dulcedinem, huic cineri, Divinum illud balsamum huic venenoso gaudio, charismata illa spiritus S. hujus seculi illecebris misceri posse arbitratur. 2^{um} est, exercitatio in multorum patione bonorum, & in perpeſſione plurimorum malorum, propter amorem DEI, & Christi Domini imitationem. Hinc Regius Plakes: *Secundum multitudinem dolorum meorum in corde meo, con-*

Psal. 93.

solationes tue lætificaverunt animam meam. 3^{ium} est, elevatio mentis supra se: & hic anima jam reficitur cælesti dulcedine & consolatione: ad quam refectionem omnes à Christo invitamur apud *Matt. cap. II.* Venite ad me omnes (per mentis elevationem) qui laboratis (in expurganda, & bonis operibus ac virtutibus exornanda anima vestra) & onerati estis (persecutionibus, temptationibus, & adversitatibus hujus mundi) & ego reficiam vos))

Deinde fervens desiderium, & oratio maxime potens est impetrare visitationem, ac consolationem Divinam, docente S. Bernardo. Cum sponsus virgiliis, & obsecrationibus, & multo imbri lachrymarum quæsitus; 2. super Cant. fuerit, subito dum teneri putatur, elabitur; & rursus lachryman- non longe à prin- ti, & insectanti occurrens comprehendi patitur, sed minime retineri, dum subito iterum quasi è manibus evolat; & si intulit precibus & fletibus devota anima, denudò reuertitur, & voluntate laborum ejus non fraudabit eam. Sed rursus mox disparebit & non videbitur, nisi iterum toto desiderio requiratur: ita ergo & in hoc corpore potest esse de præsentia sponsi frequens lætitia, sed non copia: quia etsi visitatio lætificat, sed molestat vicissitudo. Et hoc tam in necesse est pati dilectam, donec semel posita corporæ sarcinæ mole avolet: & ipsa levata pennis desideriorum suorum, liberè iter carpens per campos contemplationis, & mente sequens expedita dilectum, quocunque ierit. Nec tamen vel in transitu præsto erit sic omni animæ, nisi illi duntaxat quam ingens devotio, & desiderium vehemens, & prædulcis affectus ipsam probat, & dignam ad quam gratia visitandi accessurum Verbum decorem induit, formam sponsi accipiens. 1 Idem serm. 64. dem alibi. Fortè ideo subtrahit se, quò avidius revocaretur, tene- in Cant. retur fortius. Nam & aliquando simulabat se longius ire, non quia hoc volebat, sed quia volebat audire: Mane nobiscum, quoniam advesperavit. Et mox subdit: Ergo ejusmodi piam simu-

Luc. 24.

- lationem, imò salutarem dispensationem, quam tunc corporaliter Verbum corpori interdum exhibuit, non cessat identidem Spiritus modo suo speciali cum devota sibi anima sedulò actitare: Præteriens teneri vult, abiens revocari: & ire quidem illi dispensatorium, redire verò semper voluntarium est, utrumque autem plenum iudicii, ac penes ipsum horum ratio. Nunc verò constat in anima fieri huiusmodi vicissitudines, euntis & redeuntis Verbi, sicut ait: Vado & venio ad vos: Item: Modicum & non videbitis me, & iterum modicum & videbitis me. *Joann. 14.* *Idem 16.* *Abac. 2.* *Cant. 1.* *Idem alibi.* Has alternare vices non cessatur in his qui spirituales sunt, vel quos potius spirituales proinde ipse creare intendit, visitans diluculo & subito probans. Denique juxta Cornelium à lap. ad lætitiā mirè facit Invocatio SS. Angelorum: illi enim cum sint beati, ideoque lætissimi, hinc suam lætitiā suis aspirant. Unde Angelus bonus à malo secernitur, quòd ille lætitiā, hic mœrorem menti aspiret.
- S. Bern. serm. 3. super Psal. 2do.* Quomodo exultandum in Domino docet S. Bernardus: Exultate, sed interim cum tremore. Lætos vos esse volo, sed nondum securos. Gaudentes in Spiritu S. sed tamen paventes adhuc & caventes à recidivo. Unde Psal: Servite Domino in timore: & exultate ei cum tremore. Deinde Apostolus cum gaudio monet conjunctam habere modestiam, & permixtam spiritualem tristitiam ita dicens: Gaudete in Domino semper: iterum dico gaudete, Modestia vestra nota sit omnibus hominibus. Et: Quasi tristes, semper autem gaudentes.
- Philipp. 4.*
2. Cor. 6.

SECTIO IX

De Oppositis gaudio Spiritûs Sancti.

§. I.

Primum Oppositum est Pseudoleitia spiritualis, proveniens vel à natura, vel à dæmone: de qua *Dobrosielscius* ita discurret *Chrysost. Docens. Huiusmodi suavitas non solum divinitus animæ in-* *brotsielscius in* stillatur, sed etiam aliquando ex ipsa teneritudine complexionis *summar. ascet.* nascitur: sunt enim aliqui homines tam mollis naturæ, ut dum *& Myst. The-* legunt, cogitant, audiunt, & loquuntur de Christi acerba Passio- *ol. testam. ani-* ne, & poenis inferni, de gloria cælesti, ac de cæteris veritatibus *ma* Divinis, facillimè interius compungantur, affectu compatiantur, timore configantur, in lachrymas dissolvantur, gaudio afficiantur, & quodammodo liquefcunt animo: & deinde per objecta prosperitatis mundanæ, aut adversitatis mente aliò evocati, mox etiam ad fabulas, vanitates, oblectationes carnales, & ad alia huiusmodi sine discretione revertuntur. Deinde quædam suavitas sensibilis, aliquando etiam à spiritu maligno incipienti procuratur, ut inde miser fiat elatus, & perfectum se esse existimet, ac DEO summopere charum: iamque studia externæ & internæ mortificationis negligat, ac tandem deficiente huiusmodi suavitate, putans se à DEO esse derelictum, ex indignatione & desperatione retro aspiciat, in pristina peccata facile recidat. *Hæc ille.*

§ II.

De Acedia.

Secundum Oppositum contrariè gaudio spirituali de DEO ejusquæ bonis est Acedia, quæ dupliciter accipitur: imo, ut est speciale *V. D. Thom. 2.* vitium gaudio charitatis oppositum, diciturque esse tristitia de *2. q. 35. art. 1. &* bono Divino ex charitate diligendo. 2do, Acedia accipitur, ut est generale vitium inclusum in omni vitio, estq. tristitia aggravans animum *2.* de bono incluso, quod est in actionibus singularum virtutum, ut nihil agere libeat. Item: Acedia est torpor mentis bona negligentis inchoare.

Signa

*Signa & proprietates Acedia, vel Tepiditatis, ex P. Bern.
Resignolio de Discipl. Christ. perfect. lib.*

2. cap. 19.

Quoniam tractatio hæc utilissima est, afferam adhuc rei hujus explicationem aliam, nobis noltrisque temporibus accommodatam. Indicia igitur hominis tepidi, ut plurimum hæc esse censentur,

1. Orare sine attentione & fervore Spiritus.
2. Meditari res Divinas sine animi sensu, affectu, fructu.
3. Difficiliter se expedire ab hominum frequenti, nec utili congressione & colloquio.
4. Aegrè redire ad seipsum, & nunquam aut rarò admodum in cor suum dissipatum animum cogere.
5. Examinare conscientiam, & seipsum inspicere, quasi per trifennam, & strictim absque compunctione, proposito, & emendatione.
6. Latè libenterque sese diffundere in omnes res exteriores, non hominum salutis procurandæ, sed tædii sui mitigandi causâ.
7. Consolari se quæsitis solatiis ex rebus creatis, aut ex cogitationibus inanibus.
8. Liberè de aliis loqui, & eâdem libertate aliorum facta, dictavè observare, & reprehendere.
9. Graviter ferre disciplinam religiosam, si religiosus sis, & omnem admonitionem, aut correctionem, quæ olim jucundissima fuisset, insuavem, intempestivam, intolerabilem existimare.
10. Ad otiosam vitam aspirare, & subterfugere labores ad animarum auxilium fructuosos, & necessarios, permittensque, ut earundem zelus omnino langvescat, quæ gravis est culpa us, quibus animarum cura aliqua commissâ est.
11. Obedire Majoribus, Patribus spiritualibus, aut etiam Legibus quibus tenetur, sine ulla animi contentione, imò cum fastidio, lentè, frigidè, invitè.
12. Optare sibi ab hominibus honorem haberi, & ab illis se hominum blanditiis, & forrè etiam assentationi-
13. Exultare

13. Existimare vacationem laborum suis meritis jam debere, & immunitatem, quā carent alii, dandam sibi. Et si hæc aliter fortè minima videantur, illa sine dubio majora sunt, videlicet.

14. Negligere jam Sacramentorum usum, nec ea amplius frequentare, ut ineeperas.

15. Sacras conciones non audire, Spirituales & utiles Libros non evolvere, vel certè rarò & fastidiosius.

16. Occasiones peccatorum minimè vitare, ut antea, idcirco, quia tibi multum tuisque viribus fides: quæ temeritas est maxima, atque occultior superbia, ita enim tepidus, imprudens provehitur in altum mundanorum fluctuam, fitque, quò minus secum reputat, eò magis periculo propior.

17. Indulgere tibi, tuoque corpori deservire, & paulatim quidquid salutari poenitentia astrinxeris, relaxare molliore vivendi ratione.

18. Memoriam replicare pristinos mores, & mundanorum hominum felicitatem, eoque mentis cecitate induci, ut mundi voluptates & deliciae, quæ prius somnia ludibriaque, uti sunt, videbantur, non displiceant ut antea, arridere incipiant potius, ac præclara quædam bona videantur.

19. Divinos instinctus, quibus ad severitatem vitæ, & Christianam disciplinam tubinde excitaris, & impelleris, vel non advertere, vel dissimulare, & in aliud tempus differre, vel quod deterrimum est tepiditatis genus etiam negligere.

20. Spiritualibus Patribus non auctulare, uti consueveras, & quanquam eorum consilia præiens probas, abtemperato ab eis discrepare, clam te subtrahere, & ab eorum magisterio curaque refugere.

21. Denique hac tepiditate tenentur hi, qui, cum perfectioni ex instituti & professionis obligatione operam dare debeant, in hoc studio negligentissimè se gesserunt, occupati nimirum vel literarum, etiam sacrarum studiis, vel aliis Ecclesiasticis & religiosiis muneribus oberundis, quæ speciosa sunt, & gloriosa seges. Hi quanquam advertunt se ad summum perfectionis gradum, jam pervenisse oportere, aut ab eo certè non longè distare, & in primo gradu adhuc hære, hoc est non urgeri se mortiferi pec-

cati con-

cati conscientia, optant quidem seipso corrigere, & excitare e somno desidia ad laborem abnegationis, & virtutis, differunt tamen & procrastinant, nec adhibent quæ necessaria sunt ad tam præclarum finem consequendum; imò quæ malitiosa tepiditas est, cum seipso animosè vincendo, ac veterem hominem cuius non exiguam partem rerinent, exuendo, Divinæ voluntati subijcere omnino deberent, toti sunt in conquirendis rationibus, quibus Divinam voluntatem ad sua studia revocare possint, & ij esse sine conscientia scrupulo, qui esse nequeunt sine tepiditatis nota.)

S. Bonaven. in
dieta salutis.
cap. 7.

Proverb. 10.

Matth. 25.

Eccl. 22.

Prov. 18.

Prov. 24.

Ibidem.

Stimuli ad Acediam excutiendam. *Imus.* S. Bonaventura damna acedia enumerat. 1. Est Paupertas, quæ facit hominem egen-tem tam corporaliter, quàm spiritualiter. Ideo dicitur in *Proverb. 10.* *bis.* Egestatem operata est manus remissa. Et in *Matthæo* dicitur de servo pigro; Tollite ab eo talentum: Quia verè talentum gratia meretur amittere, qui illud negligit multiplicare. 2. Est vilitas: facit enim acedia hominem vilem. Unde dicitur in *Ecclesiastico.* In lapide luteo lapidabitur piger. Lapis luteus potest dici peccatum immundum, ad quod acedia facit hominem pronum. 3. Est timor, vel pusillanimitas: facit enim hominem pavidum & pusillanimum ad modum leporis. Unde dicitur in *Proverb.* Timor dejicit pigrum, scilicet de cacumine virtutis. 4. Est spiritualis corruptio: corrumpitur enim ad instar aquæ non motæ. Ideo dicit *Hieremias.* Moab non est transfusus de vase in vas. Moab interpretatur acediosus, quia de vase in vas non est transfusus, quia in bonis operibus non est occupatus. 5. Est viriorum accumulatio: replet enim hominem acedia universis vitiis. Nam dicitur in *Proverb.* Per agrum hominis pigri transivi, & ecce totum repleverant urticæ. Urtica rectè figurat acediam. Nam urtica habet molle folium, sed in folio habet aculeum pungitivum: sic acedia ad modum urticæ habet in mollitie remissionis aculeum pungitivæ temptationis: sicut asinus libenter pascitur hujusmodi pungitivis id est carduis, sic piger libenter pascitur hujusmodi pungitivis id est delectationibus perverfas, quasi aculeatis. 6. Est exprobrabilis accusatio, facit enim hominem exprobratione dignum. Unde dicitur in *Proverb.* Usquequo piger dormies? & ideo ad confusionem suæ negligentia mittitur otiosus in scholam formicæ, ad discendum juxta illud quod scribitur in *Proverb. 6.*

verb. 6. Vade ad formicā ò piger. Et satis est homini magna confusio, quod oporteat eū addicere à tam parvo & despecto Magistro.

2^{us} Stimulus: quia Acedia est Vitium afflictivum. Hinc

D. Gregorius: Iter pigrorum, quasi sepes spinarum. Nam cum viam DEI appetunt, eos velut spinæ obstantium sepiunt; sic formidinum suarum oppositæ suspiciones pungunt; quod quia electos præpedire non solet, benè illic securus adjungit: Via iustorum absquè offendiculo. Et S. Ephrem: Piger assidue obmurmurat, & seipsum deplorat. Deinde S. Chrysostomus inquit: Tristitia animarum crudele tormentum est, & dolor quidam inexplicabilis, & iudicium omni iudicio vindictæque deterius. Nam & vermi est similis venenato: non solummodo carnem, sed & ipsam animam perimens. Et tinea non solum ad ossa, sed etiam ad corda pertingens: & perpetuus quidam carnifex, non animam dilacerans, sed vires animæ consumens: Et jugis nox ac tenebræ profundæ, & tempestas, & turbo, &bris non apparens omnium igni validius incendiens, & pugna requiem non habens.

D. Greg. M.
lib. 30. c. 13.

S. Chrysost. Ep.
8. ad Olymp.

3^{ius} Acedia vitium capitale est, cujus filia sunt malitia, rancor, pusillanimitas, desperatio, torpor, ac mentis evagatio circa illicita. Quia enim ut Philosophus dicit in 2. Ethic. Nullus diu absque delectatione potest manere cum tristitia, necesse est, quod ex tristitia aliquid dupliciter oriatur: uno modo, ut homo recedat à contristantibus, alio modo, ut ad alia transeat, in quibus delectatur; sicut qui non possunt gaudere in spiritualibus delectationibus, transferunt se ad corporales secundum Philosophum in 10. Ethic. In fuga autem tristitiæ talis processus attenditur: quia primo homo fugit contristantia, secundo etiam impugnat ea, quæ tristitiam ingerunt: spiritualia autem bona de quibus tristatur acedia, sunt & finis, & id quod est ad finem. Fuga autem finis fit per desperationem: fuga autem bonorum, quæ sunt ad finem quantum ad ardua quæ subit consiliis fit per pusillanimitatem: quantum autem ad ea quæ pertinent ad communem iustitiam, fit per torporem circa præcepta. Impugnatio autem contristantium bonorum spiritualium quandoque quidem est circa homines, qui ad bona spiritualia inducunt, & hic est rancor. Quandoque verò se extendit ad ista spiritualia bona, ad quorum detestationem aliquis adducitur & propriè est malitia. In quantum autem propter

D. Thom. 2. 2.
q. 35. a. 4.

tristitiam à spiritualibus aliquis transfert se ad delectabilia exteriora, ponitur filia acediae *evagatio circa illicita*. Per quod patet responsio ad ea, quæ circa singulas filias objiciebantur. Nam malitia non accipitur hic secundum quod est genus vitiorum, sed sicut dictum est. Rancor etiam non accipitur hic communiter pro odio, sed pro quadam indignatione, sicut dictum est: & idem dicendum est de aliis. *Hæc Doctor Angelicus.*

*Apoc. 3.
Alcazarinus.*

4^{tus}. Acedia vel tepiditas procurat hominem derelinqui à DEI specialibus gratiis, & sic per varia peccata mens tandem in eis obduratur. Ita minax DEI dictum: *Quia tepidus es, & nec frigidus, nec calidus, incipiam te vomere ex ore meo.* Supra quod commentatus *Alcazar* inquit: Affero imò Vomitus metaphoram non esse, referendam (proprie & proximè) ad æternam damnationem. Hæc enim non solis tepidis, sed omnibus peccatoribus à DEO intentatur, verum ad id, quod eam præcedit, scilicet ad derelictionem DEI. 2^{do} affero vomitus metaphorâ repræsentari in reconciliabilem detestationem. 3^{tio} affero tepidum tunc aptissimè dici à Christo evomi, cum induratur in peccato, & quodammodo projectur extra curam Divinæ providentiæ. Hujus autem comminationis particula (quæ propter venialem etiam torporem merito timeri debet) est privari iis auxiliis, quæ non conceduntur omnibus iustis, sed iis solum quos DEUS majori favore profectur. Quantum verò periculum inde immineat labendi in peccata mortalia, & tandem in veram obdurationem, id spirituum virorum considerationi relinquo. 4^{to} affero comminationem hanc sic explicatam esse respectu torporis, & per ipsam doceri fideles, teporem esse ipsissimam viam ad obdurationem in peccato: quâ sententiâ nihil aptius proponi tepidis, urpote qui putent se valde alienos esse ab hac obduratione, & valde eam detestari.

Isid. lib. 2. c. 10.

sent. 20. de sum.

mo bono.

S. Ephrem Pa-

renesi 22. Idem

de virt. & vi-

tiis.

5^{tus} à proprietatibus acediosi. *S. Isidorus.* Tepidus in conversatione otiosa verba & vana, cogitationes noxias esse non conspicit, quid si à torpore mentis evigilaverit, ea quæ prius levia æstimabat, confestim quasi horrenda & atrocia pertimescet. Et *S. Ephrem* Patrum. Pigritia murmurationi conjunctissima est, si quo piger de virt. & virtutis. Pigro sunt excusationes in promptu, si quod ei opus agen-

dum iungitur, obmurmurat, & alios mox etiam pervertit dicens. Et quorū hoc? cur istud vel illud? Si aliquo mittatur, damnum inquit ex illo itinere proveniet. Si ad psalmos decantandos excitetur, irascitur, si ad vigilias, stomachi vel capitis sibi dolores prætexet, si illum admoneat, teipsum inquit admone, de me erit, sicut DEO placuerit.

Stus ab exemplis. Quidam frater volens discedere in solitudinem, à matre propria prohibebatur. Ille verò dicebat matri suæ: Permite me, mater, salvare enim volo animam meam. Cū autem non posset eum retinere mater, dimisit eum.

Ille verò veniens in solitudinem, per negligentiam, omnem vitam suam consumebat. Contigit autem ut moreretur mater ejus. Et post tempus aliquod factus est & ipse ægrotus, & raptus est in extasi ad iudicium, invenit matrem cum his qui iudicabantur. Illa autem cū vidisset eum, obstupuit dicens. Quid est hoc fili? & tu in hoc loco deductus es condemnandus? Ex ubi sunt illa verba, quæ solebas dicere: Quoniam salvare volo animam meam? Erubescens ergo ille in verbis quæ audiebat, stabat, nihil habens quod responderet. *Et paulo infra*: Postquam verò sanus effectus est, reclinat se, & sedet cogitans de salute sua, precorrens & lachrymans super his quæ fecerat prius in negligentia. Tanta autem ejus erat compunctio; ut cū multi eum rogarent paululum requiescere, nè forsitan noxium aliquid pateretur per incessantem fletum, ille noller, dicens: Si Matris meæ improprium non portavi, quemadmodum præfente Christo & Angelis ejus in die iudicii aut impropria aut tormenta portabo? Aliud. Senex quidam magnæ virtutis vir, aliquem fratrem sæpius corripiebat, & hortabatur dicens: Frater, solitudinem gere pro anima tua, habes enim mori, & nisi te emendaveris, in supplicium tendes. Frater autem ille semper seni inobediens erat, nec ea, quæ ab ipso dicebantur, admittebat. Contigit autem post aliquantulum temporis, ut iste moreretur. Contristatus verò senior super illo valde (sciebat enim quod in magna desidia & negligentia de seculo exisset) cœpit orare ac dicere: Domine JESU Christe, verax DEUS noster revela mihi, quid sit circa fratris animam. Aspexit autem in excelsu mentis effectus fluvium ignis, ingen-

De vitis Patrum lib. 10. c. 44. Joan. Mo-
schi.

temque in ipso igne multitudinem, ac medium fratrem illum ad collum usque demersum. Tunc ait illi senior: Nonne te propter hanc poenam orabam, ut curam animæ tuæ ageres fili? Respondit frater, & ait seni: Gratias ago DEO, Pater, quod vel caput meum requiem habet; per orationes enim tuas super caput Episcopi sto.

Praxis propulsandi Acediam est imo. Ejusmodi affectibus addere sibi stimulum & calcar excutiendæ Acediæ. O Acedia ærugo aureæ charitatis, tinea omnis virtutis! ô Acedia offundens tenebras luci, frigus ardori, tædia alacritati, tristitiam ielutivæ, absinthium cælico nectari! ô Acedia imaginariis obicibus difficultatum obstruens viam vitæ, aperiens cursum ad spatiosum iter perditionis! Heu me miserum! qui torpore obrigui, insensibilis ad æterna, vividus ad vana & transitoria. Cœpi spiritu, carne consumor, per mundi & carnis rosei spineta laceratus pergo ad perpetua tormenti demergendus stagno ignis & sulphuris. Quis mihi tribuat, ut sim juxta menses pristinos, secundum dies, quibus DEUS custodiebat me? Quando splendebat lucerna ejus super caput meum: & ad lumen ejus ambulabam in tenebris? Sicut fui in diebus adolescentiæ meæ: quando secretò DEUS erat in tabernaculo meo? Quando erat omnipotens mecum, & petra fundebat mihi vivos olei cælestium (olætorum)? O Clementissime DEUS, tu solus mihi hæc denuo tribuere potes: non est abbreviata manus tua, semper prona & larga ad dandum, modò è torpore & vitiorum pulvere ad eam assurgam. Eja anima mea, consurge, consurge, excutere depulvere, solve vincula colli tui filia sion. Quousq; pigra vis & non vis? duc deliberasti, jam citò fac. Bene, optime. En ego ad te DEUS meus, jam totus tuus, viam mandatorum tuorum curram, quam precor complana mihi, & dilata speciali gratiâ tuâ. O Mater DEI benignissima fer opem, SS. Patroni succurrite, affectus mei sint in effectu. &c. 2do.

Cassianus lib. 10. c. 25. docet. Experimento probatum est, ait Cassianus, Acediæ impugnationem non declinando fugiendam (si enim fugeris, sequetur, req; gravius impugnetur) sed resistendo superandam esse. S. Bonaventura inquit: Summum remedium contra Acediam est, nunquam tædere, sed repugnando Acediæ, obviare & vincere eam laborando. Attamen homo potest opera sua variare, ut nunc oret, nunc legat, nunc meditetur &c. Ut si unum non sapiat, sapiat saltè aliud, sicut febricitanti habenti gustum infectum apponun-

Cassianus lib. 10. c. 25. docet.
S. Bonavent.
de pugna spirit.
c. 6.

ponuntur multa fercula. Item contra tedium cordis valet varietas actionis. Item valet compunctio. Qui enim lugeat seipsum, non novit Acediam, ait Clinachus. Ligerur ergo iste Tyrannus memoriâ offentionum & delictorum, & percutiatur opere manuum, & intentâ meditatione futurorum bonorum. *Hec S. Bonaventura.* Quod confirmant duo sequentia exempla. Quodam *In vitis Patrum lib. 3. Ratione* tempore Abbas Antonius, dum resideret in eremo, spiritu tentatus Acediæ, cogitationibusque diversis implicatus, dicebat ad *fin.*

DEUM: Domine salvari desidero, sed cogitationes variæ non me permittunt. Quid faciam in tribulatione mea, vel quomodo salvari valeam, dignanter ostende. Et post paululum surgens, quendam sibi similem conspicitur sedentem, torquentem funiculum, & surgentem ex opere, & orantem. Erat autem Angelus ad emendationem Antonii destinatus, à quo etiam hunc sermonem audivit: Et tu ita faciens, Antoni, salvaberis. At ille summo gaudio cumulatus, acceptâ confidentia salvatus est.

Aliud. Quidam frater requisivit senem dicens: Quid faciam Pater, quoniam nulla opera facio Monachi, sed in negligentia constitutus comedo, & bibo, & dormio, & de hora in horam transgredior de cogitatione in cogitationem, & propterea contristor & deficio: Cui senex ait: Tu sede in cella tua, & fac quod potes sine perturbatione animi, & confide in DEUM: quia qui sedet in cella sua propter DEUM, invenietur in illo loco, ubi est Abbas Antonius. *Aliud.* Alter frater requisivit Abbatem Achillam dicens: Cur sedens in cella mea patior acediam? cui senex ait: Quia necdum vidisti requiem, fili, quam speramus, neque tormenta, quæ timeamus. Si enim ea diligenter inspiceres, etiam si vermis plena esset cella tua usque ad collum, tu tamen in ipsis jaceres permanens sine acedia. His igitur & tu remediis utere ad profligandum torporem, & comparandum animi fervorem.

Ibidem.

Ibidem.

3tio in praxi cavendi Acediam adhibe quorū proportionati supradicta. 1. 2. tra. 1. c. 1.

sect. 4. subf. 2.

§ 2. & 3.

§. III.

Species & Filix Acediæ.

A S. Gregorio Filix Acediæ numerantur malitia, rancor, pusillanimitas. *S. Gregor. l. Moral. 31. c. 31.*

lanimitas, desperatio, torpor, evagatio mentis circa illicita. De quarum aliis agimus hic suis locis, de aliis §. præcedenti.

Gvill. Peral.
sum. vitior T.
2. de Acedia.

Gvillelmus Peraldus præter hæc, alia vitia quoque ad Acediam spectantia ponit, nempe otium, dilationem, somnolentiam: de quibus hic sigillatim. Nam alia ibidem enumerata parum differunt ab istis, & à S. Gregorio specificatis.

Primum Punctum de Otio.

Otium est superflua vacatio ab utili negotio, & labore in temporalibus, vel spiritualibus. Dicitur superflua &c. Nam moderata quies est necessaria corpori, & animæ. Dicitur ab utili &c. quia inutilibus & minus necessariis (ut sunt pleræque occupationes mundi hujus) sese occupare etiam graviter, reputatur apud prudentes, quanto magis apud DEUM pro otiositate. Dicitur in temporalibus, quia etiam horum cura necessaria & moderata, per intentionem rectam directâ ad supernaturalem finem, sortitur speciem virtutis, aliàs, est indifferens, cujus intentionis cessatio habetur quoque pro otio.

Proverb. 10.

Contra Otium est imo. Proverb. dicitur: Qui congregat in messe, filius sapiens est, qui autem stertit æstate, filius confusiois:

Proverb. 12.

Item Qui sectatur otium, stultissimus est. Eccl. Multam malitiam docuit otiositas. Christus de ficulnea sterili representante

Eccl. 33.

Luc. 13.

2. Thessal. 3.

Tit. 3.

bonis operibus infructuosam animam, ait: Succide eam (per mortem) ut quid terram etiam occupat. Apostolus Si quis non vult operari, nec manducet. Idem. Discant autem & nostri bonis operibus prodesse ad usus necessarios, ut non sint infructuosi. 2do.

Chrysost. hom. 16 in Epist. ad Ephes.

S. Chrysostomus: Otium malitiæ pars est, imò verò non pars, sed causâ & mala radix: Omnem quippe malitiam docuit otium, itaque cavendum est, nè stultè quæstiones istas indagemus, nempe quem sit habiturus locum, qui nihil boni fecit. Nihil enim boni facere, hoc ipsum est malum facere. Dicas enim velim, si famulum haberes, qui etsi nec furaretur, nec convitiaretur, nec contradiceret, imò nec inebriaretur, nec malorum quidquam designaret, sed esset tamè perpetuò otiosus, nec aliquid eorum, quæ servus hero suo præstare debet, faceret; non flagellares illū, ut perversum?

S. Bernar. lib. 2. de Consid.

S. Bernardus: Si rectè sapiens hortatur sapientiam scribi in otio, cavendum.

cavendum & in otio, otium est. Fugienda proinde otiositas mater nugarum, noverca Virtutum. Inter seculares nugæ, nugæ sunt, in ore sacerdotis blasphemix. Interdum tamen si incidant, ferendæ fortassis, referendæ nunquam. *Cassianus*: Hæc apud Ægyptum ab antiquis Patribus sancta est sententia, operantem monachum dæmone uno pulsari, otiosum verò innumeris spiritibus devastari. *S. Augustinus*: Per hanc otiositatem accendimur frequenter ad luxuriam, per hanc animamur ad superbiam, per hanc ducimur ad mundi gloriam, per hanc tentamur delicate pasci, per hanc provocamur pretiosè vestiri, per hanc ad superfluum dormitionem trahimur, per hanc ad verba secularia ducimur. Nunquam quis civis cælorum erit, si otiositatem amaverit. *Idem*: Quem tædet orare, vel psallere, laborare manibus non differat cogitans, quod quam diu David exercitavit se in militia, non intulit ei luxuria: sed postquam in domo otiosus remansit, laboravit adulterio, & homicidium commisit. Samson dum cum Philistæis pugnavit, non potuit capi ab hostibus, sed posteaquam dormivit in sinu foeminae, & otiosè cum ea remansit, mox capitur & cœcatur ab hostibus. Salomon dum occupatus esset in ædificatione templi non sensit luxuriam, sed mox recedens ab opere, pertensit insultum luxuriæ, & deficiens, foemina instigante ad idola, adoravit in thalamo vitulum aureum. Vigilate ergo fratres mei, & nolite deficere, quia nec sanctiores Davide, nec fortiores Samstone, nec sapientiores Salomone vos esse cognosco. *3tio*. Quidam mendicus sanus & fortis otio semper vacabat. Hic sæpe monitus fuit, ut laboraret & communitati deserviret, sed hoc omnino reculavit. Contigit semel, ut præ torpore & otio dormiret, accessit unus sanctus homo, & accepit frustum panis de sacco mendici & posuit super pectus medium dormientis, & statim cœpit se in somno miserabiliter habere, & ululare. Qui cum vidisset, tulit panem de pectore ejus, & eum excitavit dicens. Quid obtuit tibi in somniis frater? Qui respondit, videbatur mihi quòd magnus mons iaceret super corpus meum, & depresisset me usque ad profundum inferni. Cui ille homo respondit. Erras frater non fuit mons, sed parva elemosyna de sacco tuo; ergo videas quantum tibi noceat mendicitas. *Aliud*. Sic legitur de S. Nicodemus.

Cassianus lib. 10. instit. c. 23.

August. serm. 16.

S. Aug. serm. 16. ad fratres in Eremo.

2. Reg. 11.

Jud. 16. 21.

3. Reg. 11.

Gotschalvus serm. 7. parte festiva. Lit. E.

Götschalcus Nicolao Tolensi, quod quando audiverit horologium, semper dixerit: ô Domine DEUS meus, jam iterum unam horam temporis consumpsi de qua oportet me tibi reddere rationem. Quia de hoc singulariter conqueruntur damnati, adûm quod narrat Humbertus, quod quidam exiltens in orationibus, audivit quandam vocem lugubrem, & quæsit quis esset? Respondit tum anima una damnata. Et ille. Cur tam amarè fies? Respondit, ego & omnes damnati de nulla re tantûm dolemus, sicuti de tempore, quod inutiliter consumpsimus, ideoque formidandum est illud iudiciûm.

Praxis. Apage igitur infelix otium! Salve beatum temporis pretium! Quanta dementia terere inutiliter tempus! tempus, quo facile possum assequi veniam culparum, indulgentiam poenarum, altissima augmenta cæli deliciarum, dignitatum, divitiarum. O momenta temporis omni auro & lapide pretioso ponderosiora? Cur infelix tui valorem non consideravi? Cur id, quod restat temporis vitæ meæ & forsan jam modicum & incertum fructuosissime impendere dissimulo? Ecce DEUS meus jam ab hoc momento, tempus erit mihi in magno momento, occupationes frivolas, nè dicam perversas anathematizet: semper aliquid boni cogitabo, loquar, faciam: Semper actus indifferentes ad hujus vitæ necessitatem pertinentes, ad intentionem bonam lucris æternis reddam di nos. Quod ut fiat, ne vetitillum mihi temporis otiosè præterfluat, ordinem mihi temporum & actuum talem & talem jam præscribo, nec ultra differo (quod etiam actus

1. 2. tra. 1. sect. 4. subf. 1. § 9. aliter fac juxta supra datas praxes & modos) Adjuvame DEUS meus in servanda hac dispositione temporum, & actionum; ad, uva me, in fretia Quando. quentanda recta intentione. Virgo Beatissima succurre, sit efficax hoc propositum meum: Sancti Patroni auxiliamini mihi &c.

Ibidem subf. 2.

Vide etiam dicta supra, & hîc convenienter adhibe.

§ 2. & 3.

Secundum Punctum de Procrastinatione.

Dilatio seu Procrastinatio est vitium, quo homo de die in diem differt converti ad DEUM, vel conversus agere ea, quæ sunt salutis æternæ.

Eccli 5.

Contrari quam imo Eccli: Non tardes converti ad Dominum & ne differas de die in diem: subito enim veniet ira illius, & in tempore vindictæ disperdet te. Hujus dilationis causa est, promittere sibi vel longiorem vitam, vel in ejus periculo, sive articulo mortis gratiam poenitentia. Sed

tiæ. Sed audi Eccl. Repromissio nequissima multos perdidit. Unde Eccl. 29.
 CHRISTUS. Esto te parati, quia quâ horâ non putatis, Filius hominis veniet. Luc. 12.
 2do. S. Basilus: Suscipiamus tandem aliquando curam anima- S. Basil. orat. 4
 rum nostrarum. O Fratres mœreamus ob stultitiam vitæ ante de Poenit.
 ingressæ, decertemus pro futuris; nè amplius in hac perstemus,
 nec præsens semper per negligentiam amittendo, in crastinum
 verò & consequens actiones differendo, revocati ab eo, qui re-
 poscit animas nostras, nec bonis operibus præparati à gaudio
 ipsi excludamur. Frustrâ tum pessimè actam vitam lugebimus,
 cum nihil ampliùs hoc poenitentibus proderit. S. Benedictus: Exur- S. Benedictus
 gamus ergo tandem aliquando excitante nos Scripturâ ac dicente in Prologo Re-
 Hora est jam nos de somno surgere, & apertis oculis nostris ad Deum gula Rom. 13.
 cum lumen, attonitis auribus audiamus, Divina quotidie clamans
 quid nos admoneat vox dicens: Hodie si vocem ejus audieritis nolite Psalm. 94.
 obdormare corda vestra. Et iterum: Qui habet aures audiendi, audiat: quid Apoc. 12.
 Spiritus dicat Ecclesiis. Et quid dicit? Venite filii audite me, timorem Psalm. 33.
 Domini docebo vos. Currite dum lumen vitæ habetis, nè tenebræ mortis Joan. 12.
 vos comprehendant. S. Augustinus: Verum quidem dicis, quòd De- S. Augustinus
 us poenitentiae indulgentiam promissit, sed huic dilationi tuæ di- in Psalm. 114.
 em crastinum non promissit. S. Bernardus in Sermonibus parvis: su- S. Bernardus
 praillud Psalm. 15. Multiplicatae sunt infirmitates eorum, postea ac ferm. 38.
 celeraverunt. Quid disimulant homines in vita sua agere poe-
 nitentiam, & extrema de confessione præsumunt? Quomodo sub
 unius horæ articulo revocari posse omnia aestimant animæ mem-
 bra, cujus concupiscentiae & desideria per totum mundum sparsa
 sunt? &c. Si benè memini in toto Canone Scripturarum unum
 latronem invenies sic salvatum. Noli ergò huic tam periculo-
 sæ expectationi credere temetipsùm. Et quidem Spiritus non
 modò ubi vult, sed quando vult spirat: nec ei difficile est, de
 subito perfectam dare contritionem cordis, quam vix multo tem-
 pore alii consequuntur: Sed unde scis, quòd tunc tibi ita subven-
 ire velit, quem tu interim sic repellis? Benignus est quidem
 Spiritus sapientiae, sed non liberabit maledicum à labiis suis. Au-
 di quis ille sit: Maledictus qui peccat in spe. 3tio: ab exem- Gregor. homil.
 plis: B. Gregorius de procrastinatione agens, refert quendam virum no- 12. in Evangel.
 bilem Chrysaorium nomine vitâ improbum, qui ad extrema de-
 veniens,

veniens, apertis oculis vidit tetros & nigerrimos spiritus coram se asistere, & vehementer imminere, ut ad inferna claustra se raperent. Cœpit tremere, pallefcere, sudare, & magnis vocibus inducias petere. Jacebat in sinistro latere, aspectum eorum ferre non poterat, vertebatur ad parietem ubi aderant. Cumque constrictus nimis relaxare se jam posse desperaret, cœpit magnis vocibus clamare dicens: *Inducias vel usq; mane, inducias vel usq; mane.* Sed cum hæc clamaret, in ipsis suis vocibus habitaculo suæ carnis evulsus est. Nos ergo fratres charissimi, nunc sollicitè ista cogitemus, nè nobis in vacuum tempora pereant, & tunc quæramus ad benè agendum vivere, cum jam compellemur de corpore exire.

Aliud. Refert V. Beda dicens: Novi fratrem positum in monasterio nobili, sed ignobiliter viventem. Corripiebatur quidem sedulò à fratribus ac majoribus loci, & quamvis eos audire noluisse, tolerabatur tamen longanimitè ob necessitatem operum ipsius exteriorum, (erat enim fabrilis arte singularis) serviebat autem multum ebrietati, & cæteris vitæ remissioris illecebris; magisque in officina die noctuque residere, quàm ad psallendum, quàm ad orandum in Ecclesia, audiendumque, cum fratribus vitæ verbum, concurrere consueverat. Unde percussus langvore, atque ad extrema deductus vocavit fratres, & multum mœrens, ac damnato similis, cœpit narrare, quia viderit inferos apertos, & sathan demersum in profundis tartari. Caipham quoque cum cæteris qui occiderunt Dominum juxta cum flammis ulticibus traditum. In quorum vicino inquit: Heu misero mihi locum conspicio æternæ perditionis esse præparatum. Audientes hæc fratres diligenter coeperunt exhortari, ut poenitentiam ageret. Respondit ille desperans! Non est mihi tempus mutandi vitam; Talia dicens sine Viatico obiit salutis, & corpus ejus in ultimis est monasterii locis humatum, neque aliqui pro eo Missas facere, vel Psalmos cantare, vel saltem orare præsumebant. *Et infra:* Factum est hoc nuper in provincia Berniciorum, ac longè latèque diffamatum, multos ad agendam, vel non differendam scelerum suorum poenitudinem provocavit.

*Beda in Histor.
Ecclesiast. de
Gente Anglo-
rum, lib. 5. c. 15.*

*S. Augustinus
lib. 8. Confess.*

Aliud: Melius ergo fecit S. Augustinus, qui in Libro octavo confessionum, cum primis capitibus docuisset se exemplo

Victo-

Victorini recens conversi vehementer commotum ad mutandam turpem vitam tandem cap. 5. ait. Sed voluntas vetus pugnat contra novam. Ex voluntate per versa facta est libido, & dum servitur libidini facta est consuetudo, & dum consuetudini non resistitur, facta est necessitas. Differens dicebam; modò, ecce modò, sine paululum. Sed modò & modò non habebat modum. Deinde c. 8. exponit quantam pugnam habuerit in se vincendo. Fremebam mecum inquit, quòd non parerem tibi DEUS. Et cap. 9. Imperat animus, sed non obsequitur corpus. Et cap. 10. Nolebam & volebam, & dissidebam à meipso. Et cap. 12. Subfrustravi me fletus, quamdiu, quamdiu? cras & cras, & quare non modò, quare non hac hora finis turpitudinis meæ? Audio vocem: Tolle lege, tolle lege. Legit codicem D. Pauli, & tandem convertitur.

Praxis. Et tu fac similiter vitans illud corvinum: cras, cras. Hic & nunc tuum, cras non tuum. Modò, modò hac hora sit finis malitiæ tuæ. Incipe jam agere poenitentiam, percutere pectora, jam ab hinc converte te ad meliora, ex nunc invoca DEUM, indulgeat tibi amplius temporis & gratiæ ad lamenta poenitentiae, ad spatia ferventioris vitæ. Precare apud DEI param, Sanctosque familia, &c.

Accipe quoque hic congruo modo, quæ suprâ dicta sunt. 1. 2. tr. 1. C. 1.

Tertium Punctum de Somnolentia.

sec. 4. subs. 2. 9.

2. & 3.

Prov. cap. 6.

CONTRA Somnolentiam imo. Proverb. Usquequo piger dormies? quando confurges è somno tuo? paululum dormies, paululum dormitabis, paululum conteres manus ut dormias, & veniet tibi, quasi viator egeltas (temporalis, ac spiritualis) & pauperes quasi vir armatus: si verò impiger fueris, veniet ut fons mensis tuae, & egeltas longè fugiet à te. Eccles. Hora surgendi non retrices. Thren. Confurge, lauda in nocte, in principio Thren. 2. vigiliarum, effunde sicut aquam cor tuum ante conspectum Domini: Leva ad eum manus tuas. S. Bernard. Quantum ad debitu- ad Fratres de bitum continui processus, nihil temporis tam perit de vita nostra, Monte. quam quod somno deputatur. Collector spe-

2do. Ab Exemplis: Somnolentus à dæmonio equiratur, & culi ex gestis in apostasiæ volutabrum revertitur. Erat in Monasterio Ever-Vivorum illu- tabicensi juvenculus quidam Henricus nomine Agrentinensis strum Ordin.

natione, robustus & vegetus corpore, sed spiritali macie fædus, & debilis corde, quales heu nostris temporibus multos videmus & dolemus, plus formidantes temporaliter inacerari, quàm gehennæ supplicii deputari. Qui juvenis licèt in cunctis obtervantiis ordinis segnitiei & inefficiaciæ à cæteris fratribus notaretur, gravius tamen in executione Divini servitii delinquebat, ut sacras vigiliis quasi causa infirmitatis ad repausandum frequenter deferere solebat; qui privatis publicisque in precationibus minimè correctus, dum quadam vice chorum egressus versus infirmitorium progreditur, ecce vidente Priore teterrimus dæmon collo illius insiliit miris cum gesticulationibus, & cachinnationibus. Tandem ille miser sessoris sui mortifero consilio factus est apostata vilis. Aliud. Felicior fuit frater ille, de quo in *Vitis Patrum*, qui una nocte septies resistendo somnolentiæ, septem in cælo coronas promeruit.

Et tu fac similiter. Nè pro carnis inerti quiete perennibus crucieris pœnis, quin potius brevi labore vigiliarum æternam requiem obtineas.

Adhibe etiam hic supra specificata, proportionem servatâ.

1. 2. tra. 1. c. 1.
sec. 4. subf. 2. §
2. c. 3.

§. IV.

De Invidia.

Ita D. Thomas
2. 2. q. 36. art. 1.
Ibidem art. 2.
Oppositum 3tium, prout est Contrarium Gaudio spiritali est Invidia, quæ est Tristitia de bono proximi, prout proprium malum æstimatur, & diminutivum proprii boni. Cum verò ut ait D. Thomas, aliquis dolet de bono alicujus, in quantum ex hoc timetur nocumentum vel sibi ipsi, vel etiam aliis bonis, talis tristitia non est invidia. Item, potest tritari aliquis de bono alterius, non ex eo quòd ipse habet bonum, sed ex eo quòd nobis deest bonum illud, quod ipse habet. Et hoc propriè est zelus. Et si iste zelus sit circa bona honesta, landabilis est: 2dum illud 1. Cor. 14. Emulamini spiritualia: si autem de bonis temporalibus, potest esse cum peccato, & sine peccato. Item, tristatur aliquis de bono alterius in quantum ille, cui accidit bonum, est eo indignus, intelligitur autem istud bonum non aliquod honestum, sed tale quod potest accidere dignis & indignis; quale v. g. sunt divitiæ. Et hujusmodi tristitia prohi-

prohibetur in S. Scriptura juxta illud: Psal. 72. Pene effusi sunt gressus mei, quia zelavi super iniquos, pacem peccatorum videns

Est & alia quædam Invidia, quæ dicitur *Invidentia fraternæ gratiæ*, inter gravissima peccata computata, definiturque juxta D. Thomam, *Esse dolor de ipso augmento gratiæ DEI, non solum de bono proximi. Unde ponitur peccatum in Spiritum Sanctum, quia per hanc invidentiam homo quodammodo invidet Spiritui Sancto, qui in suis operibus glorificatur.* S. Gregorius invidiam describit: Cum devictum cor livoris putredo corruperit, ipsa quoque exteriora indicant, quàm graviter animum velania intligat. Color quippe pallore afficitur, oculi deprimuntur, mens accenditur, & membra frigescent: fit in cogitatione rabies, & in dentibus stridor, cumque in lateribus cordis crescens absconditur odium, dolore cordis terebrat conscientiam vulnus inclusum.

Incitamenta fugiendi invidiam sunt. *im.* Job: Parvulum occidit invidia. Prov: Qui ruinâ lætatur alterius; non erit impunitus. Et: Qui festinat ditari & aliis invidet, ignorat quòd egestas superveniet ei. Sap: Neque cum invidia tabescente iter habebo, quoniam talis homo non erit particeps sapientiæ. Prov: Nè comedas cum homine invido, & nè desideres cibos ejus: quoniam in similitudine arioli & conjectoris æstimat, quod ignorat. Comede & bibe dicet tibi, & mens ejus non est tecum.

Job. 5.
Prov. 17.
Prov. 28.
Sap. 6.
Prov. 23.

2dum. Doctor Angelicus ait: Invidiæ peccatum vitium est capitale, cujus filix sunt Sulurratio, detractio, exultatio in adversis proximi & in prosperis afflictio: quia in conatu invidiæ est aliquid tanquam principium, & aliquid tanquam terminus. Principium quidem est ut aliquis diminuat gloriam alterius, vel in occulto & sic est sulurratio, vel manifestè & sic est detractio; Medium autem est, quia aliquis intendens diminuerè gloriam alterius, aut potest, & sic est exultatio in adversis, aut non potest, & sic est afflictio in prosperis. Terminus autem est in ipso odio, quia sicut bonum delectans cautat amorem, ita tristitia causat odium; Afflictio autem in proximi prosperis uno modo est ipsa invidia, in quantum scilicet aliquis tristatur de prosperis alicujus secundum quod habent gloriam quandam: alio verò modo est filia invidiæ, secundum quod prospera proximi eveniunt, contra

D. Thom. 2. 2.
q. 56. art. 1.

D. Thom. 2. 2.
q. 36. art. 4. ad 2.

conatum invidentis, qui nititur impedire. Exultatio autem in adversis non est directè idem quod invidia, sed ex ea sequitur. Nam ex tristitia de bono proximi, quæ est invidia, sequitur exultatio de malo ejusdem. *S. Augustinus.* Avertat DEUS Invidiæ

*S. Augustin. de
Vir. Sanct. c. 31.
Tom. 6.*

pestem ab animis omnium ne dum Christianorum. Vitium enim diabolicum est invidia, quo solo diabolus reus est & inexpialiter reus. Non enim dicitur diabolo ut damnetur, quia adulterium commisisti, furtum fecisti, villam alienam rapuisti, sed quia homini stanti tu lapsus continuò invidisti. Superbiam sequitur invidia, tanquam filia & pedisequa. Quam quippe superbia continuò parit, nec unquam est superbia sine tali prole atque comite. *S. Chrysostomus.* Invidi peiores sunt feris, dæmonibus autem pares, & fortè deteriores: Nam feræ escæ indigentes, vel à nobis irritatæ adversus nos armantur: invidi verò etiam beneficiis allekti benè meritos maleficiis persecuti sunt. Dæmones quoque, licet contra nos bellum exerceant impacatum, confortibus tamen generis non insidiantur, unde Judæis Christus os occludit, cum eum in Beelzebub ejicere dæmonia calumniarentur, invidi verò neque naturæ communionem reveriti sunt neque sibi perpercerunt. *Et paulò post:* Omni venià caret hoc peccatum; nam fornicator quidem concupiscentiam prætereundum potest, fur paupertatem, homicida furorem. Tu verò quam dices causam? rogo: nullam penitus nisi tantum intensam nequitiam &c. Hoc vitium & fornicatione pejus est & adulterio; hoc enim in operante tantum silit, invidiæ verò vis totam subvertit Ecclesiam, & toti nocet terrarum orbi. Hæc homicidii mater est: Ita fratrem, Cain occidit, ita Jacob Esau, ita Joseph fratres, ita cunctos homines diabolus. *S. Cyprianus.* Mala cætera habent terminum, & quodcunque delinquitur, delicti consummatione finitur; invidia terminum non habet, permanet jugiter malum & sine fine peccatum.

*S. Cyprianus
Epist. de Zelo.*

*S. Gregorius 1.
Moral. c. 34.*

S. Gregorius. Quamvis per omne vitium, quod perpetratur humano cordi antiqui hostis virus infundatur, in hac tamen nequitia tota sua viscera serpens excutit, & imprimendæ malitiæ pestem vomit. *Hæc Gregorius.* Invidia est vitium summi cruciatus. Hinc dicitur Proverb. Vita carniū sanitas cordis, putredo ossum invidia. Et Horatius: Invidiā Siculi non invenere Tyranni, Tormen-

tormentum majus. Porro S. Cyprianus tum hunc effectum, tum S. Cyprianus
 alios pessimos enumerans ita inquit : Zelo excoecante sensus *de zelo, &c.*
 nostros, atque in ditionem suam mentis arcana redigente, DE I
 timor spernitur, Magisterium Christi negligitur ; judicii dies
 non providetur, inflatur superbiâ, exacerbatur sæviciâ, perfidiâ
 prævaricatur, impatientiâ concutitur, turrit discordiâ, irâ ferve-
 scit, nec se jam potest cohibere vel regere, qui factus est pote-
 stas aliena. Hinc Dominicæ pacis vinulum rumpitur, hinc
 charitas fraterna violatur, hinc adulteratur veritas, unitas scindi-
 tur, ad hæreses atque ad schismata profilitur. *Et paucis interje-*
ctis invidiam graphycè depingens : Qualis, inquit, est animæ tinea,
 quæ cogitationum tabes, pectoris quanta rubigo, zelare in alie-
 ro vel virtutem ejus, vel felicitatem, id est odille in eo vel meri-
 ta propria, vel beneficia Divina, in malum proprium bona alie-
 na convertere, illustrium prosperitate torqueri, aliorum gloriam
 facere suam poenam, ita quosdam pectori suo admoveere carnifices,
 cogitationibus & sensibus suis adhibere tortores, qui se in-
 tellinis cruciatibus lacerent, qui cordis sæceta malevolentiae un-
 gulis pulsent, non cibus talibus latus, non potus potest esse ju-
 cundus, suspiratur semper & ingemiscitur, & doletur. *S. Gregor. S. Gregorius*
Nazianzen. in vita Moyli hæc profert. Invidia, inquit, malorum Nazianzen. in
princeps, mortis mater, prima peccati janua, vitiorum radix, do-
loris initium, calamitatis parens, inobedientiæ causa, ignaviæ
principium, mortifer stimulus, mucro reconditus, naturæ mor-
bis, bilis venenosa, tabes sponte adhibita, figens animam clavus,
anima cordis, intestinus ignis. Hanc qui habet, non suis ma-
lis, sed alienis bonis infelix est. Milvis similis, quos cadaveribus
palei, & pretioso unguento emori ajunt S. Basilus. Invidiosum S. Basilus Sen-
viperæ assimilat, qui suo foetu invidiæ seipsum perimit.)) Ægy- invid.
ptii assimilant Basilisco, qui suis oculis ad funera terrarum natus,
sicut è respectu speculi repercussio in se habitu, propriis telis
enecatur : ita invidiosus in puram animam ejaculans maledicta,
suis se conficit sagittis. Appositè Ecclesiast. Nequius oculo (ma- Eccl. cap. 21.
lo vel invido) quid creatum est? Et illud : Nequam est oculus ibid. cap. 14.
lividi, & avertens faciem suam, & despiciens animam suam.

3^{ium}, ab Exemplis. Invidi sunt imitatores diaboli. Hinc

Sap.

Sap. 2.

2. Joan. 3.

Jude Epist.

S. Gregorius

Dialog cap. 8.

lib. 2.

Sap. dicitur: Invidia diabolus mors introivit in orbem terrarum, imitatur autem illum, qui sunt ex parte illius. Invidi sequuntur Cain. Unde illud: Propter quid Cain occidit Abel? quia opera ejus erant maligna: fratris autem ejus iusta. Sed Vae illis! qui in viam Cain abierunt. Aliud: Florentinus quidam invidens virtuti, & eam consequenti gloriæ S. Benedicti, eum per suam malitiam cum Discipulis aliò migrare compellens, dum ex abitu S. Patris exultat, solarium in quo stabat, concidit, hostemque Benedicti conterens extinxit.

Praxis profligandi Invidiæ scelus est. 1mo. Exercere se in contemptu sui, aliisque actibus & affectibus invidiæ contrariis. V. G. Itanè anima mea alieno malo lætari, bono cruciari? Nunquid non bonum objectum lætitiæ, malum tristiæ? ut quid ergo invertis ordinem naturæ? Pudeat te tantæ perversitatis! Quid? Onquam oculum virulentia livoris infectum, quàm totam tenebrosam efficis animam! O belluis! O ipsis dæmonibus (ut supra habes) te pejorem invidum hominem! Clementissime DEUS miserere mei, & libera me à pestifero toxico invidiæ. Fer opem Mater DEI, & succurrite Sancti Patroni mei N. N. irroretur dulcedine charitatis, expurgetur malitià cor meum &c. 2do Prodere coram Patre Spirituali latens virus invidiæ: alioquin difficulter curabitur. Unde Cassianus ait: Eum quem semel veneni sui peste (invidia) corruerit, pene dixerim carere remedio; ipsa namque est lues de qua figuraliter dicitur per Prophetam: Ecce ego mittam vobis serpentes regulos, quibus non est incantatio, & mordebunt vos. 3tio S. Bonaventura hisce remediis invidiæ medetur 1. inquit, invidiæ summum remedium, ut unusquisque toto corde omnia, quæ mundi sunt, ex quibus contentio, rixa, vel invidia oriri potest, cordialiter despiciat, sive sint divitiæ, sive honores. 2. nè quis sapiens sibi sequatur propriam suam voluntatem nulli acquiescens & hoc causat maximè discordiam & rancorem. 3. ut sciat quæ utilia sunt, ac necessaria postponenda bono charitatis. Nam si habeam fidem, ita ut montes transferam, si lingvis hominum loquar & Angelorum, charitatem autem non habuero; nihil mihi prodest. Ideo super omnia exercitia, in omnibus operibus, præ omnibus debemus quarere fraternam charitatem. Nec est aliquid, quod tantum Angeli, & Dominus

Ange-

Cassianus Col-
lat. 18.

Isa. 14.

S. Bonaventura
Opusc. de
pugna spirit.
cap. 5.

1. Cor. 13.

Angelorum in nobis invenire desiderat, sicut fraternam unionem, & mutuam charitatem. 4. Ut unusquisque summopere iracundiam & alia, quibus fratrem offendit caveat, & devitet: & si quando contra fratrem excessit, humiliter satisfaciatur, si quando frater contra eum rancorem sine causa concepisset quantum in ipso est studeat pacificare. Hæc habentur in collatione Patrum

XVI. Ita S. Bonaventura.

Applica quos hic convenienter, quæ suprà scripta sunt.

I. 2. tra. I. c. I.

sect. 4. sub. 2. 8.

2. 6. 3.

SECTIO X.

De Pace.

Pax est fructus Spiritus Sancti; estque actus seu effectus charitatis, D. Thom. 2. 2. quest. 29.
importans propriarum appetitionum inter se, tum appetitus proprii cum appetitu alieno unionem. Dicitur: Fructus Spiritus Sancti, in quantum est quoddam finale bonum, spirituales dulcedinem habens. Dicitur: Actus seu effectus charitatis, &c. Quia utramque supradictam unionem efficit charitas: Primam quidem unionem efficit charitas: Primam quidem unionem secundum quod DEUS diligitur ex toto corde, ut scilicet omnia referamus in ipsum, & sic omnes appetitus nostri feruntur in unum. Aliam verò prout diligimus proximum sicut nos ipsos: ex quo contingit, quod homo vult implere voluntatem proximi, sicut tuipsum; Unde Tullius de amicitia in 3. inquit, quod Amicorum est idem velle, & nolle.)) Pax, seu quies, tranquillitas, concordia respectu DEI & proximi: Deinde pax, otium, sabbathinus, silentium, spiritualiter sumpta idem sonant.

Gradus Pacis ex Formula aurea Seraphici Doctoris.

S. Bonaventur.

Tom. I. de Gra-

Pacis altus gradus est, cum caro subicitur spiritui, sive rationi, difficilem se reddens ad omnia mala perpetranda. Altior, cum subicitur caro spiritui, promptam se exhibens ad omnia bona facienda. Altissimus, est cum spiritus subicitur DEO, omnem ordinationem tam in exterioribus, quam in interioribus animæ viribus penitus observando. Ille ultimus gradus servatur in celo.

I.

Mm

Item

II.

Item altus gradus est, inferioribus parcere, si in aliquo excesserunt, eosque benignè consolari, si in aliquam afflictionem inciderint. Altior est, cum paribus benignè conversari, ita quòd faciat eis bonum, quod sibi iustè vult fieri, nec inferat malum aliquod, quod sibi iustè non vult fieri. Altissimus, voluntatem suam voluntati superiorum in omnibus conformare.

III.

Item altus gradus est, nullum turbare factis. Altior est, nullum turbare verbis, vel facie, vel in verbis post tergum. Altissimus est, nullam dare occasionem justam alicujusurbationis signo, nutu. In omnibus istis gradibus fuit Christus secundum illud. Non veni facere voluntatem meam, &c.

IV.

In altum gradum pacis ascendit, qui mala proximorum non publicat. In altiorem gradum, qui bona proximorum non minuit, nec denigrat, nec invertit, sed extollit. In altissimum, ascendit, qui defectibus eorum compatitur, & profectibus eorum ex corde congratulatur: in isto gradu fuit Christus.

D. Bonavent.
Opusc. de 7.
grad. Contem-
plat. extraord.

Mystica quies assertore D. Bonaventura, est totius animæ mira quædam & suavis tranquillitas per infusam nobis ex frequentia orationis dulcedinem concreata. Solis valde spiritualibus experientia hujus quietis conceditur, quibus & datur etiam, ipsas supercælestes substantias contemplando transcendere. Superignota enim bonitas ipsis familiaris, seipsam eis immitit & ipsi totâ virtute dilatato sinu sancti desiderii, potenter suscipiunt beatas immisiones, animalibus præsumptuosos omnino incognitas. Sic igitur puris Sanctorum Contemplativorum animabus tam insueto nutrimento ditissime adimpletis splendet ipsorum ratio, dulcescit concupiscentia, hilarescit irascibilis, ex dilectione quorum Deificam illam quietem non ambigimus emanare. Hujusmodi quies typus est illius cælestis pacis, ad quam donec perveniamus ex toto, necdum quieti esse possumus juxta illud D. Augustini effatum. Quia fecisti nos ad Te (ô DEUS) inquietum est cor nostrum, donec requiescat in Te.

S. Bonavent. de
grad. Virt. T. 2.
Graduū Chri-
stianæ concor-
diæ Ordo.

*Gradus Concordiæ ex Formula aurea Seraphici
Doctōris.*

Concordiæ altus gradus est, concordare cum Sanctis hominibus

nibus in Sancta conversatione. Altior, concordare cum Sanctis Angelis in continua laude DEI. Altissimus, concordare cum DEO in perfecta voluntate.

Item altus gradus est, concordare cum subditis, eorum defectibus compatiendo. Altior, concordare cum paribus & sociis, profectibus eorum congaudendo. Altissimus, concordare cum Prælatiis, voluntati eorum obediendo in omnibus.

Item altus gradus est, concordare cum perfectis, præcepta DEI servando. Altior, concordare cum perfectioribus, consilia DEI in Scriptura perficiendo. Altissimus, concordare cum perfectissimis, Divinis moribus se conformando.

Item altus gradus est, concordare cum omnibus hominibus, quantum in se est, ut omnis perturbatio caveatur. Altior est, concordare cum omnibus hominibus propter quietem propriam, nè homo in se ipso affligatur. Altissimus est, concordare cum omnibus hominibus, nè propter inquietudinem cordis DEUS ab ipso, vel ipse à DEO, ad breve vel ad longum tempus alienetur. In omnibus his fuit Christus.

Illicia ad studium comparandæ pacis hæc sunt : *I mm.*
Proverb. Qui pacis incunt consilia, sequitur eos gaudium. *Item: Prov. 12. & 11.*
Frater, qui adjuvatur à fratre, quasi civitas firma. *Job. 22.*
Ecce ei & habeto pacem, & per hæc habebis fructus optimos. *Marc. 9.*
Pacem habete inter vos. *Rom. 12.*
Si fieri potest, quod ex vobis est, cum omnibus hominibus pacem habentes. *Cor. 2. Cor. 13.*
 & DEUS pacis & dilectionis erit vobiscum.

2 dum. Pax hominum est delictum Angelorum. *S. Bernardus*
dus: Attamen super omnia hæc unitatem & pacem à nobis exi-
 gunt *Angeli pacis*, quidnè in maximè delectentur in his, quæ for-
 mam quandam civitatis suæ repræsentant in nobis, ut mirentur
 Hierusalem novam in terra? Dico autem ut quomodo civitatis
 illius participatio est in idipsum, sic & nos in idipsum sentiamus,
 idipsum dicamus omnes & non sint in vobis schismata, sed magis
 omnes simul unum corpus simus in Christo, singuli autem alter
 alterius membra. *Idem: Beati Pacifici, quoniam filii DEI vocabuntur. Idem Serm. 1. in*
Merito filii DEI nomine vocabuntur, qui Filii opus impleverunt. festo Omnium
Ipsè enim est, per quem reconciliati pacem habemus ad DEUM. Sanctorum.

*S. Augustinus
Serm. 169. de
Temp.*

Ipse qui pacificavit in sanguine suo, quæ in cælis sunt, & quæ super terram, mediator DEI & hominum, homo Christus JESUS. *S. Augustinus.* Scriptum est; In tribus placuit Spiritui meo, quæ sunt probata coram DEO, & hominibus: Concordia fratrum, & amor proximorum, & vir & mulier consentientes sibi. Concordia ergo fratrum voluntas DEI est, jucunditas Christi, perfectio sanctitatis, justitiæ regula, materia doctrinæ, morum custodia, atque in rebus omnibus laudabilis disciplina, pax suffragio precum & supplicationum facilis atque inextinguibilis; quia desideriorum omnium competens est plenitudo, sicut scriptum est in Apostolo: Pax conventionis amabilem DEO facit in fratribus: quæ charitatis indicat testimonium. Pax ergo dilectionis mater est, concordie vinculum, ac puræ mentis indicium manifestum, quia sibi exigit de DEO quod velit, quidquid voluerit, petit, & quidquid voluerit, sumit. Pax præceptis regalibus conservanda est, dicente Christo Domino. Pacem meam do vobis, pacem meam relinquo vobis. In pace vos dimitto, in pace vos dimisi, in pace vos inveniam. Proficiscens voluit dare, quod desiderabat rediens.

*S. Augustin. de
Verbis Domini*

omnibus invenire. *Idem.* Pax est serenitas mentis, tranquillitas animi, serenitas cordis, amoris vinculum, consortium charitatis. Hæc est, quæ similitudines tollit, bella compescit, comprimit iras, superbos calcit, humiles amat, discordes sedat, inimicos concordat, cunctis est placida, non querit alienum, nihil deputat suum, docet amare, quæ odisse non novit, nescit extolli, nescit inflari. Hanc ergo qui accipit teneat, qui perdidit repetat, qui amisit exquirat, quoniam qui in eadem non fuerit inventus, abdicatur à Patre, exheredatur à Filio, nihilominus à Spiritu Sancto alienus efficitur. *S. Bernardus:* Pax seu Unitas illa est, quam dulcedine sacræ insonat Psalmista: Ecce quam bonum, & quam jucundum, habet nos fratres in Unum! Cujus Unitatis cum descripsisset sermo propheticus pulchritudinem, ejus etiam non tacuit utilitatem: Quoniam illic inquit mandavit Dominus benedictionem & vitam, hic scilicet benedictionem, & in futuro seculo vitam æternam. Ipsa est inquam Unitas, quam summa diligentia conservandam tradidit Apostolus, dicens: Solliciti servare Unitatem Spiritus in vinculo pacis.

*S. Bernardus
Serm. 5. in as-
sumpt. B. V.
Psalm. 132.*

Ephes. 4.

3^{ium}. Ab exemplis: I. Apostolus ait: Non est DEUS dissensionis, sed pacis. Et S. Bernardus: Tranquillus DEUS tranquillum lat omnia, & quietum aspicere quiescere est. S. Gregor. Nazianz. Cant. serm. 23. DEUS ipsa est prima, increata, & perfectissima concordia: quare summè amat concordēs, utpote sibi simillimos, imò ut opus suum proprium & perfectum. II. Christus, qui apud Isaram, titulatur Princeps pacis. Apostolus verò: Et pax Christi exaltet in cordibus vestris, in qua & vocati estis in uno corpore. III. Ab exemplo S. Regis David de seipso asserentis: Cum his, qui oderunt pacem, eram pacificus, cum loquebar illis, impugnabant me gratis. Tum primitivæ Ecclesiæ, in qua Multitudinis credentium erat cor unum, & anima una. Aliud Orante Abbate Machario, venit ei vox in cella sua dicens: Machari nondum pervenisti ad mensuram meritum illarum duarum mulierum illius civitatis. Surgens ergo senex manè accepit virgam suam palmeam, & cœpit pergere in civitatem. Cum ergo pervenisset in eam, reperto loco pullavit ad januam: Egressa autem una suscepit eum in domum suam, & cum sedisset, vocavit eas, quæ cum venissent, sederunt cum eo. Ait autem ad illas senex; Propter vos tantum laborem peruli; dicite itaque mihi nunc operationem vestram: At illæ dixerunt: Crede nobis, quia hac nocte non fuimus in cubili sine viris nostris, quam ergo operationem possumus habere? At verò senex cum satisfactione rogabat eas, ut manifestarent actum suum. Tunc dixerunt ei: Nos quidem secundum seculum extraneæ sumus nobis: placuit tamen nobis nubere duobus fratribus secundum carnem. Quindecim hodie annos nos duæ habitavimus in hac domo, & nescimus si aliquando litigavimus ad invicem, aut turpem sermonem dixit una ad alteram, sed in pace & concordia peregrinamus totum spatium hoc; subintravit autem nobis in animum ingredi in monasterium Virginum, & rogati viri nostri nobis non consenserunt in hoc. Cum verò maxime non valuissemus obtinere huiusmodi consiliū, disposuimus utraq; restantem inter nos & DEUM, ut utque ad mortem per os nostrum non egrediatur sermo secularis: Audiens autem hoc Abbas Macharius dixit: In veritate, quia non es virgo, neq. tub marito agens, neq; monachus, neq; secularis, sed Deus qui secundum unius cuiusque propositum omnibus præstat Spiritum Sanctum.

1. Cor. 14.

S. Bernardus in

S. Gregor. Nazianz. Cant. serm. 23.

Gregor. Nazianz. Orat. 12.

anz. Orat. 12.

anz. Orat. 12.

Coloss. c. 3.

Coloss. c. 3.

Psal. 119.

Act. c. 4.

Act. c. 4.

Act. c. 4.

Act. c. 4.

Act. c. 4.

Act. c. 4.

Act. c. 4.

Act. c. 4.

Act. c. 4.

Act. c. 4.

Act. c. 4.

Act. c. 4.

Act. c. 4.

Act. c. 4.

Act. c. 4.

Act. c. 4.

Act. c. 4.

Act. c. 4.

Act. c. 4.

Act. c. 4.

Act. c. 4.

Act. c. 4.

Act. c. 4.

Act. c. 4.

Act. c. 4.

Act. c. 4.

Act. c. 4.

Act. c. 4.

Ad proxim assequendæ pacis hæc conducunt. 1mo. Advérte, omnes naturaliter pacem, seu quietem, & contentationem appetitûs sui desiderare. Sed quia pleriq; hujus quietis centrum, seu finem sibi improporcionatum, nempe Bonum creatum honorum, deliciarum, divitiarum præstipiunt, ad ejusque possessionem viâ illicitâ festinant, minimè optatam pacem & quietem reperiunt. Tum quia bonum quodvis creatum est limitatæ perfectionis, animus verò noster capax est Boni infiniti, hinc movetur desiderio ad altius & altius Bonum, qui motus contrariatur paci. Tum quia non potest exsatiari uno bono, per ejus varia genera cupiditate dispergitur, ut vel multitudine bonorum suppleat defectum finitæ perfectionis unius boni: hæc autem dispersio vel divisio animi per diversa contravenit unitati appetitionum tendentium in unum, quæ est potissima proprietatis seu naturæ pacis. Tum quia bona creata permixta multiplici amaritudine, curâ, sollicitudine necessariò excludunt pacem animi. Tum denique quia & in quæstione boni creati, & in ejus possessione, ac usu plerumq; contrariatur rectitudini legis naturæ, legis Divinæ, legis humanæ, hinc agmen malorum prævaricatore impetit à propria conscientia, à vindice DEO, à legali justitia: ut taceam invidias, obrektionem, &c. de successu fortunæ alterius: ejusque lubricum ob casum, timorem perpetuum. Hæc & alia prorsus tollunt pacem quæsitam in bonis creatis, quippe

Vanitas vanitatum, & omnia vanitas, & afflictio spiritûs cuncta, que fiunt sub sole. Idèdque per contemptum mundi procul à te excutiat hæc vana & profana, qui veram exquirat pacem. 2do. Igitur Amator pacis oblitus, quæ retro sunt, unitis suis appetitionibus totus amore pergat in DEUM unicum ac summum Bonum, in quo perfectam assequetur pacem. Tum quia illud Bonum est unicum adunans in unitatem, varietatem motuum appetitûs, estque plenè exsatiativum & quietativum omnium desideriorum rationalis creaturæ. Tum quia vivens conformiter ad leges & regulas rectas naturæ, Divinæ, humanæ, utpote viâ dilectionis DEI, & proximi, quæ est plenitudo legis, incedens, manet imperturbabilis, & tranquillus juxta illud: *Pax multa diligentibus legem tuam.* 3tio. Observa in particulari, quæ Seraphico Doctore

ad

Ecclesi. 1.

Psalm. 119.

ad pacem inducunt, eaque sunt tria: *Conformitas cum DEO*, *hu-* S. Bonaventur.
militas cum proximo, & *tranquillitas in seipso*. Et S. Bernardus ostendit in dieta salu-
 sis impedimenti pacis, ejus remedia prosequitur dicens: *Ser-* tis.
 vatur autem hoc unitatis bonum duobus modis ab his, qui cu- S. Bernardus
 ram gerunt servandi. Debet quisque perfectus unitatem habere *serm. 5. in As-*
 re ad seipsum: debet & ad proximum. Ad seipsum per inte- *sumpt. B.V.M.*
 gritatem, ad proximum per conformitatem. Omnis quippe *Eph. 4.*
 creatura & maximè rationalis, debet suum principium imitari.
 Si ergo DEUS noster unus est dicente Moysè: *Audi Israel, Domi-* Deut. 6.
nus DEUS tuus unus est. Sed & ille cum sit unus & idem, atque
 in seipso perfectus, nec ullo indigens, inest ei tamen benignitas
 erga nos, & amor ex benevolentia in nos veniens: debemus &
 nos quisque sibi unus esse per integritatem virtutis, & unum cum
 proximis per vinculum dilectionis. Hanc imitationem loquens
 de charitate commendat nobis Apostolus Joannes dicens: *Quia* 1. Joan. 4.
sicut ille est, & nos sumus in hoc mundo. Sed hanc unitatem, quam
 quemque sibi ipsi diximus habere debere, tria sunt, quæ solent
 impedire: nimietas, pusillanimitas, levitas. Et nimii quidem
 sunt, qui putant se posse, quod non possunt: & quod non ac-
 ceperunt, præsumunt: quorum speciem tenebat Petrus in Pas-
 sione Domini, cum diceret: *Domine tecum paratus sum & in car-* Luc. 22.
cerem, & in mortem ire. Pusillanimes contrarii sunt nimii. Et ho-
 rum quoque tenuit imaginem Petrus, cum diceret: *Exi à me, quia* Ibidem
homo peccator sum Domine. Leves sunt & inconstantes, qui circum-
 feruntur omni vento doctrinæ: quibus, quod paulò antè pla-
 cuit, nunc displicet: & quod nunc eligunt, post paululum re-
 probant. Sed quid prodest hæc vitia enumerasse, nisi etiam do-
 ceamus, quibus remediis ea possit quisque in semetipso curare?
 Persequamur unitatis inimicos, nec convertamur donec defici-
 ant. Igitur contra nimietatem opponenda est consideratio pro-
 priæ fragilitatis. Ipsa enim est, quæ odiosam præsumptionem
 potissimum dejicit. Contra pusillanimitatem habenda est Divi-
 næ fiducia potestatis, ut, quod tuis viribus non posse putas, ex il-
 lius adjutorio possis, & cum Apostolo dicas: *Omnia possum in eo,* Phil. 4.
qui me confortat, Domino JESU Christo. Contra levitatem adhi-
 benda consultatio senioris scil. nè doctrinis variis & peregrinis
 abdu-

abducaris: Sed facias quod Lex Divina præcipit: Interroga Patrem tuum, & annuntiabit tibi; majores tuos, & dicent tibi. Diximus de illa Unitate, quam habet quisque ad se ipsum, dicamus de illa, quam habet ad proximum. Sed illa duobus modis habetur, dum & nos per dilectionem tendimus in alterum; & alterius quoque vicissim in nobis recipimus affectum. Et hæc etiam duobus modis impeditur, obstinatione, & suspicione; Obstinatio non permittit nos ad alterius cor ingredi, nec suspicio patitur credere nos ab aliis amari, ita fit, ut dum nec nos alium obstinati diligimus, nec nos ab aliis diligere suspiciosi putamus: Unitas quæ cum proximis habenda est, impediatur. Verum huic duplici morbo duplex charitas medetur, illa scilicet quæ non sua quærit; & iterum illa, quæ omnia credit. Habeat obstinatus charitatem non quærentem quæ sua sunt, & alios diligat. Habeat suspiciosus charitatem omnia credentem, & ab illis se diligere sine dubio credat.

Vide etiam supra specificata, eaque hic convenienter adhibe.

I. 2. Tract. 1. c. 1.

sect. 4. subse. 2.

§. 2. & 3.

SECTIO XI.

De Oppositis Pacis.

§. I.

Jerem. 6.
Isai. c. 48.

Oppositum paci primò est, Pax apparens & non vera; ut illorum, quorum nomine Propheta dixit: Pax, pax & non erat pax. Quippe non est pax impiis dicit Dominus, tam scilicet quoad formalem pacem, quam ad ejus effectum, qui est mentis quædam dulcis tranquillitas, & serenitas. Quanquam verò pacem videantur habere in fortuna temporali: Cor tamen eorum præ multiplici cura, inquietudine, & potissimum ex remorsu conscientiæ, est quasi mare fervens. Et S. Leo inquit: Extra dignitatem pacis sunt opprobriorum parilitates, cupiditatum fœdera, scelerum & pestis vitiorum.

Isai. 57.

S. Leo in festo
Omnium SS.

§ II.

De Discordia.

Discordia est vitium corde commissum Contrariū paci internæ cordis:

cordis. Definitur autem esse *disunio cordis, seu voluntatum circa bonum Divinum vel proximi, in quo promovendo una voluntas cum altera regulata à Divina voluntate convenire deberet.* Estque discordia filia inanis gloriæ, vel superbiæ. Quia discordans ea quæ sua sunt præfert his, quæ sunt aliorum.

Incitamenta cavendi discordiam. *unum.* Prov: Qui provocat iras, producit Discordias. Matth. Omne regnum divisum contra se desolabitur, & omnis Civitas vel domus divisa contra se non stabit. Gal: Si invicem mordetis & comeditis, videte ne ab invicem consumamini. *2dum.* S. Bernardus: Sicut in pace factus est locus Domini, sic in discordia locum diabolo fieri manifestum. S. Gregor: Discordes etsi boni operis fructus in suis actionibus proferant, profectò nulli sunt, quia non ex unitate charitatis oriuntur. *Glossa* In perpetuum cum Cain damnabitur, qui in genere homicidii tenetur, ut discordet à fratribus. S. August: 24. Non poterit habere concordiam cum Christo, qui discors voluerit esse cum Christiano. *3tium:* ab exemplis: Discordes imitantur Luciferum qui primus in cælo fecit discordiam: hinc tantamquam fulgur cecidit in gehennam ignis, ubi nullus ordo, sed sempiternus horror inhabitat. B. Petrus Damianus refert: quomodo monachus quidam nomine Cunizo astutus, litigiosus, contentiosus, turbatorque fratrum ad hoc devenerit, ut diaboli partem trocinium ad superandos æmulos quæreretur, ei que se manciparet. Qui tandem sine penitentia horrendæ morti traditus, infelicitate ter ad eum cui se devoverat, est devolutus. Postmodum verò per plures noctes nigra canum turba non cessavit sepulturæ ejus assistere, & quasi depositum custodire.

In Praxi discordia eliminatur aëstibus humilitatis, charitatis, & pacis. Quia ut docet S. Thom. discordia habet affinitatem cum invidia quantum ad recessum ejus, à quo aliquis discordat, vel ex quo contendit: sed quantum ad id in quo consistit ille, qui contendit, habet convenientiam cum superbia, & inani gloria, in quantum scilicet in proprio sensu statuitur.

Cætera supple proportionatè ex suprà dictis.

Nn

§ III. 1. 2. tra. 1. c. 1.
sec. 4. sub. 2. §
2. c. 3.

§ III.

De Contentione.

D. Thomas ex
Ambros. 2. 2.
quæst. 38. a. 1.

Contentio est vitium, quod ore solet committi; opponitur contrarium paci externæ oris. *Est autem contentio impugnatio veritatis cum confidentia clamoris.* Estque filia inanis gloriæ. Quia sicut discordantes aliqui sunt in hoc, quod stant corde in propriis (ea scilicet præferendo alienis) ita contententes alii sunt ex hoc, quod unusquisque id, quod sibi videtur defendit, nempe suum sensum præferendo alteri.

S. Bernardus
in festo S. Michael serm. 1.

1. Cor. 3.
Judæ 1.

1. Cor. 12.

Stimuli ad vitandam Contentionem. **Imus.** Contentiosi sunt caro sine spiritu vitæ, indigni Societate SS. Spirituum. Ita S. Bernardus dicens: Nihil æquè offendit, & ad indignationem provocat eos (SS. Angelos) quomodo dissensiones & scandala, si fortè inveniuntur in vobis. Audiamus siquidem quid loquatur ad Corinthios Paulus. *Cùm sit inter vos zelus, & contentio, nonne carnales estis, & secundùm hominem ambulatis?* In Epistola quoque Judæ Apostoli legimus sic: *Hi sunt qui segregant semetipsos animales spiritum non habentes.* Videre est animam hominis quem admodum universa corporis membra vivificet coherencia sibi. Separa ergo quodvis à junctura cæterorum, & vide an de cætero illud vivificet. Sic est omnis qui dicit anathema JESU; quod nemo dicit loquens in Spiritu DEI: quia anathema segregatio est. Sic & omnis, qui ab unitate dividitur, ne dubites quin ab eo recesserit Spiritus vitæ. Dignè igitur contentiosos, & qui separant semetipsos Apostoli carnales vocant, & carnales spiritum non habentes. Dicunt ergo Sancti illi, & beati Spiritus, ubi scandala invenerint & dissensiones. Quid nobis & generationi huic spiritum non habenti? Nam si adesset Spiritus, per eum utique charitas diffunderetur, & unitas non scinderetur; & dicunt: non permaneamus cum hominibus istis in æternum, quia caro sunt. Quæ enim conventio luci ad tenebras? Nos de regno unitatis & pacis sumus, & homines istos in unitatem & pacem sperabamus esse venturos. Nunc autem qua ratione nobis cohæreant, qui dissident à seipsis.

2^{da}. Execrandæ proprietates & effectus contentionis. Si-
quidem asserente S. Laurentio Justiniano: Contentio est ignita dia-
boli sagitta ad perdendas animas. O quanta jurgia, quanta odia
oriuntur ex contentiosis sermonibus! O quoties veritas occulta-
tur, & falsum pro vero defenditur timore confusionis! Pestil-
mum namque malum est contentioni vacare, perquam amicitia-
rum compago dissolvitur, & animorum dulce vinculum dissipat-
ur. Qui contentiosus existit, antiqui hostis in se immisiones
admittit. Diaboli ministerium operatur, dirumpit pacem, ri-
xas concitat, parit odium, furorem nutrit, denigrat honestatem,
sapientiam perdit, rationem confundit, oculum mentis obnubi-
lat, gratiæ lumen repellit, fraternam dilectionem frangit, & ipsam
cælestem in se occidit charitatem.

3^{ta}. Quidam senex dixit: Si quis aut de Scripturis, aut
de quacunque causa locutus fuerit, ne contendas cum eo, sed si
quidem bene dicit, contenti ei; Si vero male, dic ei: Tu scias
quomodo loquaris. Hoc observans, & humilitatem possidebis,
& odium evitabis: nam si persistas contendens, & vis defendere
sermonem tuum, nascetur scandalum. De quacunque ergo cau-
sa si non observaveris contentiones, nullo modo requiem possi-
debis.

Praxis præcavendi contentionem est, 1^{mo}. Tollere cau-
sam contentionis, nempe inanem gloriam, & cessabit suus pesti-
fer effectus. 2^{do}. Per silentium continere linguam. Qui enim
juxta Bedam non refrænat linguam, concordiam dissipat. 3^{tio}.
secundum Ecclesiast. De ea re que te non molestat, ne certes.
Belli molester, potius compone litem, monente Ecclesiast. Ab-
stine te à lite, & minues peccata: homo enim iracundus incendit litem, &
vir peccator turbabit amicos, & in medio pacem habentium immittet in iu-
ritiam. Et Posthumus Abbas inquit: Melius est Monacho frau-
dem & injurias sustinere, quam ut audiat vox militis Christi
in clamore.

Accipe quoque supradata, & his proportionate
applica.

In Vitis Patrum
Lib. 3. Auth.
Ruffino.
Ecclef. cap. 11.
Idem cap. 28.
Ab-
In Vitis Patrum
Auth. D. Hie-
ronymo.
1. 2. tra. 1. c. 1.
sect. 4. sub. 2.
9. 2. & 3.

§ IV.

De Schismate.

V. S. Thomam 2.
2. q. 37.

Schisma seu scissio & separatio ab unitate Ecclesiæ, est delictum opere commissum, oppositum contrariè Paci, describiturque esse peccatum, quo aliqui Christo ac ejus Vicario subesse veniunt, & membris Ecclesiæ ei subiectis communicare recusant. Unde Paulus ad Colos. 2. Inflatu sensu carnis suæ, & non tenens caput, ex quo totum corpus per nexus & conjunctiones subministratum & constructum, crescit in augmentum DEI. Hoc autem caput est ipse Christus, cuius vicem in Ecclesia gerit summus Pontifex, Corpus autem Ecclesiæ in qua fideles quasi unius corporis membra invicem per charitatis unionem coherent.

1. Cor. 13.
In Moral. Ho-
mil. II.

S. Irenæus lib.
4. c. 62.

Incitamenta ad fugiendum Schisma. *1um.* Seiplos schismatici excommunicant, seu à communione Ecclesiæ tanquam putrida membra ultrò abscindunt. Unde nulla in ipsis remanet vitalitas gratiæ spiritualis (hæc enim derivatur à capite Christo in suum Ecclesiæ corpus mylticum charitate unitum) sed sicci & aridi aspicantur æternis ignibus ad comburendum. Imò etsi pro Christo per martyrium tales ardeant, juxta Apostolum nihil eis prodest ob carentiam charitatis. Et S. Chrysostomus ait: Schismaticis peccatum nec martyrio posse expiari. *2dum.* S. Hieronymus ad Damasum Papam scribens contra quosdam schismaticos ait: Si quis in arca Noë non fuerit, peribit regnante diluvio. Non novi Vitalem, Meletium respuo, ignoro Paulinum. Quicumque tecum non colligit, spargit, id est, qui Christi non est, Antichristi est. *3tium.* Schismatici interfectores Christi. Ita S. Irenæus suam ait caritatem potius considerantes, quam unitatem Ecclesiæ, propter modicas & quaslibet causas magnum & gloriosum corpus Christi conscindunt & dividunt, & quantum in ipsis est, interficiunt.

Igitur & tu cave nè sis unus de Schismaticis seu scissoribus vel potius interfeſtoribus corporis Christi, quod est Ecclesiæ, quam suo naturali corpore plus æstimaverit, cum pro ea illud ad horrendos cruciatus, & mortem libens exposuerit

1. 2. tra. 1. c. 16
ec. 4. subs. 2. §
2. & 3.

Vide suprà dicta & ex eis in praxi hic convenienter supple.

§ V.

§ V.
De Bello.

Bellum est peccatum externæ Paci in opere contrarium: *Esq. V. D. Thom.*
injusta unius multitudinis cum suo Principe adversus aliam multi- q. 45. art. 1. *de*
tudinem concertatio. Dicitur *injusta*, quando est Bellum offensiv- bello.

vum, imò etiam defensivum, & caret requisitis rationibus, quas
 assert Angelicus Doctor ad bellum justum sic inquires. Dicen-
 dum, quòd ad hoc, ut aliquod Bellum sit justum, tria requiran-
 tur. imò quidem Autoritas Principis, cujus mandato bellum
 est gerendum. Non enim pertinet ad personam privatam bel-
 lum movere: quia potest jus suum in judicio superioris prole-
 qui. Similiter etiam convocare multitudinem, quod in bellis o-
 porret fieri, non pertinet ad privatam personam. Cùm autem cura
 reipublicæ commissa sit Principibus, ad eos pertinet rempubli-
 cam civitatis, vel regni, vel provinciæ sibi subditæ tueri, & sicut
 licet defendunt eam materiali gladio contra interiores quidem
 perturbatores, dum malefactores puniuntur secundum illud Apo-
 stoli ad Rom. 13. Non sine causa gladium portat, minister enim
 DEI est, vindex iram ei, qui male agit, ita etiam gladio bellico ad
 eos pertinet rempublicam tueri ab exterioribus hostibus, unde &
 Principibus dicitur in Psal. 81. Eripite pauperem, & egenum de manu
 peccatoris liberate. Unde August. dicit contra Faustū: Ordo natu-
 ralis mortalium paci accommodatus hoc poscit, ut suscipiendi belli
 auctoritas atque consilium penes principes sit. 2do requiritur causa
 justa, ut scilicet illi qui impugnantur propter aliquam culpam
 impugnationem mereantur. Unde Augustin. dicit in libr. 3.
 Quia justa bella solent diffinire, qui ulciscuntur injurias. Si
 gens vel civitas plectenda est, quæ vel vindicare neglexerit,
 quod à suis reprobè factum est: vel reddere, quod per in-
 juriā ablatum est. 3tio requiritur, ut sit belantum intentio
 recta, qua scilicet intenditur, vel ut bonum promoveatur,
 vel ut malum vitetur. Unde Augustinus de Verbis Domini:
 Apud veros DEI cultores etiam illa bella peccata non
 sunt, quæ non cupiditate, aut crudelitate, sed pacis studio

Ibidem.

geruntur, ut mali coërceantur, & boni sublevantur. Potest autem contingere, ut si sit legitima autoritas indicentis bellum, & causa iusta, nihilominus propter pravam intentionem bellum reddatur illicitum. Dicit enim August. in lib. contra Faustum. Nocendi cupiditas, ulciscendi crudelitas, implacatus & implacabilis animus, feritas rebellandi, libido dominandi, & si qua sunt similia hæc sunt, quæ in bellis jure culpantur.

Motiva ad vitandum bellum injustum. *Imum.* Quia desiderato felici eventu carent: ita S. Jacobus. Unde bella & lites in vobis? nonne hinc? ex concupiscentiis vestris, quæ militant in membris vestris? Concupiscitis & non habetis, occiditis & zelatis, & non potestis adipisci, litigatis & belligeratis, & non habetis, propter quod non postulatis. Id planè usu venit spoliis & prædis injusto bello raptis, minimè Provincias, Principesque ditari, quin hæc & alia justè parva secum ignis ad instar citius absumunt. Nec non terræ, regiones prælio infesto subactæ, tandem ab injusto dominatu in aliorum imperia desciscunt; vel gravi molestiâ, & impensis Reipublicæ conservare illas necesse est. Nimirum vindex justitia DEI sicut in particulari rebellante contra se hominis ratione, rebellare quoque permittit aliis subiectum ejus appetitum sensitivum contra rationem: Ita principe vel primoribus Reipublicæ contra jus & fas, imperiumque DEI agentibus, bella injusta prosequendo, sibi subditos maximè per tyrannidem, turbas ciere, seditiones, rebellionisque contra capita Reipublicæ moveri sinit, reddens vicem iniquitatis ipsorum. Et non rarò contingit, quòd dum aliena insatiabili cupiditate ambiuntur, propria amittuntur, aut Respublica depauperatur.

S. Augustinus 2dum. S. Augustinus inquit: Inferre bella finitimis, & inde lib. 4. de civitate DEI 6. in cætera procedere, aut populos sibi non molestos sola regnicupiditate contrerere, quid aliud quàm grande latrocinium nominandum est? Quare videant principes, eorumque consilarii, nè tot latrociniorum, rapinarum, adulteriorum, stuprorum, aliarumque innumerabilium injuriarum rei, in profundissimo inferni luthro atrocissimas æternum luant poenas: quòd supradictorum malorum illi causæ fuerint principales: Sicuti & ipsi minores sunt causæ instrumentales, tanquam flagellum, quod post castiga-

castigationem peccatorum populi bello affecti, à DEO traditur
ardoribus ignis inextingibilis.

§. VI.

De Rixa, & Duello.

Rixa paci externæ contraria: Est, peccatum, dum aliquis alterum *V. D. Thomam*
propria auctoritate ut percutiat invadit, vel quispiam se defendit ex- *2. 2. q. 41. a. 1.*
tra moderamen inculpatae tutelæ cum damno vel periculo invasoris.

Duellum est duorum (vel subinde plurium) certamen, quod ex *Ita Busenbaum*
condicto uno in dicente, & altero acceptante suscipitur, ita ut id non sit in medulla *The-*
vitam defendere, sed exponere periculo. *olog. ex Trid.*

Incitamenta Rixas, Duellaque præcavendi. *imm con- sess. 25. c. 19.*
tra Rixas. Prov. Sicut, qui apprehendit auribus canem, sic qui transit *Proverb. 26.*
impatiens, & commiscetur rixa alterius. Prov. Labia stulti immisceant se *Proverb. 18.*
rixis, & os ejus jurgia provocat. Apostolus ait: Manifesta sunt opera *Galat. 5.*
carnis, quæ sunt fornicatio, immunditia, impudicitia, luxuria, idolorum ser-
vitus, veneficia, inimicitie, contentiones, emulationes, ira, rixæ, dissensio-
nes &c. quæ ibi enumerat, quæ prædicat vobis sicut prædixi, quoniam
qui talia agunt, regnum DEI non consequentur. *S. Thomas ex S. Ili- S. Thomas 2. 2.*
doro inquit: quod rixosus à rictu canino sit dictus. Semper e- *q. 41. art. 1.*
nim ad contradicendum paratus est, & jurgio delectatur, & pro-
vocat contendentem.

2dum contra Duellum. Graves poenæ censurarum, & alix
in Duellatores, eorumque consiliarios, spectatores, &c. fulmi-
natae ab Ecclesia. Ita Clemens VIII. in Bulla contra Duellato-
res edita, citans Concilium Tridentinum inquit: Generalis
"Tridentina synodus ad exterminandum penitus ex Christiano or-
"be hoc malum statuit, ut Imperator, Reges, Duces, Principes,
"Marchiones, Comites, & quocumque alio nomine Domini tem-
"porales, qui locum ad Monomachiam in terris suis inter Chri-
"stianos concesserint, eo ipso sint excommunicati; ac jurisdi-
"ctione & dominio civitatis, castri, aut loci, in quo vel apud
"quem duellum fieri permiserint, quod ab Ecclesia obtinent,
"privati intelligantur, & si feudalia sint, directis Dominis statim
"acquiescant. Qui vero pugnam commiserint, & qui eorum
Patrini

"Parrini vocantur, excommunicationis, ac omnium bonorum,
 "proscriptionis, ac perpetuæ infamiæ poenam incurrant, & ut
 "homicidæ juxta Sacros Canones puniri debeant: Et si in ipso
 "conflictu decesserint, perpetuò careant Ecclesiasticâ sepulturâ.
 "Illi etiam qui consilium in causâ duelli tam in jure, quàm in fa-
 "cto dederint, aut aliâ quacunque ratione ad id quempiam tra-
 "serint, nec non spectatores, excommunicationis, & perpetuo
 "maledictionis vinculo teneantur. Quas poenas novissimè pie
 "memoriæ Gregorius XIII. pariter prædecessor noster extendit
 "adversus illos etiam omnes, qui non publicè, sed privatim ex
 "condicto statuto tempore, & in loco convento Monomachiam
 "commisissent, etiam Parrinis locisvè non vocatis, & loci secu-
 "ritate non habitâ, & provocatoriis literis minimè præcedenti-
 "bus, etiam contra Locorum Dominos, si id (quantum in se fu-
 "erit) non prohibuissent, ceterosque supradictos criminis so-
 "cios, & ex composito spectatores, etiam si pugnam ob aliquod
 "impedimentum non commisissent, si ad locum accessissent pu-
 "gnaturi, & per eos non petisset quò minus pugnarent.) *S. Bernar-*
ardus monet: Cesset illa pristina non militia, sed planè malicia, quâ
 soletis invicem sternere, invicem perdere, ut ab invicem consu-
 mamini. Quæ miseros tam dira libido excitat, quòd proximi cor-
 pus gladio, cujus fortassis & anima perit, transverberat?)) *Conci-*
lium Tridentinum ait: Detestabilis Duellorum usus fabricante dia-
 bolo introductus, ut truenta corporum morte, animarum etiam
 perniciem lucretur, ex Christiano orbe penitus exterminetur.

Modus seu Praxis evitandi Rixas, & Duella, est. 1mo: Mor-
 tificare illarum originem Iram, quæ subinde ex ebrietate gra-
 viter accenditur. Unde ebrietas summe cavenda talibus. Cæ-
 terum Prov. dicitur: *Vir iracundus provocat rixas.* 2do. *Fugere*
superbiam, & inanem gloriam. Etenim: *Qui se jactat & dilatat,*
juris concitat. Quod verò formaliter concernit duellum, utrum-
 que ex parte provocati salvabitur, & evasio duelli, & conservatio ho-
 noris politici (de quo maximè res agitur) si provocanti dicat, (ut
docet Busenbaum) se cum non æstimare dignum, cum quo con-
 grediatur contra Leges Divinas, & humanas. Interim iturum se
 in dies liberè suas vias, paratumque semper fore, & nunc esse,
 contra

S. Bernardus
Epist. 322.

Proverb. 29.
Idem 28.

Busenbaum in
Medul. Theol.
Moral. lib. 3.
T. 4.

contra quemvis invasorem se tueri. Ita enim non modò apud bonos & prudentes honorem minimè perdet, verùm etiam nec apud alios. *Hæc Busenbaum ex Trull. L.c. n. 4.*

Quodsi quispiam contumeliosè verbis vel factis dishonoratus fuerit, ut nisi se vindicaverit, percutiendo, lædendo, vel mutilando contumeliosum, aut ad duellum eum provocando, futurum est, ut pro homine abjecti animi, pusillanimis, &c. reputetur, risuique, obrectationi, subsannationi aliorum exponatur. In tali casu, ut lex Divina integrè observetur, honorquè illæsus restauretur, sannæ & ignominia præcaveantur: advertendum est à quali persona quis contumelià afficiatur, an ab inferiori, vel æquali, vel superiori. Si inferior est, cujus contumelias expedit nè quidquam curare, sed dissimulare: id enim dissimulantis imputabitur prudentiæ, bonitati, & clementiæ; Sicut è contra vindicantis imprudentiæ, furori, crudelitati: Ita fecit Saul 1. Regum. 10.
noviter electus in Regem, dum filii Belial contra eum dicerent: Num salvare nos poterit iste? & despexerunt eum, & non attulerunt ei munera: ille verò dissimulabat se audire. Vel si placet S. David 2. Reg. 16.
Regem imitari, qui Semei sibi in faciem maledicenti, & contra se servosque suos lapides mittenti, clementissimè pepercit, iussitque dimittere, ut malediceret. Sin verò persona est tibi par vel superior. 1^{mo}. Similiter eorum contumelias non advertere, audiendo non audire, & dissimulare. 2^{do}. Dum minimè juverit dissimulatio, eadem impropria, irrisiones joco excipere, & eludere. 3^{tio}. Si nec id successerit, dare potius locum iræ, & factà sibi occasione à conversatione ejusmodi se ad interim tecernere. Ita enim securæ contentioni, rixæ, duello, occasio præcindetur, honorquè conservabitur, dum alii te viderint hujusmodi contumelias vel tenon advertisse, vel potius joci causâ suscepisse, quod nunc est commune Politicis: nisi fortè adeo manifesta fuerit contumelia, ut nullatenus dissimulari possit: tum potius cum Christo Christiano atrox injuria heroicè est ferenda cum diminutione temporalis honoris, & immenso augmento æternæ gloriæ: (quanquam & in tempore novit Dominus pios de tentatione eripere, iniquos verò in diem judicii reservare cruciandos) quàm vindicta sumptâ mille mala & pericula in præsentem incurcere, & quod

magis est, deinde in abyſſo infernali pati opprobrium ſempiternum, & tormentum.

I. 2. tract. 1. c. 1.
ſect. 4. ſubſ. 2. §.
2. & 3.

Vide etiam ſuprà, dicta & hic, convenienter adhibe.

§. VII.

De Seditioe.

D. Thom. 2. 2.
quæſt. 41.

Seditio paci quantum ad opus contraria in hoc eſt, quia ſicut bellum eſt pugna unius multitudinis ad extraneam multitudinem, & rixa eſt pugna unius ad unum, vel paucorum ad paucos: Ita ſeditio eſt pugna partium unius multitudinis inter ſe diſſidentium, ſcindens bonum pacis & unitatis. Caterum defendentes bonum commune non dicuntur ſeditioſi, ſicut nec illi, qui ſe defendunt, dicuntur rixoſi.

Eccleſ. 6. 26.

Motiva fugiendi ſeditionem. Eccleſiaſticus ait: Delatorem civitatis, & collectionem populi (id eſt ſeditionem, ut habet Cornel. à Lapide hic) calumniam mendacem, ſuper mortem omnia gravia.) Tremendum ſeditioſorum exemplum, Core, Dathan, & Abiron, dirupta eſt terra ſub pedibus eorum, & aperiens os ſuum devoravit illos cum tabernaculo ſuis, & univerſa ſubſtantia eorum, deſcenderuntque vivi in

Num. cap. 16.

infernum, aperti humo, & perierunt de medio multitudinis. Et paulò poſt: Sed & iſtis egreſſus à Domino interfecit ducentos quinquaginta viros, qui offerbant incenſum, ſcilicet qui erant de numero ſeditioſorum. Cumque filiorum Iſrael oriretur ſeditio, & tumultus increſceret contra Moysen & Aaron, per incendium percuſſi ſunt quatuordecim millia hominum, & ſeptingenti absque his, qui perierunt in ſeditione Core.) Abſolon ſeditionem movens contra David Patrem ſuum, vindice Numine è quercu crinibus propriis ſuſpenſus, & tribus lanceis cordi infixis periit.

Igitur nè & tibi quid ſimile contingat, ſeditio-
nem cave.

I. 2. tract. 1. c. 1.
ſect. 4. ſubſ. 2.
§. 2. & 3.

Applica quoque ſuprà data hic modò convenienti.

SECTIO

SECTIO XII.

De Misericordia.

Misericordia est virtus moralis, quâ proximi malis ad dictamen rationis moderate compatimur. Dicitur: Virtus moralis: quia V.D. Thom. 2.2. quest. 30.
 juxta D. Thomam ibidem misericordia importat dolorem de miseria aliena. Iste autem dolor potest duo nominare: Uno quidem modo motum appetitus sensitivi. Et secundum hoc misericordia passim est, & non virtus. Alio verò modo potest nominare motum appetitus intellectivi, secundum quod alicui displicet malum alterius. Hic autem motus potest esse secundum rationem regulatus, & potest secundum hunc motum ratione regulatum regulari motus inferioris appetitus.)) Dicitur; Proximi malis: ubi intelliguntur universim mala, tum quæ corpus, cum quæ animam concernunt, nociva bonis naturalibus, si-
 ve supernaturalibus, in tempore, vel aternitate. Dicitur: Ad dictamen rationis moderate, &c. quia ut S. Augustinus ait: quod iste motus animi scilicet misericordia servit rationi, quando ita præbetur misericordia, ut conservetur justitia, siue cum indigenti tribuitur, siue cum ignoscitur poenitenti.

*Gradus misericordiae ex aurea Formula Seraphici
 Doctoris.*

S. Bonavent. de
 Grad. virt. c. 6.

Misericordiae altus gradus est, misereri proximi juxta illud: Estote misericordes. Et Job. Si negavi, quod volebant pauperes, &c. Et iterum: Oculus fui cæco, & pes claudò. Altior, misereri sui secundum illud: Miserere animæ tuæ, placens Deo. Altissimus, misereri DEI, sicut ipse petit in Job. Misereamini mei, misereamini mei saltem vos amici mei, &c. I.
 Ordo grad. misf.
 Luc. 6. c.
 Job. 31 b.
 Item 29. c.
 Eccles. 20. d.

Item altus gradus est, misereri consanguineis afflictis. Altior gradus, misereri extraneis afflictis. Altissimus, misereri inimicis afflictis. In hoc ultimo gradu fuit Christus, cum dixit. Misereor super turbam. Et iterum dixit: Pater ignosce illis, &c. Job. 29.
 II.
 Marc. 2. a.
 Luc. 23. c.

Item altus gradus, misereri vivis in afflictione corporis. Altior, misereri vivis in afflictione spiritus. Altissimus, misereri mortuis in purgatorio. III.

IV.

Item altus gradus est, misereri sanis in necessitate. Altior, misereri infirmis non decumbentibus in necessitate. Altissimus, misereri infirmis decumbentibus in necessitate.

V.

Item altus misericordiæ gradus consistit in dando temporalia, sicut fecit Abraham, qui nulli negavit hospitium. Altior in condonando injurias: sicut fecit David Sauli, & Semei. Altissimus, pro injuriantibus supplicando fideliter: sicut Christus, & B. Stephanus.

VI.

Item in alto gradu misericordiæ consistit, quem ad miserandum inducit natura suadendo. In altiori, quem inducit homo præcipiendo, vel admonendo. In altissimo, quem inducit DEUS inspirando.))

S. Augustinus
lib. 50. hom. 39.

Perfecta est misericordia, ut antè occurratur esurientibus, quàm roget mendicus. Non enim est perfecta misericordia, quæ precibus extorquetur. Sed si tacet mendicus, loquitur pallor in facie, penè lassus, fesus, & elusus, nunquam suspectus. Festina pietate succurrere, nè audias rogantem.)) Et inducit imitandum DEUM, qui dat nobis pluviam & ubertatem fructus, quos comedimus, antequam rogemus.

S. Bonaventur.
de gradibus
Virtut.

Gradus Compassionis ea aurea Formula Seraphici Doctoris.

I.

Compassionis altus gradus est, medullitis condolare amico afflicto. Altior, condolare inimico afflicto. Altissimus, condolare DEO de contumelia sibi illata.

II.

Item in alto gradu est compassionis, qui condolet sanis in afflictione ipsorum. In altiori est, qui condolet infirmis in infirmitate. In altissimo est, qui condolet purgandis in pœnis eorum in purgatorio.

III.

2. Cor. II.

Item altum gradum ascendit, qui afflictis condolet in corde: sicut dicit Apostolus: Quis infirmatur, & ego non infirmor? Quis scandalizatur aliquâ molestiâ tribulationis, & ego non uror? dicit Glossa. In altiorem ascendit, qui ore conqueritur incommodum afflictorum; sicut David mortem Saulis, & Jonathæ, dicens: Quomodo ceciderunt fortes in prælio? In altissimum, ascendit, qui plorat super afflictionem: sicut David lugebat Absalonem inimicum suum, & Job: Flebam, inquit, quondam super eo, qui afflicto erat, & anima mea compatiabatur pauperi.

Job. 30.

In

In his gradibus fuit Christus, quando conquerendo flevit super Hierusalem dicens: Quia si cognovisses. Quædam glossa dicit super Marcum, Homo patitur, & ridet; DEUS compatitur, & flet.

Item altus gradus, condolere omnibus in afflictionibus corporalibus. Altior, condolere in afflictionibus spiritualibus. Altissimus, condolere in defectibus spiritualibus. IV.

Item altus gradus est, condolere afflictis ad breve tempus. Altior, condolere ad longum tempus. Altissimus, condolere semper. In omnibus his gradibus fuit Christus. V.

Incitamenta ad servandam misericordiam, sunt. I. *num.*

Proverb. 3. Misericordia & veritas non te derelinquant. Circumdanda Prov. 3.
cas gutturi tuo, & describe in tabulis cordis tui, & invenies gratiam, & disciplinam bonam coram DEO & hominibus. *Proverb. II.*
Misericordia & veritas præparant bona. *Eccl. Qui facit misericordiam, Eccles. 28.*
fœneratur proximo suo. *Matth. 5.* Beati misericordes, quoniam ipsi misericordiam consequentur. *Apostolus: Induite vos, si- Coloss. c. 3.*
cut electi DEI, Sancti, & dilecti, viscera misericordiæ.

2. dum. *S. Augustinus:* Sola misericordia ad DEUM deducit *S. Augustinus*
hominem, sola deducit DEUM ad hominem, nunquam vidi hominem *Serm. 44.*
pium malâ morte finire. *Idem:* Beati illi, qui subveniunt miseris, quoniam eis rependitur, ut per misericordiam Domini de miseria liberentur. *S. Ambrosius:* Omnis summa disciplina Christianæ in misericordia, & pietate est. *S. Chrysostomus:* Misericordia est salutis præsidium, fidei ornamentum, propitiatio peccatorum: hæc est quæ iustos probat, Sanctos roborat, DEI cultores ostentat. *S. Leo:* Misericordiæ virtus tanta est, ut sine illa ceteræ & si sint, prodesse non possint. Quamvis enim aliquis fidelis sit, castus, & sobrius, & aliis maioribus ornatus insignibus, si misericors tamen non est, misericordiam non meretur.

3. tum: ab exemplis imo DEI. *Psalm.* Et tu Domine miserator & misericors, patiens & multæ misericordiæ. *Psalm. 85.*
Suavis Dominus universis, & miserationes ejus super omnia opera ejus. *Psalm. 144.*
Unde Christus monet: Estote misericordes, sicut & Pater vester misericors est. *Luc. 6.*
2. do Christi, cujus misericordia patuit in superpositis gradibus misericordiæ, & compassionis; patebit quæ

infra fusiùs. Nunc suffecerit stupendum posuisse misericordiæ

Matth. 26.

Francisc. Arias
Theaur. de mi-
sericord. c. 4.

Christi indicium, qui procedens ad passionem suam dixit: *Tristis est anima mea usque ad mortem.* Id est prout Arias explicat, tristitia, quæ usque ad mortem durabit, eaque tanta, quæra esse potest, ut solū vitam mihi non adimat. Quam eandem tristitiam postea detexit, cum sanguinem sanctissimo suo corpore tam copiosum sudavit, ut eo terram irrigaret. Et quanquam una ex hujus tristitiæ causis fuit præsentia acerbissimorum cruciatuum, ac moris crucis, quam postmodum passurus erat, primaria tamen illius causa, fuerunt omnia omnium hominum peccata, ac lammum omnium animarum, quæ propter peccata in mundo perierant, & impoterum periturae erant. Unde S. Hieronymus: *Contristabatur, inquit, Dominus non timore patiendi, qui ad hoc venerat, ut ipse pro hominibus pateretur, ac moreretur; Sed propter scandalum, leuatum suorum Apostolorum, propter peccata, & relictum populi Judeorum, & propter miseriam omnium animarum, quæ periturae erant.* 3tio. S. Job de se ipso refert dicens: *Flebam super eo, qui afflictus erat, & compatiabatur anima me pauperi.* Et alibi: *Quia absentia mea crevit mecum miseria: & de utero matris meæ egressa est mecum.* 4to. Tanta fuit compassio, quā Venerabilis & Sanctissimus Joannes Archiepiscopus ac Patriarcha Alexandrinus dolebat, compatiabaturque necessitatibus ac miseriis quorumlibet proximorum, ut non solum eas sentiret, multoquæ magis quàm proprias plangeret; sed etiam has, quamvis magnas, nec doleret, nec omnino sentiret, quodd alienæ licet parvæ, tantū ei doloris sentim afferrerent. Scribit S. Gregorius Nazianzenus S. Basilium cum suo

S. Hieronymus
Matth. 26.

Job. 30.

Idem 31.

Metaphr. in
ejus Vita Sur.
in Jan.

D. Gregorius
Nazian. in vi-
ta S. Basil. Li-
pomen. tom. I.
V. Francisc. A-
rian Theaur.
de miserie. c. 6

tempore religionem Christianam, per totum orbem diffusam, dæmonemque motum invidiæ (quippe qui dominio, quod in terra per idololatriam obtinebat, exueretur) inter fideles, varios errores ac vitia, quibus magnum Ecclesiæ damnum inferebat, discernere cerneret, hoc spirituale damnum multo magis itaque, miseratum esse, ut continuo cor plenum dolore & afflictione haberet, nec oculis suis somnum, nec corpori quietem dedisse, querendo quæcunque posset, sanando huic malo remedia; adeoque studuisse mederi per sermones, disputationes, libros, reprehensiones, peregrinationes ad diversas civitates ac nationes, non par-
tendo

cedendo ulli molestia; aut quantovis labori quo animarum saluti opicularetur.

Circa *Praxim* misericordiae haec observanda sunt. 1^{mo}. Ejusmodi actibus & affectibus ad misericordiae amorem se incendere. O bonum ineffabile misericordia! O felices, quibus hoc donum concessum! misericordia enim DEO maxime smiles facit, ejus misericordia maxime inter sua Divina opera elucescit; ubi verò major similitudo, ibi ad invicem major dilectio, ubi autem DEI in hominem major dilectio, ibi amplioris gratiae & aeternae gloriae in eum profusio. Quid certius ad praedestinationem misericordiae signo? Misericordes quippe verè sunt vasa misericordiae, cum ipsis promiserit Christus misericordiam. Jam verò Paulus electos vocat vasa misericordiae, ut reprobos vasa irae & contumeliae, dicens: Deus volens ostendere iram, & notam facere potentiam suam, sustinuit in multa patientia vasa irae, apta in interitum, ut ostenderet divitias gloriae suae in vasa misericordiae, quae preparavit in gloriam.)) Quis iam toto pectore non anhelaverit esse de numero misericordium, ut sit de numero Electorum? quis amplius totis medullitis visceribus non compatietur alienis malis? quis eisdem mederi citius non occurrerit? Misericordissime DEUS! emulias precor durum cor meum alta compassione, iriora dulcedine pietatis! Mater misericordiae! sic ut te sequens, intus in te corde ingar doctus de calamitate aliorum. Propono firmissime ab hinc, & affectu & effectu succurrere alienae miseriae. Adjuvate me SS. Patroni in pio proposito, &c.

Rom. 9.

2^{do}. Quoniam juxta D. Theman: semper aliquis dejectus potest alieri: si ratio miterendi, vel quoniam quis alterius malum ut suum quodammodo considerat, vel quia possibile est ipsum quoque similia pati. D. Thom. 2. 2. q. 3. a. 2.
Idcirco etiam quod non misereatur, nisi propter amorem, in quantum amat nos tamquam aliquid sui. Porro Christus Dominus 2^{do}um Apostolum debuit per omnia fratribus similari, ut misericors fieret. Et S. Bernardus inquit: pati Dominus voluit, ut compati sciret, miser fieri, ut miseri disceret, non quòd ante miseri nesciret, ejus misericordiae ab aeterno grad. humilit.
no, & usque in aeternum: sed quòd natura sciebat ab aeterno, temporaliter didicit experimento. Igitur ut movearis ad con-miserendum aliis con-icta, quòd tu quoque sis homo, & finalius malis, quibusque vias replicam, te posse contrungi; tum eorundem malorum ipsam vim affectivam ob oculos vivaciter tibi repraesentari, alioquin minus condolebis juxta illud proverbium: Nescit f. mis, quid

D. Thom. 2. 2.

q. 3. a. 2.

Hebr. 6.

S. Bern. lib. de

quid sentiat eger, aut plenus, quid patiatur jejunos. Deinde excita in te ipso pium dilectionis affectum, quo proximis tuistanquam iis, qui sunt aliquid DEI, & tanquam membris Christi dolentibus compatere, illosque refove, consolare, adjuva.

3tio. Exerceas te in misericordiæ operibus, quorum Actus internos, externosque infra vide; Tum supradicta 1. 2. tra. l. c. 1. sect. 4. subs. 2. § 2. & 3. hic convenienter adhibe.

SECTIO XIII.

De Beneficentia.

V. D. Thom. 2.
2. 1. 31.

Beneficentia secundum suam communem rationem, est actus exterior charitatis, quo proximo benevolita, ipso facto realiter præstamus. Quamquam bonum, quod quis facit alteri, si accipiat sub aliqua speciali ratione boni: sic Beneficentia accipiet specialem rationem, & pertinebit ad aliquam specialem virtutem.

Stimuli ad beneficentiam. 1mus. Voluntas DEI, inimicis quoque ut beneficiamus. *Christus:* Benefacite his, qui oderunt vos. *Luc.* Omni petenti te, tribue. *Joan.* Et non diligamus verbo neque linguâ, sed opere & veritate. 2dus. Magna merces nimis beneficentiæ: *Ecclesi.* Benefac justo, & invenies retributionem, & si non ab ipso, certè à Domino. *Et Apostolus:* Beneficentiæ, & communionis nolite oblivisci: talibus enim hostiis promeretur DEUS. 3tius. Benefactor, DEI est imitator. Unde *Clemens Alexand.* DEI imago est homo benefaciens. *Et Nazian.* Nihil adeò Divinum habet homo, quàm benefacere. 4tus. Christus Dominus, cui acclamabat populus: Bene omnia fecit. Et in Actis *Apostol.* de eo dicitur: Qui pertransiit benefaciendo, & sanando omnes oppressos à diabolo.

Marc. 7.

Act. 10.

Ecclesi. 35.

2. Cor. 9.

Prov. 3.

In *Praxi* duæ potissimum conditiones sunt observandæ. 1ma est *Hilaritas* in tribuendo. Unde *Ecclesi.* monet: In omni dato hilarem fac vultum tuum. *Et Apostolus:* Unusquisque prout destinavit in corde tuo (id est benefacere aliis) non ex tristitia, aut necessitate: hilarem enim datorem diligit DEUS. 2da est *velocitas* in dando. Hinc *Proverb.* dicitur: Ne dicas amico tuo: Vade, revertere: cras dabo tibi, cum statim possis dare.

De

De præcipuis actibus beneficentiæ agitur sectione sequenti sub Eleemosyna, cum hæc sit actus beneficentiæ: Quare & alia de Eleemosyna dicta; Beneficentiæ serviunt.

Applica quoque hic ex suprà dictis, proportionem servatâ.

1.2. tract. 1. c. 1.

sec. 4. subf. 2.

q. 2. & 3.

SECTIO XIV.

De Eleemosyna.

Eleemosyna ex Græco idem, quod misericordia, est actus exterior charitatis, & beneficentiæ; quo, interveniente misericordiæ affectu, proximi necessitati succurritur. *D. Thomas 2.2. q. 31. & 32.*

Gradus Eleemosyna. 1^{mus} est de præcepto, ut scilicet de superfluo, respectu Naturæ, id est proprii individui conservandi, & Personæ cujus ipsi cura incumbit subveniatur positus in extrema necessitate. 2^{dus} est consilii, nimirum necessari non simpliciter ad statum & personæ conditionem, largiri indigentibus. Et hoc laudabile est in tribus casibus, quos Angelicus Doctor ponit. 1^{mus} est, quando aliquis statum mutat, puta per Religionis ingressum: Tunc enim omnia sua propter Christum largiens opus perfectionis facit, se in alio statu ponendo. 2^{dus} est, quando ea, quæ sibi subtrahit, etsi sint necessaria ad convenientiam vitæ, tamen de facili refarciri possunt, ut non sequatur maximum inconveniens. 3^{tius}, quando occurreret extrema necessitas alicujus privatorum personæ, vel etiam aliqua magna necessitas Republicæ. In his enim casibus laudabiliter permitteret aliquis id, quod ad decentiam sui status pertinere videretur, ut majori necessitati subveniret.))

Illicia ad hilariter faciendam Eleemosynam. 1^{um}. Liberat à peccatis, & damnatione. Ita Tobias: Eleemosyna ab omni peccato, & morte liberat, & non patitur animam ire in tenebras. *Tob. c. 4.*

2^{dum}. Gratiæ DEI confert, custodit, & multa alia bona præstat. *Eccles. Eleemosyna viri, quasi sacculus cum ipso, & gratia hominis quasi pupillam conservabit. Et Isaias monet. Franc. Isai. c. 38. v. 7.* ge esurienti panem tuum, & egenos, vagosque induc in domum tuam: cum videris nudum, operi eum, & carnem tuam nè de-

spexeris. Tunc erumper, quasi manè lumen tuum, & sanitas tua citius orietur, & anteibit faciem tuam iustitia tua, & gloria Domini colliget te. Tunc invocabis, & Dominus exaudiet; clamabis & dicet: Ecce adsum. Si abstuleris de medio tui carenam, & desieris extendere digitum, & loqui quod non prodest: cum effuderis esurienti animam tuam, & animam afflictam repleveris, orietur in tenebris lux tua, & tenebræ tuæ erunt sicut merides. Et requiem tibi dabit Dominus semper, & implebit splendoribus animam tuam, & ossa tua liberabit, & eris quasi hortus irriguus, & sicut fons aquarum, cujus non deficient aquæ. Et ædificabuntur in te deserta seculorum; fundamenta generationis & generationis suscitabis. *3^{tum}*. Liberat ab omnibus malis poenæ temporalis. *Psalm*. Beatus qui intelligit super egenum & pauperem, in die mala liberabit eum Dominus. Et Conclude Eleemosynam in sinu pauperis: & hæc pro te exorabit ab omni malo. Et *infra*: Super scutum potentis, & super lanceam, adversus inimicum tuum pugnabit. *4^{tum}*. Temporalia bona augeat. *Christus promittit*: Date, & dabitur vobis. Et

Psalm. 40.

Eccl. 29.

Luc. 6.

Proverb. 19.

Tob 4.

S. Augustinus

Serm. 219. de

Temp.

Psalm. III.

2. Cor. cap. 9.

Matth. 25.

Proverb. Exoneratur Domino, qui miseretur pauperis, & vicissitudinem suam reddet DEUS. Unde S. Chrysost. hom. 33. hoc titulo scripsit, quod Eleemosyna sit ars omnium quæstuosissima. *5^{tum}*. *Tobias*. Fiducia magna erit coram summo DEO eleemosyna omnibus facientibus eam: præmium bonum tibi thesaurizas in die necessitatis. *6^{tum}*. Eleemosynis incumbendum dum vivimus. Ita *Sanct. Augustinus*: Redime te homo dum vivis, dum pretium in manibus habes, redime te, dum ipse potes, nè dum te mors amara prævenierit, & vitam simul & pretium perdas. *7^{tum}*. Meretur, æternam gloriam. *Psalm*. Dispersit dedit pauperibus, iustitia ejus manet in seculum seculi, cornu ejus exaltabitur in gloria.)) Et quidem proportionatè ad eleemosynam augebitur, vel minuetur gloria. Hinc *Apostolus* suos incitans ad ejusmodi opera, hac similitudine utitur. Qui parçè seminat, parçè & metet, & qui seminat in benedictionibus, de benedictionibus & metet.)) Denique ipse *Christus* in de iudicii, pro quibus aliis operibus vocatus est ad regnum, suos electos, nisi pro misericordiæ piis operibus? Venite benedi-

dicti Patris mei possidete paratum vobis regnum à constitutio-
 ne mundi: Esurivi enim & dedistis mihi manducare; Sitivi, &
 dedistis mihi bibere; Hospes eram, & collegistis me; Infir-
 mus fui, & visitastis me; In carcere eram, & venistis ad me. *Un-S. Augustinus*
de S. Augustinus inquit: Scriptum est: sicut aqua extinguit *33. de diversis*
 ignem, ita eleemosyna extinguit peccatum, &c. Proinde il- *V. Eccl. cap. 3.*
 lis, quos coronaturus est, solas eleemosynas imputabit; tanquam
 dicens: Difficile est; ut si examinem vos, & appendam vos, &
 scrutar diligentissime facta vestra, non inveniam, unde vos da-
 mnem; sed ite in regnum; Esurivi enim, & dedistis mihi man-
 ducare. Non ergo itis in regnum, quia non peccastis, sed, quia *S. Chrysostom.*
 peccata vestra eleemosynâ redemistis. Denique *S. Chrysostomus: super Matth.*
 Eleemosyna amica DEO consistit: Et semper ei propinqua est. *sermon. 2.*
 Pro quibuscunque voluerit, facile munus gratiæ impetrat, vin-
 cula peccatorum ipsa dissolvit, fugat tenebras, extinguit ignem.
 Huic cum multa fiducia portæ cæli aperiuntur. *2. Tim. 3.* Ex-
 emplum DEI, apud quem mendicamus orando die ac nocte,
 naturalia & supernaturalia bona: Et ipse Pater misericordiarum
 & DEUS totius consolationis, dat omnibus affluenter, & non
 improbat *9. Tim.* Christus Dominus aliquantulum pecuniam
 Judæ Iſchariothæ collectam committebat, quatenus occasione
 datâ eleemosynam præstare posset pauperibus, ut patet ex Evan- *Joan. 12.*
 gelio dum Christus diceret: Quod facis, fac citius: Discipuli exi- *S. Augustinus*
 stimabant, ut egenis aliquid daret. Hinc *S. Augustinus* ait: Habe- *Tract. 62. in*
 bat Dominus (in Judæ manibus) loculos, & à fidelibus oblata con- *Joan.*
 servans, & suorum necessitatibus, & aliis indigentibus tribuebat.
1. Tim. Exemplum eleemosynæ in Beatissimâ Virgine, vide su-
 præ inter motiva virtutis in genere, & sub dilectione DEI paræ. *Paulus Diae.*
 Tiberius, secundus Christianissimus Imperator, adeo liberalis fuit *lib. 8. Hist. de*
 rat in eleemosynis, ut ab Imperatrice quoque reprehenderetur: *Tiber. Imperat.*
 Cui ipse dulciter respondit, minimè eam debere turbari, quia
 Dominus abundanter esset provisorus, quod & factum est. Nam
 in palatio suo sub pavimento, plus quam mille centenarii auri in-
 venti. Et postea etiam in loco illo reperit thesaurum maximum.
 Hic centuplum recepit in hac vita, æternam expectans in futuro.
 Aliud: Ludovicus Rex Franciæ distribuens maximam quantitatem
 denariorum inter pauperes dixit. Illi sunt stipendiarii, qui pro
 nobis

Collector spe-
 culi exemplo
 rum.

nobis pugnant contra adversarios nostros, & servant nobis regnum Franciæ in pace, quibus nos solvimus stipendia, ut meruerunt. Aliud. S. Joannes, Archiepiscopus & Patriarcha Alexandrinus, Theſaur. de erat alter Nilus copioso fluente eleemosynæ non solam, ut ille, Miser. ex Me- rigans Ægyptum, sed ipsam universam terram circumfluens. Neque taphr. de Vita solùm quidquid habebat, erogabat, sed etiam ab amicis & p̄s S. Joan. Sur. in hominibus quantum poterat, mutuū accipiebat, ut pauperibus Jan. daret. Nunquam homo indigens ad eum accessit, quin eleemosynam aut consolationem inde reportaret. Neque de ullo unquam egeno, ubicunque terrarum is esset, audiit, quin ei necessaria præberet. Magnam dicti partem sedens in templi porticibus, se cuilibet volenti ad eundem præbebat. Omnibus per ejus charitatem, continuamque diligentiam adeò bonè prospectum erat, ut cū quodam die nullus ad eum rogans eleemosynam accessisset, vespere surgens tristis, & lachrymans recesserit, causamque hujus tristitiæ divino Sophronio amico suo interroganti responderit. Hodie miserandus Joannes non ab aliquo ullam accepit gratiam. Nam dare eleemosynam, & esse qui eam acciperet, gratiam ille reputabat. Ex hac interiore quoque illius compassionē fiebat, ut scriptum rebus ad vitam necessariis exueret, quas pauperibus daret; Unde nullus erat pauper, nec mendicus, qui tantam necessitatem, quantam ille pateretur. Atque hanc tantam paupertatem, quam patiebatur, ut tantò plus pauperibus daret, pro summa ipse consolatione habebat. Aliud: Serapion Abbas p. 1. In vita S. amictum suum dedit egeno, & iterum paululū processit, & il- Joannis Ele- lic cuidam frigis patienti obviavit, & illi tunicam præbuit; & mosyn. 9. 23. quia nudus sedebat tenens sanctum Evangelium interrogatus à quodam. Quis te exspoliavit Abba? Demonstrans Sanctum Evangelium ait: iste. Et alio tempore hoc ipsum Evangelium vendidit, & dedit eleemosynam. Discipulo autem sic dicente: Abba Evangelium ubi est? Respondit: Crede Fili, hoc quod dicit mihi, vende quæ habes, & da pauperibus: ipsum vendidi, & dedi eis: ut in die judicii habeamus fiduciam abundantiorē ad DEum. Alio autem tempore vidua quædam ab eodem Sancto Serapione eleemosynam petiit, quia esuriebant filii ejus: & non aliud habente eo, Serapion tradidit ei se, ut venderet cum minimis, quos & Christianos fecit in paucis diebus. Hac legens Sanctus

Sanctus (Joannes Eleemosynarius) de Sancto Serapione, & miratus Sancti indultiam, totus lachrymis infectus; vocans omnes proprios dispensatores, legit eis omnia de Sancto Serapione, & dicit ad eos. Væ, væ ò Christiani! quid prodest colloquente de actionibus Sanctorum Patrum? Credite mihi, quia usque hodie putabam, quia vel aliquid facerem dans quas habere possum pecunias, nesciebam autem quòd & seiplos venderent quidam, compassione superati. Aliud. Juxta nos quidam DEUS dedit nomine Religiosus habitabat, qui calceamenta solebat operari; de quo aliter per revelationem vidit, quòd ejus domus ædificabatur: (scilicet in cælis) sed in ea constructores sui in solo die Sabbathi videbantur operari. Qui ejusdem viri postmodum vitam subtiliter requirens, invenit, quia ex his quæ singulis diebus laborabat, quidquid ex victu & vestitu superesse potuisset, die Sabbathi ad Beati Petri Ecclesiam deferre consueverat, atque indigentibus erogare. Qua ex re perpende, quia non immerito domus ipsius fabrica Sabbatho crescebat.

S. Gregor. Dialog. lib. 3. cap. 10

Ad Praxim Eleemosynæ perfectiori modo exercendæ sequentia sunt adhibenda. 1^{um}. Tollere causas tenacitatis, quarum maxima est, Timor defectus necessariorum. Hic eliminatur piâ confidentia in DEUM, juxta Christi promissum: Date, & dabitur vobis. Luc. 6. Secunda causa est avaritia, quæ ut est mortificanda, suo loco vide. 2^{dum}. Ut amplius ad eleemosynâ exciteris, humilitatemq; exerceas, audi S. Gregorium, quid dicat: Multum ad edomandam dantis superbiam valet, si cum terrena tribuit, verba sollicitè magistri cælestis penset, qui ait: Facite vobis amicos de mammona iniquitatis, ut recipiant vos in æterna tabernacula. Si enim eorum amicitias æterna tabernacula acquirimus dantes, procul dubio pensare debemus, quia patronis potius munera offerimus, quàm egenis dona largimur. Hinc S. Joannes Eleemosynarius pauperes suos Dominos appellabat. 3^{tium}. Conditiones Eleemosynæ, quæ sunt hæc I. Ordo proportionatus, de quo S. Augustinus ita dicit. Hic est justus ac legitimus ordo, quem homo obsequare debet in facienda eleemosyna, ut postquam providit sibi ipsi, & suis de victu atque vestitu: non de victu delicato, nec de vestitu pomposo, sed de victu sufficiente, & de vestitu medicri; ita ut servi & ancillæ non patiantur famem, nec frigus, & parentes, si pauperes sint

S. Augustinus sermon. 27. in eam. Epist. ad Macedon.

habeant, quod ipsis necessarium est, postquam, inquam, hoc quod æquum fecerit, totum reliquum det pauperibus; & propterea id ei DEUS dedit, ut per ipsum proximorum necessitatibus subveniat; & nisi homo sic faciat, injultu se gerit. Et S. Ambrosius hanc obligationem explicans sic ait: Quis tam injultus quàm qui multorum alimenta non suum usum, sed abundantiam & delicias facit? Neque enim minus est criminis habenti tollere, quàm cum possis & abundes indigentibus denegare. II. Est

Rom. 12. *Hilaritas, & Promptitudo.* Unde Apostolus: *Qui misertur, in Illa S. Chrysostomus in Gene. lib. 1. Homil. 36.* *ritate.* Et S. Chrysostomus: Ea inquit de causa semini eleemosynas nam comparavit divina scriptura, ut cum gaudio & multa alacritate eam operemur. Nam si ij, qui semina terræ concedunt, bona iple foveantur, & tunc manipulos imaginantur, ac plenas areas: multò magis quibus datum est hoc semen spirituale feminare, gaudere & exultare convenit, quòd melli sunt in celo hoc, quod in terra ferunt.)) Hinc ut obstaculum hilaritatis amoveatur, nempe timor propriæ egestatis ex largitate in alios sequendum est monitum S. Tobiae datum filio suo. *Ex substantia tua inquit fac eleemosynam, & quomodo poteris, ita esto misericors. Si multum tibi fuerit abundanter tribue, si exiguum tibi fuerit, etiam exiguum libenter impertiri stude.))* Huc spectat etiam illud Eccli: *Cor inopis nè affligeris, & non protrahas datum angustianti.* III. *Conditio,* quam innuit Chrysostomus. Eum qui præstat humanitatem, non oportet exposcere vitæ rationem, sed inopiæ mederi, necessitatiq; suppeditare. Unicum habet patrocinium pauper, quòd eger, quodque in necessitate constitutus est, nè quid ab illo postules amplius. Sed etiam si fuerit omnium improbisissimus & eguerit necessario victu; sedemus illius famem. Portus est in necessitate constitutorum homo misericors. Portus autem omnes, qui in naufragium inciderint, excipit, liberatq;e, sive mali fuerint sive boni; denique quicumque fuerint, qui periclitantur, in sinus ille suos excipit. Tu proinde si videris hominem, qui in egestatis naufragium inciderit, nè judica, nè vitæ gesta examina, sed medere miseræ.)) IV. *Conditio,* S. Aug. ait: Eleemosyna utiliùs malis negatur, quàm conceditur.)) Ubi intellige malos, id est, manifestè abutentes eleemosynis, quæ proinde parcius eis dandæ. Ubi ta-

men.

D. Ambrosius
in Luc. 11.

Rom. 12.
S. Chrysostomus
in Gene. lib. 1. Homil. 36.

Tobi. 4. 7.

Eccli. 4.
S. Chrysostomus
serm. 2. de
Lazaro.

S. Augustinus
Epist. 4. 8.

men cave infinitarum suspicionum & temerariorum iudiciorum concursum. *4^{um}*. Non habens quo re ipsâ & effectu succurras proximo in sua necessitate corporali vel spirituali, succurre affectu commiserationis, succurre deliderio; quod scilicet si posses omni possibili modo efficaciter adjuvares, succurre denique devoto suspirio & prece ad DEUM, dignetur providentiâ suâ sublevare inopiam arumnasque patientis. Et hoc modo stabit profecto efficax voluntas, magno præmio in cælis coronanda. Audi *S. Augustinum*: Si potes dare, da. Si non potes, affabilem re- *S. Augustinus* fac: coronat DEUS intus bonitatem, ubi non invenit facultatem. *in Psal. 103.* Nemo dicat non habeo: Charitas de sacculo non erogatur. *5^{um}*. Eleemosynas cum potes in vita non facere, est malum; nec etiam post mortem, est pestimum. Hinc post mortem, distributæ eleemosynæ aliquod quidem conferunt, idque totum hoc bonum, nempe si in gratia DEI homo decesserit, quod citius liberabitur à poenis purgatorii, nullum verò fructum afferunt ad æternas penas condemnato. At dum vivis faciens misericordiæ opera, omnibus bonis & fructibus supra enumeratis gaudebis. Unde vivens & sanus ea exerce, nec differas post mortem. *6^{um}*. Sequentibus operibus Eleemosynæ quisque pro ratione status sui & possibilitatis frequentissimè, nè dicam continuò & studiosissimè incumbat; sicut Christus ad *S. Magdalenam de Paz* *in vita ejus* ait: Adueris tantum, quantum talenti tibi dederò, ut sis cibus esurientibus, vestis nudis, hortus incarcerationis, & refrigerium afflictis.

Adhuc quoque hic convenienter ex supra datis.

§. I.

Opera Eleemosynæ Corporalia.

1^{um}: Esurientem cibare. *2^{um}*: Sitientem potare.

Primò. *Prov.* Si esurierit inimicus tuus, ciba illum; Si sitierit, da ei aquam bibere: prunas enim (scilicet ignem charitatis) congregabis super caput ejus, & Dominus reddet tibi. Christus inquit: Quicumque potum dederit uni ex minimis istis, calicem aquæ frigidæ tantum in nomine discipuli; Amen dico vobis, non perdet mercedem suam. Unde *S. Remigius* sic ait: Sub frigidæ aquæ

1. 2. tra. l. c. 1.

sec. 4. subs. 2.

§ 2. & 3.

Matth. c. 10.

aquæ nomine, non inania etiam levia officia esse decernit. *Christus*
Matth. c. 12. dicit: Cum facis prandium aut coenam, noli vocare amicos tuos,
in catena. neq. fratres, neq. cognatos, neque vicinos divites, nè forte & ipsi te
Luc. c. 14. reinvitent. & fiat tibi retributio; sed cum facis convivium, voca
 pauperes, debiles, claudos, & cæcos: & beatus eris: quia non ha-
 bent retribuere tibi, retribuetur enim tibi in resurrectione iusto-
 rum. 2do. DEUS est in exemplum hujus misericordiæ. Unde,
Psal. 144. *Psal:* Oculi omnium in te sperant Domine; & tu das escam illo-
 rum in tempore opportuno. Aperis manum tuam: & imple
Francis. Arias omne animal benedictione. *Christus* Dominus aliquando quin-
thesaur. in- que millibus virorum, & magnæ mulierum, parvulorumque
exh. Miser. c. 9. multitudini, qui eum unâ cum viris in desertum secuti erant,
Joan. 6. cibos, quibus jam totum diem jejuni indigebant, præbuit.
Matth. 15. Alias quatuor hominum millia, extra parvulos & mulieres,
 qui non numerabantur, cum eum in desertum secuti, jam tri-
 duum in ediam sustinissent, valdeque esurirent, satiavit. Et
 prima quidem vice duodecim cophinos fragmentorum panis,
 altera vero septem sportas, plenas in pauperes distribuen-
 das colligi jussit. Et de Eleemosynis, quas ei pæ mulieres
 pro ipsius ac discipulorum sustentatione dabant, siquidem
 esculenta essent, pauperibus impertiri jubebat, sin autem
 essent pecuniæ, iisdem pauperibus dandas curabat, ut sic or-
 dinariâ viâ illos aleret. Dedit etiam Dominus sitientibus potum.
 In Nuptiis Canæ Gallileæ, quibus unâ cum Sanctissima Matre
 sua interfuit, vinum in medio convivio defecit, siquidem homi-
 nes illi pauperes, nec ipsorum penus omnibus rebus necessariis
 satis instructa erat. Quare utens Dominus sua charitate & mi-
 sericordia, cum jam eorum necessitas ob vini defectum manife-
Bedahist. Eccl. sta esset, potum eis dedit, aquâ in vinum conversâ. *Oswaldus Bri-*
Angl. lib. 3 c. 6. tanniæ Rex miserorum turbam quotidie ad se in atrium conflu-
 entium alere solitus perhibetur: & cum die quadam major es-
 set mendicantium multitudo, quàm ciborum copia, nè eos qui su-
 perfuerant vacuos dimitteret, totidem argenti fragmenta esca-
 ria lance comminuta donavit. Fortè aderat Aidanus Lindisfar-
 nensis Episcopus. Qui liberalitatem mirarus, apprehensam Regis
 dexteram, dum deosculatur ait: Tam promptam in dando manum
 senesce-

senescere prorsus non debere. Hinc ajunt adhuc integram in monumento illibatamque ostendi; ut quàm meritò id olim ab Episcopo prolatum fuerit, tam certus eventus testis etiam posteris foret, & nemo unquam dubitaret, ipsius animam fulgere in cælo, cujus corporis partem tot jam annis incorruptam permanere cerneret in sepulchro.

Actus Eleemosynæ in reficiendis indigentibus.

Plissime JESU, quàm libenter liberaliùs reficerem hos egentes, membra tua, si possem: suscipe voluntatem pro factò. Nunc autem quod habeo, affectuosissimè tribuo.

Misericordissime DEUS provide hisce miseris de congrua sustentatione, ut eò commodiùs tibi ser viant.

Clementissima DEI Mater effice, ut de necessariis quoque mihi subtrahens, langventia Filii tui membra, esurientes & sitientes refoveam.

3tium: Nudum Vestire.

1mo. Tobias monet filium suum dicens: De vestimentis tuis Tob. 4i nudos tege. Luc. Qui habet duas tunicas, det alteram non habenti. Un- Luc. 3. de S. Basil. In hoc docemur, quidquid nobis superest, aut D. Basil. serm. abundat, postquam, quod vitæ necessarium est, sumpserimus, ad divit. oportere nos necessitatem patienti dare, propter illum Dominum, qui nobis, quæ habemus, gratis dedit. S. Chrysostomus: S. Chrysostom. DEUS cibari à te vult (in paupere) ut te cibet, indui, ut te induat. hom. 35. ad po- 2 do. Christus Dominus exemplum nobis præbens, suos occisores pul. alioquin inopes propriis vestimentis donavit. Ita Taulerus dicens: Taulerus de Dominus, inquit, crucifigendus, vilissimis scurris traditus est, quo- Passion. c. 39. rum tanta erat inopia, ut vestes Christi exigui pretii & simplices tam sollicitè & exactè distribuerent. Et pius Dominus benignissimè veste suâ ipsos sui occisores contextit.)) Tobias senior Tob. cap. xi. nudis vestimenta præbebat. Job imprecabatur sibi malum: Si Job. 31. inquit despexi pereuntem, eò quòd non habuerit indumentum, & absque operimento pauperem? Si non benedixerunt mihi latera ejus: & de velleribus ovium mearum calefactus est?)) Marulus Spa- latens. instit. bene vivend.

Martini pietatem militis adhuc, an jam Turonensium Episcopi

Ex Severo
Sulpitio,

magis mirer, incertus sum. Constantino, & Juliano imperantibus, stipendia faciebat, quando brumæ tempore pauperis nuditatem, dimidiatæ chlamydis suæ parte operuit. Et in quiete, Christum se in paupere texisse agnovit, dum eadem illa lacina indutum cernit, dicentemque audit. Martinus adhuc Catechumenus hac me veste contexit. Postea verò Turonensium Episcopus factus, cum in vestibulo Ecclesiæ offendisset hominem detrita lacernâ feminulū, in sacrarium evocato tunicam, quam sub pallio totam habebat, dedit. Allato demum sibi collobio, indutus, ac superindutus podere, reliquisque sacerdotalibus ornamentis, dum sacra peragit, atque inter agendum ambas suppliciter manus ad cælum tollit de stibentibus lineis manicis brachia nudata ostendit. Sed priusquam ea demitteret, amicta appatuere tegumento ornatus, supra modum mirabilis, oppidoque stupendi. Ut scilicet miraculo admoniti crederemus, eum qui indigentes vestierit, vestiendum cælestis gloriæ lumine, cum Dominus JESUS Christus transformabit corpus humilitatis nostræ, configuratum corpori claritatis suæ.

Affectus misericordie in vestiendo nudum.

Deus meus quàm compatior, hanc nobilem creaturam tuam misericordem esse bestis, quæ suis nativis operiuntur tegumentis.

Utinam de opere manuum mearum contegatur nuditas pauperum!

Domine JESU fac ut subtraham de necessariis quoque meo indumentis, pro operiendis membris tuis.

4^{um}. Hospitem suscipere.

Matth. c. 10.
v. 40

1. Petr. cap. 4.
Hebr. cap. 13.

Primo. Christus ait: Qui recipit vos, me recipit, & qui me recipit, recipit eum, qui me misit. Qui recipit Prophetam in nomine Prophetæ, mercedem Prophetæ accipiet, & qui recipit justum in nomine justî, mercedem justî accipiet. Petrus: Hospitalitatem in vobis. Et: Hospitalitatem nolite oblivisci, per hanc enim placuerunt quidam Angelis hospitio receptis. Et: Si peregrinum sub tectum inducas, si

S. Ambr. l. 2. de ptis.
offic. cap. 28.

susci-

suscipias egentem, ille tibi acquirit Sanctorum amicitias, & æterna tabernacula. *S. Augustinus:* Obsecutus est Loth Angelis tanquam peregrinis conluctudine hospitalitatis, liberatus à periculo civitatis, & temporale evasit incendium, & æternum consecutus est præmium. Discite ergo Christiani sine discretione exhibere hospitalitatem, nè si fortè cui domum clauferitis, cui humanitatem denegaveritis, ipse sit Christus. 3tio. Christi Domini exemplum, qui à Discipulis Baptistæ, S. Andream, & socio ejus requisitus: *Magister ubi habitas?* Dixit eis. *Venite & videte: Veniunt & vident ubi maneret, & apud eum manserunt die illo, scilicet in ejus per eleemosynam accommodatis ædibus.* Job de scallerens ait: *Foris non mansi peregrinus, ostium meum viatori patuit.* Aliud: Refert Joannes Diaconus in vita S. Gregorii Papæ, inter innumeras alias eleemosynas, quas hic S. Pontifex faciebat, & hanc fuisse, quod quotidie ad mensam suam peregrinos quolibet invitaret. Inter quos die quidam unus accessit, in cujus manibus, dum ille aquam fundere vellet, repente hic ex ejus oculis emanavit. Eadem nocte ei Dominus per visionem apparens dixit: *Ceteris diebus me in membris meis, hesterno autem die me in memetipso suscepisti.* Aliud: In quodam monasterio Ordinis Cruciferorum diocesis Monasteriensis, Laicus quidam frater ad recipiendos hospites deputatus erat. Et is nè temerè sibi judicium Domini usurparet, & alienum servum, contra præceptum Apostoli, qui suo Domino aut stat, aut cadit, videretur judicare, sine omni personarum acceptione, bonos & malos, probos & improbos, disciplinatos & insolentes, cum tanta humilitate, tantaque charitate recepit, pavit, ministravit, quasi omnium unica Mater esset, & sibi solum eorum videretur cura incumbere. Cum igitur in extremis laboraret, & tempus esset præmia laborum recipere, conigit quendam Laicum fratrem euntem ad infirmariam, in qua infirmus decubuit, quandam dulcissimam melodiam, quasi concinentium in choro puerorum seu à longè resonantem audire, quapropter stupens, & vix seipsum comprehendens infirmatorium ingreditur, & moriturum, utrum nè & ipse canoras juvenum voces percepisset, sciscitatur. At ægrotus, paululum, inquit, ante egressum tuum ad me introierunt huc quidam

*S. Augustinus**Orat. de s.**Heret. cap. 5.**Joan. cap. 1.**Job. 31.**Collector in**spec. exempl.**dist. 10. exempl.**13.*

formosi satis, sed mihi incogniti juvenes, qui dum dulcibus cantilenis aliquamdiu invalidi atque infirmi corporis mei mitigassent dolores, suspicatus ego si fortè pauperes essent, & cantibus eleemosynas postularent, ad eos dixi: Dulces filioli mei quamdiu potui cum omni charitate omnibus pauperibus quantum permisit paupertas nostra, libenter ministravi: nunc quia & videre potestis, ad hæc facienda vires non suppetunt, ad cocum pergitis, & hic quia bonus est, largâ vobis manu eleemosynam ministrabit. Et in hæc verba dimisi eos, sed quonam abierunt, vel qui fuerint, omninò non scio. Quod audiens frater cum hujusmodi juvenes intrâ claustra monasterii penitus visi non essent, vel Angelos fuisse, vel alios Sanctos suspicatus, dignam laudem DEO de exhibita pietate refudit. Hospitalarius verò post hæc citissimè, sed & devotissimè moriens (ut piè creditur) unâ cum concinentibus Angelis ad cælestem patriam commeavit, dignam mercedem pro exhibita charitate capturus.) Porro hospites maximè pauperes, & peregrini suscipiendi, propter illos enim puriori intentione speratur æternum cæli habitaculum. Deinde tractandi hospites hilariter, & ad sufficientiam, non ad excessum & superfluitatem, sacris colloquiis recreandi, de viatico eis providendum, ut sit usquequaque perfectâ hospitalitas.

Actus Hospitalitatis.

Ecce hospes venit, Christus venit; Videas ergo anima mea quantâ humanitate, charitate, alacritate, Christum suscipias, reficias, ac commodes, consoleris.

DEUS meus amore tui, libenter eam humanitatem huic hostiti volo exhibere, qualem mihi ipsi exhiberi vellem.

Absit Domine, ut mea potius solatia in hospitalitate, quàm hospitum, vel qualemcunque recompensam temporalem quæram. Tu solus mihi solatium es merces.

§ tum: Infirum visitare.

Infirum visitare, intelligitur non modò ægrotum solari, verum operâ & consilio in suis ærumnis juvare. *1 mo.* Ecclesiastici dicitur: Non pigeat te visitare ægrotum: ex his enim in dilectio-

dilectione firmaberis. *Christus* verò in infirmitate suorum fide- *Matth. 25.*
 lum visitatur, ut ipsemet insinuat dicens: Infirmus eram, &
 visitastis me. *2do. S. Bonaventura* inquit: Cur anima, tota die *S. Bonavent. in*
 anxietate post Christum? Indicabo tibi quem diligit anima tua. *stimulo Divin.*
 Certè in infirmitate jacet, & ibi angustiat, ibi torquetur. *Cur amor. cap. 1.*
 re, & sibi ministra, & sibi compitere infirmanti. *S. Gregorius S. Greg. Naz.*
Nazianzenus: Pauperi subveni, vestem praebe, medicamentum *Orat. 27. de cu-*
 adhibe, vulnus alliga, de calamitate percontare, de patientia ora- *ra pauperum.*
 tionem habe. *3tio. Christus* visitavit Socrum Petri, quæ cum *Francisc. Arias*
 domi ejus febricitasset, imperavit febri, ut eam dimitteret, mox- *Theaur. in-*
 que illa sic convaleuit, ut surgens domestica obiret munia, & ex- *hib. de Mife-*
 Domino, ejusque comitibus Discipulis cibos ministraret. *Visi- ricord. c. 10.*
 tavit hominem illum ad piscinam jacentem, & jam octo supra *Matth. 8.*
 triginta annos in infirmitate sua habentem, qui nec vocavit Do- *Luc. 4.*
 minum, nec sanitatem ab eo petiit, nec omnino ipsum cognovit; *Job. 5.*
 & Dominus ipsum quæsit, familiarem se ei præbuit, suaviter
 ipsum alloquens, & eundem ad desiderandam, sperandamq; à ma-
 nu sua sanitatem, quam & dedit ei, excitavit. Peragravit totam
 provinciam Galilææ, visitans loca, ubi infirmi erant, eosque sa-
 nans omnes ac consolans: idemque fecit in provincia Judææ. Sic
 enim *S. Matthæus* testatur: *Circuibat totam Galilæam sanans omnem* *Matth. 4.*
langvorem, & omnem infirmitatem in populo. Et abiit opinio ejus in to-
tam Syriam, & obtulerunt ei omnes male habentes variis langvoribus, &
tortentis comprehensos, & qui demonia habebant & lunaticos, & para-
lyticos, & curavit eos. Id quod durante prædicationis suæ cursu fre-
quenter fecit. Et mittens discipulos suos prædicatum, jussit idem
facere, cum dixit: Infirmos curate, mortuos suscite, leprosos munda- *Matth. 10.*
te, demones ejcite. 4to. Frater interrogavit quendam *tenem.* *Ex lib. doct.*
 dicens: Duo sunt fratres, ex quibus unus quiescit in cella sua, *Patrum l. de*
 protrahens jejunium sex dierum, & multum sibi laborem impo- *char. n. 12.*
 nens, alter verò ægrotantibus deservit. Cujus opus magis acce-
 ptum est Domino DEO nostro? Respondit ei Senex: Si frater
 ille qui sex diebus jejunium servat, appendat se per nares, non *Ex gestis Vivor.*
 poterit æqualis esse illi, qui infirmantibus deservit. *Aliud:* Fuit illustrium Or-
 in Coenobio Claravallensi Monachus quidam, professioni suæ *an. Cist. specul.*
 morum integritate concordans, Aliquirinus nomine, vir Reli *exempl. dis. 3.*
 giosus *exempl. 33.*

giosus atque Spiritualis, sobrius in victu, humilis in vestitu, & durus admodum castigatior corporis. Ita namque circumcitus ac temperatus erat in his, quæ ad utrumque corporis pertinere videbantur, ut omni voluptate & vanitate depulsa, ipsis necessis etiam parcissimè uteretur, licet occasio certum limitem excedendi se ei frequenter ingereret. Erat enim peritus in arte, medicinæ. Et quamvis magnates, & nobiles terræ, operam ejus incessanter expectarent, & invitum, & renitentem per diversa loca distraherent, ipse tamen super egenos & pauperes intelligens, magis omnimodam eorum curationi sollicitudinem impendebat. Nec modo ipsorum agnitudines, livoresque curabat, sed & langventium putridas carnes, & sanie defluentia membra ita dignanter, ita diligenter propriis manibus contrectabat, ut Christi vulnera fovere putaretur. Et verè sic erat. Unde & ipse Dominus famulum suum secretis consolationibus sæpius visitabat, & ad opus ministerii hujus mirabiliter excitabat. Hic infirmitate correptus, ad extrema deveniens, visitatus ab Abbate, & plenus solatio repertus, compulsus est ab eodem, diceret, si ei esset aliquid divinitus revelatum. Tunc ait illi: Modò, antequam huc intrástis apparuit mihi misero & indigno Dominus JESUS Christus, qui propitio ac sereno vultu me intuens, ac signa beatissimæ passionis suæ ostendens, ait: Ecce peccata tua deleta à facie mea, veni ergo securus, veni & vide, & deosculare vulnera mea, quæ tantum dilexisti; & toties confodisti. Tali ergo promissione firmatus, mori non timeo, quia posita est hæc spes mea in sinu meo. Et scitote quia proxima nocte ante vigiliam Beati Martini migraturus sum, dum opus DEI celebrabitur in Ecclesia, & tali hora defunctus est. Aliud: Sancta Magdalena de Paz, adeò potenti amore ferebatur erga infirmos, ut sæpè inde in ecstasim induceretur. Visitabat ergo quotidie infirmos, & sæpius magis infirmos: inserviebat eis etiam vilibus obsequiis: consolabatur afflictas, & confortabat in patientia, legendo libros spirituales, proponendo passionem JESU, quietem & gloriam paradisi, etiam copiosis lachrymis compatiabatur. Dicebatque sæpè, nullum esse in Religione officium, quod illa avidius desideraret, quàm esse

In Vita S. Magdalene de Paz.

esse servam infirmorum. Semel quoque cum gaudio dixit: Esse quidem te contentam summè de tuo statu, verum videbatur ipsi, quod & in hoc recepisset à DEO magnam gratiam, si facta fuisset ancilla in Xenodochio. Interrogata à Superiorissa cur cuidam Lucæ moniali ægrotanti assiduè interviret, respondit quòd Dominus JESUS in specie cujusdam pauperuli mendici monstrans te, dixerit ei: quòd si vellet rem acceptam ipsi facere, ut interviret ei in illa ejus Sponsa. Ceterum maximè infirmis, cùm jam approximarent morti, vel magnis doloribus affligerentur, sedulam se protunc præstitit, obliviscebatur suæ debilitatis, nec recedebat ab eis, præcipuè verò noctu vigilando, circa ipsas subinde octo, vel decem, quandoque quindecim noctibus, vix sedens, modicum interdum quietis capiebat. Sed maximè conabatur adesse agonizantibus, omni modo curando decedentium salutem. Igitur pro illis modo funderet arduas preces, modò cum ipsis colloquebatur de DEO, adducebatque ut elicerent actus contritionis, vel actus amoris, spei, fidei, & similes: quandoque super illas legebat partim passionem, partim psalmos.

Praxim Solatii & pia monita dandi infirmis sumere potes, ex infra dictis sub Patientia in genere, tum in agitudine, &c.

Cap. 7. sect. 5.
Subs. 8.

Actus misericordie circa infirmos

DEUS meus medullitus condoleo infirmitati hujus famuli tui, si possem, quàm libenter ipsi succurrerem, & medicinâ & aliis solatiis, suscipe DEUS voluntatem pro facto.

Obsecro Domine mitiga dolores ejus: vel restitue ipsum pristinae sanitati ad gloriam tuam.

Mater misericordie, ser opem huic morbo afflicto.

Ece Domine JESU, sicut vulnera & dolores tuos, ita languorem & dolorem hujus servi tui compassiva charitate aspicio, & resovere desidero.

An-re tui ô mi JESU libentissimè tolero omnes molestias in obsequio hujus servi tui.

6 tum: Incarceratos consolari.

Hic opus sumitur tum strictè pro actuâ incarceratione, tum latius pro captivitate, & violenta opprestione.

1^{mo}.
Juxta

*Eccles. 14.
Gen. 14.
Exod. 2.
Hebr. 13.*

Juxta illud: *Libera eum, qui injuriam patitur de manu superbiae.* Hic enim est actus misericordiae. Sic Abraham liberavit Loth caprum ab hostibus: Et Moyses liberavit Israel ab Aegyptiaca servitute. *Apostolus monet: Mementote victorum tanquam simul vincti,* ut scilicet eis compatiamini, & subveniat is fovendo, liberando. 2^{do}. Christus Dominus descendens in carcerem subterraneum, id est Limbum Patrum, eos invisit & consolatus est: Denique captivam illam à diabolo captivitatem ex ipsius potestate, non quocunque alio, sed suo sanguine & morte redemit, & duxit in altum caelorum cum eis ipse ascendens. 3^{tio}. S. Rembertus cum vidisset in Daniæ quadam regione innumeram Christianorum multitudinem catenis vinctam in servitutem duci à piratis, precibus se dedit, & continuo fracta sunt vincula, barbaris Danis stupore percussis. Aliud: S. Paulinus Nolanæ urbis Episcopus, cum in redimendis captivis cuncta consumpsisset, se ipsum quoque in eleemosynam dedit. Profectus enim in Africam, vicariâ servitute redemit viduæ Nolanæ filium, olivorem quæ se fecit barbari Domini, ut matrem unici amissione consterнатam, eo recuperato consolaretur. Jactent se, qui volunt, facultates non modicas in pauperum usum impendisse. Ecce, qui omnia impenderat, invenit præterea, quemadmodum inops factus, omnium divitum eleemosynas superaret. Cæterum misericordiae remunerator DEUS virum tantâ pietate præditum, non est passus diutius jugo premi impiorum. Contulit illi prophetiæ Spiritum, quo afflatus cum prædixisset Regem in proximo moriturum, divinationique respondisset eventus, tantæ admirationi fuit, ut statim libertatem sibi acciperet, aliis impetraret. Pro unius liberatione se in servitium obtulit, sed cum omnibus simul qui à Nola abducti fuerant, liberatus, frumento insuper navibus imposito, ad patriam postliminio rediit, pristinae quæ dignitati honorificentissimè fuit restitutus.

Actus similiter ut antecedentibus operibus habes hic proportionatè elicere potes.

7^{timum}: *Mortuum sepelire.*

*Lib. de Cura pro
mort. 6. 21.*

Primò. S. Augustinus: *Tobias sepeliendo mortuos, DEUM promeruisse teste Angelo commendatur. Orationem DEO gratissimam*

nam præstat, quæ pio opere sepeliendi mortuos fulcitur: In hunc sensum Angelus Raphaël ad Tobiam inquit. Quando orabas Tobie 12. cum lachrymis, & sepeliebas mortuos, & derelinquebas prandium tuum, & mortuos abscondebas per diem in domo tua, & nocte sepeliebas eos, ego obtuli orationem tuam Domino. David benedixit habitatores Jabes Galaad, parentantes Sauli Regi suo dicens: Benedicti vos à Domino, 2. Reg. c. 2. no, qui fecistis misericordiam hanc cum Domino vestro Saul, & sepelistis eum. Et nunc retribuet vobis quidem Dominus misericordiam, & veritatem; sed & ego reddam gratiam. 2do. Christi Domini pretium 30. argenteorum Judæ proditori traditum, & ab ipso desperatè poenitente, venditoribus rejectum, in sepulturam peregrinorum Christo inspirante est ordinatum. Ita S. Augustinus. Providentiâ S. Augustinus DEI, inquit, factum puto, ut pretium Salvatoris non peccatoribus Sermon. 128. de sumptum præbeat, sed peregrinis requiem subministret: non. Coena Domini. sacrilegis sit ad luxum, sed defunctis sit ad sepulchrum: ut jam exinde Christus & vivos sanguinis passione redimat, & mortuos pretiosâ possessione fulcipiat. 3tio. S. Ambrosius: Magnum hoc S. Ambrosius in opus, viuentes operire defunctorum corpora. Si viantes ad Tob. c. 1. & 2. longiora, ducere solemus, quantò magis in illam æternam domum profectos, unde jam non revertentur? Nihil hoc officio præstantius ei conferre, qui tibi jam non poterit reddere, vindicare à volatilibus, vindicare à bestiis consortem naturæ. Fere hanc humanitatem defunctis corporibus dedisse produntur, homines negabunt?

§. II.

Opera Eleemosynæ spiritualia:

1. mum: DEUM orare pro aliis.

Motiva. 1. mum. Jac. Orate pro invicem, ut salvemini. Etiam, Jac. 5. pro inimicis. Christus monet: Orate pro persequentibus, & Matth. 5. calumniantibus vos. Et S. Augustinus ait: Judex dicit (inquit ille) Serm. 4. de occide, & tortor occidit, & tu quando dicis: Occide inimicum S. Steph. meum, te facis judicem, & DEUM quæris esse tortorem. Respondet tibi DEUS. Non ero prorsus, non ero peccatoris tortor,

Rr

sed

sed liberator; quia nolo mortem peccatoris, sed ut convertatur, & vivat. Nam si voluntatem tuam haberem, te prius occiderem, antequam invitatus venires: nonne me blasphemasti? nonne tuis malis operibus irritasti? nonne me in præceptis, vel in ter-
 vis meis contempsisti? Si te tunc occidisset inimicus, quem modò facerem amicum? Quid ergo malè orando, doces me, quod non feci in te? Imò ergo dicit DEUS, doceam te ut imi-
 teris me, in cruce pendens dixi: Pater ignosce illis, quia nesci-
 unt, quid, faciunt: docui hoc milites meos: docui Martyres, prius esto & tu Martyr meus, tyro meus, adversus diabolum, aliter invictè nullo modo pugnabis, nisi pro tuis inimicis ora-
 veris. Hæc ille. Apostolus: Per omnem orationem & obsecratio-
 nem orantes omni tempore in spiritu, & in ipso vigilantes in
 omni instantia & obsecratione pro omnibus Sanctis, & pro me,
 ut detur mihi sermo in apertione oris mei, cum fiducia notum
 facere mysterium Evangelii. Idem: Obsecro igitur igitur primum
 omnium fieri obsecrationes, & rationes, postulationes, gratiarum
 actiones, pro omnibus hominibus, pro Regibus, & omnibus, qui
 in sublimitate constituti sunt, ut quietam & tranquillam vitam aga-
 mus in omni pietate, & castitate. Exemplum Christi, de quo
 idem Apostolus: Unde & salvare in perpetuum potest, accedens per
 semetipsum ad DEUM semper vivens, ad interpellandum pro nobis. Ex-
 emplum Apostoli dicentis: Ideò & nos, ex qua die audivimus, non
 cessamus pro vobis orantes & postulantes: ut impleamini agnitione volunta-
 tis ejus in omni sapientia, & intellectu spirituali, ut ambuletis dignè, DEO
 per omnia placentes. 2. dum, S. Stephanus nisi orasset, Ecclesia Pau-
 lum Doctorem non habuisset, ut existimat S. Augustinus. S. Mo-
 nica mater Augustini cum orationibus à dissoluta vita convertens,
 ad eò eximium Doctorem Ecclesiæ procuravit. Unde S. Ambro-
 sius de ipso agebat: Non posse Filium tantarum lachrymarum per-
 ire. Aliud: In Cœnobio Clarevallis, Conversus quidam exstitit
 vir Religiosus, & magnæ mansuetudinis, qui per magisterium,
 Divinæ gratiæ didicerat esse mitis & humilis corde. Huic ceteri
 fratres testimonium perhibebant, quòd nunquam visus fuisset ira-
 sci, & nunquam quibuslibet injuriis provocatus ad impatientiam
 erumpere. Hic inspirante DEO, statuerat firmiter in animo suo,
 ut

Ephe. 6.

1. Tim. 2.

Hebr. 7.

Coloss. 1.

Collector. Spe-
cul. Exempl.

ut quoties à quibuslibet fratribus iustè, sive iniustè proclamaretur, toties pro illis oraret, & pro singulis *Pater noster* ad minus una vice diceret. Cujus etiam exemplo informati multi Clarevallensium fratrum eandem consuetudinem usque nunc quasi pro lege custodiunt. Ille igitur Vir bonus, collectus est ad Patres suos, visurus bona Domini in terra viventium. Cujus gloria magna tanquam alicujus Sancti cuidam viro Religioso apparuit.

2dum: Docere ignorantem.

Motiva. *inim.* Eccli. Videte, quoniam non soli mihi, laboravi, sed omnibus exquirentibus veritatem. Unde Rabanus Doctor Ecclesiasticus inquit: Verba DEI scribendo, & docendo, non solum sibi laborat sed & aliis: pro aeternitate & aeterna mercede, & quiete; aliis autem pro vera salute, & perpetua requie. Unde in Daniele scriptum est, Qui docti fuerint, fulgebunt sicut splendor firmamenti, & qui ad justitiam erudunt multos, quasi stellae in perpetuas aeternitates. Hinc & Jacobus ait: Qui converti fecerit peccatorem ab errore viae suae, salvabit animam ejus à morte, & operiet multitudinem peccatorum. De quo & Paulus ad Timotheum scribens ait: Attende tibi, & doctrinae sanctae; insta in illis, hoc enim faciens, & te ipsum salvum facies, & eos qui te audiunt. Appolus: Quae est enim nostra spes, aut gaudium, aut corona gloriae? Nunc vos ante D. Nostrium JESUM Christum estis in adventu ejus? Vos enim estis gloria nostra, & gaudium. Sic in die judicii Thomas traher post se Indiam, Andreas Achaïam, Ioannes Asiam, Paulus universum mundum: ait S. Gregorius.)) Quae sanè ingens erit gloria & corona. Sic in vita S. Aldegundis legimus eidem apparuisse S. Amandum stipatum magnâ multitudine Sanctorum à se conversorum, inter quos ipse quasi gigas eminebat & staturâ & gloriâ omnes verò in eum quasi magistrum & parentem respiciebant, eique suas coronas acceptas ferebant! S. Hieronymus: Rusticitas solum sibi prodest, & quantum aedificat ex vi- ad Paulinum. re merito Ecclesiam, tantum nocet, si destruentibus non resistat. S. Chrysostom. ait: Nihil est enim quod animae possit equiparari, nec S. Chrysostom. universus quidè mundus. Itaq; etsi immensas pecunias pauperibus in Epist. 2. Cor.

Eccli. 24.

Dan. 12.

Jac. 5.

1. Tim. 4.

S. Paulus.

1. Thessal. 2.

S. Gregorius
hom. 17. in E-
vang.In vita S. Al-
degund.S. Hieronymus
ad Paulinum.S. Chrysostom.
Epist. 2. Cor.

Idem Homil. 3.
in Genes.

Psal. 93.

Psal. 24.

Marc. c. 6.

Theoph in Luc.

1. & Marc. 3.

S. Petrus Ran-
sanus Panorm.
lib. 4. vitæ ejus
in Præfat. apud
Sur. tom. 25.
April.

eroges, plus tamen effcis, si unam converteris animam, &c. Magnum sanè & laudabile est, misereri pauperum, sed magis errantem ab errore revocasse. Idem alibi: Nam ut anima (inquit) corpore melior est, ita his qui indigentibus pecunias & facultates suppeditant, tantò majoribus meritis digni sunt hi, qui admonendo, & continuè docendo in viam rectam supinos & delides inducunt, monstrando eis virtutum Divinarum fragrantiam, & vitiorum malevolentiam. Hæc omnia cum scimus, præ omnibus aliis hujus vitæ curis de salute animarum loquamur proximis, eandem illis sollicitudinem ingerentes. Magnæ enim bonitatis est animam, cui hæc continuò intonantur, posse reduci ex abyssu malorum, in quorum medio versamur, & compesci seditionem, quæ perpetuò animam nostram infestat.) 2. dum Motivum à speciali præmio & gloria Aureolæ Doctoribus destinata, de qua vide in 3. parte hujus Theologiæ Spiritualis. 3. tum. Ab exemplo DEI: Qui docet hominem scientiam. Et: Docebit mites vias suas. Ab exemplo Christi. Hic videns turbas sequentes se: Misertus est super eos, quia erant, sicut oves non habentes Pastorem, & coepit illos docere multa. Et Theophilactus inquit. Ille qui de cælo descendit, ut exemplum & formam vitæ nobis daret, operibus nos docuit, in charitatis officiis non negligentes, nec remissos, sed valde diligentes esse. Neque tantum in civitatibus verbum Divinum prædicabat, sed etiam in castellis, nè semper magnas civitates quæramus, sed etiam viles, atque contemptas villas adcamus ad docendas animas, & trahendas ad DEUM.) Sanctus Vincentius Ferrariensis, Ordinis Prædicatorum Religiosus, nulli hominum ordini, vel statui, vel ætati, nulli sexui negavit fructum doctrinæ & sanctitatis suæ. Neque enim dwtaxat ætate provectos, & sublimium rerum atque disciplinarum capaces erudiebat: Sed etiam pueros certis ad se horis evocatos instituebat, docens eos quemadmodum cruce se signarent, Orationem Dominicam, & Angelicam salutationem, atque fidei Symbolum enunciarent, DEum colerent, amarent, parentibus, & proximis quibusque honorem haberent, & debita officia persolverent. In dandis consiliis nec divites pauperibus, nec ignobilibus nobiles anteponebat; sed erat charus omnibus, utilis omnibus, pius, benignus, amabilis denique & venerabilis omnibus.

Practica.

Practica. 1mo. Docens, Oratione Spiritum Sanctum suis auditoribus impetret, quia ut D. Gregorius ait: Super illa Evangelii verba explicans, Ipse vos docebit omnia; ait: *Quia nisi idem Spiritus cordi adsit audientis; otiosus est sermo Doctoris.* Mox autem rectè Evangel. subdit: Non ergo docenti homini tribuat, quod ex ore docentis intelligit, quia nisi sit qui doceat interius, doctoris lingua exterius in vacuum laborabit; Ecce unam loquentis vocem omnes pariter auditis, sensum verò audite vocis non unum percipitis. Cum ergo vox dispar non sit, cur ergo in cordibus vestris dispar est vocis intelligentia, nisi quia per hoc, quod vox loquentis communiter admonet, est magis interior, qui devotius intelligentia quosdam specialiter docet? **2do.** Vitâ ædificet. Etenim teste D. Augustino: Habet ut obedienter audiatur, quantâcunque granditate dictionis majus pondus vita dicentis. **3tio.** Amor Divinorum docentem inflammet. Siquidem D. Gregorius ait: Mens concupiscentiis exterioribus occupata, igne Divini amoris non calet, & idcirco ad supernum desiderium inflammare suos auditores nequeunt verba, quæ frigido corde proferuntur. **4to.** doceat non curiosa, non subtilia, extracaptum Auditorum, sed eorum se accommodans intellectui, prædicet: Quia appropinquavit regnum cælorum. Minetur: Nisi poenitentiam egeritis, omnes simul peribitis. Et similia de vitiis, extirpandis, virtutibus inferendis, cognitionem cumprimis inferat DEI, Christi, ac aliorum supernaturalium, ut ipse fecit Christus Dominus, & Sancti Apostoli, Apostolicique Viri. **5to.** Postquàm per doctrinam illuminaverit intellectum, conetur deinde per varia motiva inflammare affectum, & excitare modò ad Timorem DEI, modò ad Amorem Ipei, seu desiderium gratiæ DEI, & æternæ beatitudinis; modò accendere ad Charitatem DEI, Christi, Deiparæ, & proximi; jam injicere horrorem peccati & vitiorum, in genere & specie, jam amorem multiplicium virtutum, &c. proportionatè ad exigentiam & captum Auditorum, pro circumstantia Loci, Temporis. Copiam ejusmodi Motivorum ferè pro omni materia morali sive spiritali habes hoc Opere per totum. Impetum verò Affectus formandi sumere potes ex supra datis. Denique incitatis animis oportet porrigere Modum & Praxim exercendæ alicujus virtutis, vel cavendi peccati, sive eradicandi vitii, & simul cum novis motivis adhortando concludere.

S. Augustinus
lib. 4 de doctr.
Christi. cap. 27.
D. Gregorius
lib. 8. Dialog.
cap. 28.

Matth. cap. 10

1. 2. tr. a. c. 1. sec.
4. subf. 2. §. 2.
& 3.

Ad quod seruijunt hoc toto Opere datæ plurimæ Praxes. Tali ergo Methodo erit efficax Doctrina tua, & impossibile ut magnos non faciat fructus in Ecclesia cum gratia DEI.

3 tium: In dubiis consulere.

Eccl. cap. 5.

Incitamenta. Eccli. Si est tibi intellectus. (Id est intelligentia, sapientia, peritia, doctrina) responde proximo, sin autem sis manus tua super os tuum, id est claudes os tuum, & sile: ne capiaris in verbo indisciplinato, id est imperito, indocto, imprudenti, & confundaris. Hinc Nazianzen. Valde stultorum, ait, aut temerariorum est, alios aggredi, priusquam ipsi satis edocti sint, ac ut dici solet in dolo discere, hoc est in aliorum animabus pietatem meditari, & exercere.) Sacra Scriptura monet, Deutoron,

Nazianzen.
Orat. L

Deut. c. 17. v. 18

Si difficile & ambiguum apud te iudicium esse prospexeris, inter sanguinem & sanguinem, causam & causam, lepram & non lepram, & iudicium inter portas tuas videris verba variari, surge & ascende, ad locum, quem elegerit Dominus DEUS tuus. Veniesque ad Sacerdotes Levitici generis, & iudicem qui fuerit illo tempore, queresque ab eis, qui iudicabunt tibi iudicii veritatem. Et facies quodcumque dixerint, qui præfunt loco, quem elegerit Dominus, & docuerint te juxta legem ejus, sequerisque sententiam illorum. Nec declinabis ad dexteram, neque ad sinistram, Proverb. Unguentis & variis odoribus delectatur cor: &

Proverb. c. 27. bonus amici consiliis anima dulcoratur. S. Basilus inquit: Magna

S. Basil. Orat. est utilitas consultoris prudentis ac familiaris præsentia, supplet enim id, quod deest prudentiæ eorum qui de rebus ambigentes, consultant. Quanta verò utilitas ex consilio alterius percipitur, vel maxime patet in Moyse, qui quantumvis omni Ægyptiorum sapientiâ instructus esset, & licet cum DEO de facie in faciem, uti amicus cum amico, sermonem & consilia conferreret, tamen loceri sui Jethro consilium est secutus, in constituendis centurionibus, decurionibus, ac tribunis, qui præessent ac judicarent populum. Sic etiam David consilio Chusis usus hostilis animi consilia Achitophel everit, dispulitque.

Exodi. 18.

2. Reg. 17.

Profecto divina quædam res est consilium, est namque animi conjunctio, fructus charitatis, mentis demissi demonstratio. Superbia etenim magna habetur, existimare nullius se egere auxilio,

xilio, ac sibi ipsi penitus acquiescere, quasi vel solus sapiat, vel quam optimè in medium consulere valeat. Quare nequaquam cunctemur iis nos submittere, qui nobis ea, quæ decora sunt, consulunt, nec unquam turpè esse ducamus, confiteri, alios quoad vitam instituendam, nobis longè esse prudentiores. Qui enim consultorem expectat, suisque cogitationibus tempus dat, is longiori tempore cum examinatione ac attentione quadam, id quod docet, inquirat atque investigat. Magnam mercedem, affert hominibus utilitatem, consilium, eò quòd sibi nemo iusticiam ad electionem rerum utilium honestarumvè, sed pluribus sanè sociis, & iis quidem solertibus opus habet. Unde haud absurdè homo consilii expertus, similis censetur navigio rectore carente, quodquè ventorum impetu huc & illuc impellitur. Si itaque cum de rebus flocci ac nihili consultamus, consultores tamen nonnuquam adhibemus, cur amabo, hos non inquiramus majorem cum delectu, quando de anima, re omnium præstantissima, deliberamus? Qui verò non habens consilium bonum, suam potiùs pravam sequitur sententiam, similis profectò est illi Roboam, qui spero salutari consilio tenens, adolescentulorum, qui secum alii & educati erant, opinionem secutus, decem tribus Israël ab imperio suo abscidit. Hoc modo etiam nunc consilia, quæ contra bonos mores dantur, in propria capita eorum, qui consulunt, redundant, proinde ac tela jacta à corporibus solidis, in eos, qui ea emiserunt, resilire solent. Hæc S. Basilius. Ex his patet, quanta sit necessitas & utilitas Consilia sana requirere: Ac per consequens eadem conferre magnæ charitatis & misericordiæ opus.

2. Reg. 12.

In Praxi. Sequere monitum Tobie: Consilium semper à sapiente perquire. Omni tempore benedic DEum: & pete ab eo, ut vias tuas dirigat, & omnia consilia tua in ipso permaneant. Dum nequeas consulere ut expediat, imitare, S. Bern. ut ipse in simili passu processit, cum inquit. Hæc interim à me ad id quod quæritis suspensivè responsa sufficiant. Neque enim possum, unde certus non sum, certam proferre sententiam. Sic contingere debet quærenti rem ubi non sit. Sermo à Propheta, consilium à Sapiente, quærendum est. Numquid enim deluto limpidum quidpiam haurire potestis?

S. Bernard.
Epist. 8.

“testis? Unum tamen est, quod amico absque periculo, & nequaquam sine fructu impendere possumus, nostræ videlicet pro hacre orationis ad DEUM qualecunque suffragium. DEO ergo relinquentes sui quod ignoramus secretum consilii, ipsum supplici devotione, & devotâ supplicatione precamur: ut in nobis & de nobis operetur, quod se deceat, & vobis expediat.) Deinde etiamsi tibi sapiens videaris & optimè consulas aliis, tui tamen respectu nè fidas tibi, sed utere alieno quoque consilio juxta illud S. Bernardi: Plerisque imò cunctis sapientibus contingere solet, in rebus videlicet dubiis, plus alieno se quàm proprio credere judicio, & qui aliorum facile ambigua quæque elucident, in suis consueverunt scrupulosius hæsitare.)

S. Bernardus
Epist. 82.

4 tum: Mæstos consolari.

S. Jacob. Epist.
cap. 1.

Eccles. c. 7.

D. Gregorius l.

20. Moral. c. 26

& 27.

Isai. c. 61.

Luc. 7.

Job. cap. 29. &

30.

In Vita S. Mag-

dalene de Paz.

MOTIVA. Jac. Religio munda & immaculata apud DEUM hæc est, visitare (id est consolari, adjuvare) pupillos, & viduas in tribulatione eorum, & immaculatum se custodire ab hoc seculo. Eccl. Non defis plorantibus in consolatione, & cum lugentibus ambula. S. Gregorius inquit: Exteriora largiens rem extra temeripsum præbuit, qui autem fletum & compassionem proximo tribuit, ei aliquid de semetipso dedit. Ideoque plus compassionem quàm datum dicimus.) Christus de seipso per Isaiam dicit: Spiritus Domini misit me ut consolet omnes lugentes Sion.) Unde misericordiâ motus, super viduam in Naim civitate, ejus unicum filium suscitavit à mortuis, deditque eum matri suæ ad suam opem & solatium. Job de seipso inquit: Flebam super eo, qui afflictus erat, & compatiabatur animæ meæ pauperi. Et alibi: Oculus fui coeco, & pes claudens, pater eram pauperum. S. Magdalena de Paz suas in religione socias pacificatas in D^{no}, & hilares cupiebat videre: quare si contingeret interdum aliquam sororem mœrore affici, illam cum ineffabili amore conabatur salutariter solari. Et frequenter id accidit, ut titubantes firmaret, dubias juvaret, debiles roboraret, omnibus cor in suis difficultatibus & tribulatione, addendo suâ semper sapienti in Spiritu S. Eloquentiâ. Eadem dicere solebat: Ego suscipere omnia parata sum, ad perferendum propter proximum

ximum meum, & præcipue ad animum pacandum & consolandum, quia impacatum cor minimè tribuit in se DEO veram requiem: Et nihil aliud cupio, nisi tantum ut possem dare DEUM creaturæ suæ.

§ tum: Errantes corrigere.

Correctio fraterna, alia est charitatis, & misericordiæ, alia iustitiæ. 1^{ma} est, quæ affectus aliquis, delinquentem proximum ex ejus dilectione, & compassione, à suo peccato prudenter abducit. Ubi nomine delinquentis; non modò inferiores, & æquales, verum etiam superiores cum humilitate tamen & reverentiâ insinuantur corrigendi. Juxta illud Augustini laudantis Petrum, quod à Paulo se inferiore non dedignatus sit correptionem suscipere: Atque ita, rarius & sanctius exemplum posteris præbuit, quo non dedignarentur sic ubi fortè recti tramitem reliquissent, etiam à posterioribus corripi, &c. Dicitur in descripti: Prudenter abducit, nempe spectatis certis circumstantiis: Quarum 1^{ma} est: Si certam scientiam habeas de peccato proximi; indagare enim tenetur solus superior. 2^{da}: Si V. Busenbaum verò similiter judices eum non correxisse, nec correcturum imò in Medull. The- relapsurum. 3^{ta}. Si sit probabilis spes emendationis; vel nili gravius olog. Moral. l. 2 malum ex correptione tua meruatur, quod D. Thomas hic intimat 4^{ta}: Si porrigatur commoda occasio, locus, tempus, possesquæ sine tuo gravi damno facere. 5^{ta}: Si alius æquè idoneus non adsit, qui correpturus putetur. Quodsi quidpiam horum defuerit, non obligaris ad correctionis præceptum. Deinde ad prudentiam spectat servare modum & ordinem correptionis fraternæ præscriptum à Christo, Matth. cap. 18. 1^{mo}, Si peccaverit in te (id est coram te, seu cum scandalo tuo, ut explicant cum Suarez cæteri Theologi) corrige eum inter te & ipsum solum, id est in secreto. 2^{do}. Si te non audierit, adhibe tecum unum vel duos, id est in testimoniū, seu ut possent testari. 3^{io}. Quodsi non audierit eos, dic Ecclesie id est, defer ad superiores, ubi quartus insinuaturs actus correctionis à Prælato faciendus, & quintus Coactionis per excommunicationem, si Ecclesiam non audierit, sit tibi sicut Ethnicus & Publicanus. Porro juxta Cornelium à Lapide certas ob rationes hic ordo omitti, vel inverti potest, ac subinde debet, ut is qui peccavit;

Tract. de Char.
dis. 8. sect. 2.

Cornel. à La-
pide Comment.
in Matth. c. 18.
v. 17.

statim deferatur ad superiorem, ut ostendit Salmeron hic, & Gregorius de Valentia 22. quæst. 33. Prima causa & calus est, cum peccatum est publicum, ut famæ ejus, qui peccavit, per secretam monitionem consuli nequeat, multò minus scandalo publico, quod peccans peccando dedit. Secunda, cum peccatum est noxium tertię personæ, vel Reipublicæ, uti est Hæresis, quæ ut cancer serpit, ideo statim summâ vi per Pastorem & Episcopum inhibenda, & recidenda est. Tertia, si constet monitionem secretam, vel coram testibus, non profuturam; nam ait Adrianus, Frustra niti, & nihil aliud laborando, quàm odium querere, extrema demeritæ est. Quarta, si correptus cedat juri suo, suæque famæ, ac contentus sit, ut peccatum suum illico deferatur ad superiorem, uti in Societate JESU, qui eam ingrediuntur, expressè rogantur hac de re in examine, acrogati respondent se contentos esse, ut id fiat. In Societate ergo JESU, Cornelius à Lapide inquit, & aliis Religionibus similibus, rectè & perfectè ordinatis per omnia, alius corrigendi ordo præscribitur, scilicet ut res statim deferatur ad superiorem, quia Religiosis proponitur hæc regula in ingressu. Unde ipsi cedunt juri famæ suæ. Non ergo illis fit injuria: Ratio est prima, quia ad bonum publicum expedit nè peccatum inficiat alios, ut à superiore statim ei obvietur; defectus enim noxius religioni, vix potest efficaciter corrigi sine superiore. 2do. Quia Religio est schola humilitatis, mortificationis, contemptus honoris & famæ. 3tio. Quia Religiosi sunt fratres: qui autem corripit, videtur agere superiorem alterius: cum eum docet, corrigit, instruit. Unde hæc correptiones æqualium in Religione sæpè sunt odiosæ, & lædunt charitatem. Hinc Regula nostra jubet, nè quis alium reprehendat. 4to. Quia in Societate nostra singuli tenentur reddere rationem conscientię, suosquæ exponere defectus superiori; ergo & pati, ut alii, si viderint illos, eidem aperiant. 5to. Quia directio Religionis est Spiritualis & paterna: ut ergo superior singulos, & omnes dirigere possit in Spiritu & pace, expedit eum omnes singulorum defectus nôsse. Ita docet S. Bonaventura in Cap. 17. Lucæ, & in Regula S. Francisci, qui fuit Magister Generalis Ordinis Minorum, inò sub eo celebratum fuit Capitulum generale in quo jubetur incarcerari,

rari, qui aliter docuerit. Et S. Augustinus Epist. 107. in Regula Monachorum sancit, ut si Monacha alterius petulantem oculi jactum viderit, secretò moneat, si iteret petulantiam, imò ex veniali fortè fiat mortalis, deferat ad superiorem. Similia habet S. Basilius in Regulis fusiùs expl. reg. 46. Temerè ergo hoc statutum Religionum carpsèrunt nonnulli. Statuta enim hæc probata sunt à sede Apostolica. Idem disertè decernunt statuta Ordinis Prædicatorum dist. 1. cap. 18. Ita D. Thomas, Richardus, Angelus, Salmeron, Suarez, & alii. Vide Suarez Tom 4. de Relig. c. 7. ubi addit in Societate, & cæteris Religionibus servari quoque hunc ordinem Christi, ut si spes certa sit, secretam monitionem emendaturam proximi defectum, non deferatur ad superiorem.)

Suarez ita docet: In Religionibus si peccatum sit omnino privatum, regulariter loquendo, etiam censeo licere illud immoderate dicere superiori, quia si leve est, levis est etiam infamia, & magna est utilitas ei, qui denunciatur. Item similis consuetudo est valde consentanea, & ferè necessaria huic statui, ut possit proficere. Si verò est gravius delictum, vix fieri potest, ut non noceat multis propter magnam familiaritatem & communicationem inter Religiosos ejusdem domus: sæpè etiam est grave periculum infamiae totius Religionis; & deinde vix potest esse rationabilis spes emendationis perfectæ, sine superiore, quia aut Religiosus peccat ex malitia & consuetudine, & tunc per se patet difficultas: si ex fragilitate, oportet tollere occasiones, illis enim manentibus non potest existimari firma emendatio. Illæ autem tolli vix possunt absque superiore. Accedit quòd cum Religiosi profitentur Religionem, vel tacite vel expresse renunciant aliquo modo juri, quod habere possunt ad hujusmodi famam & ordinem. Tacite quidem, quia hoc ipso, quòd profitentur perfectionem, & efficiuntur membra corporis, quod ad illam tendit, volunt secum agi illis mediis, quæ illi fini sunt magis consentanea. Præterea, quia sicut se totos, & omnia sua dedicant Religioni, ita ipsa potius quàm illi habet dominium famæ eorum. Explicite autem, si fortassis in religionis instituto id expresse contineatur, quod non est contra charitatem, quia licet ineptè & sine causa infamare se, aut permittere se infamari sit illicitum, tamen cedere

De Charitate
disp. 8. sect. 6.
num. 12.

alicui famæ, propter majus Spirituale bonum, & proprium, & communitatis est, valde rationi consentaneum; præcipue cum hujusmodi infamia ferè nulla sit, ut in proposito, & hoc sensu habet verum sententia *Richardi in 4. dist. 19.* quæstione illa prima dicentis in Religionibus non servari necessàriò hunc ordinem. Idem habet *Angelus* verbo *denunciatio* n. 10. & dicit esse communem, & est planè sententia *D. Thomæ* quodlibeto 11. artic. 13. Quæ tamen omnia regulariter intelligenda sunt. Non quia hoc præceptum non obliget omnes, etiam Religiosos, sed quia affirmativum est, & in eo statu rarò occurrunt omnes circumstantiæ, cum quibus obligat ad illum ordinem. Si tamen in aliquo casu occurrerent, non est dubium, quin obligaret, ut etiam *D. Thomas docet*, & *Basilius in questionibus longioribus* q. 46 & *Augustinus* *Epist.* 109. Ratio est, quia charitas omnes, & ubique obligat, & nullus cedit juri charitatis, quocirca notanda sunt verba *D. Thomæ* in citato quodlibeto in fine corporis: Quia propter varias circumstantias (inquit) non potest certa regula assignari, ideo habendum pro regula est, quod in omnibus istis servanda est charitas, & quid melius & magis expedire videtur, & si hoc intendat, scilicet emendam fratris, & servet quantum potest bonum charitatis, tunc denunciando non peccat.

*Cornelius à
Lap in Matth.
cap. 8.*

*Ibidem citatus
Cornelius.*

Porro in Visitationibus Episcoporum, & Abbatum, alius quod servatur ordo. Ipsi enim sub censuris jubent, peccata sibi denunciari. Verum hi procedunt non per modum correptionis fraternæ, sed judicariæ inquisitionis, vel accusationis, de quo hic non agit Christus. Vide *Lessium* de justitia & jure. Denique hic notandi sunt tres Canones, qui si servantur, non peccabitur in ordine correptionis fraternæ. 1^{mus} est, bonum publicum, v. g. Reipublicæ vel communitatis præponderat, ideoque præponendum est bono privato 2^{dus}, bonum animæ & salutis proximi, præponderat, & præponendum est bono famæ ejusdem. 3^{tus}, famæ proximi semper consulendum est, quantum salvo bono communi & animæ proximi fieri potest.

*V. Hurt. & Di-
an. pag. 7. l. 3.
n. 10. & 12.*

Alterà *Correctio*, est justitiæ actus, quo superiores ex vi officii tenentur corrigere peccata subditorum. Hinc quandoque inquirere debent de peccatis subditorum, ut corripiantur, non tamen multum & curiosè de aliquo in particulari rogare debent, nisi

nisi speciale ejus signum dederit.)) Eadem correctio ex justitia proveniens, subdividitur in Correctionem Paternam, & Judiciariam. Paterna est, quando privatim sine poena publica corrigitur delictum non publicum. Unde D. Thomas ait: *Si ego scio, quod frater (qui peccavit) per me corrigatur, tunc non debeo hoc denunciare Prælo. Si autem videtur, quod hoc melius fiat per Prælatum, & Prælati nihilominus sit pius & discretus, tunc licet potest hoc illi statim denunciare, quia non dicit ei sicut Prælo & Judici, sed sicut Patri, & persone proficiente ad correctionem proximi & emendam. Judiciaria vero Correctio est, dum publicatum peccatum publice judicatur & punitur. Suarez autem dicit: Duplex est proximi Correctio: Altera Judicialis, quæ fit viâ publicâ, & tendit non tam in ejus emendationem qui corrigitur, quàm in castigationem & poenam ob commune bonum. Altera Charitativa, cujus finis est bonum & emendatio ejus qui corrigitur.)) Ubi charitativam correctionem supponit tam in superiore, quàm in inferiore corrigente.*

D. Thomas

Quodlib. 11. q. 13

Suarez. de
Charitate disp.

8.

Incitamenta ad faciendam correctionem fraternam. I. *mun.*

Psalm. Corripiet me justus in misericordia, & increpabit me. *Psalm. 140.*
Prov. Qui dicunt impio justus es, maledicent eis populi: Qui arguunt eum, laudabuntur, & super ipsos veniet benedictio. *Prov. 24.*
Virga atque correptio tribuit sapientiam. *Levit. 19.* Non Oderis fratrem tuum in corde tuo, sed publice (id est externe servato ordine à Christo prescripto) argue eum, nè habeas super illo peccatum. *Eccl. 29.*
Quam bonum est arguere, quàm irasci! *Eccl. 29.* Corripe annuum, sæpe enim fit commissio. Et non omni verbo credas. *Eccl. 31.*
Est qui labitur linguâ, sed non ex animo. Quis est enim, qui non deliquerit in lingua sua? corripe proximum, antequam commiseris. *Christus:* Si peccaverit in te frater tuus, corripe eum, si te audierit, lucratus eris fratrem tuum)) Quare lucratus, nisi quia perierat?

Matth. 18

2. *mun.* S. Bernardus ait: Arguere & increpare interdum, necesse est. Perveat ergo in nobis amor justitiæ, odium iniquitatis. Nemo, fratres, vitia palpet, peccata disimulet nemo: nemo dicat: Nunquid ego sum custos fratris mei? est enim censere, filere, cum arguere possis: & scimus quia similis fuerat facientes inanes, & consentientes. *Santi. Chrysostomus:* Etiam si,

S. Bernardus

serm. de Nativ.

S. Joannis,

S. Chrysostom. inquit, pecuniæ vim immensam dinumerâre aliquis, nihil simile præstiterit eo, qui servat animam, & abducens ab errore, *Judeos.* ad pietatem manu reducit. *Et alibi.* Sæpè, inquit, una anima quam lucrati fuerimus, potest innumerabilium peccatorum pondus abolere, animæque redimendæ fieri pretium in illa *Judeos.* die.

3tium. I. DEUS forma correctionis alienæ; dum dicit:

Apoc. 3. Quos amo, arguo & castigo. II. *Christus Dominus*, qui Phariseorum publica scelera graviter reprehendebat, toties intonando: Væ vobis Scribæ & Pharisei, hypocritæ, &c. Quin & Discipulis suis non pepercit, eorum defectus arguendo, ut in ultimo quoque Vale, dum maximè amicorum affectus panduntur: *Exprobravit incredulitatem eorum, & duritiam cordis.* Unde *S. Bernardus*: Noli ergo indignari de cætero, si te Christi aliquando Vicarius increpaverit. Id enim exhibet, quod ascensurus ab eis in cælum suis

V. apud S. Bonavent. in Meditation. Vitæ Christi cap. 3. Christus legitur exhibuisse Discipulis. III. Exemplum B. V. MARIÆ de qua hæc *S. Hieronymus* asserit: Erat sollicita (manens adhuc in templo) circa socias suas, nè aliqua ex eis in ullo sermone peccaret, nè aliqua in risu vocem suam exaltaret, nè aliqua injurias aut superbiam contra parem suam exerceret. IV. Exemplaria non accipientium personas in correptione: *Elias* liberè increpavit *Achab Regem*; *Elisæus Joram*; *Nathan Davidem*; *Isaias Manassen*; *Daniel Nabuchodonosor*, & *Balthasarum*; *Jeremias Joachim*, & *Sedeciam*: *Johannes Baptista Herodem*; *Christus Scribas & Phariseos.* V. *S. Magdalena de Papis* inquit: Si ego diligo Sororem, tunc obligata sum, quamvis quoque essem in laude DEI, relicta illâ, ire ad juvandam Sororem. Quare si teneor id facere in exterioribus, multò magis obligor dare ei lumen, & insinuare ipsi, de illius defectu, quæ est quædam interior necessitas animæ multò æstimabilior, quàm exterior necessitas. Et si ad juvandum corpus starem unâ & alterâ nocte, & quot opas foret: multò magis si ego haberem in me amorem proximi mei, non æstimarem quidquam fatigationem vigiliarum unius noctis, aut duarum, & cum lachrymis defferem quamvis minimum defectum Sororis meæ (prout idem etiam re ipsâ multis vicibus hæc Sancta præstabat.)

Circa

Circa Praxim correctionis fraternæ hæc servanda sunt.

1^{mo}. Ut privata privatim emendentur. Unde *S. Augustinus*: Cor- *S. Augustinus*
 ripe (ait) inter te & ipsum solum, intendens correctioni, par- *sermon. 16. de*
 cens pudori. Porro enim præ verecundia incipit defendere pec- *Verbis Apost.*
 catum suum, & quem vis correctiorem, facis pejorem. Et non-
 nullis interjectis: Obliviscere injuriam tuam, non vulnus fratris
 tui, nec linas eum tuo silentio perire. Si solus nosti, & vis co-
 ram pluribus arguere, non es corrector, sed proditor.)) 2^{do}. *Galat. 6.*
 Ut fiat correctio juxta Apostolum in spiritu lenitatis, considerans te
 ipsum, nè & tu teneris. Et *S. Basilius* in Regula brev. interrog. 99.
 querit; quo animi affectu quis alium corripere debeat? & re-
 spondet: Quali uteretur pater & medicus, cum misericordia & leni-
 tate, si filium suum curaret. Et *Sanctus Bernardus* Tractat. de Gradib.
 Humilit. Apostoli inquit præceptum est, ut mansueto, id est eo
 spiritu fratri ægrotanti subvenias, quo tibi vis subveniri cum ægro-
 tas 3^{tio}. *S. Leo*: Plus, inquit, erga corrigentem agat benevo- *Epist. 84. ad A-*
 lentia, quàm severitas; plus exhortatio, quàm commotio, plus nati *Episcop.*
 charitas quàm potestas; ut delinquens videat non aliud quàm *Thess.*
 suum bonum honoris, famæ, gratiæ DEI, æternæ salutis à cor-
 rectore queri. idque hoc ipsum provenire ex dulcedine chari-
 tatis, non ex superbia & amaritudine rancoris, quòd merito sen-
 tiat se obligatum ad gratificandum tam fideli amico, eumque
 strictius redamandum. 4^{to}. Imitetur *Nathan* Prophetam cor-
 rigentem *David*, maximè dum potentior, vel superiorem
 expedit emendare, utendo nimirum aliquà parabolà, vel aliquo
 simili alio; ut ita suo se judicio condemnet reus. 5^{to}. Prudenter
 observandum maxime superioribus monitum illud Apostoli: *Insta*
opportune, importune, argue, obsecra, increpa in omni patientia & doctrina. 2. *Tim. 4.*
 Et: Peccantes coram omnibus argue, ut & ceteri timorem habeant. Porro 1. *Tim. 5.*
S. Gregorius ait: Sciendum verò est, quòd nonnunquam cum inter *D. Gregorius*
 flagellorum duritiam remaneant incorrecti, dulci sunt admonitio- *in P. 1. p. 2. c.*
 ne mulcendi: quos enim cruciamenta non corrigunt, nonnun- *61. p. 3. 14.*
 quam ab iniquis actionibus lenia blandimenta compescunt. 6^{to} *S. Gregorius* *L.*
S. Gregorius ait: Cum proximos docemus, aut corrigimus, con- *73. Moral. c. 14.*
 sideremus, quia aut tales sumus, quales corrigimus, aut tales ali-
 quando fuimus, etiam si jam Divina gratiâ operante non sumus

ut

S. Doroth.
serm. 27.

In Vita S. Ma-
gdalene de
Paz.

“ut tantò temperatiùs humili corde corrigamus, quantò nos-
“metip̃s verius in his quos emendamus, agnoscimus. Si autem
“tales nec sumus, nec fuimus, quales illi sunt, quos emendare
“curamus, non idcirco cor nostrum superbiat, nè de ipsa inno-
centia pejùs ruat.) 7mo. Audi S. Dorotheum: Ne in quovis etiam
parvo errato severus nimis esse velis, vel statim inclames & reprehendas;
hoc enim apud omnes molestum & durum semper est; & ex consuetudi-
ne hac reprehendendi plerumque minùs sentitur reprehensio, & con-
temnitur nonnunquam, qui reprehendit. Correptio enim esse debet
sicut Medicina, quæ parciùs in usum accepta juvat, nimis fre-
quentata, minùs prodest, imò obest. Huc servit illud vulgare
pro superioribus: Qui nescit dissimulare, nescit regnare. Pulchra
hoc in puncto cernere est exempla S. Magdalene de Paz; quæ id
habeat in more, ut eo tempore nullam moneret & puniret, cum
esset in affectu & passione, verùm expectabat quousque illa tota-
liter pacificaretur in animo. Similiter dum illi aliqua responde-
ret cum perturbatione, & torvo aspectu, illa eam respiciebat di-
ligenter admirabili affabilitate & benignitate, nec quidquam di-
cebat sub illud tempus, donec commoditate visâ, illas inmortifi-
catas corripiebat. Contigit quæ quod multis mensibus quandam
satis modestè ferebat, quæ ex diabolica tentatione exasperata fuit
contra Matrem S., ut ei nè minimum verbum Magdalena loque-
retur, quousque videret aptam ad agnitionem sui erroris & de-
lictii. Tempus quoque quo hæc Sancta eligebat ad correctio-
nem sibi subjectarum sororum, in qua ipsis assignabat discipli-
nas, mortificationesquæ publicas fuit, illud, quo exibant ab ora-
tione, vel alio spiritali exercitio; censebat enim tunc animum
magis esse recollectum ad faciendum fructum ex sua monitione,
& mortificatione. Tum etiam ut si aliqua complacuisse sibi de be-
nè absoluta oratione perceptoque ejus gustu, audiens suos defe-
ctus, eò faciliùs se cognosceret, periretquæ propria complacentia,
Fuit autem quid mirandum in hac Sancta, quod uno eodemque
tempore cum una severè & autoritative, cum altera benignè &
misericorditer procederet: modò unam respiceret severo vultu,
pudefaciebatq; illam suos oculos in terram humiliter demittendo:
innoxque vertens se ad alteram placidâ facie ex tristi & meticulosa
letam

latam efficiebat. Hanc zelosis verbis arguebat, & mox ad alteram dulci alloquio ferebatur. Hanc in lætitia continebat, nè fieret dissolutior: alteram ex melancholia hilarem faciebat. Appræbatque se pro cuiusque defectu, necessitate, ac exigentia, omnibus facta adjutorio, sine tamen illarum mutua invidentia, aut suspicione de singularitate. Deinde in eodem momento maxime contra inobedientes in suscipiendis pœnitentiis & mortificationibus, apparebat zelosa & misericors, vindicativa & clemens, magnanima & humilis, adeò ut propter magnam humilitatem, cum qua alias monebat, videbatur pavere & tremere, & simul efficiebat, ut propter magnanimitatem, quæ de ejus vultu emicabat, coram illa alie metuerent ac trepidarent. Dumquæ videret aliquas non fideliter obedientes in persolvendis pœnitentiis, ipsa pro eis persolvebat eandem mortificationem vel pœnitentiam, cum vera humilitate, quasi ipsa deliquisset, adeoque suâ humilitate pudefaciebat, autoritate verò annihilabat superbiam illarum pertinacium. Quodsi idipsum non juvisset, in præsentia ejusmodi procacium flectebat coram aliqua Novitiarum, rogans cum lachrymis, ut illi diceret quo possèt juvari illa anima: qua humilitate pudefaciens inobedientem, facilè efficiebat humilem & probam. Cùmque quadam vice in simili occasione eo medio cum quapiam Novitia usa fuisset, minùs tamen id juvaret, statim agnovit hanc pertinaciam & duriciem procedere ex tentatione diabolica, quare accepta disciplinâ, zelo gloriæ Dñi accensa, cepit illam percutere cum magna severitate dicens: Volo videre quisnam hic ampliùs debeat prævalere, an DEUS, cujus personam gero: an dæmon, qui hujus Sororis cor oblectit? & volo tantu perseverare, donec videam quisnam poterit ampliùs. Sicut etiam permanebat in illo rigore non modico tempore, quousquæ tandem illa Novitia rediret ad meliorem mentem, & humiliata petiit veniam à S. Magistra.

Accipe quoquæ ex *suprà dictis*, & hic congruo modo applica.

1. 2. tract. I. c. I.

sect. 4. subs. 2.

§. 2. & 3.

6 tum: Offensas remittere.

Incentiva. *Imum.* Eccl. Omnis injuriæ proximi nè memine- Eccl. c. 10.
ris, & nihil agas in operibus (*id est per opera*) injuriæ, Et. Re- Eccl. c. 28.

Tc

linque

Lnc. 6.
Matth. 6.

Matth. 18.

Isidorus Lib. 4.
Epist. 29. ad
Flori.
S. Chrysostom.
Homil. de Si-
mult. & Ira.
T. 6.

Num. 14.

Lnc. 23.
Actor. 7.

Nebridius An-
iquar. Mona-
stic. Epistol.
38 Cesar.
Heisterbac.
in Vita L. 2.
A. D. 1225.

linque proximo tuo nocentie; & tunc deprecanti tibi peccata solvantur. *Christus*. Dimitte, & dimittemini. *Et alibi*. Si dimiseris hominibus peccata eorum, dimittet & vobis Pater vester cælestis delicta vestra: Si autem non dimiseritis hominibus, nec Pater vester dimittet vobis peccata vestra. *Item Christus* minatur tortores dicens: Si non remiseritis unusquisque fratri suo de cordibus vestris.

2. dnm. S. Isidorus inquit: Magna gloria est, si cui potuisti nocere, parcas. S. Chrysostomus ait. Non ulcisci, DEO facit æqualem. *Item*. Qui prior venit (nempe ad componendam offensam) is totum lucrum anticipat, si enim ab alio exoratus iram relinquis, illi imputatur, cuius precibus impetratum est. Non enim DEO obtemperas, sed illi gratificans legem adimplevisti. Christus prior de cælis descendit ad nos, ut nos, ad se revocaret. Christianus ergo est, & Christi assæcla, qui id ipsum imitatur. Pusilli & arcti animi est fovere injurias; ampli & celsi eas abolere, ut Moyses postulans à DEO veniam rebellionis à populo admittæ: Magnificetur ergo inquit, fortitudo Domini, sicut jurasti dicens: Dominus patiens & multa misericordie, auferens iniquitatem & scelera.) Christus orat dimitti suis crucifixoribus: Pater dimitte illis, non enim sciunt quid faciunt. S. Stephanus veniam suis lapidatoribus precatur dicens: Domine, nò statuas illis hoc peccatum. Aliud. Habet DEUS modos & media quibus ex improviso quis ad perfectionem pervenit. Ignotus est tibi S. Engelbertus Coloniensis Episcopus à Friderico comite Henburgensi. 47. vulneribus exceptis, quæ punctum acceperat, nefariè trucidatus? De hoc interrogatus dæmon in obliſſo corpore, cur à morte tot clareret miraculis, qui inter vivos tantæ sanctitatis haud fuerit? respondit, causam tantæ gratiæ esse, quòd cum jam moriturus in proprio sanguine volutaretur, pro suis interfecto-ribus apud DEUM intercescit dicens: Pater ignosce illis. Atque ex eo coram DEO adeò potentem effectum, ut ipsi modò nihil denegetur, quidquid postulet. Nec esse inter Colonienses Episcopos, qui ipsi apud DEUM, par in-meritis & gratia existat. Vides, quid unus sæpè actus bonus efficere queat? DEUS ex lapide suscitare potest filium Abraham. De nullo diffidendum est. *Ocasio* non solum fures, sed

sed & Sanctos facit. *Aliud.* Magister Simon Berti, Ordinis Ex Seraph. Be-
 Prædicatorum, narrat in suis sermonibus, qui manu scripti in *Lib. 20 in suo hor-*
 Bibliotheca Sancti Marci Florentiæ inveniuntur, quendam ho- *tulo exempl.*
 minem occidisse fratrem nobilis alicujus civis, & cum non pos- *tit. poster. de di-*
 set effugere manus ipsius quærentis ad vindictam, cum omni *lectione inimic.*
 diligentia poenituit cum facti sui, & confessus patratum homi- *exemplo unico.*
 cidium, commendavit se DEO cum prudenti deliberatione,
 & spontè ex improvise illi se repræsentavit die Veneris Sancto,
 & provolutus ad pedes ipsius, fune & cingulo è collo suspenso
 veniam mortis rogavit, quam fratri ejus intulerat, & præterea
 ut vitam sibi donaret amore DEI, & Filii tui JESU CHRI-
 STI, qui eo die passus erat pro nobis. Visâ tantâ humilitate,
 motusquè clementiâ nobilis ille compunctus est, & illi doaa-
 vit pro amore CHRISTI, vitamquè largitus est, & ipsum am-
 plexatus & osculatus dixit. Vade in pace frater: DEUS tibi
 remittat in cælis, sicut tibi remitto in terris. Sed audite ma-
 gnam mercedem, quam DEUS retulit pro tam heroico fa-
 cto ipsius amore designato: sequente apparuit ipsi nocte Chri-
 stus in visione & ait: Quoniam heri amore mei condonasti ini-
 mico tuo, noveris me animam fratris tui occisi hac horâ è pur-
 gatorio liberasse, & insuper animam patris tui ex eadem pœna
 exemisse, & ambos mecum duxisse in gloriam cælestem. Quin
 etiam hæc superaddidit: Te invito ad octavum diem, ut relictâ
 hujus mundi miseriâ possis gloriâ cælesti frui. Et sic factum est.
 Nam octavo die post bene præparatus requievit sanctè in Domi-
 no. Ecce grandis fructus, qui colligitur condonando inimicis.
 Quare non remittendo, potest credi, animas diutius cruciari in
 purgatorio. *Aliud.* Theodosius Imperator beneficium se ac-*S. Ambrosius*
 cipisse dicebat, cum ignosceret. *Aliud.* Adrianus quamvis gen-*Serm. de obitu*
 tilis Imperator creatus dixit sibi ereptam facultatem esse injuriæ *Theod.*
 privatæ ulciscendæ, quod Imperatorem deceat nonnisi publicas
 Reipublicæ injurias vindicare, privatas verò condonare, ejus
 enim dotem propriam esse clementiam.

In Praxi. Tertullianus docet claudendas esse aures, nè Tertullianus
 injurias audiant. Si parum inquit æquanimiter audiam di-*Libr. de Pati-*
 ctum aliquod in me protervum aut nequam, reddam & ipse *entia. cap. 8.*

- amaritudinis vicem, necesse : aut cruciabor impatientiâ mutâ. At qui hujusmodi dictis aures obstruxerit, ab utroque incommodo eripietur, neque loquens maledicet, neque tacens affligetur.))
- Psalm. 37.** S. David : Ego autem inquit, sicut surdus non audiebam, & sicut mutus non aperiens os suum Et factus sum sicut homo non audiens, & non habens in ore suo redargutiones. Quodsi insuper actum humilitatis exerceas, ut idem Rex consueverat dicens. Posui ori meo custodiam, cum consisteret peccator adversum me : Obmutui, & humiliatus sum, & filii à bonis. Et Divus Alexander Patriarcha Jerosolimitanus, quem unus ex Diaconis ejus, quodam tempore coram Clericis omnibus injuriis affecit. Qui mox prostratus humi, veniam petiit dicens: Ignosce mihi Domine Frater. 2^{do}. Juxta D. Augustinum injuriarum remedium est Oblivio. Hæc fac, & vives.
- Psalm. 38.** *Supple reliqua ex suprâ dictis de Dilectione inimicorum.*
- In Vitis Patr. sum, & filii à bonis.** Et Divus Alexander Patriarcha Jerosolimitanus, quem unus ex Diaconis ejus, quodam tempore coram Clericis omnibus injuriis affecit. Qui mox prostratus humi, veniam petiit dicens: Ignosce mihi Domine Frater. 2^{do}. Juxta D. Augustinum injuriarum remedium est Oblivio. Hæc fac, & vives.
- Luc. cap. 34.** *Aut. Moscho.*
- S. Augu. Epist. 54. ad Luci.** *Sect. 6.*

7^o titulum: Aliorum defectus supportare.

D. Thom. 2. 2. **DE** hoc ita S. Thomas ex Apost. Rom. 15. *Debemus nos firmiores, aliorum infirmitates sustinere.* Et non solum secundum quod infirmi sunt, sive graves ex inordinatis actibus : sed etiam quæcunque eorum onera sunt supportanda secundum illud, Galat. 6. *Alter alterius onera portate, & sic adimplebitis legem Christi.))* Juvat considerare te quoque hominem esse, adeoque multis defectibus naturalibus, & moralibus obnoxium, quos fortè præ cæcitate, amoris proprii, & superbiæ, in te non advertis, sed aliis ipsâ re sæpè onerosus, importunus, molestus es. Sicut igitur velles charitativè à cæteris tuas misérias supportari : Ita & tu fac cum aliis,

§. III.

Alia Opera Misericordiæ, ad præcedentia vel formaliter, vel æquivalenter, vel moraliter reducibilia.

Psalm. 36. **P**rimum est. *Mutuum dare* **Psalm.** Junior fui, etenim senui, & non vidi justum derelictum, nec semen ejus quærens panem.

Totâ die miseretur & commodat, & semen illius in benedictione erit. *Et alibi.* Jucundus homo qui miseretur & commodat; disponet sermones suos in iudicio: quia in æternum non commovebitur. *Eccles.* Qui facit misericordiam, foeneratur proximo suo; & qui prævalet manu, mandata servat. Foenerare proximo tuo in tempore necessitatis illius, & iterum redde proximo in tempore suo. Confirma verbum, & fideliter age cum illo, & in omni tempore invenies, quod tibi necessarium est. Multi quasi inventionem, æstimaverunt foenus, & præstiterunt molestiam his, qui se adjuverunt. Donec accipiant, osculantur manus dantis: & in promissionibus humiliant vocem suam, & in tempore redditionis postulabit tempus, & loquatur verba tædii & murmurationum, & tempus causabitur; Si autem potuerit reddere, adversabitur, solidi vix reddet dimidium & computabit illud, quasi inventionem: sin autem, fraudabit illum pecuniâ suâ, & possidebit illum inimicum gratis, & convitia & maledicta reddet illi, & pro honore & beneficio, reddet illi contumeliam. Multi non causâ nequitie non sunt foenerati, sed fraudari gratis timuerunt. Veruntamen super humilem animo fortior esto, & pro eleemosyna non trahas illum. Propter mandatum assume pauperem, & propter inopiam ejus non dimittas eum vacuum. Perde pecuniam propter fratrem & amicum tuum: & non abscondas illam sub lapide in perditionem. Pone thesaurum tuum in præceptis Altissimi, & proderit tibi magis quàm aurum.)) *Christus Dominus monet:* Qui perit à te, da ei, & volenti mutuari à te, nè avertaris. *Et.* Date mutuum, nihil inde sperantes, scilicet lucra alicujus & potissimùm usuræ.

2 dum est. *Liberare innocuos à morte.* *Prov.* Erue eos, *Prov.* 2. 4. qui injustè ducuntur ad mortem: & qui trahuntur ad interitum liberare nè cesses.

3 tium. *Confessiones audire.* In hoc opere omnia spiritalia misericordie opera contineri probat *Franciscus Arias* ita dicitur. *Theaur. siccurens.* I. Hic *Docentur ignorantes:* Nam inter poenitentes qui in exemplis deam sunt, qui nesciunt res ad salutem necessarias, nempe n. y. misericord. cap. steria fidei, & Divina præcepta, alii qui statuum officiorumquè 46. & 47.

suorum obligationes ignorant; alii qui nesciunt, quomodo orare & meditari debeant, neque media quibus virtutes acquirant; quæ omnia bonus confessorius eos docet. Et quamvis in officio prædicandi hæc populus doceatur, tamen quia fit sermo in generali, non tam bene capiuntur, nec tam sufficienter explicantur, quàm cuiusque necessitas exigit: At in confessione ubi poenitens suam ignorantiam detegit, & attendit ad id, quod ei dicitur: quidquæ is in particulari, ac juxta suum captum, necessitatemquæ docetur, melius eruditur, instruitur, & majori cum lumine de iis rebus, quas eum scire oportet. 2. *Hic egentibus consilium datur*: Quia poenitens exponit Confessario sua, dubia, quæ ipsi circa suum statum, vitam, officium occurrunt, suas item consolationes, molestias, tentationes, virtutes, scrupulos, & timores: & Confessorius ei clarè ac distinctè responder, dubia illi eximit, salutaria consilia suggerit, conscientiam ei tranquillat, & ad id quod ei convenientius est, dirigit. 3. *Hic afflictio solatium præbetur*: Quia homines confessario liberius, dilectiusque suos moerores, ærumnas, tribulationes, doloresquæ aperiunt, & confessorius DEI servus, rationibus in Divina providentia, amore, misericordia, ac promissis, fundatis, eos consolatur, corroborat, animat: valde recreatos, alacres, & ad bonum excitatos domum remittit. 4. *Hic peccator corrigitur*: Siquidem hic locus est, ubi ejus peccata reprehenduntur, ubi ejus examinantur culpæ, ipsiquæ delictorū suorum turpitudine ob oculos ponitur, ubi ipse se humiliat, dedit, submittit, & quidquid ei iungitur, obedit. 5. *Hic multæ sunt occasiones condonandi injurias*: Bonus enim Confessorius multis absolutionem denegare debet: quia non veniunt cum ea, quæ necessaria est dispositione: aut quia nolunt occasiones, pravas consuetudines deferere, nec injurias condonare; aut quia restitutionem non præstiterunt, nec status, officiiquæ sui obligationibus satisfecerunt, nec id facturos ulla probabilitas est, & multos iratos exacerbatosquæ dimittere debet, quia cum reprehenduntur, nec se humiliare volunt, ad reprehensionem indignaturi, seque medico sanare eos volenti opposituri sunt; & multos confessione non auditâ conturbabit, doloreque afficiet, abstrahendo ab eis mulierculas, quibus cum DEUM offendunt, &

locios,

socios, quos in sua perversitate habent. Erga omnes hos, qui ipsi adversabuntur, nec merentem offendent, misericordiā uti debet, eis compatiendo, illosquē diligere, & valde ex corde iisdem *ignoscere*. 6. Hic proximi molesti, tetrici, passionibusque obnoxii *tolerantur*. Multi enim poenitentes, imperitissimi sunt, nec confiteri sciunt, estquē necesse omnia, quæ dicere debent, ex eis quærere; alii perquam sunt hebetes, & quamvis res sæpè inculcetur, non tamen capiunt, alii in narrandis peccatis difficiles sunt, ea excusant, celant, negant, est caelesti arificio opus, ut ea ex ipsis exculpas; alii sibi contradicunt, neque in eo quod confitentur constant, modò agentes aliquid, modò negantes, ut nesciat Confessarius, quod iudicium ferre debeat; alii verò prolixi sunt rebusquē supervacaneis tempus perdunt, alii admodum sunt scrupulosi, nec acquiescunt, quidquid eis dicatur, alii valde sunt liberi, audaces, feroces, contradicentes ac repugnantes iis, quæ confessarius ipsis dicit, alii accedunt ad confessionem admodum duri, & velut insensibiles, ut quidquid eis dicatur, nullus in ipsos peccatorum sensus cadat. Atque hos omnes Confessarius cum ingenti patientia tolerare, & magna cum animi æquitate expectare, & cum amore pietateque tractare, & placidè & suaviter eis loqui, & benignum affabilemquē se ipsis præbere debet. Si enim asperè eos tractet, & iracunde ipsis loquatur, exacerbantur, indignantur, contristantur, & obmutescunt, adeoque deteriores fiunt, & ineptiores ad confitendum, minùs remedii capaces manent. 7. *Orandi verò pro proximis DEUM*, ubi bonus Sacerdos iustius exercitium habet, quàm in confessionibus excipiendis, siquidem ibi oportet, dum confessionem audire incipit, cor ad DEUM elevare, ab eoquē lumen & gratiam pro se ac pro poenitente petere. Et dum confessio durat, gemitus ac suspiria ad DEUM continuare, eumquē semper præsentem intueri, postulando ab ipso auxilium ad movendum illam animam, atquē in Sancto ejus obsequio dirigendā, cum sine ejus auxilio nihil possumus facere, nec dicere, nec cogitare, quod bonū sit, ac præsertim ad effectū rā supernaturalem, quàm est convertere peccatorem. S. Edmund. cum esset Cantuarien. Archiepisc., quemadmodū in cæteris omnibus virtutibus profecit; sic etiā crevit in æstimatione officii confessiones audiendi, & in vigilantia magnaquē sollicitudinē, quā hoc sanctū ministerium exercuit:

*Sur. in vita.
ejus.*

Cum

In historia
Min. p. 2. l. 4.
cap. 36.

Cum esset in itinere, si quis ei vel tenuissime fortis homo peccata sua confiteri voluisset, mox ab equo desiliit, consilientem audivit, pium & affabilem illi se præbuit, nec repulit eum, vel ob temporis importunitatem, vel ob hospitium propinquum. In Religione Franciscanorum fuit Sanctus quidam frater, nomine Antonius, patriâ Segobienfis, vir magni spiritûs & valde perfectæ virtutis, idemq; maximus Concionator, qui simul cum prædicatione se multum in excipiendis confessionibus exercebat. Huic Sancto revelavit DEUS ingentem, qui ex confessionibus colligeretur fructum, ac per hoc Divinum lumen tantopere istud ministerium adamavit, tantiquè fecit, ut sæpè diceret: Si DEUS me in cælum abduceret, & mihi illic exiltenti facultatem daret, pedem inde offerre in ad audiendas peccatorum confessiones, ut eos hoc medio ad salvandas eorum animas juvare possem. *Hactenus Arias.*

SECTIO XV.

De Oppositis Misericordiae, Beneficentiae, Eleemosynae, earumque Actibus.

§. I.

D. Augustinus
de Serm. Do-
mini in monte
cap. 2.

Primum Oppositum est: I. *Pseudomiseriordia*, quâ aliquis misereatur alterius, corporali commodo, cum ejus spiritali detrimento. Talis misericordia teste S. Bern. crudelitatis plena est, ut manifestè patet. 2. *Oppositum est apparens Misericordia, vel Eleemosyna*, quæ fit ex impuritate intentionis. Unde S. Augustinus ait: Multi eleemosynam foris faciunt, & intrus non faciunt, qui vel ambitione, vel alicujus rei temporalis gratiâ volunt misericordes videri, in quibus sola sinistra intentio operari exilimanda est. Item alii intentione, quæ in DEUM est, eleemosynam faciunt, & tamen inserit se huic optimæ voluntati nonnulla etiam laudis vel cujuscunque rei fragilis & temporalis cupiditas. Sed Dominus noster utrumquè prohibet, ut scilicet caveamus solâ rerum temporalium cupiditate eleemosynam facere; itaque in hoc opere attendamus DEUM, nè sese misceat, vel adjungat externorum appetitio commodorum, sed cor nostrum unâ DEI, rerumquè æternarum intentione, purifi-

purificet aciem suam.) Et Apostolus monet: *Qui tribuit in sim-* Rom. c. 12. *Ce-*
plicitate. Cæsarius refert dicens: Non multi anni sunt elapsi, *snus libr. 12.*
 quòd quidam ditissimus ministerialis Ducis Bavariæ defunctus *cap. 19.*

est. Nocte autem quadam castrum, in quo uxor ejus dormie-
 bat, sic concussum est, ut & terræ motus fuisse videretur. Et ec-
 ce ostio cameræ in qua illa jacebat aperto, quodam gigante ni-
 gerrimo cum capillis impellente maritus ejus ingressus est. Quo
 residente, cum de statu suo interrogaretur, multum tristis respon-
 dit. Poenis verè æternis deputatus sum. Ad quod verbum illa
 multum territa, respondit. Quid enim est quod dicis? Nonne
 elemosynas magnas fecisti? Ostium vestrum peregrinis omni-
 bus patuit, non profunt vobis ista beneficia? respondit. Nihil
 profunt ad vitam æternam, eò quòd ex vana gloria, & non ex
 charitate illa à me facta sunt. Cum eum ex aliis interrogare vel-
 let, iterum respondit. Concessum est mihi tibi apparere, sed
 non licet morari. Ecce ductor meus diabolus foris stat, expe-
 ctans me. Si enim omnia folia arboris verterentur in linguas,
 tormenta mea exprimere non possent. Post hoc evocatus & im-
 pulsus, in ejus abscessu totum castrum ut prius concutitur, vocesq;
 ejularus ejus diutius audiuntur. 3. *Opponitur falsa & illicita Ele-* VD. Thom. 2. 2
mosyna. Est eà de his rebus dare, quæ non sui juris & domini sunt, q. 32. a. 2. 7. &
 sed alieni, nisi in extrema necessitate; adeoque servus, raptor, 8.
 fur de alienis nequit facere elemosynas, sed ablatas restituere,
 suo Domino. Sicut etiam juxta D. Bernardum: Sunt quidam. S. Bernardus
 misericordes de his, quæ ad ipsos non pertinent: qui scandali- *Epistol. 73. ad*
 zantur, quòd non datur omnibus abundanter: sic tamen ut ipsi *Rainold. Et in*
 nè in modico quidem graventur, qui si misericordes essent de suo *Sermon 4. de*
 facere deberent misericordiam: si non possunt de terrena sub- *Adventu*
 stantia, de voluntate bona darent his, qui contra eos fortè pecca-
 re viderentur, indulgentiam: darent dulce signum: verbum,
 bonum, quod est super omne datum optimum, ut eorum men-
 tes ad poenitentiam provocarent. Deniquè & his omnibus quos
 in peccato esse cognoscerent, compassionem impenderent & ora-
 tionem. Alioquin misericordia illorum nulla est, & misericor-
 diam consequentur nullam.

2. dum Eleemosynæ Oppositum, est per Excessum, quando juxta

Uu

D. Tho-

D. Thom. 2. 2. q.
32. 4. 10.

Proverb. 21.

Prov. 28.

Psalm. 108.

Eccles. cap. 3.

Jacobi. 2.

Matth. 26.

Luc. 16.

S. Basilius Con.

4. de Elect.

D. Thomam sic abundanter Eleemosyna datur, ut accipiens superfluum babeat. Unde Apostolus dicit: Cor. 13. Si distribuero in cibos pauperum. Ubi Glossa dicit: Per hoc cautela eleemosynæ docetur, ut non uni sed multis detur: ut pluribus profuit. 3^{ti}um Oppositum est per Defectum, vocaturque Obduratio affectus. Contra quam hæc accipe. Prov. Qui obdurat aurem suam ad clamorem pauperis, & ipse clamabit, & non exaudietur. Item: Qui dat pauperi, non indigebit: & qui despicit deprecantem, sustinebit penuriam. Item: Disspereat de terra memoria eorum; pro eo, quod non est recordatus facere misericordiam. Eccl. Cor durum habebit malè in novissimo. Jacobi: Judicium sine misericordia illi, qui non facit misericordiam. Denique Christus in illo die, hanc tremendam intonabit Sententiam: Discedite à me maledicti in ignem æternum, qui paratus est diabolo, & angelis ejus. Esurivi enim, & non dedistis mihi manducare. Siti vi, & non dedistis mihi potum. Hospes eram, & non collegistis me. Nudus: & non operuistis me. Tunc respondebunt ei & ipsi dicentes: Domine, quando te vidimus esurientem, aut sitientem, aut hospitem, aut nudum, aut infirmum, aut in carcere: & non ministravimus tibi? Tunc respondebit illis, dicens: Amen dico vobis, quamdiu non fecistis uni de minoribus his, nec mihi fecistis. Et ibunt hi in supplicium æternum. Epulo ille infelix, cruciatus flamma gehennali, super ardentem linguam, guttam aquæ à Lazaro impetrare nequivit, cui micæ panis impertiri neglexit. S. Basilius ait: Tot injuriâ afficis, quot tuis rebus, dum licet, non juvas. Respondent avari: Ecquæ injuriâ afficio, si mea teneo? Respondet iterum S. Basilius: Quid ais tua? Unde ea in vitam audivisti? quemadmodum si quis in theatro sedilia occupet, ac deinde supervenientes excludat, sibi proprium vendicans, quod omnium usus patet; ad eum modum se divites gerunt. Cum enim quod commune est, priores invaserunt, ex præoccupatione, id proprium sibi faciunt. Nonne nudus ex utero elapsus es? nonne nudus in terram reverteris? ista, quæ habes, unde tibi orta sunt? Si ultrò fortuitòque dicis, impius es, cum non agnoscis, qui ea creavit, nec gratiam illi habes, qui ea tibi dedit. Si verò confiteris ea à Deo profecta esse, dic mihi qua de causa acceperis? Num DEUS injustus est? qui ea, quæ victis sunt, inæqualiter distribuit? Cur tu dives? ille verò pauper est? An ideo planè, ut & tu benig-

gnitatis

gnitatis, & fidelis dispensationis mercedem recipias, & ille magnificis tolerantiae praeniiu cohonellatur. Tu verò cum omnino inexplibilem avaritiae tuae sinum infarcias, neminem putas injuriā lādere, cum tot defraudes? An non tu avarus es, an non fraudator, qui quae dispensanda acceperis, ea tibi propria facis? Famelici panis est, quem tu detines; nudi vestimentum est, quod tu in tuis capsulis servas; decalceari solea est, quae apud te putrescit; egeni pecunia est, quam tu defossam habes. Ergo totidem injuriā afficis, quot praebere potuisti.)

Excusationes inamitericordium perstringit & refutat *Sanct. S. Basilus homil. in divites avaros.* *Basilus* dicens: Quantopere Benefactori tuo Deo, gratiae agendae sunt, quam hilaris nitidusque esse debueras de eo honore, quod ipse aliena limina non vexes, sed tua ab aliis occupentur. Nunc contra incertum te praebes, adituque difficilem, & occursum hominum vitas, ne quid vel pauxillum e manibus cogaris emittere. Unam nosti vocem: Non habeo, neque dabo, pauper enim sum.

Ista est *Prima Excusatio*, ne aliquid tribuat egeno, sed pulchre respondet citius *S. Pater*: Pauper es revera & inops omnis boni, inops charitatis, inops humanitatis, inops fiduciae in DEUM, inops spei aeternae. Iterum his respondet idem *S. Pater*: At pauperem te esse respondes, & ego tibi adspulor. Pauper enim est, qui multis eget. Multorum verò vos indigos, facit insatiabilis cupiditas. Decem talentis, decem altera apponere studes, ea cum viginti fuerint, rursus totidem requiris, semper id quod additur, non impetum cupiditatis sistit, sed aviditatem incendit.

Secunda Excusatio est. Incertum, ais, est, num nos inexpectatae necessitates invaluræ sint. Respondet *S. Basilus* elaniter: Incertum an defossi auri usuras requires, sed non incerta poena est tuae inhumanitatis. Probat id ipse, & ostendit in particulari, dum addit: Multos novi, qui jejunant, qui orant, qui gemunt, qui omnem quae sumptu caret, pietatem praefereant; unum tamen obulum affluētis non praebent. Quid comodi ex reliquis virtutibus? quandoquidem eos regnum caelorum non admittit. Quid iudici respondebis? Tu qui parietes vestis, homines non induis? qui equos exornas; foedam miseriam fratris negligis? Qui frumentum longa

detentione putrefacis? famelicos non alis? Qui aurum defodis, & eum qui fame angitur, nihil respicis?

Ibidem.

Tertia Excusatio obduratorum & immisericordium viscerum est, potissimum cum plures egeni concurrant: Non est, *ajunt*, in nostra potestate, ut petentibus sufficiamus. Respond. *S. Basilus*: Lingua quidem ejuras hanc facultatem, sed à tua ipsius manu refutaris: Ea enim tacita tuum mendacium proclamat, cum undique resplendeat fulgore annularis palæ. Quot potest unus tuus annulus ab are alieno liberare, quot domos ruinosas instaurare? Una tua vestiaria arca universum populum aigentem frigore, amicare potest. Tu tamen re infecta pauperem ablegas, nec vereris iustissimam illam judicis talionem; non misertuses, non misericordiam impetrabis, non aperuisti domum, è regno ejicies, non dedisti panem, non accipies vitam æternam.

Ibidem.

Quarta Excusatio est. Liberis nostris est providendum, & necessariae sunt divitiæ propter illos. Respondet *Sanctus Basilus*: Hæc est illa speciosa causificatio avaritiæ; liberos enim in excusationem prætenditis, cum animos vestros adimpleatis. Cum à DEO postulabas fecunditatem: Cum cupiebas liberorum pater fieri: Nunquid & hoc apposuisti precibus tuis? Da mihi liberos, ut tuis præceptis non obediam, ut ad regnum cælorum non perveniam. Cæterum quis de moribus pueri fidejussor erit? quod ut oportebit, rebus hæreditatis utetur. Multis enim divitiæ flagitiorum administræ fuerunt. An non audis Ecclesiastem dicere. Est & alia infirmitas pessima, quam vidi sub sole, divitiæ conservatæ, in malum domini sui. Et rursus: Studiosissimè laboravi habiturus hæredem post me, quem ignoro, utrum sapiens, an stultus futurus sit, & dominabitur in laboribus meis, quibus defudavi, & sollicitus fui. Vide igitur nè cum infinitis laboribus divitias congregaveris, materiâ scelerum alios instruxeris; atque ob id duplici pœna afficeris, eò quod & ipse peccasti, & quod aliis peccandi fomitem suppeditasti: Nonne tibi quovis filio anima charior est? nonne illa longè omnium tibi proxima est? Quæ prima est, primogenia hereditatis à te accipiet. Opulentas ei facultates vivendi suppedita, & tunc liberis tuis divides bona, unde vivant.

*Eccles. 5.
Idem 2.*

Quinta Excusatio est eorum, qui liberis carent. Ego dum vixero,

vixero, bonis meis frui volo, & cum per omnem vitam meis bonis usus fuero, à morte pauperes successores relinquam, & in testamento & codicillis dominos eos mearum rerum declarabo.

Respondet *S. Basilus*: Cum non amplius in humaniseris, tunc *Id. Homil. ad- versus divites.* scilicet humanus futurus es? cum te cadaver videro, fraternæ charitatis studiosum appellabo? Magna tibi gratia habenda de tuo officio, quod cum in sepulchro jaceas, & in terram resolutus sis, liberalis extiteris, & magnanimus in sumptibus faciendis.

Addit denique & hoc responsum *Vir Sanctus*. A tramento & literis beneficia polliceris, sed quis tibi renunciabit tempus exitus tui? Quis fideiussor erit de genere mortis tuæ? Quot violentis casibus sublatis sunt, quibus nè vocem quidem erumpere licuit? Quot febris insanos fecit? Quid igitur tempus expectas, in quo sæpè nec cogitationum tuarum compos eris? Nox profunda, morbus gravis, opitulatur nusquam. Hæreditatis insidiator in promptu, qui omnia ad suum commodum digerat, consiliaque tua irrita faciat. *Hec S. Basilus.*

Igitur in *Praxi* Immanuelicors has & similes ratiunculas suas fulgore veritatis dissipans, promptè inclinatur ad opitulandum miseris.

Vide etiam *suprà dicta*, & hic convenienter adhibe contra *Opposi-* *1. 2. tract. 1. c. 1.*
ta Misericordiæ, Beneficentiæ, & Eleemolynæ. *sect. 4. sub. 2.*
§. 1. & 2.

§. II.

Reflectioni *Esurientis, & Sitientis*, Opponitur vitium nempe *Ex-*
cessivus & Superfluus apparatus cibi, & potus; quo occasio da-
tur ad transgrediendos limites *Temperantiæ*. Tum *Importuna*
Coactio ad potandum usque in ebrietatem. Qui excessus & ab-
usus apud mundi politicos vocatur *Humanitas, Generositas.*
Quam turpi hæc virtutum decora! Rex *Affuerus* Regalem mu- *Estb. 2.*
nificentiæ & liberalitatem in suos subditos ostensurus, fecit eis
grande convivium. In quo nec erat, qui noverentes cogeret ad bibendum:
Sed sicut Rex statuerat, præponens mensis singulos de principibus suis, ut su-
meret unusquisque quod vellet. En discreta humanitas Gentilium con-
futarum nationum non profusione illorum Christianorum, qui suos
Convivas non tam exhilarant, quam in corpore & anima mergere

d. pasc. d. 68.

ac perimere nimio potu gestiunt. Deinde opponitur *per Defectum*. S. Ambrosii ait: Pasce fame morientem, Si non pavisti, occidisti.))

Visitatori & obsequio infirmorum Opponitur Negligens cura eorum.

Bayer, in An-
nal. A. D. 1579.

Ibidem.

Idem 1576.

De quo accipe exemplum. Pater Antonius Capucinus per mentem in sepulchro fratrum suum purgatorium in gravissimo fœtore cadaverum subire debuit, quod vivens ægrotorum matulas & scaphia purgare nauscarit. Ex eodem Ordine alter omnino damnatus est, quod ægrotantibus Superioribus diligentissime, Fratribus gregalibus negligentissime inservierit; cum vi Regulæ cunctis debuisset æqualiter. Alter negligens visitare fratres infirmos, & ipsi infirmatus, accedentes illum visitare occultâ vi repellebantur.

Ex gestis S.
Pachomii §.
39.

Sepultura mortuorum opponitur Excessiva pompa, & apparatus ornandi ipsa cadavera, tumbas, feretra, mausolea, &c. Quæ magis obstant animabus defunctorum, quam profunt: prodesse autem si ejusmodi sumptus inutiles potius in pauperes & pios usus converterentur. S. Pachomius videns quendam fratrem, qui negligeret suam vitam contumperat, honorificentius sepeliri, convulsus ad fratres suos ait: Desinite psallere, præcepitque defuncti vestimenta splendida (quibus indutus erat) auferri, & coram omnibus exui, & ita cadaver effrii jussit præter aliquam psalmodiam; atque sepeliri. Fratres igitur cum Parentibus & universis qui tunc aderant, precabantur senem, ut consuetam super eum psalmodiam celebrari permitteret. Quibus cum non acquiescisset, coeperunt parentes dicere. Quid hoc est spectaculum novum? Noli quæsumus inferre mortuo, quod nec tuam penitus condecet Sanctitatem. Nam & nos hinc maximo notamur opprobrio. Quibus respondens Pachomius. Verè fratres ac filii plus vobis, quam præsentis mortui misereor, quia vobis de visibili re ac temporali curantibus: ego de invisibili ejus substantia sollicitudinem geram; & ideo hæc circa ipsum fieri jubebam. Et vos quidem majores illi dolores per hunc honorem, quam putatis, acquiritis, ego autem quantulamcunque requiem vel satisfactionem per hanc injuriam præparabo. Sepelire ergo eum sine Placitis, ut dixi: Potens est DEUS benignus pro supplicatione nostræ parvitas eum in æternam suam requiem collo-

care

care. Hæc cum dixisset, abierunt. & sicut Venerabilis Pater præceperat, fecerunt.) Similiter nimius dolor & lachrymæ ex amore naturali profusæ videntur retardare animas ab æterna requie, ut patet in quadam historia speculi exemplorū, dum scilicet filius ap- parens matri multum se lugenti, madidis vestibus à maternis lachrymis dixit se gravari à velociori processu procul dubio quin ad beatam felicitatem.

§. III.

Correctio*ni fraternæ* opponitur, imo *Ficta Correctio*: quā aliquis non ex amore & compassione delinquentis, sed ex ira & vindicta, sub specie correctionis alium invadit, & corripit. Hinc ait Ecclesiasticus: *Est correctio mendax in ira contumeliosi.* Quare Platonē rectē ad servum delinquentem inquit. *Castigarem te, nisi iratus essem.* S. Augustinus supra illud Psalm. Bonitatem & disciplinam, *S. Augustinus*
 “doce me, ait. Bonitas sine disciplina, delictorum mater: & *Sermon, 14. in*
 “disciplina sine bonitate, crudelitas est. Bonitas facit amabilem *Append. de Di-*
 “disciplinam, & disciplina efficit inculpabilem bonitatem.” *vers.*

2do. Opponitur *Correctio per Excessum*. Contra quam servit exem- *Joan. Belland.*
 plum & dictum S. Odilonis Abbatis: Qui misericordiæ visceribus *in vita S. Odi-*
 ultra quā dici posset, affluebat: & quantum in se fuit, nullum à *lon.*
 beneficio misericordiæ excluderat. Et sicut in Epigraphe Sabi-
 niani Papæ legitur.

Hic hominum vitia blando sermone removit:

Nec culpis iudex, sed medicina fuit.

Erat cerè in hac virtute intentum diffusius, ut ab imprudenti- bus in officio hujus disjicaretur nimius. Sed ille ad hoc obje- ctum eleganter alludere solitus erat Ego, inquit, volo magis de mis-ericordia misericorditer judicari, quā de crudelitate crudeliter damnari. Unde etiam Ambrosius ait. Bonus est misericors homo, qui dum aliis subvenit, sibi consulit, & in alieno remedio vulnera sua curat. Agnoscit enim se esse hominem, qui novit ignorare. Et vias Christi sequitur, qui carne suscepta, maluit in hunc mun- dum redemptor venire, quā iudex. Unde & iste Sanctus Vir, ut prædiximus, malebat esse culparum indultor, quā iudex. Aliud. Legitur in vita S. Luitgardis quendam Abbatem Cisterciensis Or- *Sur. Junii 6.*
 dinis, qui et si ferveret desiderio, tamen acerbiori zelo in subditos invehatur, morte quē immaturā decessit. Qui à purgatorio
 preci-

Vincent. Bel-
loy. spec. hist.
l. 25. cap. 70.

precibus, afflictionibusq; S. Luthardis ereptus, dixit: Undecim annis se in purgatorio poenas fuisse luiturum, nisi ipsa suis precibus sibi opem tulisset. Aliud: Cùm Abbas quidam, qui admodum Religiosus habebatur, à Patre Anselmo de his quæ monasticæ Religionis erant loqueretur, & inter alia de pueris in clauistro nutritis verba conferret, adjecit: Quid obsecro fiet de istis, non cessamus die ac nocte verberantes eos, & semper fiunt deteriores? Hebetes enim sunt, bestiales. Ad quem iratus Anselmus ait. Quàm benè nutrimentum vestrum expendistis, qui de hominibus bestias nutritis? Dic quæso Abba. Si plantam arboris in hortulo tuo plantares, & illam mox ex omni parte concluderes, ut ramos suos nullatenus extendere posset, qualis arbor prodiret? profectò inutilis incurvis ramis & perplexis; certè hoc facitis de pueris istis. Plantati sunt in horto Ecclesiæ per oblationem ut crecant, ut fructificent DEO. Vos autem tantùm eos terroribus, minis, & verberibus undiq; coarctatis, ut nullà eis penitus liceat libertate potiri: unde fit, quòd nihil amoris, pietatis, dulcedinis, circa se in vobis sentiant, nec illi alicujus boni in vobis postea fidem habeant, sed omnia vestra ex odio & invidia contra se procedere credant. Contigitquè modo miserabili, sicut deinceps corpore crescunt, sic in eis odium & suspicio omnis mali crescat, semper proni & incuri ad vitia. Cumquè ad nullum fuerint in vera charitate nutriti, nullum nisi depressis superciliis, oculovè obliquo valent intueri.

Lib. A. Epist. 18.
quæ ordine est
106.

3tio. Opponitur vitium Correctionis per Defectum, I. Contraque ordine est dictoriè. De quo S. Petrus Damiani inquit: Philistæi de terra Israël fabros ferrarios tollunt, cùm maligni spiritus falsæ pietatis obtentu zelum correptionis de fratrum labiis auferunt. Causam subjicit: Sicut ferrum reliqua metalla fortiter edomat, ita correptionis malleus, vitia delinquentium reprimat, & quasi cudendo rigidæ mentis duritiem frangit. Ex quibus concludit: Si de sacro conventu correptionum centura subtrahitur, disciplinæ rigor funditus enervatur, & Religio tota destruitur; quia dum unusquisque propriæ sequitur voluntatis arbitrium, ad secularia rediens, spiritualis observantiæ violat institutum. Deinde adproxim cuique hoc pium dat monitum: Unde quisquis est, cui regularis vitæ fervor inæstuat,

inestuat, correctiones libenter amplectitur, & tum etiam cum innocens est, suis reprehensionibus delectatur. Non ut eum conscientia peccasse remordeat, sed quoniam hoc prodesse ceteris audientibus sperat; ut unde ipse innocens & mundus arguitur, alii qui vel lapsi, vel lapsuri fortè sunt, corrigantur.)) Porro ulterius pro motivo vitandi negligentiam fraternæ correctionis accipe sequens exemplum. Vidimus in monasterio quodam Monachum naturali ingenio & scientiâ præditum, virtute castitatis, & omni morum honestate præclarum. In quo ille solus defectus erat, quod nullam contra peccata rigiditatem habebat. Quem defectum in eo corrigendum sperantes Monachi, eum in Abbatem unanimiter elegerunt. At ille factus Abbas, ut antè in pusillanimitate & ingnavia perstitit, & ex hoc ordo monasticus notam satis gravem dissolutionis incurrit. Superiores ejus ordinarii grave ducentes, illum ab officio removerunt. Quod ille supra modum graviter ferens, ad tantam paulatim impatientiam venit, ut manus iniquitati totaliter daret, & se impudentissimè nequissimus in dilapidationem Ecclesiæ sociaret. Nec diu post, cum esset positus in agonia, importunos exactores sibi instare, vidit, sequè oportere reddere rationem non solum de suis excessibus, verum etiam de illorum excessibus, quos quandoquè corrigere debuit, & non correxit. Exactores ergo cum declinare vellet, nec posset; clamans inter angustias expiravit.

Canipratanus
l. 2. cap. 17. p. 2.

II. Opponitur, Correctioni per Defectum contrariè, quod dicitur Scandalum, est què aliud Activum, & definitur esse dictum, vel factum minus rectum, præbens alteri occasionem ruinæ spiritualis. Dicitur; minus rectum: nempe vel in sua natura, quale est omne peccatum, tale ex sua specie & objecto: vel ex circumstantia pusillorum, dum illud dictum, vel factum, non est ex se inordinatum nisi tantum apparenter, est què aliàs illud dictum vel factum licitum operanti, sed propter imperfectos, facile què suspiciosos & putantes verè esse malum, fit illicitum. Unde Apostolus, 1. Cor. 6. Omnia mihi licent, sed non omnia expediunt. Aliud scandalum est Passivum; nimirum ipsum peccatum, in quod ex occasione dicti vel facti alterius, proximus cadit. Quod dividitur in Datum seu Pusillorum, id est Imperfectorum, oriturq; ex activo; & Acceptum, seu Pharisaicum, quod

Matth. 18.

non procedit ex activo, sed ex inuentis malitia; more Phariseorum, qui odio, invidiaque Christi dictorum, & factorum, ex ipsis sibi confingebant scandala. Contra Scandalum. 1^{mo} Christus Dominus graviter minatur dicens: Qui scandalizaverit unum de pusillis istis, qui in me credunt, expedit ei, ut suspendatur mola asinaria in collo ejus, & demergatur in profundū maris. Væ mundo à scandalis! Necesse est enim, ut veniant scandala, verumtamen væ homini illi, per quem scandalū venit! Si autem manus tua, vel pes tuus scandalizat te, abscinde eum, & projice abs te, bonum tibi est, ad vitam ingredi debilem vel claudum, quàm duas manus, vel duos pedes habentem mitti in ignem æternum. Et si oculus tuus scandalizat te, erue eum, & projice abs te, bonum tibi est, unum oculum habentem in vitam intrare, quàm duos oculos habentem, mitti in gehennam ignis. Id est, ut *S. Hieronymus* explanat: Si ita est quis tibi conjunctus, ut manus, pes, oculus, & est utilis atque sollicitus, & acutus ad perspiciendum, scandalum autem tibi facit, & propter dissonantiam morum te pertrahit in gehennam: melius est, ut & propinquitatem ejus, & emolumentis carnalibus careas; nè dum vis lucrifacere cognatos & necessarios, causam habeas ruinarum. *D. Chrysostomus*: Unius animæ perditio tantam habet jacturam, ut nulla eam ratio possit dignè æstimare: quandoquidem unius animæ salus tanti est, ut ob hanc Filius DEI fieret homo, tantaque pateretur. 2^{do}. Scandalum persecutione Christi, & ejus crucifixorum sacrilegio est gravius. Ita *Doctor Melchior* supra illa verba Christi ad Saulum dicta: *Quid me persequeris?* inquit: An non persequabatur Christum, qui Christi membra trucidabat in terris? An verò persecuti sunt Christum, qui sacratissimum illud corpus crucis affixere patibulo, & non prosequabatur eum, qui adversus corpus ejus, quod est Ecclesia (est enim corpus ejus ipsa etiam) odio furebat iniquo? denique si proprium sanguinem dedit in pretium redemptionis animarum; non tibi videtur graviores ab eo sustinere persecutionem, qui suggestionem malignā, exemplo pernicioso, scandali occasione, avertit ab eo animas, quas redemit; quàm i Judæo, qui sanguinem illum fudit? Agnoscite dilectissimi & expavescite consortia eorum, qui salutem impediunt animarum. Horrendum penitus sacrilegium,

S. Hieronymus lib. 3. in Matth.

S. Chrysostomus hom. 3. in Acta.

S. Bernardus serm. 1. in Con-
versione Pauli.

gium, quod & ipsorum videtur excedere facinus, qui Domino Majestatis manus sacrilegas injecerunt. Et deinde: Quid & is, qui exemplo suo ad remissiùs agendum ceteros provocat, aut singularitate turbat, aut inquietat curiositate, & impatientia sua, vel murmuratione molestat, aut quocunque modo contristat Spiritum DEI, qui in eis est, scandalizans unum de minimis istis credentibus in eum, nonne & hic manifestè persequitur Christum? Utergo persecutorum nomen & crimen longè semper sit à nobis, obsecro duectissimi benignos semper & mites exhibeamus nos invicem supponentes in omni patientia, & ad id, quod melius & perfectius est alterutrum provocantes.))

SECTIO XVI.

De Zelo Gloriæ DEI, & Salutis Animarum.

Zelus, est intensus amor, quo impellimur a gloriæ DEI, & salutis animarum nititur aliquis removere. Hinc D. Thomas ait: Amor amicitie querit bonum amici: Unde quando est istensus, facit hominem moveri contra omne illud, quod repugnat bono amici. Et secundum hoc aliquis dicitur zelare pro amico, quando si quæ dicuntur, vel sunt contra bonum amici, homo repellere studet. Et per hunc etiam modum aliquis dicitur zelare pro DEO, quando ea, quæ sunt contra honorem vel voluntatem DEI, repellere secundum posse conatur: secundum illud 3. Reg. 19. Zelatus 3. Reg. 19. sum pro Domino exercituum. Et Joan. 2. super illud: Zelus Domus tue comedit me, dicit Glossa: Quod bono zelo comeditur, qui quælibet pravæ, quæ viderit, corrigere satagit: si nequit, tolerat, & gemit.)) Matæ. Evang. Joan. Gloriam zeli est tum finis supernaturalis seu Gloriam DEI, Gloriam Christi, tract. 10. inter DEI paræ, Celitum: perfectio, sanctitas, beatitudo viæ & paræ, medium & si propria, & proximi: Tum media ad eosdem fines, tam spiritu alia, nem totum. 9. quam corporalia, seu Bonum animi, corporis, fortunæ, &c. privatum, & publicum (nota Bonum publicum maximè incendens zelum) quæ directè, quæ indirectè conducibilia. Quamquam Bonum & pro fine, & mediis ejus sumi potest. Materiam zeli circa proximos in particulari Ven. Beda exprimit dicens. Zelo domus Patris Salvator impios eiecit de templo, zelamus & nos fratres charissimi, domum DEI, & quantum possumus, ne quid in ea pravi geratur, instamus. Si viderimus fratrem, qui ad d. m. v. Beda in Jo-

D. Thom. 1. 2.

1. 28. c. 4.

Gloss. Aug. in

Matæ. Evang. Joan.

tract. 10. inter

DEI paræ, Celitum:

Tum media ad eosdem fines,

tam spiritu alia, nem totum. 9.

quam corporalia, seu Bonum animi,

corporis, fortunæ, &c. privatum,

& publicum (nota Bonum publicum maximè incendens zelum)

quæ directè, quæ indirectè conducibilia.

Quamquam Bonum & pro fine, & mediis ejus sumi potest.

Materiam zeli circa proximos in particulari Ven. Beda exprimit dicens.

Zelo domus Patris Salvator impios eiecit de templo, zelamus & nos fratres charissimi, domum DEI, & quantum possumus, ne quid in ea pravi geratur, instamus.

Si viderimus fratrem, qui ad d. m. v. Beda in Jo-

DEI pertinet, superbiam tumidum, detractionibus affvetum, ebrietati servientem, luxuria enervatum, iracundiam turbidum, si alio cuiuspiam vitio substratum, studeamus, in quantum facultas suppetit, castigare: polluta ac perversa corrigere: & si quid de talibus emendare nequimus, non sine acerrimo mentis dolore sustinere, & maxime in ipsa domo orationis, ne quid ineptum fiat, ne quid nostram fraternamve orationem impediatur, totis viribus agamus.

*Gradus Zeli, 2dum quod importat Tristitiam de malo im-
ditivo Boni Divini, & Proximi, ex Formula au-
rea Seraphici Doctoris.*

S Bonav. de
grad. virt. cap.
29.

Graduum do-
loris ut ad vir-
tutem spectat.

Ordo I.

II.

S. Bern. de
Medit. cap. 3.
ante med.

III.

IV.

V.

S Ambrosius in
Psal. 118.

Doloris altus gradus est, tristani ex toto corde de omni in-
commodo proximorum corporali. Altior, tristani de omni
incommodo proximorum spiritali. Altissimus, tristani de
omni contumelia DEI.

Item altus gradus est, contristari quod animae continue
in peccatis venialibus maculantur. Altior est, contristari quod
animae frequenter peccatis mortalibus vulnerantur, juxta illud
Bernardi. Agnosce homo, quam aspera peccatorum vulnera,
pro quibus oportebat Dominum Christum vulnerari. Altissi-
mus, tristani quod vulnera Christi quotidie innovantur, cum
peccati mortalis vulnere sauciantur.

Item altus gradus est, tristani pronitate cadendi in ma-
lum. Altior, tristani de debilitate & raritate surgendi à malo.
Altissimus est, tristani de tarditate perseverandi in bono.

Item altus gradus est, tristani de debilitate perficiendi
bonum. Altior, de debilitate desistendi à malo. Altissimus, de
fortitudine consummandi malum.

Item altus gradus est, tristani quod tam parum curantur
exempla bonorum hominum in terra. Altior, quod tam mo-
dicum curantur exempla perfectiora in Patria. Altissimus,
quod tam parum curantur exempla perfectissima JESU Christi,
per quatuor Evangelistas nobis testificata. *Hec Seraphicus Doctor.*

*Motiva ad zelum pro DEO, & Proximo. Imum S. Ambro-
sius: Zelus, DEI gratia est, qui exquirat, qui supervenit, qui te-
justè infundit pectori. Zelus DEI vita est. Zelum DEI, qui ha-
bent,*

bent, omnes sibi inimicos putant, qui sunt hostes DEI, quamvis patrem, fratres, sorores, *Eusebius Nierembergius* ait; Verus Dei amator, *Eusebius Nieremb.* nihil avidius cupit, quàm amare DEum, quantum est infinitè amabilis. Et jam cùm cor suum exiguū agnoscit, immensæ comparatum bonitati, omnes creaturas cupit amare propter eum quem ipse amat; atque inæstimabile super omnia æstimabilia mundi reputat, si per te alius amat ipsum illum, quem avidissimè cupit ab omnibus amari. Diversissimus est zelus Divinus ab humano zelo. Zelus humanus totus in hoc est, nè alius concupiscat, & amet suum amatum. Ratio est; quia omnis decor humanus limitatus est nec sufficiens, ut satisfaciat integrè pluribus. Pulchritudo autem Divina infinita est, & à pluribus infinitè & integrè amabilis, atque cùm sufficiens sit omnium dilectioni, & ita sufficiens sit, ut à nemine diligatur, in quantum diligi est digna: Itaque is, qui ejus vivido amore tactus est, nihil optatius habet, quàm ut alii relascent, quod sibi scit deesse. Hinc gaudet, si multi sint DEI amatores, & curat ut sint, nihilque æstimabilius sibi putat posse accidere, quàm si aliquis amplius DEum amasset.

adum. S. Chrysostomus: Ponatur, inquit, quempiam jejuna-
 re, & martyrium comprobare, ac cremari; alium verò ad ædificationem proximi martyrium differre, nec differre modò, sed etiam abiquè martyrio discedere, uter igitur post hanc peregrinationem major erit? non est nobis multis in hoc loco rationibus opus, cùm B. Paulus magnâ voce sententiam jam protulerit dicens: Cupio dissolvi, & esse cum Christo: melius autem mihi in carne adhuc permanere propter vos. *D. Thomas*: Consideratur fraternæ dilectionis perfectio ex affectu, quantò enim majora bona proximis impendimus, tantò perfectior dilectio videtur. Sunt autem circa hæc tres gradus considerandi: sunt enim quidam, qui proximis obsequuntur in corporalibus bonis, puta, qui vestiunt nudos, pascunt famelicos, & infirmis ministrant, & alia hujusmodi faciunt, quæ sibi Dominus reputat exhiberi. Sunt autem aliqui, qui spiritualia bona largiuntur, quæ tamen non excedunt conditionem humanam; Sicut qui docet ignorantem, consultat dubitanti, & revocat errantem, de quo commendatur Job, cap. 4. Ecce docuisti multos, & manus lassas roborasti,

S. Chrysostomus Hom. 78. in cap. 24. Matthi

Philip. c. 1,

S. Doctor Augustinus opusc. 18. c. 14.

Matth. 25.

vacillantes confirmaverunt sermones tui, & genua trementia confortasti)) Sunt autem alii, qui spiritualia bona & Divina supra naturam & rationem existentia proximis largiuntur, scilicet doctrinam Divinorum, manuductionem ad Deum, & spirituales sacramentorum communionem. Et de his donis Apo-

Epist. ad Galat. cap. 3.

tololus mentionem facit epistolâ ad Galatas dicens: Qui tribuit vobis Spiritum, & operatur in vobis virtutes. Et primâ ad The-

1. Thessal. 2.

salonicenses. Cum accepissetis a nobis verbum auditus Dei, ecce accepistis illud non ut verbum hominum, sed ut est verè verbum

2. Corinth. 11.

DEI. Et secundâ ad Corinthios; Despondi vos uni viro. Et postmodum subdit: Nam si is, qui venit, alium Christum prædicat, quem non prædicavimus, aut alium Spiritum accipitis, quem non accepistis, aut aliud Evangelium, quod non receperitis, rectè pate-
remini. Hujusmodi autem bonorum collatio ad singularem quan-
dam perfectionem pertinet fraternæ dilectionis, quia per hæc bo-
na, homo ultimo fini conjungitur, in quo lumina hominis perfe-
ctio consistit. Et paulò post: Additur autem ad hanc perfectionem,
si hujusmodi spiritualia bona non uni tantum, vel duobus, sed toti
multitudini exhibeantur, quia etiam secundum Philosophos: Bo-
num gentis perfectius & divinius, quàm bonum unius. Unde A-
postolus dicit Ephesius: Alios autem Pastores & Doctores ad con-
summationem Sanctorum in opus ministerii, in ædificationem

Ephes. 4.

Richardus vi-

et vin. lib. 1.

de præpar. in

Gen. c. 44.

corporis Christi, scilicet totus Beck. sive)) Richardus Victorinus ait:
Nescio, si potest homo aliquid à Deo in hac vita majus accipere,
ignoro an possit hæc gratiâ, interim majorem aliquam Deus ho-
mini conferre, quàm ut ejus ministerio perverii homines in me-
lius mutantur; ut de filiis diaboli, filii DEI efficiantur. An fortè
cuiquam magis videbitur esse mortuos suscitare? Ergone majus
erit suscitare carnem iterum morituram, quàm animam in æternū
victuram? Ergone majus erit carnem revocare ad gaudia mundi,
quàm animæ restituere gaudia cæli? Ergone majus erit restituere
carni bona transitoria iterum peritura, quàm animæ reddere bo-
na æterna, in æternum manantia? Qualis dos, quanta dignitas,
tam gratiam à Deo accipere, non debuit DEI sponsa aspersione
suo dotem aliam accipere; non decuit celestem sponsum sponsæ
sue dotem aliam donare, quàm ut per adoptionis gratiam, posuit
multos

multos DEO filios gignere, & de filiis iræ, filiisq; gehennæ, regni cælestis hæredes adscribere.)) *S. Hieronymus*: Daniel in fine *S. Hieronymus* sacratissimæ visionis ait, justos fulgere sicut stellas, & intelligentes id est, Doctores, quasi firmamentū. Vides quantum inter te & lin. stēt iusta iustitias, & docta iustitia. Alii stellis, alii cælo cōparantur.

2^{um} est, 1 Exemplum Dei, & Christi. S. Chrysostomus ait: *S. Chrysostom.* Nihil ita gratum est DEO, & ita curæ, ut animarum salus; sicut *Hom. 3. in Gen.* clamat Paulus dicens. Qui vult omnes homines salvos fieri, & ad agnitionem veritatis venire. Et iterum DEUS ipse ait; Nolo mortem peccatoris, sed ut convertatur, & vivat. Et propter *1. Timot. 2;* hoc etiam creaturam hanc omnem producit, & nos formavit, *Ezech. 18.* non ut pereamus, neque ut supplicii nos torqueat, sed ut salvet, & ab errore liberatis, regno frui nobis concedat. Talem igitur habentes Dominum, tam misericordem, tam benignum, tam mansuetum, tum nostræ, tum fratrum nostrorum curam geramus. Nam & hæc nostræ salutis argumentum erit, & occasio, si non solum pro nobis ipsis solliciti; sed & proximo utiles fuerimus, ipsum ad viam veritatis manu ducentes. Et ut sciatis, quantum bonum sit cum salute nostra, & alias lucrari, audi Prophetam ex persona DEI dicentem: Qui educit pretiosum à vili quasi os meum erit. Quid hoc? Qui ab errore ad veritatem, ait, manu duxerit, vel à peccato ad virtutem, proximum induxerit, pro virili humano me imitatur. Etenim ipse cū DEUS sit, propter nihil aliud nostram induit carnem, & omnia alia humana sustinuit, & crucem quoque suscepit, nisi ut nos peccato obnoxios à maledicto liberaret, & hoc quoque Paulus clamat dicens; Christus nos redemit à maledicto legis, factus pro nobis maledictum. Si igitur ipse, qui DEUS est, ineffat illis essentia, ob misericordiam ineffabilem, hæc omnia propter nos, & salutem nostram suscepit; Cur non & nos erga fratres iusti sumus, agnoscenteq; eos ut membra nostra, & eripientes ex diaboli faucibus, in viam virtutis inducimus? *1. Exemplum Angelorum. S. Ambrosius*: Zelus charitas est; valida est sicut mors charitas: durus sicut inferi *in Pjal. 118.* zelus est; quem nulla vincit hujus vitæ illecebra, Durus sicut inferi, per quem peccato morimur, ut vivamus DEO. Angeli quoque sine zelo nihil sunt. Et substantiæ suæ

Hierem. 15.

Galat 3.

S. Ambrosius
in Pjal. 118.

- suæ amittunt prærogativam, nisi eam zeli ardore sustentent.
- III. S. Moyses admirandus zelotes gloriæ Dei, & salutis populi sibi commissi, prorsus oblitus sui, totus fertur amore in DEUM, & proximum. Etenim Deus graviter offensus ob idololatriam.
- Exod. 32.** Israhitarum, ait ad Moysen. *Cerno, quod populus iste duræ cervicis sit: dimitte me, ut irascatur furor meus contra eos, & deleam eos, faciamque te in gentem magnam.* Quid ad hæc Moyses? Non attendit ad proprios honores, sed orat non deleri populum, nè scilicet
- Ibidem.** blasphemetur Deus ab Ægyptiis, quod callidè eduxerit eum ex Ægypto, ut interficeret in montibus, & deleret e terra. Deinde reversus ad castra ait: *Si quis est Domini, jungatur mihi, congregatisque ad ipsum omnibus filiis Levi, jussit eos, ut procedentes per medium castrorum gladio percuterent populum: Cecideruntque in die illa, quasi triginta tria millia hominum.* Post hæc reversus ad Dominum, obsecrat eum ut
- Ibidem.** dimittat illis hanc noxam aut inquit, *Si non facis, dele me de libro tuo, quem scripsisti.* Quod dictum de zelo heroico Moysis pulchrè explicans Cornelius à Lapide dicit: Moysen hic tantum comparasse suam gloriam, ut sua propria erat beatitudo, & bonum cum gloria DEI, & salute Sancti populi, maluisseque suâ carere, quàm DEI gloriam periclitari, tum apud Gentiles, qui populo & DEO obtrectassent, si DEUS populum suum in deserto delevisset, tum apud ipsos Hæbreos, qui omnes in aeternum periissent, blasphemassentque DEUM in inferno: neque ulterius quid spectavit Moyses, sed totus abreptus charitate DEI, & gloriæ ipsius, non considerabat ali. huic voto suo annexa: vel certè cogitabat charitatem in via eandem esse, quæ in Patria, nequè illic essentialiter fore perfectiorem, aut intensiorem, quàm sit hic: accidentalem autem charitatis perfectionem ex DEI fruitione manantem, uti & inclinationem ad DEO fruendum se ponebat, eaque se hoc voto suo excidere permittebat, ut pote pro qua re poneretur, tum sibi major gratia, & charitas essentialis per istum actum tam heroicum, quo tantopere DEUM diligebat; nec dubitabat, quin DEUS eum per alias gratias copiosissimè remuneraretur: tum etiam reponeretur major gloria DEO, per tot nulla hominum spargenda, quam proinde à DEO fervidè desiderabat, ut ad illius, & simul populi, cui pro DEO dux erat constitutus, incolumitatem
- à Deo

à DEO impetrandam, cuperet suâ beatitudine privari; imò ut ait S. Chrysostomus homil. de Cruce & Latrone pariceps esse cuperet supplicii idololatræ populo irrogandi, peridquè cum iis optaret, ut idem ait hom. de amore erga perlequentes q. d. Moyses: aut dimitte populo, aut si enim à te, domoquè tua ejicis, ejice me simul cum ipso: non enim possum, à populo hoc meo, & tuo avelli, ac separari, videre non possum, ut populus hic meus & tuus pereat, quin si perit, cum eo peream & ego, ut ita tester charitatem, quam erga populum tuum, & consequenter erga te ô Domine in pectore meo incensam gero. Hoc ergo Moyse votum manavit ex charitate, putat atquè Moyses charitatem, tam DEI, quàm populi, hoc votum quati à se effingitare. Moyses enim hoc votum suum dirigebat ad hoc, ut per illud veniam populo impetraret; itaque magis DEI gloriam in populo promoveret, ideoque illud ipsum ipsimet DEO placitum non ambigebat. Itaque nullum fuit hic peccatum: licet enim Moyses petierit implicite carere amore beatifico, non tamen amicitia cum DEO, aut charitatis diminutionem petiit; quin verò hæc ejus preces, maximæ charitatis indicium & incensum desiderium ostendunt. Hætenus Cornelius à Lapide IV. In hoc sensu intelligendus quoque est S. Paulus Apostolus dicens: Optabam ego ipse Anathema esse à Christo pro fratribus meis. Supra quæ S. Chrysostomus ita inquit: Quid ais ô Paule? à Christo? illo inquam Christo; qui à te desideratur? à quo te, nec cælorum regnum, nec gehenna se parabat, neque ea, quæ cogitari possunt? nec alia totidem: Ab hoc nunc precaris anathema esse? Quid accidit? num desiderium illud excusasti, ac deposuisti? Flaudquaquam (inquit) sed pro fratribus meis, nec id utrumque volo, sed opto, multumquè desidero, ut fratres mei salvi fiant, optarim anathema esse: ego ipse, ipse ego, qui omnium magister sum effectus, qui merita infinita coegi, qui coronas infinitas expecto, qui sic illum amo, ut meus erga illum amor mihi sit rebus omnibus antiquior, qui quotidie propter illum uror; unum enim per omnia considerabat, nempe quomodo pulchrum hunc amorem expleret. V. S. Gregorius ait: Rectitudinis zelo contra vitia accendimur. Phinees: ante oculos deducatur, qui coeuntes gladio transiens castitati populum reddidit,

Rom. 9.

S. Chrysostom.

hom. 16. in E-

pist. ad Rom. 6.

9. tom. 4.

S. Gregorius in

Ezechiel. tom.

Num. 25.

& iram DEI iratus placavit. Sibi verò promeruit sacerdotium sempiternum dicente Domino. Phinees filius Eleazari filii Aaron sacerdotis avertit iram meam à filiis Israel: quia zelo meo commotus est contra eos, ut non ipse deletem filios Israël in zelo meo. Idcirco loquere ad eum: Ecce do ei pacem foederis mei, & erit tam ipse quàm semini ejus pactum sacerdotii sempiternum: quia zelatus est pro DEO suo, & expiavit scelus filiorum Israel. V. l. Helias torus zelo DEI igneus, in poenam abjecti cultus veri DEI, à Regibus & populo Israel, tribus annis plueri non

Regum lib. 3. permisit super terram: Tum prophetas Baal quadringentos quinquaginta interfecit. Deinde in monte DEI Horeb visione DEI recreatus, duos principes, singulos cum quinquaginta viris igne de caelo devorare fecit: Denique igneo curru & igneis equis in cælum subvectus servatur ad grande certamen cum Antichristo tum, quando opus erit maximè zelo fervere pro vindicanda gloria Christi, & reducendis seductis tot millionibus animarum.

In vita S. Bern.

Abbat. Clarav.

VII. S. Bernardo Summa fuit sollicitudo de salute multorum, quæ à primo die conversionis suæ tam singulariter sacrum illud pectus necitur possidere, ut erga omnes animas maternum gerere videatur affectum. Erat ergo vehemens in præcordiis ejus Sancti desiderii, & sanctæ humilitatis conflictus. Modò enim seipsum deiciens ferebatur indignum, per quem fructus aliquis proveniret. Modò oblitus sui aestuabat flagrantissimo ardore, ut nullam nisi ex multorum salute consolationem posse admittere videretur. Sanè fiduciam charitas pariebat, sed eandem castigabat humilitas.)) Hinc ille tam immensus fructus in Ecclesia DEI, quem ille vitâ, verbo, scriptis, miraculis ubique propagabat. Sed maximè quoque zelus ejus scriptis proditur. O quàm acerbè perstringit vitia Ecclesiasticorum, Religiosorum, nemini parcens, quantum gemit & deplorat statum perversum Christianorum,

In vita S. M. 17.

dalene de Paz.

& Prælatorum, prorsus miraculo tantus zelus est. VII. S. Magdalena de Paz in spiritu rapta intellexit ex Christo Domino, quòd in recompensam afflictionis, (quâ intimè affligebatur de ingratitudine & offensis humanæ malitiæ, contra DEUM commissis) & Zeli gloriæ Divinæ vellet illi dare cor suum plenum castissimi amoris eo modo, quo & S. Catharinæ Senensi Eadem Sancta tabescebat desiderio animarum salutis, & orabat.

Con.

Conſerva me Domine, quoniam in deſiderio animarum conſumpta eſt anima mea. Fuitque particeps doni illius, ſeu zeli quem habuit Chriſtus in vita ſua circa ſalutem animarum: quare in ſua quadam extaſi dixit: Collocavit me Verbum in deſiderio, quod ipſe habuit in Humanitate ſua. Dicebat autem DEUM conqueri, quod non haberet ejulmodi in hoc mundo, qui ſe opponeret contra iram ejus, eumque placaret: & addebat. Nos ſortes debemus DEO reddere rationem, quod hodie in inferno tam multe animæ ardeant. Nam ſi ego, & vos eſſemus ferventes ad faciendam orationem, & oblationem ſanguinis JESU pro illis: & ad recommendandum illas cum ferventi affectu DEO, ille forte placeretur, & non eſſent in illis tormentis. Imò intantum proceſſit zelus hujus Sanctæ, ut proteſtaretur ſæpè coram DEO paratam ſe eſſe, ſi placeret ejus voluntati, ut mergeretur in infernum pro ſalute animarum; ita tamen, ne ibi odio haberet DEUM, ac blaſphemaret. Et agebat. Quis mihi dabit millies mori pro ſalute animarum, & revivere, & iterum millies mori?

In Praxi imo; Comparatur zelus gloriæ DEI, & ſalutis proximi, illis motivis, quibus & Amor DEI & proximi (cùm zelus ſit amor intentus) tum infra poſitis actibus. Porro hic amor inproximum acquiritur quoque conſideratione ſummæ dignitatis animæ: quia ut ait S. Chryſoſtomus. Nihil eſt enim, quod animæ poſſit equiparari, S. Chryſoſtom. nec univerſus quidem mundus. Hanc igitur animæ nobilitatem ſive in cap. 1. Epist. ſplendorem ſanguine Chriſti expiatæ (ut ait Nierembergius) cùm ſe ad Cor: mel S. Catharinæ Senenſi datum divinitus eſſet animo intueri, ita Nierembergius exarſit zelo animarum ut dixerit: Tanta eſt animarum dignitas, doctr. aſcetic. l. & pulchritudo, ut ad eas lucrandas nullus pari labor eſſe poſſit; id. 1. doct. 6. c. 57. que glorioſiſſimis factis à ſe in hunc finem geſtis, maximeque laboribus, periculiſque ſuſceptis, ita eſſe, ut dicebat, opere ipſo oſtendit.) Sancta verò Magdalena de Pazzis zelum tribus in ſe moti- In vita S. Mag- vis excitabat, augebatque. 1. Conſiderabat ineffabilem amorem, dalina de Paz- quem DEUS habet; & quod multa ſit perpeſſus Jeſus cum inex- plicabili amore propter animarum ſalutem: quodvè illæ ſint datæ in hereditatem JESU ab æterno Patre. 2. Conſiderabat, quàm pul- chra ſit anima in gratia Dei cõſtituta; & quod Deus in hoc magnū habeat

habeat gustum; quòdve ineffabilis sit fortuna talis animæ. 3. Considerat magnam turpitudinem animæ in lethali culpa permanentis, tum summum periculum & infortunium ejusdem.

2. *ds.* In exercitio zeli summâ opus est prudentiâ, & discretionem, nè dum quis juvare velit, potius & sibi & proximo noceat, gloriaque DEI oblit: de quo infra sub excessu zeli. Hinc videatur *Quis* est zelotes an superior vel inferior, & contra *Quem*, aut pro *Quo* zelos. Multa enim necesse est facere superiores in zelo, quæ non expediunt inferioribus: & aliqui sunt quostuus zelus ut ignis ceram emolliet ad bonum, aliqui quos idem ignis ut lutum indurabit in malo. Consideres cur aliquid zelos: nam si DEUS, vel æternitas, vel quæ ad hæc ordinantur non sunt, causa zelus hic minùs est laudabilis, minusquè proficiet. Consideres opportunitatem *Loci*, *Temporis*, & potissimùm nè in *Modo* erres, nè scilicet in spiritu vehementi conteras naves *Tharsis*, seu peccatores in hoc mari magno & spatiofo mundi fluctuantes, nimio terrore in pusillanimitatis, vel desperationis abyssum mergere facias: Habeas mistam cum severitate spiritus lenitatem, imitans Christum, quem prædixit Propheta *Linum fumigans* seu peccatorem aliqua ipe emendationis spirantem, non extincturum: Nisi fortè in duros & obstinatos, & nè alios corrumpant, fulmina essent jacienda, ut sit spiritus grandis subvertens montes, & conterens petras ante Dominum. Sicut & Christus flagello ejecit è templo ementes & vendentes, & mensas nummulariorum subvertit, Phariseos hypocritas, sepulchra dealbata, generationem pravam ac perverfam, progeniem viperarum, &c. appellavit. Sicut & Helias 450. falsos Prophetas Baal occidit. Et Sancti Reges ac Principes ferro, imò Tribunal s. inquisitionis hæreticos igni compescunt: Judices zelo justitiæ iniquos perimunt. Cæterum in zelando & corrigendo observet, quæ S. Gregorius proponit dicens: Vera justitia compassionem habet, falsa justitia dedignationem: quamvis & justii soleant rectè peccatoribus dedignari. Sed aliud est, quod agitur typo superbiæ, aliud quod zelo disciplinæ. Dedignantur etenim, sed non desperantes: persecutionem commovent, sed amantes, quia etsi foris increpationes per disciplinam exaggerant, intus tamen dulcedinem per charitatem servant.

Præpo-

Psal. 47.

Isai. 42.

3. Reg. 18.

Matth. 21. &

Jom. 2.

Matth. 23.

3. Reg. 18.

S. Gregorius

hom. 34. in

Evangel.

Præponunt sibi in animo ipsos plerumque, quos corrigunt: meliores existimant eos quoque quos iudicant. Quod videlicet agentes, & per disciplinam subditos & per humilitatem custodiunt semetipsos. At contrarii, qui de falsa iustitia superbiunt solent, cæteros quosque despiciunt, nullâ infirmitatibus misericordiâ condescendunt; quò se peccatores esse non credunt, eò deterius peccatores sunt. De quorum profecto numero Pharisei exstiterant, qui dijudicantes Dominum quòd peccatores susciperet, amenti corde ipsum fontem misericordiæ reprehendebant.)) Jam verò in dubio an zelandum, vel non; an multum, vel parum: potius recurre ad ferventem orationem, precando instantissimè DEUM pro amotione malorum: & citius sic proficies, cederique ad votum tuum, quàm agendo intemptivo zelo.

3tio. Supple etiam hic proportionatè ex suprâ dictis.

Actus zeli circa propriam salutem in via Incipientium, & Proficientium.

I. 2. tra. 1. c. 1.
sec. 4. subf. 2.
§. 2.

DEus meus, ô quanta felicitas ex virtute vivere! Te in tempore, & æternitate contemplari, amare, de Te, tuisque bonis gaudere! O quanta infelicitas peccatis, & pro illis millies hic, & in æternum cruciari! Amo, desidero intensissime, mihi, & proximo illam felicitatem; ut nimis fugio istam infelicitatem. Et tamen nec hanc evadere, nec illam assequi ut veilem, valeo, sed in vitiis & imperfectionibus, meis coangustor. Hinc ingens tristitia, & continuus dolor cordi meo: hinc gemitus, suspiria, lachrymæ, lamenta, super amarissima contritione mea, hinc conatus, iræ impetus in obstacula, sed in cassum. Et quod, inconsolabiliter me cruciat, & gravius exacerbat, est, quia tot annis pere in senectam, non modò de virtute in virtutem, & amorem Tui proficio, quin potius à pristino fervore deficio: & interim quanta beata eternitatis detrimenta patior, in singula momenta, quis edisserat? Quid ergo agitur? Usquequo Domine oblivisceris me in finem? usquequo avertis faciem tuam à me? Quamdiu ponam consilia in anima mea, dolorem in corde meo per diem? Usquequo exaltabitur inimicus meus super me? respice & exaudi me Domine DEUS meus. Usquequo Domine clamabo, & non exaudies? vociferabor ad te, vim patiens, & non salvabis?)) Heu! Heu mihi! Quæ causa tanti mali? Ego, ego

Psal. 12.

Habac. 1.

Psalms 30.

S. Bernardus
serm. in Nati-
vit. S. Joan.
Baptist.

infelix homo, qui non sum dignus exaudiri à Te, vel in penam peccatorum meorum, vel quia tepide & trepide oro: Ego, ego qui occasiones peccatorum plenè non fugio, qui obstructam virtutis viam, non resolute, non magnanimiter, non per fortia eluctor perrumpere, contentus aliquantum deitasse virtutes. Quid igitur? Itane desinet in dolore vita mea, & anni mei in gemitibus?)) Itane peribit spes mea? Absit, absit. Dum spero, spero. Quidquid verò, ut Tuus Bernardus inquit, Minus est fervor, humilitas suppleat puræ confessionis. Fidelis est DEUS, si confiteamur iniquitates nostras, si misérias nostras exponamus, si non exasemus infirmitates nostras, dimittit nobis peccata nostra.)) Ceterum DEUS meus, sum omnino ab hoc momento, nihil mihi prorsus & mundi huius bonis, negotiis, tumultibus, vel saltè moderatius cum illis pro exigentia statûs mei, cōsolitudinem & silentium, agere poenitentiam, & totis viribus dare operam perfectioni virtutis. Adjura me DEUS efficaci gratiâ tuâ. Succurre pia Mater DEI. Succurrite S. S. Patroni mei.

*Actus zeli circa propriam Salutem in Via
Perfectorum.*

Psalms 72.

Exod. 33.

Psalms 41.

O Summum Bonum & Pulchrum! quàm jucunda tui visio, quàm suavis dilectio, quàm beata fructio! Si ad rarissimum & momentaneum fulgoris tui instar fulguris coruscantis radium, exultaverunt omnia ossa mea, defecit caro mea, & cor meum, id solum ingemians: Quid mihi est in cælo, & à te quid volui super terram? DEUS cordis mei, & pars mea DEUS in æternum.)) Quanto magis totus abirem in vivam amoris tui flammam, & ardens incendium, dum mihi clariùs, diutiùs, frequentius faciem tuam ostenderes. Sed heu! heu! tanto bono tantum frui usque adhuc dignus non sum, adhuc nitidiùs depurari à pulvisculis terrenorum oculos mentis opus, adhuc fortiora agere, & pati, adhuc diu noctuque ardentissimis desideriis inclamare cum Moyse: Si inveniri gratum in conspectu tuo, ostende mihi faciem tuam, ut sciam te. Et: Ostende mihi gloriam tuam.)) Item cum Psalmista: Sitivit anima mea, ad DEUM fontem vivum; quando veniam, & apparebo ante faciem DEI? fuerunt mihi lachrymæ meæ panes die ac nocte: dum dicitur mihi quotidie: Ubi est DEUS tuus?)) Quid igitur cun-

ctarum

hvis anima? Quid ultra dissemulas? Tolle citius impedimenta, de in celum gemitus ac lamenta: & perge totus in DEUM Summum Bonum & Pulchrum.

*Actus interni zeli Honoris DEI, & Salutis animarum, ex
Thesaur. indefici: Blasii Palma.*

Zelosisime DEUS meus, qui gloriam tuam alteri non das, & omnes animas solus creasti; ideoque inter alia tua nomina etiam Dominus zelotes, & DEUS emulatur vocari voluisti; doleo & summe crucior nomine omnium illorum hominum, qui in suis operationibus relinquentes veram, & rectum finem, qui solus es Tu, summum & unicum bonum, magis res temporales, & caducas huius mundi querunt, & amant, quam Te; & continuò peccantes, tradunt se in potestatem diaboli crudelis ipsorum inimici: id quod sine magno moerore, & poena cogitare, & loqui non possum.

Quare DEUS meus, ego vilissimus peccator, nullius præmii respectu apud Te, offero pro Gloria Nominis Tui, ac pro salute totius mundi, meritis omnium Electorum, qui fuerunt, sunt, & futuri sunt, usque ad finem mundi. Et si ego solus ob amorem, & honorem tuum, sustinere possem omnes poenas, omnia tormenta, quæ omnes sei vi tui passi sunt, modò per ejusmodi perpesionem efficere possem, ut nullus unquam te amplius offenderet, toto corde rogarem, ac supplicarem tibi pro hac gratia. Quia potius amore tui integre (si tibi placeret) abdicò me omnibus, si quæ forte existant apud te meritis meis, & bonis operibus: (si tamen unquam aliqua tibi vere grata præstiti) & offero illa tibi æterno Patri, unita cum meritis Filii tui, pro conversione totius mundi, ut sic ab omnibus honoreris in terra, sicut in cælo. Et si possint omnia flagella, quæ aliis debentur, propter sua peccata, meo tergo imponi, ut ipsis parceretur, & meritum huius mei supplicii in bonum ipsarum cederet, etiam hæc te rogarem: & si tibi expedit, jam humiliter te rogo: ut pro hoc, quicunque meo obsequio des omnibus gratiam perfectissime tibi serviendi: itaque te amando, ut nullus amplius te offendet: Sed perpetuò omnes te laudent, ac benedicant, non minus quam faciunt tui Angeli, & Sancti in cælo.

Pre-

Præterea tanti facio honorem, & gloriam tuam, ut eligam potius manere æternum in inferno, & pati omnia tormenta, quam ut Tu vel unico momento priueris tuo honore: cum tibi omnes honores debeantur, mihi autem omnes poenæ, anxietates, & dedecora: & ne de frauderis tuo debito honore, veniant obsecro super me omnia mala anime, anxietates, & miserie. Etsi hoc non sufficiat ad Te honorandion, veniant super me omnia mala anime & corporis absque peccato: eaquæ talia, & tanta, qualia, & quanta, tu scis posse inveniri, sive in inferno, sive in terreno hoc mundo, sive in purgatorio: & si qua fieri possunt, ius adhuc maiora gravioriquæ. Sed Tu interim ô Amor meus ne obliviscaris mei, sed des mihi gratiam, & fortitudinem ad sustinendum illa, sicuti ego libenter, pro amore & honore tuo paratus sum illa acceptare.

Actus externi zeli salutis animarum, ex Blasio

Palma Thesaur: indefic.

1. **S**Tatas preces pro Ecclesia, nominatim pro Magistratibus cum Sacris, tum Politiis: itemque pro religiosis Ordinibus tibi indicito: plurimum interest boni publici Pertonis, quæ ad multos spectant, consuluisse.
2. Angelos hominum improborum, hæreticorum, infidelium obtectare, suos ut juvent: hi enim in istos multum possunt.
3. Libris editis, erectis seminariis &c. Item Cathechismis, exhortationibus, concionibus &c. Seu per te, seu per alios, quibus artibus, & opibus vales, bonum animum promere.
4. Si quis mortale crimen admittit, vel jam admisit, omnem lapidem move; ut impediās, aut tollas: ita cura, ac si ipsemet vulnus accepisses.
5. Animas purgatorii ignibus cruciatas solare, subleva oratione, jejunio, eleemosynâ.
6. Domesticorum curam singularem habe: hi ad te propius pertinent. Liberos à teneris erudi. Nutricem probam, bonos Magistros advoca. Hic res magna agitur; sed filiarum præsertim pudicitiam perditus & pernox excubitor observa, & serva; nihil eo thesauro expositum magis.
7. Familiam piè & religiose sic institues. Manè à singulis privatim, vel etiam communiter oretur. Hi quibus vacat, rei sacræ

sacræ intersunt. Vesperī conscientiam excutiunt. Singulis minimum mensibus, peccata ritè expiantor, sacræ mensæ accumbunt. Hæc familiæ lex esto. Quilibet has ædes habitat, Sobrietatem, Castitatem, Justitiam, Religionem, Probitatem denique omnem colito. Nè mentitor. Nè pejerato. Nè blasphemato. Nè aliis detrachito. Nè poculis ac lulis intendito. Nè verbis factis-ve cujusquam oculos, aures, animum lædito. Qui secus faxint, abscedunto.

SECTIO XVII.

De Oppositis Zelo Laudabili.

PRIMO. Opponitur *Pseudo-zelus*. Qualem habuit Saul, qui occidit Gabaonitas, ex zelo quasi pro filiis Israel & Juda (porro Gabaonitæ non erant de filiis Israel, sed reliquiæ Amorriæorum, filii quippe Israel juraverunt eis, nè percuterent eos, ut legitur in Iosue c. 9.) Verum ejusmodi zelum DEUS punivit in Israel fame, tribus annis jugiter. Unde ad placandum Dominum dedit Rex David Gabaonitis septem filios Saul, ut crucifigerentur. Ejusmodi zelotes sunt & Judæi, de quibus Apostolus inquit: *Æmulationem DEI habent, sed non secundum scientiam.* Hinc Origenes ait: *Nihil prodest habere zelum DEI, & non habere scientiam DEI.* Judæi putantes se zelum DEI habere, Sacrilegi exstiterunt in Filium DEI: quia non secundum scientiam zelati sunt.)) In numerum Pseudo-zelorum & illi referendi sunt, qui zelo quasi bono ducti, prorumpunt in impatientiam contra DEUM, in proximi calumnias, detractiones, maledictiones, contentiones, rixas, seditiones, schismata, &c. Per quas inordinationes non unus probus & pius periit, seductus à sathana transfigurante se in Angelum lucis. Quare contule hoc in passu Regulas S. discretionis de quibus infra. Pseudo-zelus quoque est imperfectum hominem ad exemplum aliorum velle suis virtutibus publicè lucere, cum ingens ruina à flatu vanæ gloriæ ipsi immineat. Unde S. Bernardus ait: *S. Bernardus Singulariter Apostolis & Apostolicis viris dicitur Matth. 5. Lucet lux vestra coram hominibus, nimirum tanquam accensis, & vehementer accensis, & quibus non timeatur à flatu quolibet, aut impulsione ventorum.))*

2. Reg. 21.

Rom. 10.

Origen. in Epist. ad Rom.

Cap. 9. sub gratiis gratis datis.

S. Bernardus in nat. S. Joan.

2do. Opponitur *Zelus per Excessum*, qui & ipsi zelanti est no-

civus, vel nimia tristitia seipsum consumendo, vel ira nimis alterando, &c. Et proximo, aut ipsum intempestivo impetu ad impatientiam provocando, aut in malis duriorem reddendo, &c. Hinc S.

S. Bernardus Bernardus inquit: Importabilis absque scientia est zelus. Ubi
in Cant. serm. 30. go vehemens æmulatio, ibi maximè discretio est necessaria, quæ
49. est ordinatio charitatis; semper quidem zelus absque scientia
minus efficax, minusque utilis invenitur: plerumque autem &
perniciolosus valde sentitur. Quò ignis zelus fervidior, ac vehementior spiritus, profusiorque charitas, eò vigilantiori scientiâ opus est, quæ zelum reprimat, spiritum temperet, ordinet charitatem.

3tio. Opponitur Zelus per Defectum. Hic defectus maximè in Prælati Ecclesiæ & Superioribus, omnium defectuum, & totius perditionis mortalium origo. Cur enim pereunt homines? quia infideles, vel improbi. Cur infideles, & improbi? quia non corriguntur fraternè, paternè, indiciariè ab erroribus suis. Cur non corriguntur? quia in correctoribus friget zelus, seu fervens amor veri Boni, & ex eo procedens implacabile odium mali. Cur friget zelus Boni, & odium mali? quia mente non penetratur immanis magnitudo veri Boni, & summa malitia peccati. Unde S. Magdalena de Paz videns causam adeò exigui zeli pro salute animarum in servis DEI esse ignorantiam magnitudinis offensæ DEI, hisce inclamat verbis: O malitia! quàm modicum, & non à multis penetraris? O Bone DEUS! illa non est agnita! Multi illorum dicunt, quod sis offensus: sed non vident nec percipiunt, quid sit offensa. Illa sola bene penetrabat magnitudinem offensæ DEI, videns enormia scelera mundi (quæ sæpe illi DEUS ostendebat) unde in quadam extasi ita lamentabatur: Circumdederunt me dolores mortis, dolores inferni circumdederunt me: comedit me dolor inferni pro multitudine iniquitatum nostrarum.)

Zachar. II.

Prælati absque zelo, ô Pastor, & idolum! derelinquens gregem: vivum cadaver sine spiritu DEI, foetens in conspectu DEI, abominatio cæli & terræ. Infelix domus, congregatio, cui præest mente cæcus, surdus, mutus, frigidus, stupidus. Vide plura de oppositis statui Curatorum animarum, de oppositis fraternæ correctioni, & vindictivæ justitiæ.

1. 2. tra: 1. c. 1.

sec. 4. subs. 2.

9. 2. & 3.

Vide etiam suprà posita, & hic convenienter applica contra Opposita laudabilis zeli.

SECTIO

SECTIO XVIII.

De Dono Sapientiae.

Sapientia pertinens ad charitatem, est donum Spiritus Sancti, quo per V. D. Thom. 2^a altissimam causam, seu secundum regulas & rationes divinas, potest 2. q. 55. 4. l. homo omnia recte judicare, & agibilia adproxim probe ordinare. Unde dicitur: Spiritualis judicat omnia. Item ibidem: Spiritus omnia scrutatur etiam profunda DEI. Et S. Bonaventura inquit: Est sapientia, quæ desursum est, sicut dicit Iacobus Apost. c. 3. in Epist. sua. Desursum est, quia à Patre luminum est creata. Et hæc est vera sapientia. Quia ipsa est veri splendoris, & boni saporis. Splendor dirigit intellectum ad veri cognitionem, & sapor erigit affectum ad boni saporosam dilectionem. Igitur quæ sursum sunt sapite, non quæ super terram, ait Apostolus. Objectum ergo doni sapientiae principale est DEUS, non sub ratione veri absolute, sed sub ratione veri, in relatione ad rationem boni, ut est exercitativum voluntatis, ad ejus saporosam dilectionem. Actus autem sapientiae, est contemplari DEUM, non quocunque modo, sed ex dilectione, cum quadam experimentalium suavitate, & affectu. Unde August. dicit: ubi nulla est dilectio scilicet gratuita, quis illam sapientiam esse dicet? Et Isidorus dicit: 1. 15. de Trin. Sapientia dicta est à sapore; quia sicut gustus, aptus est ad discriminationem saporis ciborum; sic sapiens ad dignoscendum saporis rerum, aut causarum aptus est. Ex his igitur apparet, quod donum sapientiae, est habitus supernaturalis animæ, à Spiritu S. infusus ad DEUM cognoscendum, & saporose diligendum. Hæc D. Bonaventura.

Illicia ad Sapientiam expectanda, S. Bonaventura inquit: D. Bonavent. Sapientia animam facit DEI-formem; illustrat enim intel- de dono sapient. lectivam, inflamat affectivam; roborat operativam. Facit in- c. 11. tellectivam speciosam, affectivam amoenam, operativam robustam. S. Bernardus: Multa bona fiunt, quæ non sapiunt facientibus: quia sapor carnalis seu mali, non est totaliter exterminatus. Sed in Cant. serm. nunc assidue sapientia vincit malitiam in mentibus, quas intraverit, saporem mali, quem malitia invexit sapore meliore exterminans. Intrans enim sapientia, sensum carnis infirmat, & infatuat, & intellectum purificat, & cordis palatum sanat & reparat.

S. Bonaventura de Bono Sapientia. c. 2. Sanato palato jam sapit bonum, sapit & ipsa sapientia, quæ est in bonis nullum melius. Hæc ille. S. Bonaventura: Sensu autem gustûs reparato per sapientiam, omnes sensus spirituales convalescunt, & vegetantur. Sicut infirmato sensuali gustu, alii quoque deficiunt sensus corporis, illo reparato & isti reformantur. Et paulò post de hujusmodi sapientia dicit Jacobus: Sapientia quæ desursum est, primum quidem pudica est: quia vitat corruptelas peccati, pacifica & modesta est, in omnibus tenens medium, suadibilis est, bonis consentiens, plena misericordiâ, & fructibus bonis, judicans sine simulatione, fructus autem justitiæ in pace seminantur facientibus pacem. Igitur donum sapientiæ non solum docet secundum rectum judicium contemplari Divina: sed etiam docet regulari humanos actus excellentiori modo, quàm sapientia, quæ est virtus intellectualis.

1. 2. tract. 1. c. 1.

Sapientie copiosior descriptio, conditiones, gradus, motiva, praxes, & adeam dispositiones, in Preliminaribus Operis hujus habentur: 1. 9. 4. & 10. Tum ubi agitur de donis Spiritûs Sancti in genere; & maxime de Contemplatione ac Mystica Theologia.

SECTIO XIX

De Oppositis Sapientiæ.

Presupponendum est, hic nos agere de oppositis sapientiæ, non ut præcisè donum est, unum ex septem donis Spiritûs Sancti, verùm ut simul sapientia communiter à spiritualibus pro omni virtute seu vita sancta ac perfecta accipitur.

Primum itaque Oppositum sapientiæ est Pseudo-Sapientia, quæ vel ex ingenii naturalis subtilitate ac perspicacia, complexionis bonitate ac teneritudine, vel ex illusione diabolica transformante se in Angelum lucis circa Divina speciales quasdam videtur sibi homo percipere illustrationes, animi sensus, sensibiles dulcedines, mentis extases. De quibus Vide sub Discretionem spirituum infra.

V. D. Thomam

Item pseudo-sapientia illa est, quæ præstituit sibi finem ultimum in re 2. 2. q. 45. art. aliqua creata. Quia secundum D. Thomam sicut circa ea, quæ sunt 1. 4. d. 1.

verè

verè bona, invenitur aliqua altissima causa, quæ est summum bonum, quod est ultimus finis per cujus cognitionem dicitur homo verè sapiens: ita etiam in malis est invenire aliquid, ad quod alia referuntur, sicut ad ultimum finem; per cujus cognitionem dicitur esse sapiens ad malè agendum secundum illud Hierem.

4. Sapientes sunt, ut faciant mala, benè autem facere nesciunt. Quicumque autem avertitur à fine debito, necesse est, quòd aliquem finem sibi indebitum præstituat, quia omne agens, agit propter finem. Unde si sibi præstituat finem in bonis exterioribus terrenis, vocatur *sapientia terrena*; si autem in bonis corporalibus, vocatur *sapientia animalis*, si autem in aliqua excellentia, vocatur *sapientia diabolica*, propter imitationem superbix diaboli: de quo dicitur Job 41. ipse est rex super universos filios superbix.) Huiusmodi sapientix terrenæ, animalis, diabolicæ, sectatores sunt Pseudo-Politici, seu Machiavellistæ, aliàs Statistæ, quibus pro ultimo fine quisque eorum sibi ipse: & finalis causa agendorum est Ratio Status non communis (quamvis se de eo jactitent) sed proprii seu privati boni, etiam cum eversione publici intentio, ac per fas & nefas quæsitio.

Principia eorundem Pseudo sapientum describit *Dobroslensius* dicens: Principia politica, vel aliàs Re-*Dobroslensius* gulæ sapientix mundanæ sunt in triplici differentia. *Primæ diff-* in *Summa* ferentia principia pravæ politicæ, puta esse omnia dogmata hæreticorum, per quæ nimirum & ipsa doctrina veræ fidei Catholicæ depravatur, & ipsius carnis ac sensualitatis habentæ laxantur. *Ascet. & Myst. Theolog. Medit. de inferno pra-*

Secundæ differentia principia pravæ politicæ, per quæ simplicitas ac sinceritas Christiana expresse subvertitur, & boni mores aperte funditus corrumpuntur, sic describit *S. Gregorius* dicens: Deditur iusti simplicitas. Huius mundi sapientia, est cor machinationibus regere, sensum verbi velare, quæ falsa sunt, vera ostendere, quæ vera sunt, falsa demonstrare. Hæc nimirum prudentia usu à iuvenibus scitur, hæc à pueris pretio dicitur, hanc qui sciunt, cæteros despiciendo superbiunt, hanc qui nesciunt, subiecti & timidi in aliis mirantur: quia ab eis hæc eadem duplicitaris iniquitas nomine palliata diligitur, dum mentis perversitas, Urbanitas vocatur. Hæc sibi obsequentibus præcipit honorum culmina quærere, adeptâ temporalis gloriæ vanitate gaudere,

irrogata ab aliis mala multipliciter reddere: cum vires suppetunt, nullis resistentibus cedere, cum virtutis possibilitas deest, quidquid explere per malitiam non valent, hoc in pacifica bonitate simulare. At sapientia justorum est, nihil per ostensionem fingere, sensum verbis aperire, vera ut sunt, diligere, falsa devitare, bona gratis exhibere, mala libenter tolerare quàm facere, nullam injuriæ ultionem quærere, pro veritate contumeliam lucum putare. Sed hæc iustorum simplicitas deridetur, quia ab huiusmodi sapientibus, puritatis virtus fatuitas creditur. Omne enim quod innocenter agitur, ab eis procul dubio stultum putatur: & quidquid in opere veritas approbat, carnali sapientiæ fatuum sonat. Quid namq; mundo stultius videtur, quàm mentem verbis ostendere, nihil callidâ machinatione simulare, nullas injuriis contumelias reddere, pro maledicentibus orare, paupertatem quærere, possessa relinquere. rapienti non resistere, percutienti alteram maxillam præbere?)) *Tertiæ differentię principia politica* huius loci propriæ, quæ nimirum principiis Christianæ politicæ tum occultè tum apertè adversantur, ac vitæ spirituali dissentiunt ista esse puta. Vitam scilicet, possessiones, propriam excellentiam, corporis commoditates, & his similia tueri cum dispendio legis Divinæ, si aliter fieri non potest. Ante omnia curam habere proprii status, prolis, familiæ, ac niti ut bona acquisita retineantur, aut quoq; augeantur, etiam si leges Ecclesiasticæ aut Divinæ obstant, Libenter Divina ignorare, ut in peccatis excusatio habeatur. Non reputare pro peccato voluntariam transgressionem legis æternæ, ubi conscientia non vult DEUM offendere. Omnibus bonum pro bono, & malum pro malo velle ac rependere. Nemini nocere innocenti velle, nisi aliàs ipsi nocenti. Pacificè se habere cum pacificis, & turbulenter cum turbulentis. Benedicere benedictibus, & maledicere maledicentibus, &c.

Concionator
hist. p. 3. hist.
140.

Rever. P. Michaël Pexenfelder, Pseudopoliticorum aliquot genera describit dicens: Horum quatuor potissimum genera reperiri docet Theophilus Ragnandus noster in Criticis sacris operum Tom. II. Partitione I. Primum genus est eorum, qui frontem ita perfricuerunt, ut insciari audeant, ipso naturali lumine adversante, nullum cælo inesse Numen; sed omnia casu & fortuna regi; quod nefarium dogma ita tamen occulunt, ut impiâ
mentis

mentis apud seipfos agitatione, propudiosum sensum omni ratione verbis quamvis ostendant, factis studeant celare. Alii rectius Atheismi larvâ velati sunt, qui tamen Christiano videantur gaudere nomine, eis tamen Religio ludus est; Sine rubore, sine pudore facetos, vel potius scurras agunt in rebus fidei sanctissimis, ita ut quamvis apertè sacra Religionis mysteria & cultum, Numinis non proleindant, scommatibus tamen & impiis jocis adeò protervè procaciterquè traducant, ut satis prodant, nullo apud se loco esse, quidquid ad Religiosum DEI obsequium promovendum spectare possit. Tertio sunt quidam, qui licet de Deo sileant; quædam tamen dogmata convellunt, sine quibus non potest constare dignitas, & majestas DEI; ut est Providentiæ Divinæ, judicii extremi, immortalitatis animarum, æternæ vitæ vel mortis assertio. Qui enim DEUM improvidum statuit, DEUM negat, vel amore operum suorum, vel potestate eis prospiciendi, vel cognitione eorum indigentia carentem. Quartò hac maxime tempestate, seu Politici, seu Pseudopolitici vocantur, qui Religiosum cultum eatenus probandum ac retinendum censent, quatenus ad continendos populos in civili disciplina, & obedientia politica potest conducere, & opportunitati vel firmandi, vel amplificandi Principatus servire, non secus ac in scenam prodeuntes & inde redeuntes Actores, aliam atq; aliam personam assumunt. Ex his principiis deduxit sua dogmata Machiavellus, ejusque discipulus Leontius. His ego quintam Politicorum sortem addo, qui bonum suum privatum non modò præ bono publico & communi politia statu, sed præ quavis honestate habent. Vultis scire quales sint? Loquela illos sua prodit: Attendite, quid cogitent, quid loquantur. Quod Ovidius olim cecinit.

Hoc isti canunt: *Quidquid conabar dicere, versus erat.*

Quidquid conabor dicere, fucus (aut fumus) erit. Axiomata Pseudopoliticorum.

Sub vafro pectore, se det abdita vulpes, omnia referuntur ad astutiam, fraudem, commodum proprium, Magnatum gratiam. huic vento velificantur; huic serviunt scenæ. Summum apud eos artificium mendi, & in mendacio non deprehendi; tanquã de hoc supremus non uraret Prætor. Officiorum ajunt, largum esse oportere, quæ nihil habent impendii, polliceri liberaliter, præstare nihil. quoties de re agèda agitur, vel patri esse verba danda; vel ad ejus latus se assensando

tando adungere, quem noveris esse gratum Jovi; vultum domi componere, & cujuslibet fortunæ larvam fingere; nullum apertè lædere; idem securitibus à tergo fieri; decipere alios, urbanum & civile esse; è prudentiæ dictamine, commoditatibus ubique invigilandum, & ubi ubi lucrum venandum, injurias filici, benefacta pulveri inscribenda. Curandum, nè cuiquam obnoxius sis. Et paulò post idem Author ait. Athenis rediisse videntur si moribus ac artibus peregrinis imbuti, didicerunt vanitate verborum, fallaciâ promissorum, simulatione officiorum, circumventionem amicorum, implicationem negotiorum, interpretationem dictorum, ambiguitate sensuum, calliditate suspensionum deludere virum bonum alios suâ probitate metientem. Hæc ille,

Incitamenta execrandi & cavendi Pseudo-sapientiam, seu

- Proverb. 6.** Pseudo-politiam. *Imum Prov.* Homo Apostata vir inutilis, graditur ore perverso, annuit oculis, terit pede, digito loquitur, pravo corde machinatur malum, & omni tempore jurgia seminat. Huic extemplò veniet perditio sua, & subito conteretur, ne habebit ultra medicinam. *Eccle.* Væ duplici corde, & labiis sceleratis, & manibus malè facientibus & peccatori terram ingredienti duabus viis! Væ dissolutis corde, qui non credunt DEO, & idè non protegentur ab eo! Væ his, qui perdidierunt sustinentiam, & qui dereliquerunt vias rectas, & diverterunt in vias pravæ! Et quid facient, cum inspicere cœperit Dominus? *Utiq; pro sua duplicitate recipient à Vindice Numine duplicia mala juxta illud Prophetæ:* Induc super eos diem afflictionis, & duplici contritione contere eos. *Apostolus:* Sapientia carnis inimica est Deo: Legi enim DEI non est subiecta, nec enim potest. *Item:* Sapientia hujus mundi stultitia est apud DEUM. Scriptum est enim: *Comprehendam sapientes in astutia eorum. Et iterum:* Novit Dominus cogitationes Sapientum, quoniam vanæ sunt. *Seraphi- S. Bonaventur.* eius Doctor rationem dat, cur stulta sit mundi sapientia: quia hæc de donis Spiritus sapientia pejus meliori præponit. Stultus itaq; esset, qui cuprum tñs S. eoque eligeret præ auro. Sic isti faciunt: Nam bona temporalia præ sapientiæ c. I. ponunt æternis, sicut divitias, honores, favorem mundi & laudem. Unde meritò diabolica vocatur hæc sapientia: Nam sicut diabolus temper studet ad perditionem hominis, si tales ad propriam

priam perditionem student. Nec dicuntur Sapientiæ sapidæ, sed stultæ & insipidæ. *3^{um}* *Ab exemplis.*

1^{um} Quia Pseudopolitia est universitas iniquitatis, ut patuit, & patebit. Ratio enim *statûs*, seu inordinatus Amor sui, (qui maximè locum habet in Principe ordinante bonum publicum finaliter in proprium bonum) & boni temporalis, imò degenerat in contemptum DEI; *2^{do}* idem Amor avertens hominem ab ultimo fine, & summo Bono, convertit ad infima bona honorum, divitiarum, deliciarum: illaque consequi licitis vel illicitis mediis potenter incitat. Ex quo quid sequitur, nisi quia circa finem & media malè est dispositus homo, eum in barathrum omnium scelerum criminumque ruere est necesse. Omnes nim leges Divinæ, & humanæ, in moribus circa finem & media versantur, quæ Pseudopoliticus semper est paratus transgredi, dum aliter ei ad votum non cesserit. Ex quia à principio maximè horrendis conscientie æstuat procellis, nè supremum Numen iratum, in præsentem tum in futuro in eum delæviat: deficit in Atheismum, persuadens sibi non esse providentiam DEI, ulteriores scelerum, omnia casu, fatoque fieri, & alia similia somniat deliria, ad leniendam conscientie torturam. Hi perditissimi homines Paganis sunt deteriores: apud quos nulla scientia potior, quàm Ethica, seu de virtute & vera Beatitudine. Antiquis seculis nihil pretiosius quàm fidelitas & sinceritas, unicum humanæ societatis vinculum. At Pseudopoliticis virtus nulla, vel fucata: fides, veritas, sinceritas ejurata. Præstat ergo non vivere, quàm cum infidis, dolosis, perversis, incarnatis dæmonibus, omne fas & ius evertentibus, vivere. Imò citius caveretur diabolus, quàm Pseudopoliticus.

3^{tium} Ab exemplis. Quoniam in Pseudo-sapientia seu Pseudo-politia judicio omnium excelluit Machiavellus, placet Ribadineira hic breviter afferre ejus notitiam, quis, unde fuerit, quid, quaque mala docuerit, & quo fine decesserit. P. Petrus Ribadineiro Hispano ex Hispania s. J. hæc profert: Nicolaus Machiavellus in politica, & ea Reimico idiomate publicæ gubernandæ, imperii que regendi scientia, quam plerique *trās*latus in Latinum à Jo. collocavit; eaque de re libros scripsit, & posteritati reliquit; in Orano S. J.

quibus hanc civilem, & politici statûs artem explicat, & fortem magnanimumquè Principem formandum suscipit; præcepta tradens, quæ ad retinendum, augendumquè statum observare debeat. Sed ut fuit vir vaser, impius, ac verè Atheus: ita & illius doctrina, tanquam ex corrupto pestiferoquè fonte deductus latex, subdola est, turbida, & venenata, & iis qui ex ea biberint,

Judicium Ribadineira super Machiavello & ejus politica.

insuficiendis, perdendisquè accommodata. Illud enim tanquam initium & fundamentum ponit, propositum & scopum, in quem Princeps collimet, & cætera omnia referat, statûs & imperii conservationem esse; eam proinde in rem adjumenta omnia, sive ea honesta sint, sive inhonesta, justa æquè ac injusta, dum tamen utilia, nullo delectu aut discrimine, adhibere posse. Numerat autem in ea subsidia Christianam Religionem: cujus eatenus solum habendam Principi rationem docet, quoad statui suo expedire judicaverit. Quare fronte & vultu, ad speciem præse ferre nonnunquam debere pietatem, tametsi ab illa prorsus abhorreat; interdum etiam complecti quamcunque simularam religionem, quantumvis absurdam.)) Et infra à idem Ribadineira hæc subnectit de Machiavello: Nefarius iste nebulosus, verusque dæmonis administrator, hanc suam perniciosam, detestabilem, planèque diabolicam doctrinam in Italia primùm disseminavit. Fuit enim Florentinus civis, & Reipublicæ à secretis. ut titulus ejus operum, indicat. Deinde latius longiusquè simul cum hæresibus propagata, alia regna & provincias pervasit, ut cum hæresis calamitosum incendium, quo Gallia, Flandria, Scotia, Anglia, & plures aliæ Regiones jam diu flagrant, tam multas clades, ærumnasquè invexerit: nec tot tamen sint, nec tantæ, quot, quantasquè exitialis hæc politici statûs disciplina, & dogma Machiavellicum exciravit. Nam tot discipulos habet passim pestifer hic Magister, tam multi sunt politici, qui solo nominis Christiani obtentu, Christum acriter insectantur, ut supra fidem sit eorum numerus; vixquè credas, quàm multis damnis, Respublicas afficiant, & miserando deploro-

Thomas Bozius de imperio virtutis.

randoquè loco, & statu hætenus collocarint.)) Thomas Bozius universam Machiavellicam doctrinam hoc tanquam palmario ejus axioma dicit contineri. Principibus viris habendam semper in ore virtutem quamlibet, ac potissimum Religionem, promissorum

forum observantiam, liberalitatem, mansuetudinem; Sed omnia nihil facienda, cum datur occasio ditionis augendæ, aut lucri faciendi. *Et pauculis interposita, Machiavelli argutias sic persequitur.* Judicium Thomæ Bozii.
 Concludit homines mediocribus acquiescere debere, sed nisi esse optimi ac sanctissimi esse queant, præstare ut sint ad flagitia potentissimi. Atque ita vult ex hominibus non solum vulpes esse, lupos, ac vyperas, qui non unum modò vel alterum necent, sed pestilentissimos dracones, ac venenatissimos basiliscos, qui regiones totas, atque humanum genus afflatu suo perdant, atque exterminent, optimos namque esse paucissimis datur.))
 P. Henricus Wagnerez ad finem operis sui *Vindicias politicas contra Pseudopoliticos* intulando hæc addit: Rectâ ratione, verâ Religione, sacris literis, & summis tum Divinæ tum naturalis veritatis Magistris consentientibus: Machiavellum scriptorem impium, naturalis & Divinæ veritatis adversarium, virtutis, veræque politices everso-rem esse, jure quàm optimo pronunciamus. Et in eo inter scriptores prohibitos referendo, Summorum Pontificum, & Sanctæ Ecclesiæ saluberrimam censuram ac Judicium veneramur, & amplectimur; conspirantibus nobiscum omnibus, quibus Religio, Veritas, & Republicæ salus cordi est.)) Porro Machiavellus ut politicè vixit, politicè quoque fati cedere voluit. Et tamen cum rememoraret, quòd viri illi illustres, Alexander Plato, Aristoteles assererentur damnati: & alia ex parte eos, qui inter Beatos censentur, considerans fuisse homines ut plurimum in oculis seculi despectos, quales fuere Apostoli viles & illiterati: superbiæ spiritu dementatus in hæc insanam, erupit vocem: *Malo cum illis illustribus viris in infernum descendere, quàm cum his infimis in celo degere.* Quid? sapuit nesciste Coryphæus Pseudosapientum? Imò an non totus delirus & fatuus? Quasi verò infames criminibus animæ suæ imperia, quin & cadavera in terra vermibus relicta, exeuntes, miseræ & inermes aliena regna obtinebunt. Nisi dixeris Potentes terræ Luciferi & Antichristi comites futuros, adeoque comitum suorum asseclam est propiore ad stare igneo throno principis tenebrarum. Magnus honor! cedo illum tibi Machiavelle, cui & in orco placet aulicatus. Experire nunc, an non

Lib. 1. Vindicias
arum politica-
rum c. 8. § 2.

Marchant
Turbesacerdoti
trac. 1. Lett. 14.

stultam DEUS fecit sapientiam mundi, & tuam? an non cum potentibus in ima abyssi prostitutis, potenter tormenta patiaris? an non quantum te glorificavêre, & in deliciis fuêre, tantum iis & tibi cum eis addatur tormentorum & luctûs? particeps enim loci, particeps est bonorum vel malorum loci.

Aliud. Fides suum Magistrum sequatur discipulus, Machiavellum Leontius. De quo à P. Michæle Pexensfelder hæc accipe.

Concionator: In quadam urbe Italiæ (nomen loci ab Historicis non exprimitur, *historici p. 3. bi. l. 40. Et P. Paulus Zeben-ner in promontor: male spei lib. 2. §. 21.* ut unius infamiâ totam familiam non maculet) erat Juvenis perillutri stemmate oriundus, magnarum opum hæres, dignitate Comes, ut hodie Dynastas appellare solemus; Leontium vocant, qui hanc historiam scriptis mandârunt. Hic, ut erat ætate moribusque duci facilis, in disciplinam obtrigit cuidam, nomine Nicolao Machiavello, Reipublicæ Florentinæ (nondum enim Medicæ Principes eam urbem suo dominatui subjecerant) à secretis; homini longè vaferrimo, & Pleudopoliticorum suæ nostræque ætatis antesignano Cujus principia in speciem politica, revera diabolica avidius hausit, paulatim cœpit Numinis metum excutere, (solet enim virus serpere) & Divinæ Providentiæ arcana ex fortuna, casu, & calliditate ingenii moderari; eò tandem dementiæ delapsus, ut nullum Numen vel agnoscere, simularet. Jamque omni lege solutus, & juvenili licentiâ elatus, unum libidinis impetum sequebatur, regula illi fuit nullam pati, actiones cunctas ad vanitatis & voluptatis sensum referre. Unde frequens in ore habebat illas perditorum hominum voces apud Ecclesiasten. cap. 3. *Quis novit, si Spiritus Filiorum Adam ascendat sursum, & spiritus jumentorum descendat deorsum? Et deprehendi nihil esse melius, quàm letari hominem in opere suo, & hanc esse partem illius. Quis enim eum adducet, ut post se futura cognoscat?* Ad modum scilicet illius Athei Epicuri summum bonum in voluptate ponentis; cujus vox fuit.

Ede, bibe, lude; post mortem nulla voluptas.

Contigit, ut voluptarius Juvenis, apparato dapfili convivio (nam ferè vicina sunt, turpis voluptas, & lautæ fercula mensæ, juxta Siracidem cap. 13. qui DEUM alloquens petit: *Aufer à me*

ventris

ventris concupiscentias, & concubitûs concupiscentiæ nē apprehendant me. Concupiscentia ventris est gula: concupiscentia concubitûs, fœda libido) famem obsonaturus, quam rarò ad mensam adferre solebat, ambulatum iret. Transiverat fortè cœmeterium, & quia juxta viam Calvaria jacuit (sive calu, sive Divinæ Nemeseos instinctu posita) offensus credo tam tristi aspectu (neque enim mortis, quam communem cum bestis rebatur, meminisse voluit) initio eam pede protrudit, quid enim aliud faceret impius ex Atheorum schola nepos? deinde in re maxime sceria jocabundus in hæc verba prorumpit: Audi testa arida, quæ interrogo, & responde: Verumnè illud est, quod passim credunt mortales, immortalem spiritum humano claudi corpusculo, illudquè ab anima totum vitæ beneficium accipere? quod si te aliquando etiam talis hospes inhabitavit, dic obsecro, postquam excessit, peritnè totus, an superest? & si quidem superstes est, ubi moratur, & quibus in locis? salvusnè est, an plectitur? num alter orbis æternitatem habet? num Rhadamanthos, & Æacos? num D E U M Judicem ad severum tribunal sedentem? piorum merces hominum, & sceleratorum ibi pœna est aliqua? an etiam semper duratura? an fabulæ sunt manes, & quidquid de illa mortuorum regione garriunt Mystæ, deliria sunt, an somnia? Hæc talia, ubi projectæ, audaciæ Comes non sine amaro splendore effudit, ipsam hominis mortui Calvariam (cui loquebatur) inter reliquos convivas mensæ tuæ adesse jussit, ad propositas quæstiunculas velut convivales, daturam responsum inter pocula & dapes, more veteribus recepto. Interea ambulationis satur, cibiquè ac potûs appetentior revenit domum, contemptor superûm perinde ac inferûm. Nec opus erat longâ expectatione hospitum, velut vultures ad cadaver advolabant. Excipiuntur consuetæ urbanitatis officiis, mutux fiunt salutationes, præmittuntur cætera parerga, quæ vel ad invitantem, vel ad invitatos pro more pertinent. Discumbitur, inferuntur longo ordine fercula, initium datur epulo, & communi gaudio. Alii & alii mutantur missus, ministrantium oculi, manusque sunt ad omnem nutum intenti, apponitur vinum domesticum & peregrinum, primæ utrumque notæ: personant suaviter sympho-

niaci : estur, bibitur genialiter : eunt in orbem pocula, & cum fœcundis calicibus oris malè facundi dictæria, prolatu, audituque impia, impura, scelerata, uno verbo diaboli sputa, ut quidam Doct̃or Asceticus ea vocat, & tartari vomitus. Dum feruet hilaritas convivalis, dum omnia licere putantur, quæ libent; quidam è servitio domestico famulus citato gradu, anhelu spiritu, pallido vultu hero refert, ante fores adstare non tam peregrinum hominem, quàm vivum mortis simulacrum ex solis ossibus compactum, & admissionem petere. Territis omnibus ad suspensionem, metumquè spectri, Comes malè sibi conscius, imperat famulo ut examinet monstrum, quid sibi velit? cur id temporis adsit? cur ingressum petat? quæ iussa famulus ut exequitur, intelligit, adventorem illum osseum unum ex Convivis esse, & quidem ab hero suo vocatum hodiè, cùm coemeterium transiret : quanquam verò non condixisset, venire tamen, ut super gravissimis quæstionibus, suam quam rogabatur sententiam diceret; materiam vix aliam fore dignorem convivali dissertatione. Dum hæc Domino suo servulus renuntiat, nimium expalluit herus, memor calvariæ, quam in matutina ambulatione offendit, petulanterquè habuit. Itaque ex famulatio mittit animosiores, qui hominis mortualis larvam ad corvos & corvorum pabula ablegent; nullum illi in tam splendida hospitem mensa locum superesse; alios interim jubet festinos currere ad obserandas fores, & pessulum obducendum, si vim moliretur spectrum : ridiculum mandatum à præclaro Machiavelli discipulo editum ! tanquam si spectra ac spiritus feris possent & repagulis excludi, aut minis terreri, aut armis arceri. Hoc certè spectrum, quod per æneas Erebi portas prorupit, minimè se per ligneas forium valvas præpediri sivit, ut invito quamcunque ædium Domino, gradum intro non ferret. Vana ergo famulorum & sine viribus machinatio, majori potentiâ quàm primum, velut ad unum flatum cesserunt omnes obices, viamquè aperuerunt suspecto hospiti, qui sibi ipse admissionem fecit. Ubi verò simillima mortis imago exucca, pallida, & velut ex osse continuo longa fabrica, intravit convivii locum, magnisque passibus ad Comitum properavit, ejus jam lateri

lateri proxima, jussit confidentes prosequi, quam coeperant ante lætitiā, gulamquē raris deliciis pascere: multum jam temporis fluxisse, quando nullum aut cibum, aut potum admisisset, solā satur inediā: Nunc tamen se adesse velut hospitem, chorū ducendi & alios ad præbuitos haustus animandi gratiā. Quis hic satis describat quantus pavor convivās istos, ob præsentem convivatorem invalerit: quis pallor in vultu, tremor in membris, sudor per artus omnes dimanarit? Jam nemo esurire, nemo sitire: hoc unum singuli agere, quomodo se periculo subducant. Ubi nunc ô epulones splendidi, vestrae illæ facetiæ, illi scurriles joci, illa de animorum immortalitate ludibria? ubi disputata in partem utramquē de superum & inferorum locis problemata? Si viri estis, pergite pocula tenere manu, linguam exercere dictis impiis, & homini Christiano non pudendis modò, sed execrandis ac detestandis. Verum omnis hæc Epicurea animositas in pedes fluxit; vesani Atheismi temeritas salutem in sola fuga repositam habuit. Igitur alius post alium è triclinio se proripere, nemoquē in mensa remanere cum Leontio (cui monstrosus affessor fugam interclusit) præter mortualem illam larvam ipsumquē Machiavellum, qui funeri similior, quàm vivo homini, ipse quoque parabat abitum, frustra obsecrante Leontio, ne Magister in extremo discrimine desertum iret discipulum, à quo fortunis, honoribus, opibus copiosè semper auctus fuisset. Sed turdo cantilena, nam hic quoque in angustias se redactum cernens, horrescebat doctrinæ suæ didactron à formidabili monstro accipere, & quia juxta Scholæ suæ scita & placita, fides humana hætenus esset servanda, quatenus prodesset, relicto sub cultro discipulo, ipse quoque fatalis convivæ præsentiae se subduxit. Quid ages jam miser Leonti? qua effugies? in massa hæres; injicit manum tremebundus hospes, nunc apparet quem invitaveris ad tuas epulas. I nunc & proculca calvariam vitā cassam, pulverem, & umbram, cum inhabitante anima pariter sepultam: ecce adest, qui tecum disputet: Utrum spiritus filiorum Adam ascendant sursum, & spiritus jumentorum descendat deorsum? Utrum sint Rhadamandi & Eaci? num alter orbis æternitatem habeat?

num

num impios sequantur pœnæ, pios præmia? num mens sit aliqua, quæ mundum gubernet, & æquâ lance benè malevè hominum acta expendat? num rebus humanis insit Numin aliquod, an casu omnia procedant? num vigilet Divinus oculus? an DEUS (si tamen aliquem esse credis) velut cæcus, & in caligine circa cardines cæli perambulet? Job. 22. Sed quid? ut video, obmutescis; & qui paulò antè disertissimus eras in omni generis Sophismatis, & contortis conclusionibus ad humanæ Divinæquè fidei veritatem elidendam, nunc taces. An priores loquendi partes vis dare hospiti? vereor nè paulò pòst vocem tibi intercipiat, quem tanquam aridam testam joculariter, in mensam & exitium tuum invitasti. Sed jam totus pallor es, totus tremor, alterâ manu te apprehensum tenet disputator, alterâ ad argumentandum protensâ, parumne humaniter compellat? Et, Heu! inquit, ego sum ille, quem hodie in calva ludificando ad convivium, & acroama philosophicum proponendum vocasti: Thesis est: an æternitas maneat aliqua vitâ functos? an commissa à viventibus piacula suum vindicem; & rectè facta suum sint habitura Remuneratorem? Adsum jussu DEI, cujus tu providentiam protervè exhibilas, ut tibi demonstrarem non omnia cum homine mori. Vitam suam in alterum orbem transfert anima, semper ibi superfutura vel inter gaudia perennia, vel inter perpetuos ignes, pro conditione ejus sententiæ, quam in Divino tribunali acceperit. Et, nè dubites, meam tibi fidem juro eò certiolem, quia cognatus sanguis fallere non potest. Ego enim si nescis sum Avus tuus, tu Nepos meus. Sed heu! uterquè infelix; sceleribus meis factum est, ut jam dudum stygiâ flammâ urar; utinam comburam aliquando in siccos mortuosquè cineres! nunc ignis mihi immortalis est, vita quoque semper renascens ad iuge supplicium, iusto Numinis decreto. Idem heu! te nepotem meum jam feriet, postquam excussa pietatis disciplinâ, sine ratione, sine lege, sine DEO, sine conscientia, in præceps flagitiorum omnium prolapsus es. Sed adhuc profundius cades, innox ad plures, quos jam orcus habet iturus: para te itineri sanguis meus, abeundum est hinc, commutandus orbis iste cum ignoto, mortalis hæc vita cum æternitate. Hæc ubi
fatalis

fatalis larva dicendo finivit, medium complexa Leontium, & trepidantem inter cognatas manus, tam validè parieti vicino allisit, ut dispersum adhæserit cerebrum, triste totius, quæ peracta est tragediæ argumentum. Certè quia reliquum Corpus nusquam comparuit, creditur à spectro illo funus inferis fuisse illatum.))

In Praxi hæc omnia contra Machiavellismum serviunt. *Imo. Elice actus, & affectus.* O infelicem & maledictam Pseudosapientiam! O crudam & barbaram Pseudopolitiam! Quid calamitosius, quid exitiusius invehi poterat in genus humanum? Pax, totius boni consummatio, sine qua nihil boni, hac peste perimitur. Societas fida, unio animorum, communio mutua bonorum tollitur. Nulla securitas, nulla quies, nulla animi hilaritas permittitur. Omnia plena timore, anxietate pro servandis bonis, fama, vita: mutux enim suspiciones, diffidentia, hinc concepti rancores, aversiones animi quid aliud parerent? Disidentiam, astutiam, fraudes, dolos, mendacia, hæc & alia monstra Pseudosapientia seu politia, sive ratio statuit, ut genuinos foetus edit: ut taceam ipseus Pseudopolitici extremam miseriam, qui nunquam sibi providere satis queat in depellendo metu & angore: *Cum sit enim timida nequitia, dat testimonium condemnationis; semper enim præsumit sava, perturbata conscientia.*

Piissime DEUS doleo beatissimum animi candorem & sinceritatem me aliquantùm maculasse, doleo à tramite veritatis me subinde recessisse. Pseudopoliticorum perversissimus modus agendi intolerabile mihi tormentum; cum quibus æternùm juratæ mihi inimicitia. Non veniat anima mea in consilium & amicitiam eorum, securiùs belluis cohabitare, quàm fraudulentis. *Simplicia* cognomen mihi dilectum, hinc ad ima abyssi gehennalis apage omnis duplicitas seu diabolicitas! *2do.* Caveas confortia Pseudopoliticorum, nè cum perversis pervertaris. *3tio.* Radicem Pseudopolitiæ, inordinatum amorem tui, ac inordinatum appetitum temporalium tolle, & interibit germen maledictum. *4to* Denique lege eos, tum qui contra Machiavellum, tum qui pro vera Politia scripsere, quos *Pat. Paulus Zehntner* enumerat dicens. Et quidem inter Orthodoxos præter Ribadineiram, ex instituto contra Machiavellum, ejusque

Sap. 17.

Psal. 17.

*In Promontor.
male spei lib.
2. § 8. n. 7.*

principem scripsere, sunt Oforius, Catharinus, Joan. Lenæus, Joannes Boterus. Huc spectat Thomas Bozius tractatu de imperio virtutis, de robore belli, de Italiæ statu, de ruinis gentium, & regnorum; Adamus Contzen in politicis, aliique. Quos inter jure merito triumphat S. Thomas Aquinas, qui jam olim aureum opus concinnavit de regimine Principum, & quasi clypeum adversus secuturas Machiavelli imposturas opposuit.

Rom. 3.
Proverb. 25.

2^{um} dum Oppositum Sapientiæ est per Excessum, quo aliquis in studio & usu sapientiæ non ductum Spiritus Sancti, sed naturæ, vel maligni spiritus sequitur instinctum; scilicet absque requisita puritate, humilitate, scrutando supernaturalia. Unde Apostolus: *Non plus sapere, quam oportet sapere, sed sapere ad sobrietatem.* Et illud: *Mel invenisti sapientiæ, comede quod sufficit tibi, ne forte satiatus inordinato ejus, qui est per naturam, & non per gratiam usu, evomas illud cum perniciæ salutis animæ tuæ.*

V. D. Thomam.
2. 2. q. 46.


3^{ium} Oppositum Sapientiæ per Defectum Stultitia, & Fatuitas, vel Insipientia est, Stultitia, est sensuum obtusio, & cordis hebetudo. Fatuitas verò, est totalis spiritualis sensus privatio. Quia sicut sapiens habet subtilem ac perspicacem sensum judicandi: ita stultus habet sensum sed hebetatum. Fatuus autem absolute caret sensu judicandi.


1. 2. Tract. 1. cap.
1. Sect. 4. subf. 2.
§. 2. & 3.

Motiva præcavendi stultitiam habes in Præliminaribus supra; Et sub Hebetudine sensus. Evitatur verò stultitia per prudens & diligeus studium Sapientiæ. Deinde vide supra dicta, & hic proportionatè adhibe contra Opposita Sapientiæ.

FINIS DE VIRTUTIBUS THEOLOGICIS.

Sequitur Continuatio hujus Tractatus Secundi, in Prima Secundæ, Theologiae Spiritualis.





In Prima Secunda Carta

Fol.

150.

